

BIBLIOTECA NAZ.

Vittorio Emanuele III

LI

C

48

NAPOLI


LEGATORIA

Nicola Salvatore

Via Giovanni Paladino, 19

NAPOLI

LI c. 48



21048

TREBELLIVS POLLIO.

FLAVIVS VOPISCVS.

Iohannis Baptistæ Egnatii Veneti in eisdem annotationes.

109

SEX. AVRELIVS VICTOR.

POMPONIVS LAETVS.

IOH. BAPTISTA EGNATIVS

De principibus Romanorum.

Neapoli

Neapoli

Quincini




P A R I S I I S

Ex officina Rob. Stephani typographi Regij.

M. D. XLIIII.





TREBELLII POLLIONIS VALERIANVS PATERET
FILIVS.

V ALERIANVS imperator nobilis genere, patre Valerio, Cēfor antea, & per dignitatum omnes gradus suis tēporibus ad maximum in terris culmen aſcēdens: cuius per annos LXX uita laudabilis in eā conſcēderat gloriam ut per omnes honores & magiſtratus inſigniter geſtos, imperator fieret: non ut ſolet, tumultuario populi concuſſu, non militum ſtrepitu, ſed iure meritorum, & quaſi ex totius orbis una ſententia. Denique ſi data eſſet omnibus poteſtas promendi arbitrij, quem imperatorem uellent, alter non eſſet electus. Et ut ſciatur quanta uis in Valeriano meritorum fuerit publicorum, ponam ſenatusconſulta quibus animaduertant omnes quid de illo ſemper ampliſſimus ordo iudicauerit. Duobus Decijs Coſs. VI Calend. Nouemb. die cum ob imperatorias litteras in aede Caſtorum ſenatus haberetur, ireturque per ſententias ſingulorum, cui deberet cenſura deferri (nam id Decij poſuerant in ſenatus ampliſſimi poteſtate) ubi primum prætor edixit, Quid uobis uidetur P. C. de cenſore deligendo? Atque eum, qui erat princeps cum ſenatus ſententiam rogaret, abſente Valeriano (nam ille in provinciu ſuo cum Decio tunc agebat) omnes una uoce dixerūt, interrupto more dicendæ ſententiæ, Valeriani uita cenſura eſt. Ille de omnibus iudicet, qui eſt omnibus melior. Ille de ſenatu iudicet, qui nullum habet crimē. Ille de uita noſtra ſententiam ferat, cui nihil poteſt obijci. Valerianus a
aa.ij.

prima pueritia censor fuit. Valerianus in tota uita sua fuit censor. Prudens senator, modestus senator, grauis senator. Amicus bonorum, inimicus tyrānorum: hostis criminum, hostis uitiorum. hunc censorem omnes accipimus, hunc imitari omnes uolumus. Primus genere, nobilis sanguine, emendatus uita, doctrina clarus, moribus singularis, exēplum antiquitatis. Quæ cum essent sæpius dicta, addiderunt omnes, atque ita discessum est. Hoc senatuscōsultum ubi Decius acceperat, omnes aulicos conuocauit, ipsum etiam Valerianum præcepit rogari: atque in conuentu summorum uirorum, recitato senatusconsulto, Felicem te, inquit, Valeriane senatus sententia, imò animis atque pectoribus: totius orbis humani suscipe censuram, quam tibi detulit Romana Resp. quam solus mereris iudicaturus de moribus nostris. Tu æstimabis qui manere in curia debeāt, tu equestrem ordinem in antiquū statum rediges, tu censibus modum pones, tu uectigalia firmabis, diuides statum, Respublicas recēsebis: tibi legum scribēdarum auctoritas dabitur, tibi de ordinibus militum iudicandū est: tu arma respicies, tu de nostro palatio, tu de iudiciis, tu de præfectis eminentissimis iudicabis. Excepto denique præfecto urbis Romæ, exceptis Coss. ordinarijs, & sacrorū rege, ac maxima uirgine Vestalium, si tamen incorrupta permanebit, de omnibus sententias feres. Laborabunt autem etiam illi ut tibi placeāt, de quibus non potes iudicare. Hæc Decius. Sed Valeriano sententia huiusmodi fuit. Quæso sanctissime imperator, ne ad hanc me necessitatem alliges, ut ego iudicem de populo, de militibus, de senatu, de omni penitus orbe, iudicib. & tribunis, ac ducibus. Hæc sunt propter quæ Augustum nomen tenetis, apud uos cēsurā desedit, non potest hoc implere priuatus. Veniam igitur eius honoris pe-

to, cui uita impar est confidētia, cui tempora sic repugnant
 ut censurā hominum natura nō quērat. Poteram mul-
 ta & alia senatusconsulta, & iudicia principum de Vale-
 riano proferre, nisi ea uobis plerisque nota essent, ut pu-
 deret altius uirum extollere qui fatali quadam necessi-
 tate superatus est. Victus est enim à Sapore rege Persarū,
 dum ductu cuiusdam sui ducis, cui summam omnīū belli-
 carum rerū agendarum cōmiserat, seu fraude seu aduersa
 fortuna in ea esset loca deductus, ubi nec uigor, nec disci-
 plina militaris quin caperetur quicquam ualere potuit.
 Captus igitur, in ditionem Saporis peruenit: quem cum glo-
 riosae uictoriæ successu minus honorifice quā deceret, su-
 perbo & elato animo detineret, atque cum Romanorum
 rege, ut uili & abiecto mācipio loqueretur, literas ab ami-
 cis regibus, qui & ei contra Valerianū fauerant, plerasque
 missas accepit, quarum seriem Iulius refert. Sapor, rex
 regum Belsolus, Si scire posse aliquando Romanos peni-
 tus uinci, gaudere tibi de uictoria quam praefers. Sed quia
 uel fato, uel uirtute gens illa plurimum potest, uide ne quod
 senem imperatorem cepisti, & id quidem fraude, male ti-
 bi cedat, posterisque tuis. Cogita quantas gentes Romani ex
 hostibus suas fecerint, à quibus saepe uicti sunt. Audiui-
 mus certe quod Galli eos uicerint, & ingentem illā ciuitatē
 incenderint. certe Galli Romanis seruiunt. Quid Afri?
 eos nōne uicerūt? certe seruiunt Romanis. De longioribus
 exemplis, & fortasse ignotioribus nihil dico. Mithridates
 Ponticus totā Asiam tenuit. certe uictus est, certe Asia Ro-
 manorum est. Si meum consilium requiris, utere occasio-
 ne pacis, & Valerianum suis redde: ego gratulor felicitati
 tuae, si tamen illa uti tu scias. Balerus rex Cadusiorū sic
 scripsit, Remissa mihi auxilia integra & incolumia gra-
 aa. iij.

tanter accepi, sed captum Valerianum principem principum non satis gratulor, magis gratularer si redderetur. Romani enim grauiiores tunc sunt, quando uincuntur. Age igitur ut prudentem deat, nec fortuna te inflammet, quæ multos decipit. Valerianus et filium imperatorem habet, et nepotem Cæsarem: et quid? habet et omnem orbem illum Romanum, qui contra te totus insurget. Redde igitur Valerianum, et fac cum Romanis pacem, nobis etiam ob gentes Põticas profuturã. Artabajdes rex Armeniorum talem ad Saporis epistolam nussit, In partẽ gloriæ uenio: sed uereor ne non tam uicinis, quàm bella seueris. Valerianum, et filius reperet et nepos, et duces Romani, et omnis Gallia, et omnis Africa, et omnis Hispania, et omnis Italia, et omnes gentes quæ sunt in Illyrio, atque in Oriẽte, et in Ponto, quæ cum Romanis consentiunt, aut Romanorum sunt. Vnum ergo senem cepisti, et omnes gentes orbis terrarum infestissimas tibi fecisti: fortassis et nobis qui auxilia misimus, qui uicini sumus, qui semper uobis inter uos pugnatibus laboramus. Baetrianus, et Hiberi, et Albani, et Tauroscythæ Saporis literas non receperunt, sed ad Romanos duces scripserunt, auxilia pollicentes ad Valerianum de captiuitate liberandum. Sed Valeriano apud Persas consenscente, Odenatus Palmyrenus collecto exercitu, rem Romanam prope in pristinum statum reddidit. Cepit regis thesauros, cepit etiam quas thesauris chariores habent reges Parthia, concubinas. Quare magis reformidans Romanos duces Sapor, timore Balistæ, atque Odenati in regnum suum ocius se recepit. Atque hic interim finis belli fuit Persici. Hæc sunt digna cognitu de Valeriano, nunc ad Valerianum minorem reuertar.

VALERIANVS I V N I O R.

A L E R I A N V S iunior alia quàm Gallienus
 V matre genitus, forma cōspicius, uerecūdia proba-
 bilis, eruditione pro ætate clarus, moribus perui-
 cūsus, atque à fratris dissolutione seiūctus, à patre absen-
 te Cæsar est appellatus, à fratre, ut Celestinus dicit, Augu-
 stus, nihil habet prædicabile in uita, nisi quòd est nobiliter
 natus, educatus optime, et miserabiliter interemptus. Et
 quoniā scio errare plerosq; qui Valeriani imperatoris ti-
 tulo in sepulchro legentes, illius Valeriani redditū putant
 corpus, qui à Persis est captus: ne ullus error obrepat, mit-
 tendū in literas cēsi. Hunc Valerianū circa Mediolanum
 sepultū, addito titulo Claudij iussu, Valerianus imperator.
 Non puto plus aliquid uel de maiore Valeriano, uel de iu-
 niore requirendū. Et quoniā uereor ne modum uoluminis
 transeam, si Gallienum Valeriani filium, de quo iam no-
 bis multus sermo fuit, uel Saloninum filium etiam Gallie-
 ni, qui et Gallienus dictus est, huic libro adiungam, ad
 aliud uolumen transeam. Semper enim me uobis dedidi,
 et famæ, cui negare nihil debeo, neque possum.

G A L L I E N I D V O.

A P T O Valeriano (enim uero unde inci-
 pienda est Gallieni uita, nisi ab eo præci-
 pue malo, quo eius uita depressa est?) mutā-
 te Repub. cum Odenatus iam Orientis ce-
 pisset imperium, et Gallienus comperta pa-
 tris captiuitate gauderet, uagabantur exercitus, murmura-
 bant duces, erat ingens omnium mœror, quòd imperator
 Romanus in Perside seruiliter teneretur. Gallieno igitur
 aa. iij.

Et Volusiano Coss. Macrianus et Balista in unum coeunt, exercitus reliquias conuocant: et cum Romanum in Oriente mutaret imperium, quem facerent imperatorem requirunt, Gallieno tam negligenter se agente ut eius ne mentio quidem apud exercitum fieret. Denique cum pluries eius rei causa conuenissent, placuit ut Macrianum cum filiis suis imperatores dicerent, ac Rempublicam defensandam capefferent. Sic igitur imperium delatum est Macriano: et causa Macriano imperandi cum filiis haec fuerunt. Primum, quod nemo eo tempore sapientior ducum habebatur, nemo ad res gerendas aptior: demum ditissimus, et qui priuatis posset fortunae publicae explere dispendia. Huc accedebat, quod liberi eius fortissimi iuuenes tota mente in bellum ruebant, ut essent legionibus exemplo ad omnia militaria. Macrianus ergo undique collectis exercitibus, Orientis partes petiit: atque ut posset late sibi delatum defendere et tueri imperium, bellum sic instruxit atque copias sic parauit, ut esset omnium circumspectus quae contra eum poterant cogitari. Idem Macrianus Pisonem unum ex nobilibus principibus senatus ad Achaiam destinauit ob hoc ut Valente qui illic praefatus imperio Rempublicam gubernabat, opprimeret. Sed Valens comperto quod Piso contra se ueniret, sumpsit imperium. Piso igitur in Thessaliam se recepit. Vbi missis a Valente militibus compluribus interfectus est, ipse quoque imperator appellatus cognomine Thessalicus. Sed Macrianus retento in Oriente uno ex filiis, pacatis tamen rebus, Asiam primum uenit, deinde Illyricum petiit. In Illyrico cum Aureolo imperatore, qui contra Gallienum imperium sumpserat, duce Domitiano nomine manus conseruit, unum ex filiis secum habens, et XXX millia militum ducens. Sed uictus est Macrianus cum filio Macriano nomine,

deditisque omnis exercitus Aureolo imperatori. Turbata
 interim Resp. totoque penitus orbe terrarum, ubi Odena-
 tus comperit Macrianum cum filio interemptum, regnare
 Aureolum, Gallienum remissius agere, festinauit ad alte-
 rum filium Macriani, cum exercitus hoc daret fortuna ca-
 piendum. Sed ij qui erant cum filio Macriani Quieto no-
 mine, consentientes Odenato, autore præfecto Macriani Ba-
 lista iuuenem occiderunt: missoque per murum corpore, O-
 denato se omnes affatim dediderunt. Totius prope igitur
 Oriētis factus est Odenatus imperator, cum illyricum te-
 neret Aureolus, Romam Gallienus. Idem Balista multos
 Emissenos, ad quos confugerant Macriani milites, cum
 Quieto, et thesaurorū custode interfecit, ita ut ciuitas pe-
 nē deleberetur. Odenatus inter hæc quasi Gallieni partes
 ageret, cuncta eidem nuntiari ex ueritate faciebat. Sed Gal-
 lienus cognito quòd Macrianus cū suis liberis esset occisus,
 quasi securus rerum, ac patre iam recepto, libidini et uo-
 luptati se dedit. Ludos Circenses, ludosque scenicos, ludos
 gymnicos, ludicram etiam uenationem, et ludos gladiato-
 rios dedit: populūque quasi Victorialibus diebus ad fe-
 stuitatem ac plausum uocauit. Et cum plerique patris eius
 captiuitatem mœrerent, ille specie decoris, quòd pater eius
 uirtutis studio deceptus uideretur, supra modū lætatus est.
 Constabat autem censuram parentis eum ferre non potu-
 isse, notiuūque illi fuisse, quòd imminente æruis
 suis grauitatem paternam non haberet. Per idem tempus
 AEmilianus apud Aegyptum sumpsit imperium: occupa-
 tis horreis multis oppida malo famis pressit. Sed hunc dux
 Gallieni Theodotus conflictu habito cepit, atque impera-
 tori Gallieno uiuum trāsmisit. Aegyptus enim data AEmi-
 liano per Transhebaitanos milites scuitum est

* ribus, cum Gallienus in luxuria, et improbitate per-
 sisteret. Cumque ludibrijs et beluationi uacaret, neque a-
 liter Remp. regeret, quam cum pueri fingunt per ludibria
 potestates, Galli, quibus insitum est esse leues ac degenera-
 tes à ciuitate Romana, et luxuriosos principes ferre non
 posse, Posthumum ad imperium uocarunt, exercitijsque
 consentientibus, qui occupatum imperatorem libidinibus que
 rebantur. contra hunc Theodotus exercitum duxit. Cumq;
 urbem, in qua erat Posthumus, obsidere coepisset, decernē-
 tibus Gallus, Gallienus muros circumiens sagitta ictus est.
 Nā et per annos VII Posthumus imperauit, et Gallias
 ab omnibus circūfluētib; Barbaris ualidissime iudica-
 uit. His coactus malis, Gallienus pacem cum Aureolo facit
 oppugnandi Posthumi studio, longoque bello tracto per di-
 uersas obsidiones ac praelia, rem modo feliciter, modo infel-
 liciter gerit. Accesserat præterea his malis, quod Scythæ Bi-
 thyniam inuaserant, ciuitatesque deleuerant. Denique As-
 tacum, quæ postea Nicomedia dicta est, incensam graui-
 ter uastauerunt. Denique quasi coniuratione totius mun-
 di concussis orbis partibus, etiā in Sicilia quasi quoddam
 seruile bellum extitit latronibus euagantibus, qui uix op-
 pressi sunt. Et hæc omnia Gallieni contemptu fiebant. Ne-
 que enim quicquā est ad audaciam malis, ad spem bono-
 rum bonis promptius, quam cum uel malus timetur, uel
 dissolutus contemnitur imperator. Gallieno et Faustino
 Coss. inter tot bellicas clades etiam terræmotus fuit, et te-
 nebræ per multos dies. Auditum præterea tonitruū terra
 mugiente, non Ioue tonante. Quo motu multæ fabricæ de-
 uoratæ sunt cū habitatoribus: multi terrore mortui: quod
 quidem malum tristius in Asiæ urbibus fuit. Mota est et
 Roma, mota et Libya: hiatus terræ plurimis in locis fue-

rune, cum aqua salsa in fossis appareret. Maria etiā mul-
 tas urbes occuparunt. Pax igitur deūm quæ sita, inspectis Si-
 byllæ libris, factūque Ioui salutari, ut præceptum fuerat,
 sacrificium. Nam et pestilentia tāta extiterat uel Romæ,
 uel in Achaicis urbibus, ut uno die V nullia hominū pari
 morbo perirent. Sæuiente fortuna cum hinc terræmotus,
 inde hiatus soli, ex diuersis partibus pestilentia orbem Ro-
 manū uastaret, capto Valeriano, Gallus parte maxima ob-
 sessis, cum bellum Odenatus inferret, cum Aureolus perur-
 geret Illyricum, cum AEmilianus Aegyptū occupasset, Got-
 thi et Clodius, de quo dictum est superius, occupatis Thra-
 cīs Macdoniam uastarunt, Thessalonicam obsederūt, ne-
 que usquam quies mediocriter salutem ostentare uisa est.
 Quæ omnia contemptu, ut sæpius diximus, Gallieni fie-
 bant hominis luxuriosissimi, et si esset securus, ad omne
 dedecus paratissimu. Pugnatum est in Achaia Macriano
 duce contra eosdē Gothos. Vnde uicti per Achæos reasse-
 rūt. Scythæ autem, hoc est pars Gothorum, Asiam uasta-
 bant. Tunc etiam templum Dianæ Ephesiæ dispoliatum,
 et incensum est: cuius opes fama in populos satis notæ. Pu-
 det numerare inter hæc tempora cum ista gererentur, quæ
 sæpe Gallicus malo generis humani quasi per iocum dixe-
 rit. Nam cum ei nuntiatum esset Aegyptum descivisse, di-
 xisse fertur, Quid, sine lino Agyptio esse non possumus?
 Cum autem uastatam Asiam, et elementorum concursio-
 nibus, et Scytharum incursionibus comperisset, Quid,
 inquit, sine aphronitris esse non possumus? Perdita Gal-
 lia arrisisse, ac dixisse perhibetur, Non sine trabeatis sa-
 gis tuta Resp. est? Sic denique de omnibus partibus mun-
 di, cum eas amitteret, quasi detrimentis uilium mi nisterio-
 rum uideretur affici, iocabatur. Ac nequid mali decisset

Gallieni temporibus, Byzantiorum ciuitas clara naualibus bellis, claustrum Ponticum, per eiusdem Gallieni milites ita omnis uastata est ut prorsus nemo superesset. Denique nulla uetus familia apud Byzantios inuenitur, nisi si quis peregrinatione, uel militia occupatus euasit, qui antiquitatem generis, nobilitatemque repræsentet. Cōtra Posthumum igitur Gallienus cū Aureolo, et Claudio duce, qui postea imperium obtinuit, principe generis Cōstantini Cæsaris nostri, bellum inæpit: et cum multis auxilijs Posthumus inuaretur Celticis atque Francicis, in bellum cum Victorino processit, cum quo imperiū participauerat. Victrix Gallieni pars fuit, pluribus prælijs euentuum ratione decursis. Erat enim in Gallieno subitæ uirtutis audacia: nā aliquando iniurijs grauiter mouebatur. Denique ad uindictam Byzantiorum processit: et cum non putaret recipi se posse muris, receptus alio die, omnes milites inermes, armatorū corona circumdatos, interemit fracto fœdere, quod promiserat. Per eadem tempora etiam Scythæ, in Asia Romanorum ducum uirtute ac ductu uastati, ad propria recesserunt. Interfectis sanè militibus apud Byzantium, Gallienus quasi magnum aliquid gessisset, Romam cursu rapido conuolauit. Conuocatisque patribus, decennia celebrauit nouo genere ludorum, noua specie pomparum, exquisito genere uoluptatum. Iam primum inter togatos patres, et equestre ordine, albatos milites, et omni populo præeunte, seruis etiam prope omnium, et mulieribus cum cereis facibus et lampadis præcētibus, Capitolium petijt. Processerunt etiam alteriussecus centeni albi boues cornibus auro iugatis, et dorsualibus sericis discoloribus præfulgentes. Agnæ candentes ab utraque parte C C, præcēserunt et X elephanti qui tunc erāt Romæ, mille C C gl

diatores pompaliter ornati. Cum auratis uestibus matronarum mansuetæ feræ diuersi generis C C. ornatu quammaximo affectæ. Carpentæ cum mimis, et omni genere histriionum: pugiles sacculis, non ueritate pugilantes. Cyclopea etiam luserunt omnes apenarij, ita ut miranda quedam et stupenda monstraret. Omnes uia ludis strepitūque, et plausibus personabant. Ipse medius cum picta toga et tunica palmata inter patres, ut diximus, omnibus sacerdotibus prætextatis Capitolium petijt. Hastæ auratæ altrinsecus quingentæ, uexilla centena, et præter ea quæ collegiorum erant, dracones, et signa templorū, omniumque legionum ibant. Ibant præterea gentes simulate, ut Gotthi, Sarmatæ, Franci, Persæ: ita ut non minus quàm duæni singulis globis ducerentur. Hac pompa homo ineptus eludere se credidit populum Romanum: sed ut sunt Romanorum faciliæ, alius Posthumo fauebat, alius Regilliano, alius Aureolo aut AEmiliano, alius Saturnino. Nam et ipse iam imperare dicebatur. Inter hæc ingens querela de patre, quem multum filius relinqueret, et quem externi utcunque uindicauerāt. Nec tamen Gallienus ad talia mouebatur, obstupescendo uoluptatibus corde: sed ab ijs qui circum eum erant, requirebat, et quid habemus in prædio? et quæ uoluptates paratæ sunt? et qualis cras erit cœna? quales Circenses? sic confecto itinere, celebratisque hecatombis, ad domum regiam redijt: conuiujsque et epulis depulsis, alios dies uoluptatibus publicis deputabat. Prætereundum non est haud ignobile facietiarum genus. Nam cum rex Persarum quasi captiuorum per pompam (rem ridiculam) duceretur, quidam sarræ miscuerunt se Persis diligentiissime scrutantes omnia, atq; uniuscuiusque uultum mira inhiatione mirantes. A quibus cum quæreretur, quid-

nam agerent illa solertia, illi responderunt, Patrem principis quaerimus. Quod cum ad Gallienum peruenisset, non pudore, non mœrore, non pietate commotus est, scurrâsque iussit uiuos exuri. Quod populus factû tristius quàm quiscquam aestimat, tulit. Milites uero ita doluerunt ut non multo post uicem redderent. Gallieno & Saturnino Coss. Odenatus rex Palmyrenorum obtinuit totius Oriëntis imperium: idcirco præcipue, quòd se fortibus factis dignum tantæ maiestatis infulus declarauit, Gallieno aut nullas, aut luxuriosas, aut ineptas & ridiculas res agente. Denique statim bellum Persis in uindictam Valeriani, quam eius filius negligebat, indixit. Nisibim & Carras statim occupat, tradentibus sese Nisibenis atque Carrenis, & increpantibus Gallienum. Nec defuit tamen reuerentia Odenati circa Gallienum. Nã captos satrapas insultandi prope gratia, & ostentandi sui ad eum misit. Qui cum Romam deducti essent, uincente Odenato triumphauit Gallienus, nulla mentione patris facta: quem nec inter deos quidẽ nisi coactus retulit, cum mortuum audisset, sed adhuc uiuentem: nam de illius morte falsò compererat. Odenatus autem ad Ctesiphontẽ Parthorũ multitudinem obsedit. Vastatisque circum omnibus locis innumeros homines interemit. Sed cum satrapæ omnes ex omnibus regionibus illuc defensionis cõmunis gratia conuolassent, fuerunt longa & uaria prælia, longior tamen Romana uictoria. Et cum nihil aliud ageret, nisi ut Valerianum Odenatus liberaret, instabat quotidie, ac locorũ difficultatibus in alieno solo imperator optimus laborabat. Dũ hæc apud Persas geruntur, Scythæ in Cappadociâ peruasferunt: illic captis ciuitatibus, bello etiã uario diu, acies ad Bithyniã contulerunt. Quare milites iterũ de nouo imperatore faciendo cogitauerunt: quos omnes

Gallienus more suo, cum placare atque in gratiam suam reducere non posset, occidit. Cum tamē sibi milites dignum principem quærerent, Gallienus apud Athenas ἀρχων erat, id est summus magistratus, uanitate illa qua & ciuis ascribi desiderabat, & sacris omnibus interesse: quod neque Adrianus in summa felicitate, neque Antoninus in adulta fecerat pace, cum tanto studio Græcarum docti fuerint literarum, ut raro aliquibus doctissimis magnorum arbitrio cesserint uirorum. Areopagitarum præterea cupiebat ingeri numero contēpta propē Rep. Fuit enim Gallienus, quod negari non potest, oratione, poemate, atque omnibus artibus clarus. Huius est illud epithalamium, quod inter centum poetas præcipuū fuit. Nam cum fratrum suorum filios iūgeret, omnes poætæ Græci Latiniq; epithalamia dixissent, idque per dies plurimos, cū ille manus sponforum teneret, ut quidā dicunt, septus ita dixisse fertur,

Itē ait ô pueri pariter sudate medullas

Omnibus inter uos, non murmura uestra columbæ,

Brachia non hederæ, non uincant oscula conchæ.

Longum est eius uersus, orationisq; cōnectere, quibus suo tēpore tam in poetas, quàm in rhetores emicuit. Sed aliud in imperatore quæritur, aliud in oratore, uel poeta flagitatur. Laudatur sārē eius optimum factū. Nam consulto Valeriani fratris sui, & Lucilli propinqui, ubi comperit ab Odenato Persas uastatos, redactam Nisibim & Carras in potestatem Romanam, omnem Mesopotamiam nostrā, denique Ctesiphontem esse peruentum, fugisse regem, captos satrapas, plurimos Persarum occisos, Odenatū participato imperio Augustum uocauit, eiusque monetam, qua Persas captos traheret, audi iussit, quod & senatus, & urbs, & omnis ætas gratanter accepit. Fuit præterea idem

ingeniosissimus, cuius ostendentia acumen pauca libet ponere. Nam cum taurum ingentem in arenam misisset, exissetque ad eum feriendum uenator, neque perductum decies potuisset occidere, coronam uenatori misit: mussantibusque cunctis quid rei esset quod homo ineptissimus coronaretur, ille per curionem dici iussit, Taurum toties non ferire difficile est. Idem cum quidam gemmas utreas pro ueris uendidisset eius uxori, atque illa re prodita uindictari uellet, surripi quasi ad leonem uenditorem iussit. Deinde cauea caponem enuttit: mirantibusque cunctis rem tam ridiculam, per curionem dici iussit, Imposturam fecit, et passus est, deinde negotiatorem dimisit. Occupato tamen Odenato bello Persico, et Gallieno rebus ineptissimis, ut solebat, incumbente, Scythæ nauibus factis, Heracleam peruenierunt, atque inde cum præda in solum proprium reuerterunt, quanuis multi naufragio perierunt, nauali bello superati. Per idem tempus Odenatus insidijs consobrini sui interemptus est cum filio Herode, quem et ipsum imperatorem appellauerat. Tū Zenobia uxor eius, quod paruuli essent filij eius qui supererant Herēnianus et Timolaus, ipsa suscepit imperium, diuque rexit non muliebriter, neque more fœmunæ: sed non solum Gallieno uirago melius imperare potuisset, uerum etiam multis imperatoribus fortius atque solertius. Gallieno sanè ubi nuntiatum Odenatum interemptum, bellum Persis ad seram nimis uindictam patris parauit. Collectisq; per Heraclianum ducem militibus, solertis principis rem gerebat. Qui tamen Heraclianus cum contra Persas profectus esset, à Palmyrenis uictus, omnes quos parauerat milites perdidit, Zenobia Palmyrenis et Orientalibus plerisque uiriliter imperante. Inter hæc Scythæ per Euxinum nauigantes, Istrum in-

gressi, multa grauiā in solo Romano fecerunt. Quibus com-
 pertis, Gallienus Cleodamum & Athenaeū Byzantios in-
 staurandis urbibus muniendisque praefecit. Pugnatiūque
 est circa Pontum, & à Byzantijs duabus uicti sunt Bar-
 bari. Veneriano item duce, nauali bello Gotthi superati sūt,
 tum ipse Venerianus militari periit morte. Atque inde Cy-
 zicum & Asiam, deinceps Achaia omniem vastauerunt,
 & ab Atheniensibus duce Dexippo scriptore horum tem-
 porum uicti sunt. Vnde pulsī per Epirum, Acarnaniam,
 Boetiam peruagati sunt. Gallienus interea uix excitatus
 publicis malis, Gotthis uagantibus per Illyricum occurrit,
 & fortuito plurimos interemit. Quo comperto, Scythae fa-
 cta carragine per montem Gessacem fugere sunt conati.
 Omnes inde Scythas Martianus uaria bellorum fortuna
 agitauit, quae omnes Scythas ad rebellionem excitauit.
 Et haec quidem Heracliani ducis erga Remp. deuotio fuit.
 Verū cum Gallieni tantam improbitatē ferre non possent,
 consiliū mierunt Martianus & Heraclianus ut alter eo-
 rū imperiū caperet: & Claudius quidē, ut suo dicemus loco,
 uir omnium optimus electus est qui consilio non affuerat,
 essetque apud cunctos in reuerentia, ut dignus uideretur
 imperio, quemadmodum postea comprobatum est. Is enim
 est Claudius à quo Constantinus uigilantissimus Caesar
 originem ducit. Fuit iisdem socius in appetendo imperio
 quidam Ceronius siue Cecropius dux Dalmatarum, qui
 eos & urbanissime & prudentissime adiuuit. Sed cū im-
 perium capere uiuo Gallieno non possent, huiusmodi eum
 insidijs appetendum esse duxerunt, ut labem improbi-
 mam malis fessa Repub. à gubernaculis humani generis di-
 mouerent, ne diutius theatro & circo addicta Repub. per
 uoluptatum deperiret illecebras. Insidiarum genus fuit ta-
 bb.i.

le, Gallienus ab Aureolo qui principatum inuaserat, dissidabat, sperans quotidie grauem & intolerabilem tumultuarij imperatoris aduentum. Hoc scientes Martianus & Cecropius, subito Gallieno iusserant nuntiari Aureolum iam uenire. Ille igitur militibus congregatis, quasi certum proæssit ad prælium, atque ita missis percussoribus intereptus est. Et quidē Cecropij Dalmatarū ducis manu Gallienus dicitur esse percussus, ut quidam ferunt, circa Mediolanum: ubi continuo & frater eius Valerianus est interemptus, quem multi Augustum, multi Cæsarem, multi neutrum fuisse dicunt, quod uerisimile non est. Siquidem capto iam Valeriano scriptum inuenimus in fastis, Valeriano imperatore Cos. Quis igitur alius potuit esse Valerianus nisi Gallieni frater? Constat de genere, non satis tamen constat de dignitate, uel ut cœperunt alij loqui, de maiestate. Occiso igitur Gallieno, seditio ingens militū fuit, cum spe prædæ, ac publicæ uastationis imperatorem sibi utilē, necessarium, fortem, efficacem, ad inuidiam faciendam dicerent raptum. Quare consilium principum fuit, ut milites eius quo solent placari genere, sedarētur. Promissis itaque per Martianum aureis uænis, & acceptis (nam præstoderat thesaurorum copia) Gallienum tyrannum militari iudicio in fastos publicos retulerunt. Sic militibus sedatis, Claudius uir sanctus, ac iure uenerabilis, & bonis omnibus charus, amicus patriæ, amicus legibus, acceptus senatui, populo bene cognitus accepit imperiū. Hæc uita Gallieni fuit breuiter à me literis intimata, qui natus abdomini & uoluptatibus, dies ac noctes uino & stupris perdidit orbem terrarum. Triginta prope tyrannos passus est Romanum dehonestantes imperium, ita ut etiam mulieres eo melius imperarent. Ac ne eius prætereat nesc-

randas solertia, Veris tempore cubacula de rosis fecit. De pomis castella composuit. Vvas triennio seruauit. Hyeme summa melones exhibuit. Mustum quemadmodū toto anno haberetur, docuit. Ficos uirides, et poma ex arboribus recentia semper alienis mensibus praeuit, mantilibus aureis semper strauit. Gemmata uasa fecit, eademque aurea. Crinibus suis auri scobem aspersit, radiatus saepe processit, cum chlamyde purpurea, gemmatisque fibulis et aureis Romae usus est, ubi semper togati principes uidebantur: purpuream tunicam, auratamque uirilem, eandemque manicatam habuit. Geminato balneo usus est, caligas gemmatas annexuit, cum campagus reticulos appellaret. Conuiuatus in publico est. Congarijs populum molliuit. Senatui sportulam sedens erogauit. Maionas ad consulatum suum rogauit, iisdemque manum sibi osculantibus, quaternos aureos sui nominis dedit. Vbi de Valeriano patre comperit quod captus esset, id quod philosphorum optimus de filio amisso dixisse fertur, Sciebam me genuisse mortalem: dixit ille, Sciebam patrem meum esse mortalem. Nec defuit Annius Cornicula, qui eum quasi constantem principem falso sua uoce laudaret, peior tamen ille qui credidit. Saeppe ad tibicinem processit, ad organum se recipit, cum processui et recessui cani iuberet. Laui die, septimo aestate uel sexto, hyeme secundo uel tertio. Bibit in aureis semper poculus, aspernatus uitrum, dicens nil eo esse communius. Semper uina uariauit: neque unquam in uno conuiuio ex uno uino duo pocula bibit. Concubinae in eius triclinijs saepe acubuerunt. Mensam secundam saurrarum et mimorum semper propè habuit. Cum iret ad hortos nominis sui, omnia palatina officia sequebatur. Ibant et praefecti, et magistri officiorum omnium adhibebatur conuiuijs

Et cœnationibus. Lauabant etiam simul cum principe.
 Admittebantur sæpe etiam mulieres, cum ipso pulchræ pu-
 ellæ, cum illis anus deformes: Et iocari se dicebat cum or-
 bem terrarū undique perdidisset. Fuit tamen nimæ cru-
 delitatis in milites: nam Et terna milia, Et quaterna mi-
 litum singulis diebus occidit. Statuam sibi maiorem colosso
 fieri præcepit solus habitu, sed ea imperfecta perijt. Tā ma-
 gna denique cœperat fieri, ut duplex ad colossū uideretur.
 Ponī autem illam uoluerat in summo AEsquiliarum
 monte, ita ut hastā teneret, per cuius caput infans ad sum-
 mum posset ascendere. Sed Et Claudio, Et Aureliano de-
 incepta stulta res uisa est. Siquidem etiam equos Et currum
 fieri iusserat pro qualitate statuæ, atque in acutissima ba-
 se poni. Porticum Flaminiam usque ad pontem Miluium
 Et ipse parauerat ducere, ita ut tetrastiche fieret, ut autem
 alij dicunt, pentastiche: ita ut primus ordo pilas haberet,
 Et ante se columnas cum statuis, secundus Et tertius, Et
 deinceps διὰ τῶν πῶν columnas. Longum est cuncta in li-
 teras mittere: quæ qui uolet scire, legat Palsurium Suram,
 qui Ephemeridas eius uitæ composuit. Nos ad Saloninū
 reuertamur.

SALONINVS GALLIENVS.

I C Gallieni filius fuit, nepos Valeriani, de quo
 H quippe nihil est quod dignū in literas mittatur,
 nisi quod nobiliter natus, educatus regie: occisus
 deinde non sua, sed patris causa. De huius nomine magna
 est ambiguitas. Nam multi eum Gallienum, multi Salonī-
 num historiæ prodiderunt. Et qui Saloninum, idcirco quod
 apud Salonas natus esset, cognominatum ferūt: qui autem
 Gallienum, patris nomine cognominatum, Et auū Gallieni

*summi quondam in Rep. uiri. Fuit denique haecenus statu-
 tua in pede montis Romulei, hoc est ante sacram uiam in-
 tra templum Faustinae, aduecta ad arcum Fabianum, quæ
 haberet inscriptum, Gallieno minori, Salonino additum:
 ex quo eius nomen intelligi poterit. Transisse de cennium
 imperij Gallienum satis clarum est: quod idcirco addidi,
 quia multi eum imperij sui primo anno perijisse dixerunt:
 fuisse autem et alias rebelliones sub eodem: de quibus
 proprio dicemus loco. Siquidem placuit triginta Tyrannos
 uno uolumine includere, idcirco quod nec multa de his di-
 ci possunt, et in Gallieni uita pleraque iam dicta sunt.
 Et hæc quidem de Gallieno hoc interim libro dixisse suf-
 ficiat. Nam et multa iam in Valeriani uita, in libro qui
 de triginta Tyrānis inscribendus est, iam loquimur: quæ
 iterari, ac sæpius dici minus utile uidebatur. Huc acce-
 dit, quod quædam etiam studiose prætermisi, ne eius poste-
 ri multis rebus editis læderetur. Scis enim ipse quales ho-
 mines cum ijs qui aliqua de maioribus eorum scripserint,
 quantum gerant bellum: nec ignota esse arbitror quæ di-
 xit Marcus Tullius in Hortensio, quem ad exemplū pro-
 treptici scripsit. Vnum ponam tamen quod incunditatem
 quandam sed uulgarem habuit, morem tamen nouum fe-
 cit. Nam cum cingula sua plerique militantiū, qui ad con-
 uiuium uenerant, ponerent, hora conuiuij Saloninus puer,
 siue Gallienus his auratos constillatosque balteos rapuif-
 se perhibetur: et cum esset difficile in aula palatina requi-
 rere quod perisset, ac taciti militares uiri detrimenta per-
 tulissent, postea rogati ad conuiuium cincti accubuerunt.
 Cūque ab his quæreretur cur non soluerent cingulum, re-
 spondisse dicuntur, Salonino deferimus. Atque hinc tra-
 ctum morem, ut deinceps cum imperatore cincti discumbe-
 bb. iij.*

rent. Negare non possum alium plerisque uideri huius rei ortum esse morem: dicunt enim militare prandium: quod dictum est prandium ab eo quòd ad bellum milites pareret, à cinctis initum: cui rei argumentum est quòd à discinctis etiam cum imperatore cœnatur. Quæ idcirco posui, quia digna & memoratu uidebantur, & cognitu. Nunc transeamus ad triginta Tyrannos, qui Gallieni temporibus contemptui mali principis extiterunt. De quibus breuiter & pauca dicenda sunt. Neque enim digni sunt eorum plerique, ut uolumen talium hominum saltem nominibus occuparetur. Quauis eorum aliqui non parum in se uirtutis habuisse uideantur, multum etiã Reip. profuisse. Tam uariæ item opiniones sunt de Salonini nomine, ut qui se uerius putant dicere, à matre sua Salonina appellatum esse dicant, quam is perditæ dilexerit, Piparam nomine barbaram regis filiam. Gallienus cum suis semper flauum criminem condidit. De annis autem Gallieni & Valeriani ad imperiũ pertinentibus adeo incerta traduntur, ut cum XV annos eosdem imperasse constet, id est Gallienum usque ad quintumdecimum peruenisse, Valerianus uero sexto sit captus: alij IX annis, alij bis decem annis: alij etiam Gallienum imperasse in literas mittant: cum constet & decennalia Romæ ab eodem celebrata, & post decennalia Gothos ab eo uictos, cum Odenato pacem factam, cum Aureolo initam esse concordiam, pugnatum contra Posthumum, contra Lollianum, multa etiam ab eo gesta quæ ad uirtutem, plura tamen quæ ad dedecus pertinebant. Nam & semper noctibus popinas dicitur frequetasse, & cum lenonibus, mimis, scurrisque uixisse.

TRIGINTA TYRANNI.

8 CRIPTIS iam pluribus libris, non historico, nec diserto, sed pedestri eloquio, ad eam temporū uenimus seriem, in qua per annos, quibus Gallienus & Valerianus Remp. tenuerunt, triginta Tyrāni occupato Valeriano magnis belli Persici necessitatibus extiterunt: cum Gallienum nō solum uiri, sed etiam mulieres contempui haberent, ut suis locis probabitur. Sed quoniam tanta obscuritas eorum hominum fuit, qui ex diuersis orbis partibus ad imperium conuolabant, ut non multa de his uel dici possint à doctioribus, uel requiri: deinde ab omnibus historicis, qui Græce ac Latine scripserunt, ita nonnulli prætereantur, ut eorum nomina frequententur: postremo cum tam uarie à plerisque super his nonnulla sint prodita, in unum eos libellum contuli, & quidem breuem, maxime cum uel in Valeriani, uel in Gallieni uita pleraque de his dicta, nec repetenda tamen satis constet.

Cyriades I.

H Ic patrē Cyriadem fugiens, diues & nobilis, cum luxuria sua & moribus perditis sanctum senē grauaret, direpta magna parte auri, argenti etiā infinito pondere, Persas petijt: atq; inde Saporī regi coniūctus atque sociatus, cum hortator belli Romanis inferendi fuisset, Odenatum primum, deinde Saporem ad Romanum solum traxit. Antiochia etiā capta, & Cæsarea, Cæsariannum nomen accepit. Atque inde uocatus Augustus, cum omnem Orientem uel uirium audacia, uel terrore quateret, patrē uero interemisset (quod alij historici negāt factū) ipse per insidias suorum, quum Valerianus iam ad bellum
bb. iij.

Persicum ueniret, occisus est. Neque plus de hoc historiae quicquam mandatum est quod dignum memoria esse uideatur. Quem clarum perfugium et parriadium, et aspera tyrannis, et summa luxuries liceris dederunt.

Posthumus

II.

*H*ic uir in bello fortissimus, in pace constantissimus, in omni uita grauis, usqueadeo ut Saloninum filium suum eidem Gallienus in Gallia positum crederet, quasi custodi uitæ, et morum, et actuum imperialium institutori. Sed quantum plerique asserunt, quod eius non cōuenit moribus, postea fidem fregit, et occiso Salonino, sumpsit imperiū. Ut autem uerius plerique tradiderunt, cum Galli uehementissime Gallienum odissent, puerū autem apud se imperare ferre non possent, eū qui commissum regebat imperium, imperatorem appellarunt, missisque militibus adolescentem interfecerunt. Quo interfecto, ab omni exercitu et ab omnibus Gallis Posthumus gratanter acceptus, talem se præbuit per annos septem ut Gallias instaurauerit: cum Gallienus luxuriæ et popinis uacaret, et amore barbaræ mulieris consenesceret. Gestum est tamen à Gallieno contra hunc bellū, tunc cum sagitta Gallienus est uulneratus. Siquidem nimius amor erga Posthumum omnium erat in Gallica gente populorū, quod submotis omnibus Germanicis gentibus, Romanum in pristinam securitatem reuocasset imperiū. Sed cum se grauissimè regeret, more illo quo Galli nouarum rerū semper sunt cupidi, Lolliano agente interemptus est. Siquis sanè Posthumum meritum requirit, iudicium de eo Valeriani ex hac epistola quam ille ad Gallos misit, intelliget, Transrhenani limitis ducem, et Galliæ præsidem Posthumum fecimus, uirū dignissimum seueritate Gallorū, præ-

sente quo non nules in castris, non iura in foro, non in tribunali-
bus lites, non in curia dignitas pereat. Qui uni-
cuique proprium, et suum seruet. Virum quem ego præ
cæteris stupeo, et qui locum principis mereatur iure: de
quo spero quod mihi gratias agitis. Quod si me sefellerit
opinio, quam de illo habeo, sciat nūquam gentiū reperi-
ri qui possit penitus approbari. Huius filio Posthumio no-
mine tribunatum Vocontiorum dedi adolescenti, qui se di-
gnum patris moribus reddet.

Posthumus Iunior III.

E hoc propè nihil est quod dicatur, nisi quod à
D patre appellatus Cæsar, ac demceps in eius ho-
nore Augustus cum patre dicitur interemptus:
cum Lollianus in locum Posthumi subrogatus, delatum sibi
à Gallis sumpsisset imperium. Fuit autem, quod solum
memoratu dignum est, ita in declamationibus disertus, ut
eius controuersie Quintiliano dicantur insertæ, quem
declamatorem Romani generis acutissimum, unius capituli
lectio prima statim fronte demonstrat.

Lollianus IIII.

Vius rebellionem in Gallia Posthumus uir omniū
H fortissimus interēptus est: cum iam nutante Gal-
liens luxuria in ueterem statū Romanum refor-
masset imperium. Fuit quidem etiam fortissimus, sed re-
bellionis intuitu minorem apud Gallos autoritate de suis
uiribus tenuit. Interēptus autē est à Victorino Victorinæ,
uel Victorie filio, quæ postea mater Castrorū appellata est,
et Augustæ nomine affecta, cum ipsa per se fugiens tanti
ponderis molem, primum in Marium, deinde in Tetricum,
atque eius filium cōtulisset imperia. Et Lollianus quidem
non nihilum Reip. profuit. Nam plerasque Gallie ciuita-

tes, nōnulla etiā castra Posthumus per septem annos in solo Barbarico ædificauerat: quæ interfecto Posthumō subita irruptione Germanorum et direpta fuerant et incensa, statū ueterem reformauit: deinde à suis militibus, quòd in labore nimius esset, occisus est. Ita Gallieno perdente Remp. in Gallia primum Posthumus, deinde Lollianus, Victorinus deinceps, postremo Tetricus (nam de Mario nihil dicimus) affectatores Romani nominis extiterunt: quos omnes datos diuinitus credo, ne cū illa pestis inaudita luxuria impediretur, malis possidēdi Romanum solum Germanis daretur facultas: qui si eo genere tunc euassissent quo Gotthi et Persæ, consentientibus in Romano solo gentibus, uenerabile hoc Romani nominis finitum esset imperium. Lolliani autem uita in multis obscura est, ut et ipsius Posthumi, sed prinata uirtute clari, non nobilitatis pondere uixerunt.

Victorinus V.

Posthumus senior, cū uideret multis se Gallieni
 P uiribus peti, atq; auxilium nō solum militū, uerum etiā alterius principis necessarium, Victorinū militaris industriæ uirū in participatum uocauit imperij, et cum eodē contra Gallienū conflavit. Cūque adhibitis ingētib; Germanorū auxilijs, diu bella traxissent, uicti sunt. Tunc interfecto etiam Lolliano, solus Victorinus in imperio remāsit: qui et ipse, quòd matrimonijs militū et militariū corrūpendis operā daret, à quodā ætuario, cuius uxorem stuprauerat, cōposita factione Agrippinæ percussus, Victorino filio Cæsare à matre Victorina, siue Victoria, quæ mater Castrorum dicta est, appellato, qui et ipse puerulus statim est interēptus, cū apud Agrippinā pater eius esset occisus. De hoc quòd fortissimus fuerit, et

præter libidinem optimus imperator, à multis multa sunt dicta. Sed satis credimus Iulij Ateriani partem libri cuiusdam ponere, in quo de Victorino sic loquitur, Victorino qui Gallias post Iunium Posthumum rexit, neminem existimo præferendum. Non in uirtute Traianum, non Antoninum in clementia, non grauitate Neruum, non in gubernando ærario Vespasianum, non in censura totius uitæ ac seueritate militari Pertinacem, uel Seuerum. Sed omnia hæc, libido & cupiditas mulierariæ uoluptatis sic perdidit, ut nemo audeat uirtutes eius in literas mittere, quem constat omnium iudicio meruisse puniri. Ergo cum id iudicij de Victorino scriptores habuerint, satis mihi uideor de eius dixisse moribus.

Victorinus Iunior VI.

E hoc nihil amplius in literas est relatum, quàm
D quod nepos Victorinæ, Victorini filius fuit, & à patre, & ab auia sub eadem hora qua Victorinus interemptus, Cæsar nuncupatus est, ac statim à militibus ita occisus. Extant denique sepulchra circa Agrippinam breui marmore impressa humilia, in quibus unus est inscriptus, Hic duo Victorini tyranni siti sunt.

Marius VII.

Istorino, Lolliano, & Posthumus interemptis, Ma-
V rius ex fabro, ut dicitur, ferrario, triduo tantum imperauit. De hoc quid amplius requiratur ignoro, nisi quod eum insigniore breuissimum fecit imperium. Nam ut consul qui sex meridianis horis consulatum suscepit tenuit, à Marco Tullio tali aspersus est ioco, Consul habuimus tam seuerum, tamque censorium, ut in eius magistratu nemo pranderit, nemo cœnauerit, nemo dormierit. De hoc etiam dici posse uidetur, qui una die factus est imperator, alia die

uusus est imperare, tertia interemptus est. Et uir quidem strenuus, ac militaribus usque ad imperium gradibus euectus est: quem plerique Mamurium, nonnulli Veturium, opificem utpote ferrarium, nuncuparunt. Sed de hoc nimis multa, de quo illud addidisse satis est, nullius manus uel ad feriendum, uel ad impellendum fortiores fuisse, cum in digitis neruos uideretur habuisse, non uenas. Nam et carra ueniētia digito salutari repulisse dicitur, et fortissimos quosque uno digito sic affluxisse, ut quasi ligni uel ferri obtusioris ictu percussi dolerent. Multa duorum digitorum allisione contriuit. Occisus est à quodam milite, qui cum eius quondam operarius in fabrili officina fuisset, contemptus est ab eodem, uel cum duxisset, uel cum imperiū cepisset. Addidisse hæc uerba dicitur interemptor, Hic est gladius quem ipse fecisti. Huius concio prima talis fuisse dicitur, Scio cōmilitones, posse mihi obijci artem pristinam, cuius mihi omnes testes estis. Sed dicat quisque quod uult. Utinam semper ferrum exercæm: non uino, non floribus, non mulierculis, non popinis, ut facit Gallienus indignus patre suo, et sui generis nobilitate, depeream. Ars mihi obijciatur ferraria, dum me et exterae gentes ferrum attrectasse suis cladibus recognoscant in Italia. Denique ut omnis Alemannia, omnisque Germania cum cæteris quæ adiacent gentibus, Romanum populum ferratam putent gentem, ut specialiter in nobis ferrum timeant. Vos tamen cogitetis uelim, fecisse uos principem, qui nunquam quicquam scierit tractare, nisi ferrum. Quod idcirco dico, quia scio mihi à luxuriosissima illa peste nihil opponi posse, nisi hoc, quod gladiatorum, armorumque artifex fuerim.

INGENIUS VIII.

Vſco & Baſſo COSS. cū Gallienus uino & popinis uacaret, cūque ſe lenonibus, mimiſ, & meretricibus dederet, ac bona naturæ luxuriæ cōtinuatione deperderet, Ingenius qui Pānonias tunc regebat, à Mœſiacis legionibus imperator eſt dictus, cæteris Pānoniarum uolētibus: neque in quoquā melius conſultum Reipublicæ à militibus uidebatur, quàm quod inſtantibus Sarmatis creatus eſt imperator, qui feſſis rebus mederi ſua uirtute potuiſſet. Cauſa autē ipſi arripiēdi tūc imperiū fuit, ne ſuſpectus eſſet imperatoribus, quod erat fortiffimus, ac Reipublicæ neceſſarius, & militibus, quod imperātes uehemēter mouet, accepiſſimus. Sed Gallienus, ut erat nequā & perditus, ita etiam ubi neceſſitas coegieſſet, uelox, fortis, uehemēs, crudelis: denique Ingenium conſpectu habito uicit, eoque occiſo, in omnes Mœſiacos tam milites quàm ciues aſperrime ſeuiſt. Nec quēquam ſue crudelitatis exortem reliquit: uſque adeo aſper & truculētus, ut pleraſq; ciuitates uacuas à uirili ſexu relinqueret. Fertur ſanè idem Ingenius ciuitate capta intraſſe domum, in qua ſe pugione trāſſodit, atq; ita uitā finiſſe ne in tyrāni crudelis poteſtate ueniret. Extat ſanè epiſtola Gallieni, quam ad Celerē Verianum ſcripſit, qua eius nimietas crudelitatis oſtenditur. Quam ego idcirco interpoſui, ut omnes intelligerēt hominē luxurioſum crudeliſſimum eſſe ſi neceſſitas poſtulet. Gallienus Veriano, Nō mihi ſatiſfacies, ſi tantū armatos occideris quos & fors belli interimere potuiſſet. Perimendus eſt omnis ſexus uirilis, ſi & ſenes atque impuberes ſine reprehentione noſtra occidi poſſent. Occidendus eſt quicumque male uoluit, occidendus eſt quicumque male dixit. Contra me, contra Valeriani filium,

contra tot principū patrem & fratrem Ingenuus factus est
imperator. Lacera, occide, cōcide, animum meū intelligere
potes, mea mente irascere, qui hæc manu mea scripsi.

Regillianus I X.

Ati publici fuit, ut Gallieni tēpore quicūque po-
F tuit, ad imperiū prosiliret. Regillianus deniq; in
Illyrico ducatū gerēs, imperator est factus autori-
bus imperij Mœsij, qui cū Ingenuo fuerāt ante superati.
In quorū parētes grauit̃ Gallienus sæuierat. Hic tamen
multa fortiter contra Sarmatas gessit, sed autoribus Roxo-
lanis, cōsentiētibūsq; militibus, & timore prouincialiū, ne
iterū Gallienus grauiora faceret, interēptus est. Mirabile
fortasse uideatur, si quæ origo imperij eius fuerit, declare-
tur. Militari enim ioco regna promeruit. Nam cum milites
cū eo quidā cœnarēt, astitit Valerianus tribunus, qui di-
ceret, Regilliani nomē unde credimus dictū? Alius cōtinuo,
credimus quod à regno. Tū is qui aderat scholasticus, cœ-
pit quasi grāmatically declinare, & dicere, rex, regis, regi,
Regillianus. Milites, ut est hominum genus prouum ad ea
quæ cogitant, dixerunt, Ergo potest rex esse? item alius,
Ergo potest nos regere? item alius, Deus tibi regis nomen
imposuit. Quid multa? his dictis cū alia die mane proces-
sisset, à principibus imperator est salutatus. Ita quod alijs
uel audacia uel iudicium detulit, huic iocularis astutia.
Fuit, quod negari nō potest, uir in militari re semper pro-
batus, & Gallieno iam ante suspectus, quod dignus uide-
retur imperio: gentis Daciæ, Decibali ipsius ut fertur affi-
nis. Extat epistola diui Claudij adhuc priuati, qua Regil-
liano Illyrici duci gratias agit ob redditum Illyricum, cum
omnia Gallieni segnitia deperirent, quam ego repertam
in archiuis inferādam putauis. fuit enim publica. Clau-

dius Regilliano multā salutem, Felicē Remp. quæ te talem virum habere rei castrensis bellis his meruit, felicem Gallienum etiam, si ei uera nemo nec de bonis, nec de malis nuntiat. Pertulerunt ad me Bonitus et Celsus stipatores principis nostri, qualis apud Scupos in pugnando fueris, quot uno die prælia, et qua celeritate cōficeris. Dignus eras triūpho, si antiqua tempora extarent. Sed quid multa? memor cuiusdā hominis cautius uelim uincas. Aras Sarmaticos, et duo saga ad me uelim mittas, sed fibulatoria, cū ipse miserim de nostris. Hac epistola ostenditur quid de Regilliano senserit Claudius, cuius grauissimum iudicium suis temporibus fuisse non dubium est. Nec à Gallienō quidem uir iste promotus est, sed à patre eius Valeriano, ut et Claudius et Macrianus et Ingenius et Positumus et Aureolus, qui omnes in imperio interempti sunt, cum mererentur imperium. Mirabile autem hoc fuit in Valeriano principe, quod omnes quoscūque duces fecit, postea militum testimonio ad imperium perueniunt, ut appareat senem imperatorem in deligendis Reipublicæ ducebus talem fuisse, qualem Romana felicitas, si cōtinuari fataliter potuisset, sub bono principe requirebat. Et utinam uel illi qui arripuerant imperia, regnare potuissent, uel eius filius Gallienus in imperio diutius non fuisset, ut libere se in suo statu Respublica nostra tenuisset. Sed nimis sibi fortuna indulgendum putauit, quæ cum Valeriano et bonos principes tulit, et Gallienum diutius quàm oportebat, Reipublicæ reseruauit.

Aureolus X.

Hic quoque Illyricianos exercitus regens in contemptu Gallieni, ut omnes eo tempore, coactus à militibus sumpsit imperiū. Et cum Macrianus

cum filio suo Macriano contra Gallienum ueniret, aī plurimus exercitus eius cepit: aliquos corruptos fidei suæ addixit. Et cum factus esset inualidus imperator, cumq; Gallienus expugnare urum fortē frustra tētaffet, pacem cum eo contra Posthumum pugnaturus fecit, quorum pleraque et dicta sunt, et dicenda. Hunc eundem Aureolū Claudius interfecto iam Galliēno conflictu habito, apud eum pontem interemit, qui nunc pons Aureoli nuncupatur, atque illic ut tyrannum sepulchro humiliore donauit. Extat etiam epigramma Græcum in hanc formam,

Dona sepulchrorum uictor post multa tyranni

Prælia, iam felix Claudius Aureolum

Munere prosequitur mortali, et iure superstes

Viuerē quem uellet, si pateretur amor.

Militis egregij uitam qui iure negauit

Omniū indignis, et magis Aureolo:

Ille tamen clemens, qui corporis ultima seruans,

Et pontem Aureoli dedicat, et tumulum.

Hos ego uersus à quodam grammatico translato ita posui ut fidem seruare: non quo melius non potuerint transferri, sed ut fidelitas historica seruaretur, quam ego præ cæteris custodiendam putauī, qui id quod ad eloquentiam pertinet, nihil curo. Rem enim uobis proposui deferre, non uerba maxime tanta rerum copia, ut triginta tyrānorum simul uitas scribendas accesserim.

Macrianus XI.

Apto Valeriano diu clarissimo principe ciuitatis, fortissimo deinde imperatore, ad postremum omniū infelicitissimo, uel quod senex apud Persas cōsenuit, uel quod indignos se posteros dereliquit. Cū Gallienū continendū Balista præfectus Valeriani et Macrianus

primus intelligerent, quærentibus etiam militibus principem, unum in locum concesserunt, quærentes quid faciendum esset. Tuncque constitit Gallieno lōge posito, Aureolo usurpante imperium, debere aliquem principem fieri, & quidem optimum, ne quispiam tyrannus existeret. Verba igitur Balistæ (quantum Maconius Astyanax qui consilio interfuit, asserit) hæc, Mea ætas & professio & uolūtas lōge ab imperio absunt, & ego, quod negare non possum, bonum principem quæro. Sed quis tandē est qui Valeriani locum possit implere, nisi talis qualis tu es o Macriane, fortis, constans, probatus in republica, & quod maxime ad imperium pertinet, diues? Arripe igitur locum meritis tuis debitū: me profecto quandiu uoles, uteris: tu cum Rep. tantum bene agas, ut te Romanus orbis factum principem gaudeat. Ad hæc Macrianus, Fateor Balista, imperiū prudenti non frustra est. Volo enim Reip. subuenire, atque illā pestem à legum gubernaculis dimouere: sed non hoc in me ætatis est. Senex sum, ad exemplum equitare non possum. Lauandum est mihi frequentius, edendum delicatius, diuitiæ me iandudum ab usu militiæ retraxerunt. Iuuenes aliqui sunt quærendi, nec unus, sed duo, uel tres fortissimi, qui ex diuersis partibus orbis Rom. Remp. restituant, quam Valerianus fato, Gallienus uitæ suæ genere perdidērūt. Post hæc intellexit eū Balista sic agere, ut de filiis suis uideretur cogitare, atq; adeo sic aggressus est, Prudentiæ tuæ Remp. tradimus. Da igitur liberos tuos Macrianum & Quietum fortissimos iuuenes, olim tribunos à Valeriano factos, qui Gallieno imperante, quiddā boni sunt, salui esse non possunt. Tunc ille ubi intellectū se esse comperit, Do, inquit, manus, de meo stipendium militi duplex daturus. Tu tantum præfecti mihi studium, &

annonā in necessarijs locis præbe. Iā ego faxim ut Gallienus sordidissimus fœminarū omnium duces sui parentis intelligat. Factus est igitur cū Macriano & Quieto duobus filijs, cunctis militibus uolentibus, imperator. Ac statim contra Gallienum uenire cœpit, utcunque rebus in Oriente derelictis. Sed cum XLV milia militum secum duceret, in Illyrico, uel in Thraciarum extremis congressus cum Aureolo, uictus, & cum filio interemptus est. Tringenta denique milia militum in Aureoli potestatem concessere. Domitianus autem eundem uicit dux Aureoli fortissimus, & uehementissimus, qui se originem diceret à Domitiano imperatore trahere, atque à Domitilla. De Macriano autem nefas mihi uidetur iudicium Valeriani præterire, quod ille in oratione sua, quam ad senatum è Persidis finibus miserat, posuit. Inter cætera ex oratione diui Valeriani, Ego P. C. bellū Persici gerēs, Macriano totā Remp. credidi, quod à parte militari ille uobis fidelis, ille mihi deuotus, illū & amat & timet ules. Utcunque res exegerit, cum exercitibus agit. Nec P. C. noua uel inopinata nobis sunt: pueri eius uirtus in Italia, adolescentis in Gallia, iuuenis in Thracia, in Africa iam prouecti, senescentis denique in Illyrico & Dalmatia comprobata est, cum in diuersis prælijs ad exemplum fortiter faceret. Huc accedit, quod habet iuuenes filios Romano dignos collegio, nostra dignos amicitia. & reliqua.

Macrianus Iunior XII.

Uita de hoc in patris imperio prælibata sunt, quæ nunquā imperator factus esset, nisi prudentiæ patris eius creditum uideretur. De hoc planè multa miranda dicuntur, quæ ad fortitudinem pertineant iuuenilis ætatis. Sed ad facta, aut quantum in bellis minus na-

let fortitudo. Hic enim uehemens cum prudentissimo patre, cuius merito imperare coeperat, à Domitiano uictus, triginta, ut superius dixi, milibus militum spoliatus est: matre nobili, patre tantum forti, & ad bellum parato, atque ab ultima militia in summum perueniente ducatum, & splendore sublimi.

Quietus XIII.

Ic, ut diximus, Macriani filius fuit: cum patre &
 H fratre, Balistæ iudicio imperator est factus. Sed
 ubi comperit Odenatus, qui olim iam Orientem tenebat, ab Aureolo Macrianum patrem, Quietum, & eius fratrem Macrianum uictos, milites in eius potestatem concessisse, quasi Galliæ partes uindicaret, adolescentem cum Balista præfecto dudum interemit. Idem quoque adolescens dignissimus Romano imperio fuit, ut uere Macriani filius, & Macrianus etiam frater, qui duo afflictis rebus potuerunt Rempublicam gerere. Videtur nõ mihi prætercundum de Macrianorum familia, quæ hodièque floret, id dicere, quod speciale semper habuerunt. Alexandrum Magnum Macdonem uiri in auro & argento, mulieres & in reticulis & dextrocherijs, & in annulis, & in omni ornamentorum genere exculptum semper habuerunt: eoque ut tunica, & limbi, & penulæ matronales in familia eius hodièque sint, quæ Alexandri effigiem delicijs uariantibus monstrent. Vidimus proxime Cornelium Macrum in eadem familia uirum, cum cœnam in templo Herculis daret, pateram electrinam, quæ in medio uultum Alexandri haberet, & in circuitu omnem historiam contineret signis breuibus & minutulis, pôtifici propinare: quam quidem circumferri ad omnes tanti illius uiri cupidissimos iussit. Quod ideo posui, quia dicitur inuari in
 cc.ij.

omni actu suo, qui Alexandrum expressum uel auro gestitant uel argento.

Odenatus XIII.

Isi Odenatus princeps Palmyrenorum capto Valeriano, fessis Romanæ reipublicæ uiribus sumpsisset imperium, in Oriente res perditæ essent. Quare assumpto nomine primum regali cum uxore Zenobia, et filio maiore, cui erat nomen Herodes, minoribus Herenniano et Timolao, collecto exercitu contra Persas profectus est. Nisibin primum et Orientis pleraque cum omni Mesopotamia in potestatem recepit: deinde ipsum regem uictum fugere coegit: postremo Ctesiphonta usque, Saporem et eius liberos persecutus, captis concubinis, capta etiam magna præda, ad Orientem uertit, sperans quod Macrianum, qui imperare contra Gallienum cœperat, posset opprimere. Sed illo iam profecto contra Aureolum, et contra Gallienum, eo interempto, filium Quietum interfecit, Balista (ut plerique asserunt) regnum usurpante, ne et ipse posset occidi. Composito igitur magna ex parte Orientis statu, a consobrino suo Maëonio, qui et ipse imperium sumpserat, interemptus est cum filio suo Herode, qui et ipse post reditum de Perside cum patre imperator est appellatus. Iratum fuisse Reip. deum credo, qui interfecto Valeriano noluit Odenatum reseruare. Ille plane cum uxore Zenobia, non solum Orientem, quem iam in pristinum reformauerat statum, sed omnes omnino totius orbis partes reformasset. Vir acer in bellis, et quantum plerique scriptores loquuntur, uenatu memorabili semper inclytus, qui à prima ætate capiendis leonibus, et pardis, ursis, cæterisque syluestribus animalibus sudorem officij uiriliter impendit. Quique semper in syluis ac montibus uixit, perferens calorem, pluuias, et omnia ma-

la quæ in se continent uenatoriæ uoluptates. Quibus duratus, solem ac puluerem bellis Persicis tulit. Non aliter etiam coniuge assucta, quæ multorum sententia fortior marito fuisse perhibetur. Mulier omnium nobilissima Orientalium foeminarum, & (ut Cornelius Capitolinus asserit) speciosissima.

Herodes XV.

On Zenobia matre, sed priore uxore genitus Herodes cum patre accepit imperiũ, homo omnium delicatissimus, & prorsus Orientalis, & Græcæ luxuriæ, cui erant sigillata tentoria, & aurati papiliones, & omnia Persica. Denique ingenio eius usus Odenatus quicquid concubinarum regaliũ, quicquid diuitiarum gemmarumque cepit, eidem eradidit paternæ indulgentiæ affectione permotus. Et erat circa illum Zenobia nouericali animo. Quare commendabiliorem patri eum fecerat: neque plura sunt quæ de Herode dicantur.

Mæonius XVI.

Ic consobrinus Odenati fuit. Nec ulla re alia ductus nisi dånabili inuidia, imperatorẽ optimum interemit, cum ei nihil aliud obijceretur præter filij Herodis delicias. Dicitur autem primum cum Zenobia consensisse, quæ ferre nõ poterat ut priuignus eius Herodes priore loco quàm filij eius Herenianus & Timolaus principes diceretur. Sed hic quoque spurcissimus fuit, quare imperator appellatus per errorẽ, breui a militibus pro suæ luxuriæ meritis interemptus est.

Balista XVII.

E hoc utrũ imperauerit, scriptores inter se ambigunt. Multi enim dicunt Quieto per Odenatũ occiso, Balistæ ueniã datam: tamen cum imperasse, ec. iij.

quod nec Gallieno, nec Aureolo, nec Odenato se crederet. Alij asserunt priuatum eum in agro suo, quem apud Daphnidem sibi compararat, intereptum. Multa et sumpsisse illum purpuram, et more Romano imperasse, exercitum duxisse, et de se plura promississe dixerunt. Occisum autem per hos, quos Aureolus miserat ad comprehendendum Quietum Macriani filium, quem prædā suam esse dicebat. Fuit uir insignis, eruditus ad gerendam Remp. in consilijs uehemens, in expeditionibus clarus, in prouisione annonaria singularis. Valeriano sic acceptus, ut eum quibusdā literis hoc testimonio prosecutus sit, Valerianus Ragonio Claro præfecto Illyrici, et Galliarum, Siquid in te bonæ frugis est, quā esse scio, parēs Clare, dispositionem Balistæ proseguere: hac in forma Remp. uides, ut nec ille provinciales grauet: ut illic equos cōtineat, ubi sunt pabula: illic annonas militum mandet, ubi sunt frumenta. Non provincialem, non possessorē cogat illic frumenta ubi non habet dare, illic equum ubi non potest pascere. nec est ulla alia prouisio melior, quā ut in locis suis erogentur, quæ nascuntur, ne aut uehiculis, aut sumptibus Remp. grauent. Galatia frumentis abundat, referta est Thracia, plenum est Illyricum. Illic pedites collocentur, quanquam in Thracia etiam equites sine noxa provincialium hyemare possint. multum enim ex campis fœni colligitur. Iam ubi laridū, iam cæteræ species in his dandæ sunt locis in quibus affatim redūdant. Quæ omnia sunt Balistæ consilia, qui ex quaque provincia unam tantum speciem præberi iussit, quod ea redundaret, atque ab ea milites submoueri, id quod publicitus est decretū. Est et alia eius epistola, qua gratias Balistæ agit, in qua docet sibi præcepta gubernandæ Reip. ab eodem data, gaudens quod eius cor-

filio nullū ascriptitium, id est uacantem haberet, & tributum nullū stipatorem, qui nō uere pugnaret. Hic igitur uir in tētorio suo cubans, à quodā gregario milite Odenati in Galliēni gratiam dicitur interemptus. De quo ipse uera non satis comperi, idcirco quòd scriptores temporum de huius præfectura multa, de imperio pauca dixerunt.

Valens XVIII.

IC uir militaris, simul etiā ciuiliū uirtutum gloria
 H pollens, proconsulatū Achaïæ dato à Galliēno tūc honore gubernabat: quem Macrianus uehementer reformidans, simul quòd in omni genere uitæ satis clarū norat, simul quòd inimicum sibi esse inuidia uirtutum sciebat, iussu Pisone nobilissimæ tunc & consularis familiæ uiro, interfici præcepit. Valēs diligentissime cauens & providens, neque aliter sibi posse subueniri existmans, sumpsit imperium, & breui à militibus interemptus est. Fuit & Valens superior, & bene uenit in mentem. Et cum de hoc Valente loquimur, etiam de illo Valente qui superiorum principum temporibus interemptus est, aliquid dicemus. Nam huius Valentis qui sub Galliēno imperauit, auunculus magnus fuisse perhibetur, alij tantum auunculum dicunt. Sed par in ambobus fuit fortuna. Nam & ille cum paucis diebus Illyriæ imperasset, occisus est.

Piso XIX.

IC à Macriano ad interficiendū Valentem missus,
 H ubi eum prouidum futurorum imperare cognouit, Thessaliā concessit, atq; illic paucis sibi consentientibus sumpsit imperium, Thessalicisque appellatus, interemptus est, uir summæ sanctitatis, & tēporibus suis Frugi dictus, & qui ex illa Pisonum familia ducere originem diceretur, cui se Cicerō nobilitandi causa sociauerat.
 cc.iii.

Hic omnibus principibus acceptissimus fuit. Ipse denique Valens, qui ad eum percussores misisse perhibetur, dixisse dicitur, Nō sibi apud deos inferos constare rationem, quōd quanuis hostem suum, Pisonem tamen iussisset occidi, uirū cui similem Romana Resp. non haberet. Senatusconsultum de Pisonē factum ad noscendam eius maiestatem libenter inserui, Die septimo Calēdas Iulias, cum esset nuntiatum Pisonem à Valente interemptum, ipsum Valentem à suis occisum, Aurelius Fuscus consularis primæ sententiæ, qui in locum Valeriani successerat, ait, Cōsul consule. Cū- que cōsultus esset, Diuinos, inquit, honores Pisoni decerno P. C. Gallienum, & Valerianum, & Saloninū imperato- res nostros esse confido. Neque enim melior uir quisquam fuit, neque constantior. Post quem cæteri consulti statuam inter triumphales, & currus quadrijugos Pisoni decre- uerunt. Sed statua eius uidetur: quadrigæ autē quæ decre- tæ fuerant, quasi transferendæ ad alium positæ sunt, nec adhuc redditæ. Nā in his locis fuerunt positæ, in qui- bus thermæ Diocletianæ sunt exædificatæ, tã æterni no- minis quàm sacratæ.

AEmilianus X X.

T hoc familiare est populo Aegyptiorū, ut uel fu-
E riosi ac dementes de leuibz quibusque ad sum-
mæ Reip. pericula perducantur: sæpe illi ob negle-
ctas salutationes, locum in balneis non concessum, carnē &
olera sequestrata, calciamēta seriūlia, & cætera talia, usq;
ad summum Reip. periculum seditionis, ita ut armarentur
cōtra eos exercitus, peruenerūt. Familiari ergo sibi furore,
cum quadā die cuiusdā seruus curatoris, qui Alexandria
tunc regebat, militariē ob hoc cæsus esset, quōd crepidas
suas meliores esse quàm militis diceret, collecta multitudo

ad domum AEmiliani ducis anceps uenit, atque cum omni seditionum instrumento et furore persecuta est. Ictus est lapidibus, petitus est ferro: nec desijt ullum seditionis telum. Quare coactus AEmilianus sumpsit imperium, cū sciret sibi undecunque pereundum. Consenferunt ei AEgyptiacus exercitus, maxime in Gallieni odium, nec eius ad regendā Remp. uigor defuit. Nam Thebaidem, totāmq; AEgyptum peragrauit, et quatenus potuit Barbarorum gentes forti autoritate submouit. Denique Alexander uel Alexandrinus (nam incertum id quoque habetur) uirtutum merito uocatus est. Et cum contra Indos pararet expeditionem, misso Theodoto duce Gallieno iubēte dedit pœnas: siquidem strangulatus in carcere captiuorū aeternum more perhibetur. Tacendū esse non credo, quod, cum de AEgypto loquor, uetus suggessit historia, simul etiam Gallieni factum: qui cum Theodoto uellet imperium proconsulare decernere, à sacerdotibus est prohibitus, qui dixerūt fasces consulares ingredi Alexandriam non licere: cuius rei etiā Ciceronem, cum contra Gabinium loquitur, meminisse satis nouimus. denique non extat memoria rei frequentatæ. Quare scire oportet Herennium Celsum uestrum parentem dum consulatum cupit, hoc quod desiderat, nō licere. Fertur enim apud Memphim in aurea columna AEgyptijs esse literis scriptum, tunc demum AEgyptum liberam fore, cum in eam uenissent Romani fasces, et prætexta Romanorum: quod apud Proculum grammaticum doctissimum sui temporis uirum, cum de peregrinis regionibus loquitur, inuenitur.

Saturninus

XXI.

- Ptimus ducum Gallieni tempore, sed à Valeriano dilectus saturninus fuit. Hic quoq; cū dissolutionē

Gallieni pernoctantis in publico ferre non posset, & milites non exemplo imperatoris sui, sed suo regeret, ab exercitibus sumpsit imperium, uir prudentiæ singularis, gravitatis insignis, uitæ amabilis, uictoriarum barbararum etiam ubique notarum. Hic ea die qua est amictus à militibus peplo imperatorio, concione adhibita dixisse fertur, Commilitones bonum ducem perdidistis, & malum principem fecistis. Denique cum multa strenue in imperio fecisset, quod esset seuerior, & grauior militibus, ab iisdem ipsis à quibus factus fuerat, interemptus est. Huius insigne est, quod conuiuio discumbere milites, ne inferiora nudarentur, cum sagis iussit, hyeme grauibus, æstate perlucidis.

Tetricus Senior XXII.

Nterfecto Victorino & eius filio, mater eius Victorina, siue Victorina Tetricum senatorem po. Ro. præsidatum in Gallia regentem, ad imperium hortata, quod eius erat, ut plerique loquuntur, affinis, Augustum appellari fecit: filiumque eius Cæsarem nuncupauit. Et cum multa Tetricus feliciter egisset, diuque imperasset, ab Aureliano uictus, cum militum suorum impudentiam, & procacitatem ferre non posset, uolens se grauissimo principi & seuerissimo dedit. Versus denique illius fertur, quæ statim ad Aurelianium scripserat,

Eripe me his inuicte malis.

Quare cum Aurelianus nihil simplex, neque mite, aut tranquillum facile cogitaret, senatorem po. Ro. eundemque consularem, qui iure præsidali omnes Gallias rexerat, per triumphum duxit eodem tempore, quo & Zenobiam Odenati uxorem cum filiis minoribus Odenati Hereniana & Timolao: pudore tamen uictus uir nimium. seuerus eum quem triumphauerat correctorem totius Italiæ fecit, id est

Campaniæ, Samnii, Lucaniæ, Brutiorum, Apuliæ, Calabriæ, Hetruriæ, atque Vmbriæ, Piceni, & Flaminie, omnique annonariæ regionis: ac Tetricum non solum uiuere, sed etiã in summa dignitate manere passus est: cum illum sæpe collegam, nonnunquam commilitonem, aliquando etiam imperatorem appellaret.

Tetricus Iunior XXIII.

Ic puerulus à Victoria Cæsar est appellatus, cum illa mater Castrorum ab exercitu nuncupata esset. qui & ipse cum patre per triumphũ ductus, postea omnibus senatoriis honoribus functus est illibato patrimonio, quod quidem ad suos posteros misit, ut Gellius Fuscus dicit, semper insignis. Narrabat auus meus hunc sibi familiarem fuisse, neque quenquam illi ab Aureliano, aut postea ab alijs principibus esse prælatum. Tetricorum domus hodièque extat in monte Cælio inter duos Lucos contra Isium Metellinum pulcherrima, in qua Aurelianus pictus est, utrique prætextam tribuens, senatoriã dignitatem, accipiens ab his sceptrum, coronam ciuicam præstauratam de musco. Quam cum dedicasset, Aurelianum ipsum dicuntur duo Tetrici adhibuisse conuiuio.

Trebellianus XXIII.

Vdet iam persequi quanti sub Gallieno fuerũt tyranni, utio pestis illius: siquidẽ erat in eo ea luxuria, ut rebelles plurimos mereretur, & ea crudelitas, ut iure timeretur. Quare & in Trebellianũ factum in Isauria principem, ipsis Isauris sibi duam quærẽtibz, quẽ cum alij archipiratam uocassent, ipse se imperatorem appellauit. Monetam etiam cudi iussit, palatium in arcẽ Isauriæ constituit: qui quidẽ cum se in intima Isaurorũ loca munitus difficultatibus locorũ & montibus cõtulisset,

aliquandiu apud Cilicas imperauit. sed per Gallieni du-
 æm Causi soleum natione AEgyptium, fratrem Theodoti,
 qui AEmilianum æperat, ad campum deductus, est uictus
 & occisus. Neq; tamen postea Isauri, timore ne in eos Gal-
 lienus sæuiret, ad æqualitatem perducere quauis princi-
 pum humanitate potuerunt. Denique post Trebellianum
 pro Barbaris habentur, & cum in medio Rom. nominis so-
 lo regio eorum sit, nouo genere custodiarum quasi limes in-
 cluditur, locis defensa non hominibus. Nam non sunt sta-
 tura decori, non uirtute graues, non instructi armis, non
 consilijs prudentes, sed hoc solo securi, quod in editis positi
 adiri nequeunt: quos quidem diuus Claudius penè ad hoc
 perduxerat, ut à suis semotos locis in Cilicia collocaret, da-
 turus uni ex amicissimis omnem Isaurorum possessionem,
 nequid ex ea postea rebellionis oriretur.

Herennianus XXV.

Denatus moriens duos paruulos reliquit, Heren-
 nianum, & fratrem eius Timolaum: quorum no-
 mine Zenobia usurpato sibi imperio diutius quam
 foeminam decuit, Remp. obtinuit, paruulos Ro. imperatoris
 habitu proferens purpuratos, eosdèmq; adhibens concioni-
 bus quas illa uiriliter frequentauit: Didonem, & Semira-
 midem, & Cleopatram sui generis principem inter cæte-
 ra prædicans. Sed de eorum exitu incertum est. Multi enim
 dicunt eos ab Aureliano interemptos: multi morte sua es-
 se consumptos. Siquidem Zenobiae posterius etiam nunc Ro-
 mæ inter nobiles manent.

Timolaus XXVI.

E hoc ea putamus digna notatione, quæ de fratre
 D sunt digna. Vnum tamen est, quod um à fratre se-
 parat, quod tanti fuit ardoris ad studia Romana,

ut breui consecutus quæ insinuauerat grammaticus, esse dicatur: potuisse quinetiâ summū Latinorū rhetorē facere.

Celsus XXVII.

Cupatis partibus Gallicanis, Orientalibus, quinetiam Ponti Thraciarum & Illyrici, dum Gallienus popinatur, & balneis ac lenonibus deputat uitam, Afri quoque autore Vibio Passieno proconsule Africae, & Fabio Pomponiano duce limitis Libyci, Celsum imperatorem appellauerunt peplo deæ Cælestis ornatum. Hic priuatus ex tribunis in Africa positus in agris suis uiebat: sed ea iustitia, & corporis magnitudine, ut dignus uideretur imperio. Quare creatus per quandam mulierem Gallienam nomine, consobrinam Gallieni, septimo die interemptus est, atq; adeo etiâ inter obscuros principes uix relatus est. Corpus eius à canibus consumptum est. Siccensibus qui Gallieno fidem seruauerāt perurgentibus, & uo uo iniuriæ genere imago in crucem sublata per sultatē uulgo, quasi patibulo ipse Celsus uideretur affixus.

Zenobia XXVIII.

Mnis consumptus est pudor: siquidē fatigata Rep. O eoque peruentum est, ut Gallieno nequissime agente, optime etiam mulieres imperarent. Et quidem peregrina nomine Zenobia, de qua iam multa dicta sunt, quæ se de Cleopatrarū, Ptolemæorumq; gente iactaret, post Odenatum maritum imperiali sagulo persuso per humeros habitu donis ornata, diademate etiam accepto, nomine filiorum Herenniani & Timolai diutius quàm fœmineus sexus patiebatur, imperauit. Siquidem Gallieno adhuc regente Remp. regale mulier superba munus obtinuit: & Claudio bellis Gothicis occupato, uix denique ab Aureliano uicta & triumphata cōcessit in intra Ro. Extæ

epistola Aureliani, quæ captivæ mulieri testimoniū fert. Nam cum à quibusdam reprehenderetur, quòd mulierem ueluti ducem aliquem uir fortissimus triumphasset, missis ad senatum populūque Romanum literis, hac se attestatōe defendit, Audio P.C. mihi obijci, quòd nō uirile munus impleuerim Zenobiam triumphando. Ne illi qui me reprehendunt, satis laudarent, si scirent qualis illa est mulier, quàm prudens in consilijs, quàm cōstans in dispositionibus, quàm erga milites grauis, quàm larga cum necessitas postulet, quàm tristis cum seueritas poscat. Possum dicere illius esse, quòd Odenatus Persas uicit, ac fugato Sapore Ctesiphontem usque peruenit. Possum asserere tanto apud Orientales & Aegyptiorum populos timori mulierem fuisse, ut se non Arabes, non Saraceni, non Armenij commouerent. Nec ego illi uitam conseruassē, nisi eam scissem multum Rom. Reip. profuisse, cum sibi uel liberis suis Orientis seruariet imperium. Sibi ergo habeant propriarum uenena linguarum hi, quibus nihil placet. Nam si uicisse ac triumphasse fœminam non est decorum, quid de Galieno loquuntur, in cuius contemptum hæc bene rexit imperium? Quid de diuo Claudio, sancto ac uenerabili duce, qui eam quòd ipse Gotthicis esset expeditionibus occupatus, passus esse dicitur imperare, idque occulte ac prudenter, ut illa seruante Orientalis fines imperij, ipse securius quæ insituerat, perpetraret? Hæc oratio indicat quid iudiciū Aurelianus habuerit de Zenobia: cuius eacastitas fuisse dicitur ut ne uirum suum quidem sciret, nisi tentatis conceptionibus. Nam cum semel concubuisset, expectatis menstruis continebat se, si prægnaus esset: si minus, iterum potestatem quærendis liberis dabat. Vixit regali pompa more magis Persico. Adorata est more re-

gum Persarum. Conuiuata est imperatorum more Rom.
 Ad conciones galeata processit cum limbo purpureo, gem-
 mis dependentibus per ultimam fimbriam, media etiam
 cyclade ueluti fibula muliebri astricta, brachio sæpe nu-
 do. Fuit uultu subaqualo fusci coloris, oculis supra mo-
 dum uigentibus, nigris, spiritus diuini, uenustatis incredi-
 bilis: tantus candor in dentibus ut margaritas eam ple-
 rique putarem habere, non dentes. uox clara & uirilis:
 seueritas, ubi necessitas postulabat tyrannorum: bonorum
 principum clementia, ubi pietas requirebat. Larga pru-
 denter, conseruatrix thesaurorum ultra fœmineum mo-
 dum. Vsa uehiculo carpentario, raro pileto, equo sæpius.
 Fertur autem uel tria uel quatuor millia frequenter cum
 peditibus ambulasse. Nata est Hispanorum cupiditate: bi-
 bit sæpe cum ducibus, cum esset aliàs sobria: bibit etiam
 cum Persis atque Armenijs, ut eos uinceret. Vsa est uasis
 aureis gematis ad conuiuia, quibus & Cleopatra usa est.
 In ministerio eunuchos grauioris ætatis habuit, puellas ni-
 mis raras. Filios Latine loqui iusserat, adeo ut Græce uel
 difficile, uel raro loqueretur. Ipsa Latini sermonis non us-
 quequaque ignara, sed ut loqueretur pudore cohibita: lo-
 quebatur & Aegyptiæ ad perfectum modum. Historiæ
 Alexandriæ, atque Orientalis ita perita, ut eā epitomasse.
 dicatur. Latinam autē Græce legerat. Cū illā Aurelianus æ-
 pissat, atq; in conspectum suū ductā sic appellasset, Quid
 ô Zenobia ausa es insultare Romanis imperatoribus? Illa
 dixisse fertur, Imperatorē te esse cognosco, qui uincis: Gal-
 lienum, & Aureolū, & cæteros principes non putauī. Vi-
 ctoriam mei similem credens in consortiū regni uenire, si
 facultas locorū pateretur, optauī. Ducta est igitur per triū-
 phum ea specie ut nihil pompabilius Po. Rom. uideretur.

Iam primum ornata gemmis ingentibus, ita ut ornamentorum onere laboraret. Fertur enim mulier fortissima sepiissime restitisse, cum diceret se gemmarum onera ferre non posse. Vincti erant præterea pedes auro, manus etiam catenis aureis; nec collo aureum uinculum deerat, quod scurra Persicus præferbat. Huic ab Aureliano uiuere concessum est. Ferturque uixisse cum liberis, matronæ iam more Romanæ, data sibi possessione in Tiburti, quæ hodieque Zenobia dicitur, non longe ab Adriani palatio, atque ab eo loco cui nomen est Conche.

Victoria XXX.

On tam digna res erat ut etiam Victorina, siue Victoria in literas mitteretur, nisi Gallieni mores hoc facerent ut memoria dignæ etiā mulieres censeretur. Victoria enī ubi filiū ac nepotem à militibus uidit occisos, Posthumum, deinde Lollianum, Mariū etiā quem principem milites nuncuparunt, interemptos, Tetricum, de quo superius dictum est, ad imperium hortata est. ut uirile semper facinus auderet. Insignita est præterea hoc titulo ut Castorum se diceret matrem. Cui sunt eius nummi ærei, aurei, et argentei, quorum hodieq; forma extat apud Treuiros. quæ quidem non diutius uixit. Nam Tetrico imperante, ut plerique loquuntur, occisa. ut alij asserunt, fatali necessitate consumpta. Hæc sunt, quæ de triginta Tyrānis dicenda uidebantur: quos ego in unum uolumen idcirco contuli, ne si de singulis singula quæque narrarem, nascerentur indigna fastidia, et ea quæ ferre lector non posset. Nunc ad Claudium principem redeo, de quo speciale mihi uolumen, quamuis breue merito uitæ illius uidetur edendum, addito fratre singulari uiro, ita ut de familia tam sancta, et tam nobili saltem pauca referantur. Studiose in

medio fœminas posui ad ludibrium Gallieni, quo nihil prodigiosius passa est Resp. Rom. duos etiam nunc tyrannos, quasi extra numerum quòd alieni essent temporis, additurus: unum, qui fuit Maximini temporibus, alterñ qui Claudij: ut tyrannorum triginta uiri hoc uolumine tenerentur. Quæso qui expletum iam librum acceperas, boni consulas: atque hoc uolumini tuo uolens addas: quos ego quemadmodum Valentem superiorem huic uolumini, sic post Claudium & Aurelium his qui inter Tacitum & Diocletianum fuerunt, addere destinaueram. Sed errorem meum maior historiæ diligentia tuæ eruditionis auertit. Habeo igitur gratiam, quòd titulum meum prudentiæ tuæ benignitas impleuit. Nemo in templo Pacis dicturus est me fœminas inter tyrannos, cum risu & ioco tyrannas uidelicet & tyrannides, ut ipsi de me solent iactare, posuisse. Habent integrum numerum ex arcanis historiæ in meis literis datum. Titus enim & Censorinus, quorum unus, ut dixi sub Maximino, alter sub Claudio fuit, ambo ab iisdem militibus, à quibus purpura uelati fuerant, interempti sunt.

TITVS.

O C E T Dexippus, nec Herodianus tacet omnēq;
 D qui talia legenda posteris tradiderunt, Titum tribunum Maurorum, qui à Maximino inter priuatos relictus fuerat, timore uiolentæ mortis ut alij dicunt: inuitū uero, & à militibus coactum, ut pleriq; asserunt, imperasse. Atque hunc intra paucos dies post uindictam defectionē, quā consularis uir magnus Maximino parauerat, à suis militibus interēptum. Imperasse autē mēsisbus sex. Fuit hic uir de primis erga Remp. domi forisq; laudandus.

bilis, sed imperio parum felix. Alij dicunt ab Armenijs sagittarijs, quos Maximinus ut Alexandrinos & oderat & offenderat, principem factum. Nec mireris tantam esse uarietatem de homine, cuius uix nomē agnoscitur. Huius uxor Calphurnia fuit sancta & uenerabilis fœmina de genere Censorinorum, id est Pisonum, quam maiores nostri iniuriam sacerdotem inter sacratissimas fœminas adorarunt. Cuius statuem in templo Veneris adhuc uidemus argolicam, sed auratam. Hæc uniones Cleopatranas habuisse perhibetur. Hæc lancem centum librarum argenti, cuius plerique poetæ meminerunt, in qua maiorum eius expressa ostenditur historia. Longius mihi uideor proacsisse, quàm res postulabat. Sed quid faciam? omnis scientia naturæ facilitate uerbosa est. Quare ad Censorinum reuertar hominem nobilem: sed qui non tam bono, quàm malo Reipub. septem diebus dicitur imperasse.

C E N S O R I N U S.

C E N S O R I N U S uir planè militaris, & anti-
 que in curia dignitatis, bis consul, bis præfectus
 prætorij, ter præfectus urbi, quarto proconsul, tertio
 consularis, legatus prætorius secundo, quarto ædilitius,
 tertio quæstorius, extra ordinē quoq; legatione Persica functus, etiam Sarmatica. Post omnes tamē honores cum in agro suo degeret senex, atque uno pede claudicans uulnere, quod bello Persico Valeriani temporibus acceperat, factus est imperator, & scurrarum ioco Claudius appellatus est. Cùmque se grauissime gereret, neque à militibus ob disciplinam censoriam ferri posset, ab his ipsis, à quibus factus fuerat, interemptus est. Extat eius sepulchrum, in quo gradibus literis circa Bononiam incisi sunt omnes eius hono-

res,ultimo tamen uersu adscripto,

Felix ad omnia, infelicissimus imperator.

Extat eius familia Censorinorum nomine frequētata: cui⁹ pars Thracias odio rerū Romanarū, pars Bithyniā petiit. Extat etiā domus pulcherrima adiūcta gentibus Flauijs, quæ quondā Titi principis fuisse perhibetur. Habes integrum numerū triginta tyrannorū, qui cum male nobis quidē, sed bono animo causabaris. Da nūc cui uis libellum nō tam disertæ, quā fideliter scriptum. Neque ego eloquentiā uideor pollicitus esse, sed rem: qui hos libellos, quos de uita principum edidi, non scribo, sed dicto: & dicto cum ea festinatione, quam siquid uel ipse promiserō, uel tu petieris, sic perurges, ut respirandi non habeam facultatem.

DIVVS CLAVDIVS.

ELICITER uentum est ad principē Claudium, qui nobis intuitu Cōstantij Cæsaris cum cura in literis digerendus est. De quo ego idcirco recusare nō potui, quōd alios tumultuarios uidelicet imperatores ac regulos scripseram eo libro, quem de triginta tyrannis edidi, qui Cleopatranam etiam serpem, & Victorianam, & quæ nunc est, detinet. Siquidem eō res proceffit, ut mulierum etiam uitas scribi Gallieni comparatio effecerit. Neque enim fas erat eum tacere principem, qui tantā generis prolem, qui bellum Gothicum sua uirtute confecit, qui manum publicis cladibus uictor imposuit, qui Gallienum prodigiosum imperatorem, etiamsi non autor consilij fuit, tamen ipse imperaturus bono generis humani & gubernaculis publicis depulit: qui si diutius in hac esset

dd. ij.

commoratus Rep. Scipiones bonos, & Camillos, omnēque illos ueteres suis uirtutibus, suis consilijs, sua prouidentia reddidisset. Breue illius in imperio fuit tempus, sed breue fuisset etiā, si quantū hominum uita suppetit, tantum uir talis imperare potuisset. Quid enī in illo nā mirabile? quid non conspicuū? quid non triūphalibus uetustissimus præferendū? In quo Traiani uirtus, Antonini pietas, Augusti moderatio, & magnorū principum bona sic fuerunt, ut non ab alijs exemplū caperet, sed etiā si illi non fuissent, hic cæteris reliquisset exemplū. Doctissimi mathematicorū centum & uiginti annos homini ad uiuendū datos iudicant, neque amplius cuiquam iactitant esse concessum: etiā illud addentes, Moſen solū Dei, ut Iudæorū libri loquuntur, familiarē CXXV annos uixisse. Qui cū quereretur, quod iuuenis interiret, responsum ei ab incerto ferunt numine, neminem plus esse uicturum. Quare etiam si C & XXV annos Claudius uixisset, necessariā quidem mortem eius expectandā fuisse, ut Tullius de Scipione loquitur pro Milone, stupenda, & mirabilis docet uita. Quid enim magnū uir ille domi forisque non habuit? Amauit parētes. Quid mirum? Amauit & fratres. Iam potest dignum esse miraculo. Amauit propinquos, res nostris temporibus comparāda miraculo. Inuidit nulli, malos persecutus est. Fures iudicæ palām apertēque damnauit. Stultis quasi negligeret indulſit. Leges optimas dedit. Talis in Republica fuit, ut eius stirpem ad imperiū summi principes eligerēt, emendatioſenatus optaret. In gratiā me quiſpiā pūet Cōſtātij Cæſaris loqui: sed testis est & tua conſciētia, & uita mea, nihil unquā cogitaſſe, dixiſſe, fe-ciſſe gratioſum. Claudium principem loquor, cuius uita, probitas, & omnia quæ in Repub. geſſit, tantā poſteris famam dedere, ut ſenatus P. Q. R. nouis

eum honoribus post mortem affecerit. Illi clypeus aureus, uel ut grāmatici loquūtur, clypeum aureum senatus totius iudicio in Romana curia collocatum est, ut etiā nunc uidetur. Expressa thorace uultus eius imago. Illi quod nulli antea, Po. Ro. sumptu suo in Capitolio ante Iouis optimi maximi templū statuam aureā decem pedum collocauit. Illi totius orbis iudicio in rostris posita est colūna, palmata statua superfixa, librarum argenti mille quingentarū. Ille uelut futurorum memor, gentes Flauias, quæ Vespasiani & Titi, nolo autē dicere Domitiani, fuerāt, propagauit: ille bellum Gothicum breui tempore impleuit. Adulator igitur senatus, adulator Po. Ro. adulatrices exterae gentes, adulatrices provinciae: siquidem omnes ordines, omnis aetas, omnis ciuitas statuis, uexillis, coronis, fanis, arcibus bonum principem aris ac templi honorauerunt. Interest eorum qui bonos imitantur principes, & totius orbis humani interest cognoscere, quæ de illo uiro senatusconsulta sint, ut omnes iudicium publicæ mentis agnoscant. Nam cum esset nuntiātum nono Calendas Apriles ipso in sacrario matris sanguinis die Claudium imperatorem factum, neque cogi senatus sacrorum celebrandorum causa posset, sumptis togis itum est ad Apollinis templum, ac lectis literis Claudij principis, hæc in Claudij dicta sunt, Auguste Claudij te nobis præstent: dictum sexages. Claudij Auguste principem te, aut qualis tu es semper optauimus: dictum quadragies. Claudij Auguste te Respublica requirebat: dictum quadragies. Claudij Auguste tu frater, tu pater, tu amicus, tu bonus senator, tu uere princeps: dictum octoges. Claudij Auguste tu nos ab Aureolo uindica: dictum quinquies. Claudij Auguste tu nos à palmyrenis uindica: dictum quinquies. Claudij Auguste tu nos à Zenobia, & à Victo-

ria libera : dictum septies. *Claudi* *Auguste* *Tetricus* nihil fuit: dictum septies. Qui primum ut factus est imperator, *Aureolum* qui grauior *Reipub.* fuerat, quod multum *Gallieno* placebat, conflictu habito à *Reipub.* gubernaculis depulit : tyrannumque missis ad populum edictis, datis etiam ad senatum orationibus iudicauit. His accedit, quod arrogantem *Aureolū*, et fœdus petentem, imperator grauis et seuerus non audiuit, respōso tali repudiatum: Hæc à *Gallieno* petenda fuerant, qui consentire moribus poterat, et timere. Deniq; iudicio multum apud *Mediolanum* *Aureolus* dignum exitum uitæ ac moribus suis habuit. Et hunc tamen quidam historici laudare conati sunt, et ridicule quidem. Nam *Gallus Antipater ancillariorum* et historicorum dehonestamentum, principium de *Aureolo* sic habuit: Venimus ad imperatorem nominis sui. Magna uidelicet uirtus, ab auro nomen accipere. At ego scio sæpius inter gladiatores bonis pugnatoribus hoc nomen appositum. Habuit proxime tuus libellus munerarius hoc nomen in indice ludorum. Sed redeamus ad *Claudium*. Nā ut superius diximus, illi *Gothi*, qui euaserant eo tempore, quo illos *Macrianus* est persecutus, quosque *Claudius* emitti non siuerat, nequid fieret quod effectum est, omnes gentes suorum ad Romanas incitauerunt prædas. Deniq; *Scytharum* diuersi populi, *Pencini*, *Trutungi*, *Austorgoti*, *Virtingi*, *Sigipedes*, *Celtæ* etiam et *Heruli* prædæ cupiditate in Romanum solum et *Remp.* uenerunt, atque illic pleraque uastarunt, dū alijs occupatus est *Claudius*, dūque se ad id bellum quod confecerat, imperatorie instruit, ut uideantur fata Romana boni principis occupatione lenitata. Sed credo, ut *Claudij* gloria accresceret, eiusque fieret gloriosior toto penitus orbe uictoria. *Armatarum* deniq;

gentium trecenta viginti millia tunc fuere. Dicat nunc qui nos adulationis accusat, Claudium munus esse * amabilem. Armatorum trecenta X X millia. Quis tandem Xerxes hoc habuit? quæ fabella istum numerū effinxit? Quis poeta composuit? trecenta viginti millia armatorū fuerunt. Adde seruos, adde familias, adde carraginē, et epota flumina, consumptis que syluas. Laborasse denique terram ipsam, quæ tantum Barbarici timoris excepit. Extat ipsius epistola missa ad senatum legenda ad populum, qua indicat de numero Barbarorum, quæ talis est: Senatui P. Q. Ro. Claudius princeps (hanc autem ipse dictasse perhibetur, ego uerba magistri memoriæ non requiro) P. C. militātes audite quod uerum est, C C C X X millia Barbarorum in Romanum solum armati uenerunt: hæc si uicero, uos uicem reddite meritis: si non uicero, scitote me post Gallienum uelle pugnare. Fatigata est tota Respub. Pugnabimus post Valerianum, post Ingenuū, post Regillianum, post Lollianum, post Posthumum, post Celsum, post nulle alios, qui contemptu Gallieni principis à Rep. defecerunt. Nō scuta, nō spatæ, non pila iā supersunt. Gallias et Hispanias uires Reip. Tetricus tenet, et omnes sagittarios (quod pudet dicere) Zenobia possidet. Quicquid fecerimus, satis grande est. Hos igitur Claudius ingenua illa uirtute superauit. Hos breuī tēpore attriuit. De his uix aliquos ad patriū solū redire permisit. Rogo quātū pretiū est clypeus in curia tantæ uictoriæ, quātū una aurea statua. Dicit Ennius de Scipione, Quātū statuā faciet Po. R. quātā columnā, quæ res tuas gestas loquatur? Possumus dicere Flauīū Claudiū unicum in terris principē, nō columnis, non statuis, sed famæ uiribus adiuuari. Habuerūt præterea duo millia nauium, duplicē scilicet numerū, quā illum quo tota pariter

Græcia, omnisque Thessalia, urbes etiam Asiæ quondam expugnare conata est. Sed illud poeticus stylus fingit: hoc uera continet historia Claudio igitur scriptores adulamur, qui duo millia nauum Barbararum et trecenta uiginti millia armatorum deleuit, oppressit, attriuit: qui carraginem tantam quantâ numerus hic armatorû sibi met aptare potuit et parare, nunc in cendia fecit, nunc cum omnibus familijs Romano seruitio deputauit, ut docet eiusdē epistola, quam ad Iunium Broachum scripsit Illyricum tuentē. Claudius Broacho, Deleuimus CCCXX millia Gothorum, II millia nauum merximus. Tecta sunt flumina scutis, spatibus et lanceolis omnia littora operiuntur. Capiti ossibus latent tecti, nullum iter purum est, ingens carrago deserta est. Tantum mulierum cepimus, ut uimas et ternas mulieres uictor sibi miles possit adiungere. Et utinam Gallienû nō esset passa Resp. utinam sexcentos tyrānos non pertulisset. Saluis militibus, quos prælia sustulerunt, saluis legionibus, quas Gallienus male uictor occidit, quantum esset additû Reip. Siquidē nunc uerba naufragij publici colligit nostra diligentia ad Ro. Reip. decus. Pugnatum est enī apud Mœsios, et multa prælia fuerunt apud Martianopolim, multi naufragio perierunt: plerique capti reges, capte diuersarū gentiū nobiles fœminæ: impletæ Barbaris seruis, senibusque cultoribus Ro. prouinciæ. Factus miles Barbarus, et colonus ex Gottho. Nec ulla fuit regio, quæ Gotthum seruum triumphali quodam seruitio non haberet. Quid bouum Barbarorum nostri uidere maiores? quid ouium, quid equarū quas fama nobilitat, Celticarū? Hoc totum ad Claudij gloriam pertinet. Claudius et securitate Rēp. et opulentiae nimietate donauit. Pugnatū præterea est apud Byzantios, ipsis qui superfuerāt Byzantijs fortiter

facientibus. Pugnatum apud Theſſaloniæſes, quos Claudio abſente obſederant Barbari. Pugnatum in diuerſis regionibus, & ubique auſpicijs Claudianis uicti ſunt Gothi, prorſus ut iam tunc Conſtantio Cæſari nepoti futuro uideretur Claudius ſecuram parare Remp. Et bene uenit in mentem, exprimenda eſt ſors quæ Claudio data eſſe perhibetur, eo magis, ut intelligant omnes genus Claudij ad felicitatem Reip. diuinitus conſtitutum. Nam cum conſuleret factus imperator, quandiu imperaturus eſſet, ſors talis emerſit:

Tu qui nunc patrias gubernas oras,

Et mundum regis, arbiter deorum

In ueteres tuis nouellis.

Regnabunt etenim tui minores,

Et reges facient ſuos minores.

Item cum in Apennino de ſe conſuleret, reſponſum huiusmodi accepit,

Tertia dum Latio regnantem uiderit æſtas.

Item cum de poteſteris ſuis,

His ego nec metas rerum, nec tempora pono.

Item cum de fratre Quintillo, quem conſortem habere uolebat imperij, reſponſum eſt,

Oſtendent terris hunc tantum fata.

Quæ idcirco poſui, ut ſit omnibus clarum Conſtantium diuini generis uirum ſanctiſſimum Cæſarem, & Auguſtæ ipſum familiæ eſſe, & Auguſtos multos de ſe daturum, ſaluis Diocletiano & Maximiano Auguſtis, & eius fratre Galerio. ſed dum hæc à diuo Claudio aguntur, Palmyreni duabus Sabba & Timogene contra AEgyptios bellum ſumunt, atque ab his AEgyptia peruiacia & indefſa pugnædi continuatione uincuntur. Dux tamen AE-

gyptiorum Probatas Timogenis insidijs interemptus est. Aegyptij uero omnes se Romano imperatori dediderunt, in absentis Claudij uerba iurantes. Atticiano & Orphito consulibus, auspicia Claudiana fauor diuinus adiunxit. Nā cum se in Hæmi montem multitudo barbararum gentium quæ superfueraut, contulisset, illic ita fame ac pestilentia laborarunt, ut iam Claudius dedignaretur & uincere. Denique finitum est asperissimum bellum, terroresque Romani nominis sunt depulsi. Vera dici fides cogit, simul ut sciant hi, qui adulatores nos existimari cupiunt, id quod historia dici postulat, non tacere: eo tempore quo parata est plena uictoria, plerique milites Claudij secundis rebus elati, quæ sapientium quoque animos fatigant, ita in prædam uersi sunt, ut non cogitarent à paucissimis se posse fatigari, dum occupati animo atque corporibus auertendis prædis inseruiunt. Denique in ipsa uictoria propè duo milia militum à paucis barbaris, & his qui fugerant, interempti sunt. Sed ubi hoc comperit Claudius, omnes qui rebelles animos extulerant, conducto exercitu rapit, atque in uincula Romam etiam mittit ludo publico deputandos: ita id quod uel fortuna uel miles egerat, uirtute boni principis æquatum est. Nec sola de hoste uictoria, sed etiam uindicta præsumpta est. In quo bello quod gestum est, equitum Dalmatarum ingens extitit uirtus, quod originem ex ea provincia Claudius uidebatur ostendere, quamuis alij Dardanum, & ab Ilio Troianorum, atque ipso Dardano sanguinem dicerent trahere. Fuerunt per ea tempora & apud Cretam Scythæ, & Cyprum uastare tentarunt: sed ubique morbo exercitu laborante, superati sunt. Finito sanè bello Gotthico, grauissimus morbus increbuit: tunc cum etiam Claudius affectus morbo mortales

reliquit, & familiare uirtutibus suis petijt calum. Quo ad deos atque ad sidera demigrante, Quintillus frater eiusdem uir sanctus, & sui fratris (ut uere dixerim) frater, delatum sibi omnium iudicio suscepit imperium, non hæreditarium, sed merito uirtutum: qui factus esset imperator, etiam si frater Claudij principis non fuisset. Sub hoc barbari qui superfuerant, Anchialo uastata conati sunt Nicopolim etiam obtinere. Sed illi prouincialium uirtute obruti sunt. Quintillus autem ob breuitatem temporis nihil dignum imperio gerere potuit. Nam septimadecima die, quod se grauem & serium contra milites ostenderat, ac uerum principem pollicebatur, eo genere quo Galba, quo Pertinax interemptus est. Et Dexippus quidem Claudium non dicit occisum, sed tantum mortuum. Nec tamen addidit morbo, ut dubium sentire uideatur. Quoniam res bellicas diximus, de Claudij genere & familia saltem pauca dicenda sunt: ne ea quæ scienda sunt, præterisse uideamur. Claudius, Quintillus, & Crispus fratres fuerunt. Crispi filia Claudia, ex ea & Eutropio nobilissimo gentis Dardanae uero Constantius Cæsar est genitus. Fuerunt etiam sorores, quarum una Constantina nomine nupta tribuno Assyriorum in primis annis defecit. De amnis nobis parum cognitum. uaria enim plerique prodiderunt. Ipse Claudius insignis morum grauitate, insignis uita singulari & unica castimonia, uini parca, ad cibum præoptus, statura procerus, oculis ardētibus, lato & pleno uultu: digitis usque adeo fortibus, ut sæpe equis & mulis ictu pugni dentes exasserit. Fecerat hoc etiā adolescentem militia cū ludicro Martiali in campo luctamen inter fortissimos quosq; mōstraret. Nam iratus ei qui non balteū, sed genitalia sibi contorserat, omnes dentes uno pugno exasserit. Quæ res

indulgentiam meruit pudore uindictæ: siquidem tunc Decius imperator, quo præsente fuerat perpetratum, et uirtutem et uerecundiam Claudij publice prædicauit: donatūque armillis et torquibus, à militum congressu facere præcepit, nequid atrocius quàm luctamen exigit, faceret. Ipsi Claudio liberi nulli fuerunt: Quintillus duos reliquit: Crispus, ut diximus, filiam. Nunc ad iudicia principum ueniamus, quæ de illo à diuersis edita sunt: et cætenus quidem ut appareret quandoque Claudij imperatorem futurum. Epistola Valeriani ad Zosimionem procuratorem Syriæ: Claudij Illyricianæ gentis uirum tribunum Martiæ quintæ legioni fortissimæ dedimus, uirum deuotissimis quibusque ac fortissimis ueterum præferendum. Huic salarium de nostro priuato ærario dabis annuos frumētī modios tria millia, hordei sex millia: Lardi libras duo millia, Vini ueteris sextarios tria millia quingentos, Olei boni sextarios centum quinquaginta, Olei secundi sextarios sexcentos: Salis modios uiginti: Cere pondo centum quinquaginta: Fæni, paleæ, aceti, holeris, herbarum quantum satis est, Pellium tentoriarum decurias triginta: mulos annuos sex: equos annuos tres: camelos annuas decem: mulas annuas nouem: argenti in opere annua pōdo quinquaginta: Philippeos nostri uultus annuos centum quinquaginta, et in strenis quadraginta septem, et trientes centum sexaginta. Item in caueos et scyphos pondo undecim. Item in caueos et scyphos et Xuma pondo undecim. Tunicas ruffas militares annuas, Sago-chlamydes annuas duas. Fibulas argenteas inauratas duas. Fibulam auream cumacum Cypream unam, Balteū argenteum inauratum unum, annulum bigem meū uncialem, brachialem unum unciarum septem, Torquem li-

bralem unum, cassidem inauratam unam: Scuta chryso-graphata duo: lorica unam, quam refundat: Lææus Herculeanas duas, aclydes duas, falces duas, falces fœnarias quatuor. Cocum quem refundat unum, mulionem quem refundat unum. Mulieres speciosas ex captivis duas. Albâ subsericâ unam cum purpura suctubitana, subarmale unum cum purpura Maura. Notarium quem refundat unum, structorem quem refundat unum. Accubitaliū Cypriorum paria duo: Interulus puras: Togam quam refundat unam: Latum clauum quem refundat unum. Venatores qui obsequantur duos, carpentarium unum. Curam prætorij unū, Aquarium unum, Piscatorem unum, Dulciarium unum. Ligni quotidiani pondo mille, si est copia: sin minus, quantum fuerit, & ubi fuerit. cœtiliū quotidiana batilla quatuor. Balneatorem unū, & ad balneas ligna: sin minus, lauetur in publico. Iam cætera quæ propter minutias suas scribi nequeunt, pro moderatione præstabis, sed ita ut nihil adderetur. Et si alicubi aliquid defuerit non pretium, nec in minimo exigatur. Hæc autem omnia idcirco specialiter non quasi tribuno, sed quasi duci detuli: quia uir talis est, ut ei plura etiam deferenda sint. Item ex epistola eiusdem alia inter cætera ad Ablauū Murænam præfectum prætorij. Desine autē conqueri, quod adhuc Claudius est tribunus, nec exercitus ducem locū accipit, unde etiam senatum & populū conqueri iactabas. dux factus est, & dux totius Illyrici. habet in potestatem Thracias, Mæsos, Dalmatas, Pannonios, Dacos exercitus: uir ille summus nostro quoque iudicio speret consulatum, si eius animo accommodum est: quando uoluerit, accipiat prætorianam, accipiat præfecturam. Sanè scias tantum ei à nobis decretum salarii, quantum habet Aegypti præfectura:

tantum uestium, quantum proconsulatui Africano detulimus: tantum argenti, quantum accipit curator Illyrici Metarius: tantum ministeriorum, quantum nos ipsi nobis per singulas quasque decernimus ciuitates: ut intelligant omnes quæ sit nostra de uiro tali sententia. Item epistola Decij de eodẽ Claudio, Decius Messalæ præsidi Achaia salutem, Inter cætera tribunum uero Claudium optimum iuuenem, fortissimum militem, constantissimum ciuem castris, senatui & Reip. necessarium, in Thermopylas ire præcepimus: mandata eidem cura Peloponnesium, scientes neminem melius omnia, quæ iniungimus, esse curaturum. Hunc ex regione Dardania dabis milites ducentos, ex cataphractarijs centum, ex equitibus C. & sexaginta, ex sagittarijs Creticis sexaginta, ex tyronibus bene armatos mille. nam bene illi noui creduntur exercitus. Neque enim illo quisquam deuotior, fortior, grauior inuenitur. Itẽ epistola Gallieni, cum nuntiatum esset per frumentarios Claudium irasci, quod ille mollius uiueret: Nihil me grauius accepit, quàm quod notoria tua intimasti Claudium parentem, amicũque nostrum insinuatissibi falsis plerisque grauius irasci. Quæso igitur mi Venuste, si mihi fidem exhibes, ut eum facias à Grato & Herenniano placari, nescientibus hoc militibus Dacianis, qui iam seuiunt, ne grauius ferant. ipse ad eum dona nisi: quæ ut libenter accipiat, tu facias. Curandum præterea est, ne me hoc scire intelligat, ac sibi succensere iudicet, & pro necessitate ultimum consilium capiat. Misi autem ad eum pateras gemmatas trilibres duas. Scyphos aureos gemmatos trilibres duos: discum corymbiatum argenteum librarum uiginti. Lancẽ argenteam pampinatam librarum triginta. Pateram argenteam hederacẽ libra-

rum XX & III. Voleta halieuticum argenteum librarum XX. Vrcos duos auro inclusos, argenteos librarum sex, & in uasis minoribus argenti libras XXV. Calices Aegyptios, operisque diuersi decem. Chlamydes ueri lunaris limbatae duas. Vestes diuersas XVI. Albam subsericam paragaudem triuncem unam. Zanchas de nostris Parthicis paria tria. Singliones Dalmatenses X. Chlamydem Dardanicam mantuelem unam, penulam Illyricianam unam. Bardocucullum unum, cucutia uillosa duo. Oraria sarabadena quatuor, Aureos ualerianos CL. Trietres saloninianos CCC. Habuit & senatus iudicia priusquam ad imperium perueniret ingentia. Nam cum esset nuntiatum illum cum Macriano fortiter contra gentes in Illyrico dimicasse, acclamauit senatus: *Claudi dux fortissime habeas uirtutibus tuis, deuotioni tuae. Claudio statuam omnes dicamus. Claudium consulem omnes cupimus. Qui amat Rempublicam sic agit: qui amat principes, sic agit: antiqui milites sic egerunt. Felicem te Claudii iudicio principum, felicem te uirtutibus tuis, consulem te te praefectum. Viuas Valerie, ameris à principe. Longum est tam multa, quam meruit uir ille, perscribere. Vnum tamen tacere non debeo, quòd illum & senatus & populus, ante imperium & in imperio & post imperium sic dilexit, ut satis constet, neque Traianum, neque Antoninos, neque quenquam alium principem sic amatum.*

FLAVII VOPISCI SYRACV-
SII DIVVS AVRELIANVS.

ILARIBVS, quibus omnia festa et
fieri debere scimus, et dici, impletis so-
lennibus, uehiculo suo me et iudiciali
H carpento praefecto urbis uir illustris, ac
praefata reuerentia nominandus Iunius
Tiberianus accepit. ibi cum animus à causis atque à ne-
gotijs publicis solutus ac, liber uacaret, sermonem mul-
tum à palatio usque ad hortos Varianos instituit: et in
ipso praecipue de uita principum. Cùmque ad templum
Solis uenissemus, ab Aureliano principe consecratum,
quod ipse non nihilum ex eius origine sanguinem duceret,
quesiuit à me, quis uitam eius in literas retulisset. Cui
ego cum respondiissem, neminem à me Latinorum, Grae-
corum aliquos lectitatos, dolorem gemitus sui uir sanctus
per haec uerba profudit, Ergo Therpsitem Sinonem, cae-
teraque illa prodigia uetustatis, et nos bene scimus, et
posterì frequentabunt, diuum Aurelianum clarissimum
principem, seuerissimum imperatorem, per quem totus
Romano nomini orbis est restitutus, posterì nescient? Deus
auertat hanc amentiam. Et tamen, si bene noui, ephemer-
idas illius uiri scriptas habemus, etiam bella charac-
tere historico digesta, quae uelim accipias, et per ordinem
scribas, additis quae ad uitam pertinent. Quae omnia ex
libris lintheis, in quibus ipse quotidiana sua scribi praee-
perat, pro tua sedulitate condiscas. Curabo autem, ut tibi
ex Vlpia bibliotheca et libri linthei proferantur. Tu uelim
Aurelianum, ita ut est, quatenus potes, in literas mittas.

Parui ipse quidē praeceptis: accepi libros Græcos, & omnia
 mihi necessaria in manum sumpsi: ex quibus & quæ di-
 gna erant memoratu, in unum libellum contuli. Tu uelim
 meū manus boni consulas. Et si hoc contentus non fueris,
 lectites Græcos, linteos etiā libros requiras, quos Vlpia ti-
 bi bibliotheca, cum uolueris, ministrabit. Et quoniā sermo
 nobis de Trebellio Pollione, qui à duobus Philippis usque
 ad diuum Claudium, & eius fratrem Quintillum, impe-
 ratores tā claros quàm obscuros memoriae prodidit, in co-
 dem uehiculo fuit, asserentæ Tiberiano, quòd Pollio multa
 incuriose, multa breuiter prodidisset: me conerā dicente,
 neminem scriptorum, quantum ad historiam pertinet, non
 aliquid esse mentitum: prodēte quinctiam in quo Linius,
 in quo Sallustius, in quo Cornelius Tacitus, in quo deni-
 que Trogus manifestis testibus cōvincerentur: pedibus in
 sententiā trāsitum faciēs, ac manum porrigens iucundam,
 Præterea scribe, inquit, ut libet, securus, quod uelis dicas,
 habiturus mendaciorum comites, quos historicae eloquen-
 tiæ miramur autores. Ac ne multa & friuola proæmīs
 odiosus intexam, Diuus Aurelianus ortus, ut plures loquū-
 tur, Sirmij familia obscuriore: ut nōnulli, Dacia ripensi. Ego
 autem legisse me memini autorem, qui cum Mæsia geni-
 tum prædicaret. Et euenit quidē ut de eorum uirorum
 genitali solo nesciatur, qui humiliori loco & ipsi plerique
 solum genitale consingunt, ut dene posteritati de locorum
 splendore fulgorem. Nec tamen magnorū principum uir-
 tutibus summa sciendi est, ubi quisq; sit genitus, sed qualis
 in Rep. fuerit. An Platonē magis commendat quòd Athe-
 niensis fuerit, quàm quòd unicum sapientiæ munus illu-
 xerit? An eo maiores inueniuntur Aristoteles Stagiritæ,
 Eleatēsq; Zenon, aut Anacharsis Scythæ, quòd in mini-

mis nati sunt uiculis, cum illos ad cælum omnis philoso-
 phiæ uirtus extulerit? Atque ut ad ordinem redeam: Au-
 relianus modicis ortus parentibus, à prima etate ingenio
 uiuacissimus, uiribus clarus, nullum unquam diem præ-
 termisit, quanuis festum, quanuis uacantem, quo non se
 pilo et sagittis cæterisque armorum exerceret officiis. Ma-
 trem quidem eius Callicrates Tyrius, Græcorum longe do-
 ctissimus scriptor, sacerdotem templi Solis, in eo uico in quo
 habitabant parentes, fuisse dicit: Habuisse quinetiam non
 nihilum diuinationis, adeo ut aliquando marito suo iur-
 gans ingesserit, cum eius et stultitiam increparet et uili-
 tatē, En imperatoris patrē. Ex quo constat illam mulierem
 fuisse fatalia. Idem dicit auspicia imperij Aureliano hæc
 fuisse: Primum pueri eius peluem serpentem plerunque
 cinxisse, neque unquā occidi potuisse. Postremo ipsam ma-
 trem, quæ hoc uiderat, serpentem quasi familiarem occi-
 dere noluisse. His accedit, quòd ex palliolo purpureo, quod
 soli sui temporis imperator obtulerat, sacerdos mulier cre-
 pūdā filio fecisse perhibetur. Addit etiam illud, quòd un-
 ctum fasciola Aurelianum aquila innoxie de cunis leua-
 uerit, et in arā posuerit, quæ iuxta sacellū forte sine igni-
 bus erat. Idem auctor est, utulum matri eius natum miræ
 magnitudinis candidū, sed purpurantibus maculis, ita ue-
 haberet in latere uno auem, in alio coronam. Multa super-
 flua in eodem legisse memini: quippe qui asseuerat etiam
 rosas in eiusdem mulieris cortice, nato Aureliano, exisse pur-
 pureas odoris rosei, floris aurei. Fuerunt et postea multa
 omnia iam militantis futuri, ut res monstrauit, imperij.
 Nam ingrediente eo Antiochiam in uehiculo, quòd præ-
 uulnere tunc equo sedere non posset, ita pallium purpu-
 reum, quod in honorem eius expansum fuerat, decidit ut

humeros eius tegetet. Et cum in equum trāsire uellet, quia inuidiosum tunc erat uehiculis in ciuitate uti, equus est ei imperatoris applicitus, cui per festinationem insedit. Sed ubi comperit, semet ad suū transtulit. Data est ei præterea cum legatus ad Persas isset, patera, qualis solet imperatoribus dari à rege Persarum: in qua insculptus erat Sol eo habitu, quo colebatur ab eo templo, in quo mater eius fuerat sacerdos. Donatus eidem etiam elephantus præcipuus, quē ille imperatori obtulit: solusque omnium priuatus Aurelianus elephāti dominus fuit. Sed ut hæc et talia omittamus, fuit decorus, et gratia uiriliter speciosus: Statura procerior, nervis ualidissimus, uini et cibi paulo cupidior, libidinis raræ, seueritatis immēse, disciplinæ singularis, gladij exercēdi cupidus. Nā cum essent in exercitu duo Aureliani tribuni, hic et alius, qui cū Valeriano captus est, huic signū exercitus apposuerat manu ad ferrū: ut si forte quæreretur quis Aurelianus aliquid uel fecisset uel gessisset, suggereretur Aurelianus manu ad ferrū, atq; cognosceretur. Priuatim huius multa extāt egregia facinora. Nam erūpētes Sarmatas in Illyrico cū trecentis præsidarijs solus attriuit. Refert Theoclius Cæsareorū temporū scriptor, Aurelianium manu sua bello Sarmatico una die quadraginta et octo interfecisse. Plurimis autē et diuersis diebus ultra nongentos quinquaginta: adeo ut etiam balista pueri et saltatiunculas in Aurelianium tales componerent, quibus diebus festis militariter saltitarent, Mille, mille, mille, mille, mille, mille decollauimus: Vnus homo mille, mille, mille, mille decollauimus. Mille, mille, mille uiuat, qui mille, mille occidit. Tantum uini habet nemo, quātum fudit sanguinis. Hæc uideo esse per friuola: sed quia superscriptus autor ita eadē ut sunt Latina suis scriptis inseruit, tacenda esse non ee.ij.

credidi. Idem apud Maguntiacum tribunus legionis sextæ Gallicane, Francos irruentes cum uagarentur per totam Galliam, sic afflixit, ut trecentos ex his captos, septingentis interemptis sub corona uendiderit. Vnde iterum de eo facta est cātlena: Mille Francos, mille Sarmatas semel occidimus: Mille, mille, mille, mille, mille Persas quærimus. Hic autem, ut supra diximus, militibus ita timori fuit, ut sub eo posteaquam semel cum ingenti seueritate castrensi peccata correxit, nemo peccauerit. Solus denique omnium militem, qui adulterium cum hospitis uxore commiserat, ita puniuit, ut duarum arborū capita inflecteret, quas ad pedes militis deligaret, easdēque subito dimitteret, ut scissus ille utrumque pēderet. Quæ res ingentē timorē omnibus fecit. Huius epistola militaris est ad uicarium suum data huiusmodi, Si uis tribunus esse, imò si uis uiuere, manus militum contine. Nemo pullū alienū rapiat, ouem nemo cōtingat. Vuam nullus auferat, segetē nemo deterat: oleū, sal, lignum nemo exigat, annona sua contentus sit. De præda hostis, non de lachrymis prouincialium habeat: arma tersa sint, ferramenta samiat, calciamenta fortia. Vestis noua uestem ueterē excludat. Stipēdium in balteo, non in popina habeat. Torquem brachialem et annulū apponat: equum saginarium suū defricet, captū animal non uēdat, mulū centuriatū comiter curet. Alter alteri quasi seruus obsequatur: à medicis gratis curentur. Aruspicius nihil dent: in hospitij castre se agant: qui licem fecerit, uapulet. Inueni nuper in Vlpia bibliotheca inter luteos libros epistolā diui Valeriani de Aureliano principe scriptā: quam ad uerbū, ut decebat, inserui: Valerianus Augustus Antonino Gallo cōsuli: Culpas me familiaribus literis, quod Posthumus filium meum Gallienū magis quàm

Aureliano commiserim, cum utique seueriori & puer credendus fuerit & exercitus: nec tu id diutius indicabis, si bene scieris quantæ sit Aurelianus seueritatis. Nimius est, multus est, grauis est, & ad nostra iam non facit tempora. Testor autem omnes deos, me etiam timuisse, nequid etiam erga filium meum seuerius, siquid ille fecisset, ut est natura pronus ad ludicra, sæuius cogitaret. Hac epistola indicat quæta fuerit seueritatis, ut illum Valerianus etiam timuisse se dicat. Eiusdē Valeriani alia est epistola, quæ laudes illius continet: quam ego ex scrinijs præfecturæ urbane protuli. Nam illi Romam uenienti salaria sui ordinis sunt decreta. Exēplū epistolæ: Valerianus Augustus Ceionio Albino præf. urbi: Vellemus quidem singulis quibusque deuotissimis Reip. uiris multo maiora deferre compendia, quàm eorum dignitas postulat, maxime ubi honorem uitæ cōmendat: debet enim quid præter dignitatem pretiū esse meritorum: sed facit rigor publicus ut accipere de prouinciarum oblationibus ultra ordinis sui gradū nemo plus possit. Aurelianus fortissimum uirum ad inspicienda & ordinanda castra omnia destinauimus: cui tantum à nobis atque ab omni Rep. communi totius exercitus confessione debetur, ut digna illo uix aliqua uel nimis magna sint munera. Quid enim in illo non clarum? quid non Coruini & Scipionibus conferendum? ille liberator Illyrici, ille Galliarū restitutor, ille dux magni totius exēpli. Et tamen nihil præterea possum addere tāto uiro ad muneris gratiam, quàm patitur sobria, & bene gerēda Resp. Quare sinceritas tua mi parēs charissime, supradictō uiro efficiet, quādiu Romæ fuerit, panes militares mundos sexdecim, panes militares castrenses quadraginta, Vini mensalis sextarios quadraginta, Porcellum dimidium, Gallinæcos duos,

ec. iij.

Porcinæ pondo triginta, bubulæ pondo quadraginta. Olei sextarium unum, & item olei sextarium unum. Liquaminis sextarium unum, salis sextariū unum. Herbas olerum quantum satis est. Sanè quoniam ei aliquid præcipue decernendum est, quandiu Romæ fuerit, pabula extra ordinem decernes. Ipsi autem ad sumptus, aureos Antoninianos diurnos binos, argenteos Philippeos minutulos quinquagenos, æris denarios centum, reliqua per præfectos ærarij præbebuntur. Friuola hæc fortassis cuiquam & nimis leuia esse uideantur, sed curiositas nihil recusat. Habuit ergo multos ducatus, plurimos tribunatus, uarias ducum, & tribunorū diuersis temporibus propè quadraginta, usque adeo ut etiam Vlpij Criniti, qui se de Traiani genere referebat, & fortissimi re uera uiri, & Traiani simillimi, qui pictus est cum eodem Aureliano in templo Solis, quem Valerianus Cæsaris loco habere instituerat, uicem sumeret, exercitum duceret, limitem restitueret, prædam militibus daret: Thracias bobus, equis, mancipijs, captiuis locupletaret: manubias in palatio collocaret: quingentos seruos, duo millia uaccarū, equas mille, ouium decem millia, caprarum quindecim, in priuatam uillam Valeriani congereret. Tunc enim Vlpius Crinutus publice apud Byzantium sedenti Valeriano in thermis egre gratias, dicēs, magnum de se iudicium habitum, quod eidem uicarium Aurelianum dedisset: quare eum statuit arrogare. Intere est epistolas nosse Aureliano scriptas, & ipsam arrogationem. Epistola Valeriani ad Aurelianū: Si esset alius Aureliane iucundissime, qui Vlpij Criniti uicem posset implere, tecum de eius uirtute ac sedulitate cōferrem. Nunc tecum requirere potuisssem. Suscipe bellum à parte Nicopolis, ne nobis ægritudo Criniti obsit. Fac quicquid potes. Multa

*image
not
available*

autem publicum edi iubebis senatoribus, equitibus Romanis: hostias maiores duas, minores quatuor. Et quoniam etiam de arrogatione, aliqua me dixeram positurum, quæ ad tantum principem pertinerent, quaeso ne odiosior, uerbosiorue ea re uidear, quam fidei causa inferendam credidi ex libris Acholij, qui magister admissionum Valeriani principis fuit, libro actorum eius nono. Cum cõsedisset Valerianus Augustus in thermis apud Byzantium præsentem exercitu, præsentem etiã officio palatino, assidentibus Memmio Fusco consule ordinario, Beblio Macro præfecto prætorij, Quinto Ancario præside Orientis, assidentibus etiam à parte læua Annulnio Saturnino Scythici limitis duce, Murentio ad Ægyptum destinato, Iulio Tryphone Orientalis limitis duce, et Meceo Brundusino præfecto annæ Orientis, et Vlpio Crinito duce Illyriciani limitis et Thracij, et Fulvio Boio duce Rhetici limitis, Valerianus Augustus dixit: Gratias tibi agit Aureliane Resp. quòd eam Gothorum potestate liberaasti. Abundamus per te præda, abundamus gloria, et his omnibus quibus Romana felicitas crescit. Cape igitur tibi pro rebus gestis tuis coronas murales quatuor, coronas uallares quinque, coronas nauales duas, coronas ciuicas duas, hastas puras decem: uexilla bicolora quatuor, tunicas ducales rufas quatuor, pallia proconsularia duo, togam prætextam, tunicam palmatam, togam pictam, subarmalem profundum, sellam eboratam. Nam te consulem hodie designo, scripturus ad senatum ut tibi deputet scipionem, deputet etiã fasces. Hæc enim imperator non solet dare, sed à senatu, quando sit cõsul, accipere. Post hæc Valeriani dicta, Aurelianus surrexit, atq; ad manus accessit, agens gratias militaribus uerbis, quæ propria et ipsa apponenda decreui. Aurelianus

dixit, Et ego domine Valeriane imperator Auguſte, ideo cuncta feci, ideo vulnera patienter excepi, ideo & equos & coniuratos meos laſſavi, ut mihi gratias ageret Reſp. & conſciētia mea. At tu plus feciſti, ago ego gratias bonitati tuæ, & accipio conſulatum quem das: Dii faciant, & Deus certus Sol, ut & ſenatus de me ſic iudicet. Agētibz igitur gratias omnibz circūſtātibz, Vlpivs Crinitus ſurrexit, atque hac oratione uſus eſt: Apud maiores noſtros Valeriane Auguſte, quod & familie meæ annicum ac proprium fuit, ab optimis quibzque in filiorum locum fortiſſimū viri ſemper electi ſunt, ut uel ſeneſcentes ſanulias, uel foetus matrimonijſ iam caducos ſubſtitutæ fœcunditas prolis ornaret. Hoc igitur quod Cocceius Nerva in Traiano adoptando, quod Vlpivs Traianus in Hadriano, quod Hadrianus in Antonino, & cæteri deinceps propoſita ſuggeſtione fecerūt, iam in arrogando Aureliano, quem mihi uſuſarium iudicij tui autoritate feciſti, cenſui eſſe referēdum. Iube igitur ut lege agatur, ſitque Aurelianus hæres ſacrorum, nominis, & bonorum, totiūſque iuris, Vlpio Crinito iā conſulari uiro, ipſe ac tu Crinite, iudice conſularis. Longum eſt cuncta perſtere. Nā & actæ ſunt Crinito à Valeriano gratiæ, & adoptio, ut ſolebat, impleta. Meminai me in quodam libro Græco legiſſe, quod tacendū eſſe non credidi, mandatum eſſe Crinito à Valeriano, ut Aurelianus adoptaretur: idcirco præcipue, quod pauper eſſet: ſed hoc in medio relinquendum puto. Et quoniam ſuperius epiſtolā poſui, qua ſumptus Aureliano ad conſulatum delatū eſt, quare poſuerim rem quaſi friolam eloquendum putavi. Vidimus proxime conſulatum Furij Placidi tanto ambitu in Circo editum, ut non præmia dari aurigis, ſed l. patrimonialia uiderentur, cum darentur tunicæ ſubſerui & li-

neæ paragaudæ, darentur etiam equi ingemiscenibus frugi hominibus. Factum est enim ut iam diuitiarum sit, non hominum consulatus: quia utique si uirtutibus defertur, editorem spoliare non debent. Perierunt casta illa tempora, et magis ambitione populari peritura sunt. Sed nos (ut solemus) hanc quoque rem in medio relinquimus. His igitur tot ac talibus præiudijs, muneribusque fultus, Claudianis temporibus tantus enituit, ut post eum Quintillo quoque fratre eius interempto, solus teneret imperium, Aureolo interfecto, cum quo Gallienus fecerat pacem. Hoc loco tanta est diuersitas historicorū, et quidem Græcorum, ut alij dicant multo Claudio ab Aureliano Aureolū interfectum, alij mandante ac uolente, alij ab imperatore iā Aureliano eundem occisum, alij uero adhuc priuato. Sed hæc quoque media relinquemus, ab ipsis petenda, per quos in literas missa sunt. Illud tamen constat, omne contra Mæotidas bellum diuū Claudium nulli magis quàm Aureliano credidisse. Extat epistola, quam ego, ut soleo, fidei causa, imò ut alios annalium scriptores fecisse uideo, inserendam putauī. Flavius Claudius Valerio Aureliano suo salutem: Expetis à te munus solitum nostra Resp. Aggredere, quid moraris? Tuo magisterio milites uti uolo, tuo ductu eribunos. Gotthi oppugnandi sunt, Gotthi à Thracijs amouendi. Eorum enim plerique Hæmi montem, Europamque uexant, qui te pugnantem fugerunt. Omnes exercitus Thracios, omnes Illyricianos, totūque limitem in tua potestate constituo, solitam nobis ede uirtutē. Tecum erit etiam frater Quintillus cum occurrerit. Ego alijs rebus occupatus, summam belli illius uirtutibus tuis credo. Misi sanè equos decem, loricas duas, et cætera quibus munire ad bellū euntem neccēssitas cogit. Secundis igitur prælijs usus auspicijs

Claudianis Remp. in integrum reddidit: atque ipse statim, ut supra diximus, consensu omnium legionum factus est imperator. Equites sanè omnes ante imperium sub Claudio Aurelianus gubernauit, cum offensam magistrorum eorum incurrissent, quòd temere Claudio non iubente pugnassent. Item Aurelianus contra Sueuos, et Sarmatas usdem temporibus uehementissime dimicauit, ac florentissimam uictoriam retulit: accepta est sanè clades sub Aureliano à Marcomannis per errorem. Nam dum is à fronte non curat occurrere, subito hostes erupere: dùmque illos à dorso persequi parat, omnia circa Mediolanum grauiter euastata sunt. Postea tamen ipsi quoque Marcomanni superati sunt. In illo autè timore, quo Marcomanni cuncta uastabāt, ingentes Romæ seditiones motæ sunt paudentibus cunctis, ne eadē quæ sub Gallieno fuerāt, prouenirēt. Quare etiā libri Sibyllini noti beneficijs publicis inspecti sunt: inuentumque ut in certis locis sacrificia fierent, quæ Barbari trāsire non possent. facta denique sunt ea, quæ præcepta fuerant in diuerso æremoniarum genere: atque ita Barbari restiterunt, quos omnes Aurelianus carptim uagantes occidit. Libet ipsius senatusconsulti formam exponere, quo libros inspicere clarissimorū iussit autoritas. Die tertio Idus Ianu. Fuluius Sabinus prætor urbanus dixit: Referimus ad uos P. C. Pontificum suggestionem, et Aureliani principis literas, quibus iubetur ut inspiciantur fatales libri, quibus spes belli terminandi sacro deorum imperio continetur. Scitis enim ipsi quotiescunq; grauior aliquis extitit motus, eos semper inspectos: neque prius mala publica esse finita, quàm ex ijs sacrificiorū processit autoritas. Tunc surrexit primæ sententiæ Vlpianus Syllanus, atq; ita locutus est, Sero nimis P. C. de reip. salute cōsulimus, sero ad

fatalia iussa respicimus, more languentium, qui ad summos medicos nisi in summa desperatione non mittunt, proinde quasi peritioribus uiris maior facienda sit cura, cum omnibus morbis occurrere sit melius. Meministis enim P. C. me in hoc ordine sæpe dixisse iam tum, cum primum nuntiatum est Marcomannos erupisse, consulenda Sibyllæ decreta, utendum Apollinis beneficijs, recusasse uero quosdam, et cum ingenti calumnia recusasse: cum adulando dicerent tantam principis esse uirtutem, ut opus non sit deos consuli, proinde quasi et ipse uir magnus non deos colat, non de dijs immortalibus speret. Quid plura? audiuius literas quibus rogauit opem deorum, quæ nunquam cuiquam turpis est, ut uir fortissimus adiunctur. Agite igitur pontifices, qua puri, qua mundi, qua sancti, qua iusti animisque sacris commodi templum ascendite, subsellia laureata constituite, ueteranis manibus libros euoluite, fata Reipublicæ, quæ sunt æterna, perquirite: patrinis matrisque pueris carmen indictum: nos sumptum sacris, nos apparatus sacrificijs, nos aris ambarualia indicemus. Post hæc interrogati plerique senatores sententias dixerunt, quas legum est innectere. Deinde alijs manus porrigentibus, alijs pedibus in sententias euntibus, plerisque uerbo consentientibus, conditum est S. C. Itum deinde ad templum, inspecti libri, proditi uersus, lustrata urbs, cantata carmina, amburbium celebratum, ambarualia promissa, atque ita solennitas quæ iubebatur expleta est. Est epistola Aureliani de libris Sibyllinis: nam ipsam quoque indidi ad fidem rerum:

Miror uos patres sancti tandiu de aperiendis Sibyllinis dubitasse libris, perm de quasi in Christianorum ecclesia, non in templo deorum omnium tractaretis. Agite igitur, et castumonia pontificum, ceremonijsque solennibus iunate

principem neccssitate publica laborantem. Inspiciantur libri: quæ faciēda fuerint, ælebrentur: quemlibet sumptum, cuiuslibet gentis captiuos, quemlibet animalia regia non abnuo, sed libens offero: neque enim indecorum est dijs iuuantibus uincere: sic apud maiores nostros multa finita sunt bella, sic cœpta. Siquid est sumptuū, datis ad præfectū ærarij literis, decerni iussi. est præterea uestre autoritatis arca publica, quam magis refertam esse reperiō, quàm cupio. Cū autē Aurelianus uellet omnibus simul facta exercitus sui conspatione concurrere, tanta apud Placentiam clades accepta est, ut Romanum penē solueretur imperiū. Et causa quidem huius periculi perfidia & calliditas barbarici fuit motus. Nā cum congredi aperto Marte non possent, in syluas se densissimas contulerunt, atque ita nostros uespera incumbente turbarunt. Denique nisi diuina ope post inspectionem librorum sacrificiorūque curas, monstribus quibusdam speciebusque diuinis impliciti essent Barbari, Romani uictoria non fuisset. Finito prælio Marcōmannico, Aurelianus ut erat natura ferocior, plenus irarū Romam petit uindictæ cupidus, quam seditionum asperitas suggerebat: incitius denique usus imperio, uir aliās optimus, seditionum autoribus interemptis, cruentius ea quæ mollius fuerant curanda, compescuit. interfecti sunt enim nonnulli etiam nobiles senatores, cum his leue quiddam, & quod contemni à mitiore principe potuisset, uel unus, uel leuis, uel uilis testis obijceret. Quid multa? Magnū illud, & quod iam fuerat, & quod non frustra speratum est, infamiae tristioris ictu contaminauit imperium, timeri cœpit princeps optimus, non amari: cum alij dicerent perfodiendum talem principem, non optandum: alij bonum quidē medicum, sed mala ratione curantem. His actis, cum

uideret posse fieri ut aliquid tale iterum, quale sub Gallie
 no euenerat, proueniret, adhibito consilio senatus, muros
 urbis Romæ dilatauit. Nec tamen pomærio addidit eo tē-
 pore, sed postea. Pomærio autem nemini principum licet
 addere, nisi ei qui agri barbarici aliqua parte Romanam
 Rempub. locupletauerit. Addidit autem Augustus, addidit
 Traianus, addidit Nero, sub quo pontus. Polemoniacus, et
 alpes Cottiae Romano nomini tributæ. Transactis igitur
 quæ ad sectiones, atque urbis statum, et ciuilia pertinebāt,
 contra Palmyrenos, id est contra Zenobiam, quæ filiorum
 nomine Orientale tenebat imperium, iter flexit. Multa in
 itinere ac magna bellorum genera confecit. Nam in Thra-
 cijs, et in Illyrico occurrens Barbaros uicit: Gothorum
 quinetiam ducem Cannabā, siue Cannabaudem, cum quin-
 que millibus hominum trans Danubium interemit. Atque
 inde per Byzantium in Bithyniam transitum fecit, eam-
 que nullo certamine obtinuit. Multa eius tam præclara fa-
 cta quàm dicta sunt: sed omnia libro innectere nec possu-
 mus fastidij eustatione, nec uolumus: sed ad intelligendos
 mores atque uirtutem pauca libanda sunt. Nā cum Thy-
 anam uenisset, eamque oclusam reperisset, iratus dixisse
 fertur, Canem in hoc oppido non relinquam. Tunc et mi-
 litibus acrius incumbentibus spe prædæ, et Heraclam-
 mone quodam timore ne inter cæteros occideretur, patriā
 suam prodente, ciuitas capta est. Sed Aurelianus duo sta-
 tim præcipua, quod unum seueritatem ostenderet, alterum
 lenitatem ex imperatoria mente monstrauit. Nā et He-
 raclammone proditorem patriæ suæ sapiens uictor oc-
 cidit: et cum milites iuxta illud dictum, quo canem se re-
 licturum apud Thyaneos negaret, euerfionem urbis expo-
 scerent, respondit ijs, Canem, inquit, negavi in hac urbe nū-

relicturum, canes omnes occidite. Grande principis dictum, grādus militum uotum: nam dictum principis, quo præda negabatur, ciuitas seruabatur, totus exercitus ita quasi ditaretur, accepit. Epistola de Heraclāmene. Aurelianus Augustus Mallio Chillon: Occidi passus sum, cuius quasi beneficio Thyanam recepi. Ego uero proditorem amare non potui: & libenter tuli, quod cum milites occiderunt: neque enim mihi fidem seruare potuisset, qui patriæ non pepercit. Solum denique ex omnibus qui oppugnabantur, campus accepit. Diuitem hominem negare non possum, sed cuius bona eius liberis reddidi: nequius me causa pecuniæ locupletem hominem occidi passum esse criminaretur. Capta autem ciuitas est miro modo. Nā cum Heraclammon locum ostendisset aggeris naturali specie tumētem, qua posset Aurelianus cultus ascendere, ille consensit, atque elata purpurea chlamyde, intus ciuibus, foris militibus se ostendit. & ita ciuitas capta est, quasi totus in muris Aureliani fuisset exercitus. Taceri nō debet res, quæ ad famam uenerabilis uiri pertinet. Fertur enim Aurelianus de Thyana ciuitatis euerfione uera dixisse, uera cognosse: uerū Apolloniū Thyanaeum celeberrimæ famæ auctoritatisque sapiētem ueterē philosophū, amicum uerū deorū, ipsum etiā pro numine frequentandū, recipienti se in tentoriū ea forma qua uidetur subito astitisse: atq; hæc Latine, ut homo Pannonius intelligeret, uerba dixisse, Aureliane si uis uincere, nihil est quod de ciuiū meorū nece cogites. Aureliane si uis imperare, à cruore innocentium abstine. Aureliane clemēter te age, si uis uincere. Norat uultū philosophi uenerabilis Aurelianus, atq; in multis eius imaginē uiderat templis. Deniq; statim attonitus, & imaginē & statuas, & templū eidē promissit, atque in meliorē redijt mentē. Hæc

ego à grauibus uiris comperi, & in Vlpiaë bibliothecæ libris relegi, & pro maiestate Apollonijs magis credidi. Quid enim illo uiro sanctius, uenerabilius, antiquius, diuinisq; inter homines fuit? Ille mortuis reddidit uitam. Ille multa ultra homines & fecit & dixit: quæ qui uelit nosse, Græcos legat libros, qui de eius uita cõscripti sunt. Ipse autem si uita suppetat, atque ipsius uiri fauori usquequaque placuerit, breuiter saltem tãti uiri facta in literas mittam: non quo illius uiri gesta munere mei sermonis indigeant: sed ut ea quæ miranda sunt, omnium uoce prædiantur. Recepta Thyana, Antiochiam proposita omnibus impunitate, breui apud Daphnem certamine obtinuit: atque inde præceptis quantum probatur uenerabilis uiri Apollonijs parens, humanior atque clementior fuit. Pugnatum est post hæc de summa rerum contra Zenobiam & Zabam eius sociã apud Emessam magno certamine. Cũque Aureliani equites fatigati iam penè discederent, ac terga darent, subito ui numinis, quod postea proditum, hortante quadam diuina forma per pedites etiam equites restituti sunt. Fugata est Zenobia cum Zaba, & plenissime parata uictoria. Recepto igitur Oriëtis statu, Emessam uictor Aurelianus ingressus est, ac statim ad templum Heliogabali tetendit, quasi communi officio nota soluturus. Verũ illic eam formam numinis reperit, quam in bello sibi fauentem uidit. Quare & illic templa fundauit donarijs ingentibus positis, & Romæ Soli templum posuit maiore honorificentia consecratum, ut suo dicemus loco. Post hæc Palmyram iter flexit, ut ea oppugnata, laborum terminus fieret. Sed in itinere à latronibus Syris male accepto frequẽter exercitu, multa perpeffus est, & in obsidione usque ad ictum sagittæ periclitatus est. Epistola ipsius extat ad Mutaporẽ nus-

sa, in qua de eius belli difficultate ultra pudorem imperialem facetur: Romani me modo dicunt bellum contra foeminam gerere, quasi sola mecum Zenobia, & suis viribus pugnet, ac non hostium, quantum si vir à me oppugnandus esset, in conscientia & timore longe deteriore. dici non potest quantum hic sagittarū, qui belli apparatus, quantum telorum, quantum lapidum: nulla pars muri est quæ non binis & ternis balistis occupata sit: ignes etiam tormentis iaciuntur. Quid plura? non quasi foemina pugnat quasi poenam timēs: sed credo adiuturos Romanam Remp. deos, qui nunquam nostris conatibus defuerūt.

Deniq; fatigatus ac pro malis fessus, literas ad Zenobiā misit, deditiōne illius petens, uitā promittens, quarū exēplū indidi. Aurelianus imperator Romani orbis, & receptor Orientis, Zenobiæ cæterisque, quos societas tenet bellica: sponte facere debuisti id quod meis literis nunc iubetur: deditiōnem præcipio impunitate uitæ proposita, ita ut illic Zenobia cum tuis agas uitam, ubi te ex senatus amplissimæ sententiæ collocauero. Gemmas, argentum, aurum, sericum, equos, camelos in ærarium Ro. conferas. Palmyrenis ius suū seruabitur. Hac epistola accepta, Zenobia superbius insolentiūque rescripsit, quàm eius fortuna poscebat, credo ad terrorem. Nam eius quoque epistolæ exēplum indidi. Zenobia regina Orientis Aureliano Augusto: Nemo adhuc præter te quod poscis, literis petijt. Virtute faciendum est quicquid in rebus bellicis est gerendū. Deditiōnem meam petis, quasi nescias Cleopatram reginam perire maluisse, quàm in qualibet uiuere dignitate. Nobis Persarum auxilia non desunt, quæ iam speramus: pro nobis Saraceni, pro nobis Armenij. Latrones Syri exercitum tuum Aureliane uicerunt: quid igitur si illa uene-

ff.i.

rit manus quæ undique speratur? pones profecto supercilium, quo nunc mihi deditionem quasi omnisariam victor imperas. Hanc epistolā Nicomachus se transtulisse in Græcum ex lingua Syrorum dicit ab ipsa Zenobia dictatam: nam illa superior Aureliani Græca missa est. His acceptis literis, Aurelianus non erubuit, sed iratus est: statimque collecto exercitu ac ducibus suis, undique Palmyram obsedit: neque quicquam vir fortis reliquit, quod aut imperfectum uideretur aut incuratum. Nam et auxilia quæ à Persis missa fuerant, intercept: et alius Saracenas Armeniâsque corripuit, atque ad se modo ferociter, modo subtiliter transtulit: denique post multa mulierem potentissimam uicit. Victa igitur Zenobia cum fugeret camelis, quos dromedus uocitant, atque ad Persas iter tenderet, equitibus missis est capta, atque in Aureliani potestate deducta. Victor itaque Aurelianus, totiusque iam Orientis possessor, cum in uinculis Zenobiam teneret, cum Persis, Armeniis, Saracenis superbior atque insolentior egit ea quæ ratio temporis postulabat. Tunc illæ uestes, quas in templo Solis uidemus, consertæ gemmis, tum Persici dracones, et tiaræ, tum genus purpuræ, quod postea nec ulla gens detulit, nec Romanus orbis uidit: de qua pauca saltem libet dicere. Meministis enim fuisse in templo Iouis optimi maximi Capitolini pallium breue purpureū lanestre, ad quod cum matronæ, atque ipse Aurelianus iungerent purpuras suas, cineris specie decolorari uidebantur cæteræ diuini comparatione fulgoris. Hoc munus rex Persarum ab Indis interioribus sumptum, Aureliano dedisse perhibetur, scribens, Sume purpuram qualis apud nos est, sed hoc falsum fuit. Nā postea diligentissime et Aurelianus et Probus, et proxime Diocletianus missis diligentissimus confe-

floribus, requisierunt tale genus purpuræ, nec tamen in-
 uenire potuerunt. Dicitur enim sandix Indica talem pur-
 puram facere, si curetur. Sed ad incepta redeamus. Ingens
 tamen strepitus militum fuit omnium, Zenobiam ad pœ-
 nam poscentium. Sed Aurelianus indignum existimans mu-
 lierem interim, occisis plerisque, quibus autoribus illa bel-
 lum mouerat, parauerat, gesserat, triumpho mulierem re-
 seruauit, ut populi Romani oculis esset ostentui. Graue in-
 ter eos qui cæsi sunt, de Longino philosopho fuisse perhi-
 betur, quo illa magistro usa esse ad Græcas literas dicitur.
 Quem quidem Aurelianus idcirco dicitur occidisse, quod
 superior illa epistola ipsius diceretur dictata consilio, quan-
 uis Syro esset sermone contexta. Pacato igitur Oriente, in
 Europam Aurelianus redijt uictor, atque illic Carporum
 copias afflixit: et cum illum Carpium senatus absentem
 uocasset, mandasse ilico fertur, Supereſt P.C. ut me etiam
 Carpisculum uocetis. Carpisculum enim genus calciamenti
 esse satis notum est, quod cognomen deforme uidebatur:
 cum et Gothicus, et Sarmaticus, et Armenicus, et Par-
 thicus, et Adiabenicus dicæretur. Rarum est ut Syri fidem
 seruent, imò difficile. Nam Palmyreni qui iam uicti atque
 contusi fuerant, Aureliano rebus Europensibus occupato
 non mediocriter rebellauerunt. Sandarionem enim, quem
 in præsidio illic Aurelianus posuerat, cum sexcentis sagit-
 tarijs occiderunt, Achilleo cuidam parenti Zenobie parâ-
 tes imperium. Verum adeo Aurelianus, ut erat paratus, ex
 Europa reuertit, atque urbem, quia ita merebatur, euertit.
 Crudelitas denique Aureliani, uel ut quidam dicunt, seue-
 ritas, eatenus extitit, ut epistola eius feratur confessionem
 immaniſſimi furoris ostentâs, cuius hoc exemplū est. Au-
 relianus Augustus Ceionio Basso Non oportet ulterius
 ff. ij.

progredi militum gladios, iam satis Palmyrenorū cæsum
 atque occisum est. Mulieribus non peperimus, infantes oc-
 cidimus, senes iugulauius, rusticos interemimus, cui terras
 cui urbem demæps relinquemus? Parcendū est ijs qui re-
 manserunt. Credimus enim paucos tam multorum suppli-
 cijs esse correctos. Templum sanè Solis, quod apud Palmy-
 ram aquilifer legionis tertiæ cum uexilliferis et draco-
 nario cornicinibus atque liticinibus diripuerunt, ad eam
 formam uolo, quæ fuit, reddi. Habes trecentas auri libras
 Zenobiæ capsulus: habes argenti mille octingenta pondo. De
 Palmyrenorum bonis habes gemmas regias. Ex his omni-
 bus fac cohonestari templum: mihi et dijs immortalibus
 gratissimum facris. Ego ad senatū scribam, petens ut mit-
 tat pontificæ, qui deducat templū. Hæ literæ ut uidemus,
 indicant satiatam esse immanitatem principis duri. Secu-
 rior denique iterum in Europam redijt: atque illic omnes
 qui uagabantur, hostes nota illa sua uirtute contudit. Inte-
 rim res per Thracias Europamq; omnē Aureliano ingen-
 tes agente, Firmus quidam extitit, qui sibi AEgyptum sine
 insignibus imperij, quasi ut esset ciuitas libera, undica-
 uit. Ad quem continuo Aurelianus reuertit: nec illi defuit
 felicitas solita. Nam AEgyptum statim recepit: atque ut e-
 rat ferox animi, cogitatione multus, uehementer irascens
 quòd adhuc Tetricus Gallias obtineret, Occidentem petijt:
 atque ipso Tetrico exercitum suum prodente, quòd eius scæ-
 lera ferre non posset, deditas sibi legiones obtinuit. Prin-
 ceps igitur totius orbis Aurelianus pacatis per Occidentem
 Gallis, atque undique terris, Romam iter flexit, ut de Zeno-
 bia et Tetrico, hoc est de Oriente et Occidente triumphū
 Romanis oculis exhiberet. Non ab re est cognoscere, qui fue-
 rit Aureliani triumphus. Fuit enim speciosissimus. Currus

regij tres fuerunt. In his unus Odenati, argento, auro, gem-
 mus operosus atque distinctus: Alter, quem rex Persarum
 Aureliano dono dedit, ipse quoque pari opere fabricatus:
 Tertius, quem sibi Zenobia composuerat, sperans se urbem
 Romanam cum eo usuram, quod illam non sefellit: nam
 eo urbem ingressa est uicta & triumphata. Fuit alius cur-
 rus quatuor ceruis iunctus, qui fuisse dicitur regis Gottho-
 rii: quo ut multi memoriae tradiderunt, Capitolium Aure-
 lianus inuictus est, ut illic caderet ceruos, quos cum eodem
 curru captos uouisse Ioui optimo maximo ferebatur. Præ-
 æsserunt elephantis uiginti, fere mansuetæ Libycæ Pale-
 stinæ diuersæ ducentæ: quas statim Aurelianus priuatis do-
 nauit, ne fiscum annonis grauaret. Tigrides quatuor: came-
 lopardali, alæ, cætera talia per ordinem ducta: gladi-
 atorum paria octingenta: præter captiuos gentium Barba-
 rarum, Blemyes, Axomitæ, Arabes, Eudæmones, Indi, Ba-
 ctrianæ, Hiberi, Saraceni, Persæ cum suis quique muneri-
 bus: Gotthi, Alani, Roxolani, Sarmatæ, Franci, Sueui, Van-
 dali, Germani religatis manibus captiuos præcesserunt. In-
 ter hos etiam Palmyreni, qui superfuerant principes ciui-
 tatis, & Aegyptij ob rebellionem. Ductæ sunt & decem
 mulieres, quas uirili habitu pugnautes inter Gotthos cep-
 rat: cum multæ essent interemptæ, quas de Amazonum
 genere titulus indicabat. Prælati sunt tituli gentium nomi-
 na continentes. Inter hæc fuit Tetricus chlamyde coarctæ,
 tunica galbina, braccis gallicis ornatus, adiuncto sibi filio,
 quem imperatorem in Gallia nuncupauerat. Incedebat e-
 tiam Zenobia ornata gemmis, catenis aureis, quas alij sus-
 tentabant. præferebantur coronæ omnium ciuitatum au-
 reæ titulis eminentibus proditæ. Iam populus ipse Roma-
 nus, iam uexilla collegiorum atque castrorum, & cata-
 ff. ii.

phractarij milites, & opes regiae, & omnis exercitus, & senatus etsi aliquanto tristior, quod senatores triumphari uidebat, multum pompæ addiderāt. Denique uix nona hora in Capitolium peruenit, sero autem ad palatium. Sequentibus diebus datæ sunt populo uoluptates ludorum scenicorum, ludorum Circensium, uenationum, gladiatorū, naumachiae. Non prætermittendum uidetur, quod & populus memoria tenet, & fides historica frequentauit, Aurelianum eo tempore quo proficiscebatur ad Orientem, bilibres coronas populo promississe, si uictor rediret: & cum aureas populus speraret, neque Aurelianus aut posset, aut uellet, coronas eum fecisse de panibus, qui nunc siliginei uocantur, & singulis quibusque donasse: ita ut siliginem suū quotidie toto æuo suo, & unusquisque reciperet, & posteris suis dimitteret. Nam idem Aurelianus & porcinam carnem populo Romano distribuit, quæ hodièque diuiditur: leges plurimas sanxit, & quidem salutaris: sacerdotia composuit, templum Solis fundauit, & pontifices roborauit. Decreuit etiam emolumenta architectis & ministris. His gestis, ad Gallias profectus Vindelicos obsidione barbarica liberauit: deinde ad Illyricum redijt, paratòque magno potius quàm ingenti exercitu, Persis, quos eo quoque tempore, quo Zenobiam superauit, gloriosissime iam uicerat, bellum indixit. Sed cum iter faceret apud Cænophrium mansionem, quæ est inter Heracliam & Byzantiū, malitia notarij sui, & manu Mucaporis interemptus est. Et causa occidendi eius quæ fuerit, & quemadmodum sit occisus, ne res tanta lateat, breui edisseram. Aurelianus, quod negari non potest, seuerus, truculentus, sanguinarius fuit princeps. Hic cum usque eò seueritatē tendisset, ut & filiam sororis occideret non magna neque satis idonea cau-

sa, iamprimum in odium suorum uenit. Incidit autem, ut se res fataliter agunt, ut Mnesthemum quendam, quem pro notario secretorum habuerat, libertum, ut quidam dicunt, suum, in fensioem sibi minando redderet, quod nescio quid de quodam suspicatus esset. Mnestheus, qui sciret Aurelianium neque frustra minari solere, neque si minaretur, ignoscere, breue nomen conscripsit iuxta ijs quibus Aurelianus uere irascebatur, cum ijs de quibus nihil asperum cogitabat, addito etiam suo nomine, quo magis fidem faceret ingesta sollicitudinis: ac breue legit singulis, quorum nomina continebat: addens disposuisse Aurelianium eos omnes occidere: illos uero debere suae uitae, si uiri sunt, subuenire. Hi cum exarsissent timore qui merebantur offensam, dolorem miscentes beneficijs atque officijs, quibus Aurelianus uidebatur ingratus, in supradicto loco iter facientem principem subito adorti, interemerunt. Hic finis Aureliano fuit principi necessario magis quam bono. Quo interfecto cum esset res prodita, et sepulchrum ingens, et templum illi detulerunt ij à quibus interemptus est. Sanè Mnestheus postea surreptus ad stipitem bestijs obiectus est, quod statuæ marmoreæ positæ in eodem loco utrinque significant, ubi et in columnis Diuo Aureliano statuæ constitutæ sunt. Senatus mortem eius grauius tulit, grauius tamen Po. Ro. qui uulgo dicebat Aurelianium paedagogum esse senatorum. Imperauit annis sex minus paucis diebus: ac rebus magnis gestis inter diuos relatus est. Quia pertinet ad Aurelianium id quod in historia relatum est, tacere non debui. Nam multi ferunt Quintillum fratrem Claudij, cum in præsidio Italico esset, audita morte Claudij sumpsisse imperiū. Verum postea ubi Aurelianium comperit imperare à toto exercitu delectum, cumque contra eū

concionaretur, nec à militibus audiretur, inasis sibi met uen-
 nis die uigesimo imperij sui periſſe. Quicquid sanè ſclerũ
 fuit, quicquid malæ conſciētiae, uel artiũ funeſtarum, quic-
 quid denique factionum, Aurelianus toto penitus orbe pur-
 gauit. Hoc quoque ad rem pertinere arbitror, Balbati filij
 nomine Zenobiã non Timolai & Herenniani imperium
 tenuiſſe quod tenuit. Fuit ſub Aureliano etiã monetariorũ
 bellum Feliciffimo rationali autore, quod acerrime ſeueriſ-
 ſimèque compescuit, ſeptem tamen nullibus ſuorũ militum
 interemptis: ut epiftola docet miſſa ad Vlpium Crinitum ter
 conſulẽ, qui eũ antè adoptauerat. Aurelianus Auguſtus
 Vlpio patri. Quasi fatale quiddã inaeſſit, ut omnia quæcũ
 que geſſero, omnes motus ingraueſcãt. Ita enim ſeditio in-
 tramurana bellũ mihi grauiffimum peperit: monetarij au-
 tore Feliciffimo ultimo ſeruorum, cui procurationem fiſci
 mandauerã, rebelles ſpiritus extulerunt. Hi compreſſi ſunt,
 ſeptem millibus Hiberorum Riparienſium & Caſtriano-
 rum & Daciſcorũ interemptis. Vnde apparet nullam mi-
 hi à dijs immortalibus datam ſine difficultate uictoriam.
 Tetricum triũphatum correctorem Lucaniæ fecit, filio eius
 in ſenatu manẽte: templum Solis magniſcentiſſimum con-
 ſtituit: muros urbis Romæ ſic ampliauit, ut quinquaginta
 propè millia murorũ eius ambitus teneant. Idem quadru-
 platores, ac delatores ingenti ſeueritate perſecutus eſt: ta-
 bulas publicas ad priuatorum ſecuritatẽ exuri in foro
 Traiani ſemel iuſſit. Amneſtia etiam ſub eo delictorum
 publicorum decreta eſt de exemplo Athenienſium. Cuius
 rei etiam Tullius in Philippiis meminit. Fures prouin-
 ciales repetundarum ac peculatus reos ultra militarem
 modum eſt perſecutus, ut eos ingentibus ſupplicijs crucia-
 tibiſque puniret. In templo Solis multum auri gemma-

rumque constituit. cum uastatum Illyricum, ac Mœsiam deperditam uideret, prouinciam trans Danubium Daciam à Traiano constitutam sublato exercitu, et prouincialibus reliquit, desperans eam posse retineri. Abductosque ex ea populos in Mœsiam collocauit: appellauitque suam Daciam, quæ nunc duas Mœsias diuidit. Dicitur præterea huius fuisse crudelitatis, ut plerisque senatoribus simulatâ ingereret factionem coniurationis ac tyrānidis, quo facilius eos posset occidere. Addunt nonnulli filium sororis non filiam ab eodem interfectum, plerique autem etiam filium sororis. Quàm difficile sit imperatorem in locum boni principis legere, et senatus sanctioris grauitas probat, et exercitus prudentis autoritas. Occiso nanque seuerissimo principe, de imperatore deligendo exercitus retulit ad senatum: idcirco quòd nullum de his faciendum putabat, qui tam bonum principem occiderant. Verum senatus hanc eandem delectionem in exercitum refudit, sciens non libenter iam milites accipere imperatores eos quos senatus elegerit. Denique id tertio factum est, ita ut per sex menses imperatorem Romanus orbis non habuerit, omnesque iudices ij permanerent, quos aut senatus, aut Aurelianus elegerat, nisi quòd proconsulem Asiæ Falco^um Probum in locum Arelj Fusci delegit. Non inuicundum est ipsas inserere literas, quas ad senatū exercitus misit: Felices ac fortes exercitus senatui populoque Rom. Aurelianus imperator noster per fraudem unius hominis, et per errorem bonorum ac malorum interemptus est. Hunc inter deos referte sancti et domini P. C. et de uobis aliquē sed dignum uestro iudicio principem mittite. Nos enim de ijs, qui uel errauerunt, uel male fecerunt, imperare nobis neminem patimur. Rescriptū est senatusconsulto: Cum

die tertio nonas Februarias senatus amplissimus in curiam Pompilianam conuenisset, Aurelius Gordianus consul dixit, Referimus ad uos P. C. literas exercitus felicissimi: quibus recitatis Aurelianus Tacitus primæ sententiæ senator ita locutus est. hic autem est, qui post Aurelianum sententia omnium imperator est appellatus. Recto ordine consuluisse dī immortales P. C. si boni principes ferro inuolabiles extitissent, ut longiorem ducerēt uitam: neque contra eos aliqua esset potestas ijs qui nece infandas tristissima mente concipiunt. Viueret enim princeps noster Aurelianus, quo neque utilior fuit quisquam. Respirare certe post infelicitatem Valeriani, post Galliceni mala imperante Claudio cœperat nostra Resp. at eadē red-dita fueras Aureliano toto penitus orbe uincēte. Ille nobis Gallias dedit, ille Italiā liberauit. Ille Vndelicis iugū barbaricæ seruitutis amouit: illo uiuēte Illyricum restitutum est. redditæ Romanis legibus Thraciæ. Ille (prò pudor) Orientem fœmineo pressum iugo in nostra iura restituit. Ille Persas insultantes adhuc Valeriani necē fudit, fugauit, oppressit. Illū Saraceni, Blemyes, Axomitiæ, Bactriani, Seres, Hiberi, Albani, Armenij, populi etiam Indorū ueluti præsentem penè uenerati sunt Deū: illius donis quæ à Barbaris gētibz meruit, refertū est Capitoliū: qundecim milia librarū auri ex eius liberalitate unū tenet tēplum, omnia in urbe sana eius micant donis. Quare P. C. uel deos ipsos iure cōuenio, qui talem principē interire passi sunt, nisi forte secum eum esse maluerūt. Decerno igitur diuinos honores: id quod uos omnes existimo esse facturos. Nam de imperatore deligendo ad eūdem exercitum censeo esse referendum. Etenim in tali genere sententiæ nisi fiat quod dicitur, et electi periculum erit, et eligentis inuidia. Pro-

bata est sententia Taciti: attamen cum iterum atque iterum mitterent, ex. S. C. quod in Taciti uita dicemus, Tacitus factus est imperator. Aurelianus filiam solam reliquit, cuius posterum etiam nunc Romæ sunt. Aurelianus nanque proconsul Ciliciæ senator optimus, sui uere iuris uitæq; uenerabilis, qui nunc in Sicilia uitâ agit, eius est nepos. Quid hoc esse dicâ tam paucos bonos extitisse principes, cū iam tot Cæsares fuerint? Nā ab Augusto in Diocletianum Maximianūq; principes, quæ series purpuratorū sit, index publicus tenet. Sed in his optimi, ipse Augustus, Flavius Vespasianus, Titus, Cocceius Nerva, diuus Traianus, diuus Adrianus, Pius et Marcus Antonini, Seuerus Afer, Alexander Mammææ, diuus Claudius, et diuus Aurelianus. Valerianus enim cum optimus fuerit, ab omnibus infelix apparuit. Vides quæso quàm pauci sint principes boni, ut bene dictum sit à quodam nimico scurræ Claudij huius temporibus, in uno annulo bonos principes posse perscribi, atque depingi. At contra quæ series malorum? ut enim omnittamus Vitellios, Caligulas, et Nerones, quis ferat Maximinos et Philippos, atque illam inconditæ multitudinis fecem? Tametsi Decios excerpere debeam, quorum et uita, et mors ueteribus comparanda est. Et quaeritur quidem quæ res malos principes faciat: Iam primum nimia licentia, deinde rerum copia, amici præterea improbi, satellites detestandi, eunuchi auarissimi, aulici uel stulti uel detestabiles: et quod negari non potest, rerum publicarum ignorantia. Sed ego à patre meo audiui Diocletianum principem iam priuatum dixisse, nihil esse difficilius quàm bene imperare. Colligunt se quatuor uel quinque, atque unum consilium ad decipiendum imperatorem capiunt. Dicunt quid probandū sit. Imperator qui

domi clausus est, uera non nouit: cogitur hoc tantum scire quod illi loquuntur: facit iudices, quos fieri non oportet, amouet à Republica, quos debeat obtinere. Quid multa? ut Diocletianus ipse dicebat, bonus, cautus, optimus uenditur imperator. Hæc Diocletiani uerba sunt, quæ idcirco inserui, ut prudētia tua sciret nihil esse difficilius bono principē. Aureliānum quidem multi neque inter bonos neque inter malos principes ponunt: idcirco quod ei clementia imperatorum dos prima defuerit. Veronius Herērianus præf. præ. Diocletiani, teste Asclepiodoto, sæpe dicebat Diocletianum frequenter dixisse, cum Maximiani asperitatem reprehenderet, Aureliānum magis ducem esse debuisse quàm principem. Nam eius nimia ferocitas eidem displicebat. Mirabile fortasse uidetur, quod cōpertum Diocletiano Asclepiodotus Celsino consiliario suo dixisse perhibet. Sed de hoc posteri iudicabūt. Dicebat enim quodam tempore Aureliānum Gallicanas cōsuluisse Druidas, sciscitantem utrum apud eius posteros imperium permaneret: tum illas respondisse dixit: Nullius clarius in Repub. nomen quàm Claudij posterorū futurum. Et est quidē iam Constantius imperator eiusdem uir sanguinis, cuius puto posteros ad eam gloriam quæ à Druidibus pronuntiata sit, peruenire. Quod idcirco ego in Aureliani uita constitui, quia hæc ipsi Aureliano consulenti responsa sunt. Vethigal ex Aegypto urbi Romæ Aurelianus uitri, chartæ, lini, stupæ, atque anabolicas species æternas constituit. Thermas in Transiberina regione Aurelianus facere parauit hyemales, quod aquæ frigidioris copia illic deesset. forum nominis sui in Hostiensi ad mare fundare cœpit. In quo postea prætorium publicum constitutum est. Amicos suos honeste ditauit, et modice, ut miseras paupertatis ef-

fugerent, & ditularum inuidiam patrimonij moderatione uitarent. Vestem holosericam neque ipse in uestuario suo habuit, neque alteri utendum dedit. Et cum ab eo uxor sua peteret ut unico pallio blatteo serico uteretur, ille respondit, Absit ut auro fila pensentur. libra enim auri tunc libra serici fuit. Habuit in animo, ut aurum neque in cameris, neque in tunicas, neque in pelles, neque in argētum mitteretur: dicens plus auri esse in rerum natura quàm argēti: sed aurum per uarios bractearum, filorum & liquationum usus perire: argentum autem in suo usu manere. Idem dederat facultatem, ut aureis qui uellent & uasis uterentur & poculis. Dedit præterea potestatem, ut argentatas priuati carrucas haberent, cum antea ærata & eborata uehicula fuissent. Idem cōcessit, ut blatteas matronæ tunicas haberēt, & cæteras uestes, cum antea coloreas habuissent, & ut multū oxypæderotinas. Et ut fibulas aureas gregarij milites haberent, idem primus concessit, cum antea argenteas habuissent. Paragaudas uestes ipse primus militibus dedit, cum ante non nisi rectas purpureas accepissent: & quidē alijs monolores, alijs dilores, trilores alijs, & usq; ad pentelores, quales hodie linæ sunt. Pani- bus urbis Romæ unciā de Aegypto uestigali auxit: ut quadā epistola data ad præfectū annonæ urbis etiā ipse gloriatur: Aurelianus Augustus Flauio Arabiano præfecto annonæ: Inter cætera quibus dñs fauentibus Romanā Rēp. iuuimus, nihil mihi est magnificentius, quàm quòd additamento uncie omne annonarum urbicarum genus iuui, quod ut esset perpetuum, nauicularios Niliacos apud Aegyptum nouos, & Romæ amicos posui. Tiberinas extruxi ripas: uadum aluei tumentis effodi, dñs & perennitati uota cōstitui, almam Cererem cōsecraui. Nunc tuum

est officium Arabianæ iucundissime elaborare, ne meæ dispositiones in irritum ueniant. Neque enim populo Rom. saturo quicquam potest esse lætius. Statuerat & uinum gratuitum populo Rom. dare: ut quemadmodum oleum & panis, & porcina gratuita præberentur, sic etiam uinum daretur, quod perpetuum hac dispositione conciperat. Hetruriæ per Aureliam usque ad alpes maritimas ingentes agri sunt, iique fertiles, ac syluosi. Statuerat igitur dominis locorum incultorum, qui tamen uellent, pretia dare, atque illic familias captiuas cōstituere, utibus montes cōserere, atque ex eo opere uinum dare, ut nihil reddituum fiscus acciperet, sed totum Po. Ro. cōcederet. Facta erat ratio dochæ, cuparum, nauium & operum. sed multi dicunt Aurelianum ne id faceret, præuentum: alij à præf. præf. sui prohibitum, qui dixisse fertur, si & uinum populo Rom. damus, superest ut & pullos, & anseres demus. Argumento est id uere Aurelianum cogitasse, imò etiam facere disposuisse, uel ex aliqua parte fecisse, quod in porticibus templi Solis fiscalia una ponuntur, non gratuita populo eroganda, sed pretho. Sciendum tamen congraria illum ter dedisse, donasse etiam Po. Ro. tunicas albas manicatas ex diuersis prouincijs, & lineas Afras atque Aegyptias puras: ipsumque primum donasse oraria populo Romano, quibus uteretur populus ad fauorem. Dissplicebat ei, cum esset Romæ, habitare in palatio, ac magis placebat in hortis Sallustij, uel in Domitiæ uiuere. Milia-rensẽ deniq; porticum in hortis Sallustij ornauit, in qua quotidie & equos & se fatigabat, quanuis esset non bonæ ualeitudinis. Seruos & ministros peccantes coram se cædi iubebat, ut plerique dicunt, causa tenendæ seueritatis: ut alij, studio crudelitatis. Ancillā suam, quæ adulterium

cum seruo suo fecerat, capite puniuit. Multos seruos è familia propriis qui peccauerant legibus audiendos iudicijs publicis dedit. Senatum, siue senaculum matronis reddi uoluerat, ita ut primæ illic, quæ sacerdotia senatu autore meruissent. Calæos mulleos, & cereos, & albos, & hederacios iuris omnibus tulit, mulieribus reliquit. Cursores eo habitu quo ipse habebat senatoribus concessit. Concubinas ingenuas haberi uetuit. Eunuchorum modum pro senatorijs professionibus statuit, idcirco quòd ad ingentia pretia peruolassent. Vas argenti eius nunquam triginta libras transiit. Conuiuium de assaturis maxime fuit. Vino rufò maxime delectatus est. Medicum ad se cum ægrota- ret, nunquam uocauit, sed ipse se media præcipue cura- bat. Vxori & filie annulum sigillaritium quasi priua- tus instituit. Seruis suis uestes easdem imperator, quas & priuatus dedit, præter duos senes, quibus quasi libertis plurimum detulit, Antistium & Gillonem, qui post eum ex senatus sententia manumissi sunt. Erat quidem rarus in uoluptatibus, sed miro modo mimis delectabatur: ue- hementissime autem delectatus est Phagone, qui usque eo multum comedit, ut uno die ante mensam eius aprum in- tegrum, centum panes, uerueam, & porcellum comede- ret: biberet autem in fundibulo appposito plus orca. Habuit tẽpus præter seditiones quasdam domesticas fortunatissi- mum: populus autem Romanus eũ amauit, senatus timuit.

T A C I T U S.

VOD post exæssum Romuli nouello ad-
 huc Romanæ urbis imperio factum ponti-
 fices, penes quos scribendæ historiæ potestas
 fuit, in literas retulerunt, ut interregnum
 dū post bonum principem bonus alius quæ-
 ritur, iniretur: hoc post Aurelianum, habito inter senatum
 exercitūque Romanum, non inuido, non tristi, sed grato
 religiosq; certamine, sex totis mensibus factum est. Mul-
 tis tamen modis hæc ab illo negotio causa separata est. Iam
 primum enim cum interregnum initum est post Romulū,
 interreges tamē facti sunt: totūque ille annus per quinos
 et quaternos dies siue ternos centū senatoribus deputatus
 est, ita ut qui ualere, interreges essent singuli duntaxat.
 Quare factū est ut plures ānos interregnū iniretur, ne a-
 liquis sub æquali dignitate Romani expers remaneret im-
 perij. Huc accedit, quod etiā sub cōsulibus tribunisque mi-
 litaribus præditis imperio consulari, si quando interregnū
 initū est, interreges fuerunt. Nec unquā ita uacua fuit hoc
 nomine Romana Resp. ut nullus interrex biduo saltē tri-
 duoue crearetur. Video mihi posse obijci, curules magistra-
 tus apud maiores nostros quadrienniū in Rep. non fuisse:
 sed erant tribuni plebis cū tribunitia potestate, quæ pars
 maxima regalis imperij est. tamē nō est proditū interreges
 eo tēpore nō fuisse. Quin etiā uerioribus historicis referēti-
 bus declaratū est consules ab interregibus prius creatos,
 qui haberēt reliquorū comitia magistratū. Ergo quod ra-
 rū et difficile fuit, S. P. Q. R. perpeffus est ut imperatorem
 per sex mēses, dū bonus queritur, Resp. nō haberet. Quæ il-
 la cōcordia militū, quāta populo quies, quā grauis senat⁹

autoritas fuerit? Nullus usquam tyrannus emerfit. sub iudicio senatus, & militum, populique Romani totus orbis est temperatus: non illi principem quenquam, ut rectè facerent, non tribunitiam potestatem formidabant: sed, quod est in uita optimum, se timebant. Dicenda est tamen causa tam felicium morarum, & speciatim monumentis publicis inferenda, ea in posteros humani generis stupenda moderatio: ut discant qui regna capiunt, non raptum ire imperia, sed mereri. Interfecto sanè fraude Aureliano, ut superiore libro scriptum est, calliditate serui nequissimi, errore militariū, ut apud quoslibet commenta plurimum ualent, dummodo irati audiant, plerumque temulenti, cerie consiliorum propè semper expertes, reuersis ad bonam mentem omnibus, eisdemque ab exercitu grauius confutatis, coeptum est queri, & quis fieri deberet ex omnibus princeps. Tunc odio præsentium exercitus, qui creare imperatorem raptim solebat, ad senatum literas misit: de quibus priore libro iam dictum est, petens ut ex ordine suo principem legerent. Verū senatus sciens lectos à se principes militibus non placere, rem ad milites retulit. Dūmque id sæpius fit, sextus peractus est mensis. Interest tamen ut sciatur quemadmodū Tacitus imperator sit creatus. Die VII. Cal. Octo. cum in curiam Pompilianam ordo amplissimus confedisset, Velius Cornificius Gordianus cōsul dixit: Referimus ad uos P. C. quod sæpe retulimus: Imperator est deligendus: exercitus sine principe rectè diutius stare nō potest, simul quia cogit necessitas. Nam limite trans Rhenum Germani rupisse dicuntur, occupasse urbes ualidas, nobiles, diuites, & potentes. Iam si nihil de Persis motibus nuntiatur, cogitate tam leues esse mentes Syrorum, ut regnare uel fœminas cupiant potius quàm nostram perpeti

sanctimoniā. Quid Africā? Quid Illyricum? Quid Aegyptū? earūque omnium partium exercitū, quousq; sine principe credimus posse cōsistere? Quare agite P. C. et principem dicite: aut accipiet eū exercitus, quē elegeritis: aut si refutauerit, alterū faciet. Post hāc cū Tacitus, qui erat primæ sententiæ consularis, sententiā incertum quam uellet dicere, omnis senatus acclamauit: Tacite Auguste dii te seruent, te deligimus, te principē facimus, tibi curā Reip. orbisq; mādāmus. Suscipe imperiū ex senatus autoritate: tui loci, tuæ uitæ, tuæ mentis est quod mereris. Primæps senatus rectē Augustus creatur, primæ sententiæ uir rectē imperator creatur. Et quis melius quā grauis imperat? et quis melius quā literatus imperat? Quod bonū faustum salutareque sit, diu priuatus fuisti. Scis quemadmodū debeas imperare, qui alios principes pertulisti. Scis quemadmodum debeas imperare, qui de alijs principibus iudicasti. At ille: Miror P. C. uos in loci Aureliani fortissimi imperatoris senem uelle principē facere: en mēbra, quæ iaculari ualeāt, quæ hastile torquere, quæ clypeus intonare, quæ ad exemplū docendi milites frequenter equitare: uix munia senatus implemus, uix sententias, ad quas nos locus arctat, edicimus. Videte diligentius quam etatē de cubiculo atque umbra in pruinās æstūsque mittatis, an probaturos senem imperatorē milites creditis? Videte ne Reip. non eū quem uelitis principem detis: et mihi hoc solum obesse incipiat, quod me unanimiter delegistis. Post hāc acclamationes senatus hæ fuerūt: Et Traianus ad imperium senex uenit, dixerunt decies. Et Adrianus ad imperium senex uenit, dixerunt decies. Et Antoninus ad imperium senex uenit, dixerunt decies. Et tu legisti, -Incānāq; mentis Regis Romani, dixerunt decies. Et quis melius quā senex imperat?

dixerunt decies. Imperatorē te, non militem facimus, dixerunt uicies. Tu iube milites pugnent, dixerunt tricies. Habes prudentiam & bonum fratrem, dixerunt decies. Senecrus dixit, caput imperare nō pedes, dixerunt tricies. Animum tuū non corpus eligimus, dixerunt uicies. Tacite Auguste dī te seruet. Deinde omnes interrogati: præterea qui post Tacitum sedebat senator consularis Metius Falconius Nicomachus in hæc uerba disseruit: Sēper quidem P.C. rectē atq; prudēter Reip. magnificus hic ordo cōsultuit, neque à quoquā orbis terræ populo solidior unquam expectata sapientia est: attamen nulla unquam neque grauior, neque prudēior in hoc sacrario dicta sententia est. Seniores principē fecimus, & uirū qui omnibus quasi pater cōsulat: nihil ab hoc immaturum, nihil properum, nihil asperum formidandū est. Omnia seria, cuncta graua, & quasi ipsa Resp. inbeat, augurāda sunt. Sic enim qualem sibi principē semper optauerit: nec potest aliud nobis exhibere, quàm quod ipse desiderauit, & uoluit. Enimvero si recolere uelitis uetusta illa prodigia, Neronēs dico, & Helio gabalos, & Cōmodos, seu potius semper incōmodos, certe nō hominum magis uitia illa, quàm ætatum fuerūt. Dī auertant principes pueros, & patres patriæ dici impuberes: & quibus ad subscribendum magistri literarij manus teneat: quos ad cōsulatus dādos dulcia, & circuli, & quæcunque uoluptas puerilis inuitet. Quæ (malum) ratio est habere imperatorē, qui famā curare nō nouerit? qui quid sit Resp. nesciat, nutritorem timeat, respiciat ad nutricem, magnorū magistraliū ictibus, terrorique subiacet: faciat eos Coss. duces, iudices, quorū uitas, merita, ætates, familias gesta nō norit. Sed quid diutius P.C. proter a hor? magis gratulemur, quòd habemus principē senem, quàm illa iteremus,

quæ plus quam lachrymanda tolerantibus extiterunt. Gra-
 tias igitur dijs immortalibus ago atque habeo, et quidē
 pro uniuerſa Rep. teque Tacite Auguſte conuenio petens,
 obſecrans, libere pro communis patriæ legibus depoſans,
 ne paruulos tuos, ſi te citius fata præuenerint, facias Ro-
 mani hæredes imperij: ne ſic Remp. Patrēſque conſcri-
 ptos, populūque Romanum, ut uillulam tuam, ut colonos
 tuos, ut ſeruos tuos relinquant: quare circumſpice, imitare
 Nervas, Traianos, Adrianos. Ingens eſt gloria morientis
 principis Remp. magis amare quàm filios. Hac oratione et
 Tacitus ipſe uehementer eſt motus, et totus ſenatorius or-
 do concuſſus. Statimq; acclamatum eſt: Omnes omnes. In-
 de itum ad campum Martium. Ibi cōnitiale tribunal a-
 ſcendit: ibi præfectus urbis AElivs Ceſetianus ſic locutus
 eſt: Vos ſanctiſſimi milites, et ſacraſſimi uos Quirites
 habetis principē, quem de ſententia omnium exercituum
 ſenatus elegit: Tacitum dico Auguſtiſſimum uirum, ut qui
 hætenus ſententijs ſuis Remp. iuuit, nunc iuuēt iuſſis, at-
 que conſultis. Acclamatum eſt à populo: Feliciffime Tacite
 Auguſte dū te ſeruent, et reliqua quæ ſolent dici. Hoc lo-
 co tacendum non eſt, pleroſque in literas retuliſſe, Tacitum
 abſentem et in Campania poſitum, principem nuncupa-
 tum: quod uerum eſt, nec diſſimulare poſſum. Nam cum
 rumor emerſiſſet illum imperatorem eſſe faciendum, di-
 ſceſſit, atque in Baiano duobus meſibus fuit. Sed inde de-
 ductus huic ſenatuſconſulto interfuit, quaſi uere priuatus,
 et qui uere recuſaret imperium: ac nequis me Græcorū
 alicui, uel Latinorum exiſtimet temere credidiſſe, habet bi-
 bliotheca Vlpia in armario ſexto librum Elephantinum, in
 quo hoc S. C. perſcriptum eſt: cui Tacitus ipſe manu ſua
 ſubſcripſit. Nam diu hæc S. C. quæ ad principes pertinet

bant, in libris Elephantinis scribebantur. Inde ad exercitus profectus: ibi quoque cum primum tribunal ascendit, Mesiſ Gallicanus præſect. præſ. in hæc uerba diſſeruit: Dedit ſanctiſſimi commilitones, ſenatus principem quem petiſtis: paruit præceptis, et uoluntati caſtrenſiũ ordo ille nobiliſſimus. plura mihi apud uos præſente imperatore non licet loqui. Ipſum igitur qui tueri nos debet, loquẽtem dignãter audite. Poſt hoc Tacitus Auguſtus dixit: Et Traianus ad imperium ſenex uenit, ſed ille ab uno deductus eſt: at me ſanctiſſimi commilitones, primum uos, qui ſcitis principes approbare, deinde ampliſſimus ſenatus dignum hoc nomine iudicauit. curabo, enitar, efficiam, ne uobis deſint, ſi non fortia facta, at ſaltem uobis atque imperatore digna conſilia. Poſt hoc ſtipẽdium, et donatiuum ex more promiſit, et primam orationem ad ſenatum talem dedit:

Ita mihi liceat P. C. ſic imperiũ regere, ut à uobis me coſtet electum, ut ego cuncta ex ueſtra facere ſententia, et poteſtate decreui. Veſtrũ eſt igitur ea iubere atq; ſancire, quæ digna uobis, digna modoſto exercitu, digna populo Romano eſſe uideantur. In eadẽ oratione Aureliano ſtatuum aureã ponendam in Capitolio decreuit: item ſtatuum argenteam in curia, item in templo Solis, itẽ in ſero diui Traiani. ſed aurea non eſt poſita: dedicatæ autem ſunt ſolæ argenteæ. In eadem oratione cauuit, ut ſiquis argento publicæ priuatimque æs miſcuiffet, ſiquis auro argentum, ſiquis æri plumbum, capitale eſſet cum bonorum proſcriptione. In eadem oratione cauuit, ut ſerui in dominorum capita non interrogarẽtur, ne in cauſa maięſtatis quidem. addidit ut Aurelianum omnes piẽtum haberent. Diuorum templum fieri iuſſit, in quo eſſent ſtatue principum bonorum, ita ut iſſdem natalibus ſuis, et parilibus et Cal.

Ianuarijs & uotis, libamina ponerentur. In eadem oratione fratri suo Floriano consulatum petijt, & non impe-
 trauit, idcirco quod iam senatus omnia nundina suffe-
 ctorum consulum clauserat. Dicitur autem multum læ-
 tatus senatus libertate, quod ei negatus est consulatus, quem
 fratri petierat. Fertur denique dixisse: Scit senatus, quem
 principem fecerit. Patrimonium suum publicauit, quod
 habuit in redditibus HS bis millies octingentes. Pecuniam
 quam domi collegerat, in stipendium militum uertit. To-
 gis, & tunicis isdem est usus, quibus priuatus. Meritoria
 intra urbem stare uctuit, quod quidem diu tenere non po-
 tuit. Thermas omnes ante lucernam claudi iussit, nequid
 per noctem seditionis oriretur. Cornelium Tacitum scri-
 ptorem historiae Augustae, quod parentem suum eundem
 diceret, in omnibus bibliothecis collocari iussit: & ne le-
 ctorum incuria deperiret, librum per annos singulos de-
 cies scribi publicitus in euicis archijs iussit, & in biblio-
 thecis poni. Holofericam uestem uiris omnibus interdixit.
 Domum suā destrui præcepit, atque in eo loco thermas pu-
 blicas fieri priuato sumptu iussit. colūnas cētum Nummicas
 pedū uicēnam ternū Hostiensibus donauit. De proprio
 possessiones, quas in Mauritania habuit, sartis tectis Capi-
 tolij deputauit. Argentum mensale quod priuatus habue-
 rat, nuniſterijs conuiuiorū, quæ in tēplis fierent, dedicauit.
 Seruos urbanos omnes manumſit utriusque sexus, intra
 centū tamen, ne Caniniā transire uideretur. Ipse fuit uitæ
 parcissimæ: ita ut sextariū uini tota die nunquā potauerit,
 sæpe intra hemunam. Conuiuiū uero unius gallinæ, ita ut
 ſynciput adderet & oua. præ omnibus oleribus affatim
 ministratis, lactucis impatienter indulſit. ſomnum enim
 ſe mercari illa ſumptus effuſione diabat. amariores cibos

appetuit. Balneis raro usus est, atque ualidior fuit in senectute. Vitreorū diuersitatē, atque operositate uehementer est delectatus. Panē nisi siccum nunquā comedit: eundēque sale, atque alijs rebus cōditum. Fabricarū peritissimus fuit, marmorū cupidus, nitoris senatorij, uenationum studio-
sus. Mēsam denique suā nunquam nisi agrestibus opima-
uit. Fasianam auē, nisi suo et suorū natali, et diebus fe-
stissimis, nō posuit. Hostias suas semper domum reuocauit,
ijsdēque suos uesci iussit. Vxorē gemmis uti nō est passus.
Auroclauatis uestibus idem interdixit. Nam et ipse autor
Aureliano fuisse perhibetur, ut aurum a uestibus et ca-
meris, et pellibus submoueret. Multa huius feruntur, sed
longum est ea in literas mittere. Quod si quis omnia de
hoc uiro cupit scire, legat Suetoniū Optatianum, qui eius
uitam affatim scripsit. Legit sanē senex minutulas literas
ad stuporem: nec unquam noctem intermisit, qua non
aliquid uel scriberet, uel legeret, præter posterum calenda-
rum diem. Nec tacendum est, et frequenter inuitandum
tantam senatus lætitiā fuisse, quod eligendi principis cu-
ra ad ordinem amplissimum reuertisset: ut et supplica-
tiones decernerentur, et hecatombe promitteretur a sin-
gulis: denique senatores ad suos scriberent, nec ad suos
tantum, sed etiam ad externos. Mitterentur præterea lite-
ræ ad prouincias, ut scirent omnes socij, omnesque natio-
nes in antiquum statum rediisse Remp. ac senatum prin-
cipes legere, imō ipsum senatum principem factum: leges a
senatu petendas, reges barbaros senatui supplicaturos: pa-
cem ac bella senatu autore tractanda. nequid denique de-
esset cognitioni, plerasque huiusmodi epistolas in fine libri
posui, et cum cupiditate et sine fastidio, ut existimo, perle-
gendas. Et prima quidem illi cura imperatoris facti hæc

fuit, ut omnes qui Aurelianus occiderant, interimeret, bonos malosque, cum iam ille vindictatus esset. Et quoniam à Mæotide multi barbari eruperant, hos eosdem consilio atque viribus, ut eo redirent, compulit. Ipsi autem Mæotide ita congregabantur, quasi accitu Aureliani ad bellum Persicum conuenerissent auxilium daturi nostris, si necessitas postularet. Cum Tullius dicat, magnificentius esse dicere, quemadmodum cepit consulatum: at in isto viro magnificum fuit, quod tanta gloria cepit imperium. Gessit autem propter breuitatem temporum nihil magnū. Interemptus est enim insidijs militaribus, ut alij dicunt, sexto mense: ut alij, morbo interijt. Tamen constat factionibus eum oppressum, mente atque animo defecisse. Hic idem mensem Septembrem Tacitum appellari iussit: idcirco, quod eo mense et natus, et factus est imperator. Huic frater Florianus imperio successit, de quo pauca ponenda sunt.

FLORIANVS.

IC frater Taciti germanus fuit, qui post fratrem arripuit imperium, non senatus auctoritate, sed suo motu, quasi hereditariū esset imperium: cum sciret adiuratum esse in senatu Tacitum, ut cum mori cœpisset, non liberos suos, sed optimum aliquem principem faceret. Denique iux duobus mensibus imperiū tenuit, et occisus est Tarſi à militibus, qui Probū audierant imperare, quē omnis exercitus legerat. Tātus autē Probus fuit in re militari, ut illum senatus optaret, miles eligeret, ipse populus Romanus acclamationibus peteret. Fuit etiam Florianus

morum fratris inutator, nec tamen usquequaque. Nā effusionem in eo frater frugi reprehendebat: & hæc ipsa imperandi cupiditas alijs cum moribus ostendit fuisse quā frater. Duo igitur principes una extiterunt domo, quorū alter sex mensibus, alter uix duobus imperauerunt, quasi quidem interreges inter Aurelianum & Probum, post interregnum principes nuncupati. horū statuæ fuerūt Interamnæ duæ pedum trianūm ex marmore, quod illic eorum cenotaphia constituta sunt in solo proprio: sed deiectione fulmine ita contritæ sunt, ut membratim iaceant dissipatæ. Quo tempore responsum est ab aruspiciibus, quandoq; ex eorū familia imperatorem Romanum futurum, seu per scythiam, seu per uirum, qui det iudices Parthis ac Persis: qui Fracos & Alemānos sub Romanis legibus habeat: qui per omnē Africā Barbarū nō relinquat: qui Taprobanis præsidem imponat: qui ad Romanam insulam proconsulē mittat: qui Sarmatis omnibus iudicet, qui terrā omnem quā Oceanus ambit, captis omnibus gentibus, suā faciat: postea tamen senatui reddat imperium, & antiquis legibus uiuat ipse uicturus annis CXX & sine hærede moriturus. Futurū autem eum dixerunt à die fulminis præcipitati statuisque confractis post annos mille. Non magna hæc urbanitas aruspicum fuit, qui principem talem post mille annos futurum esse dixerunt? quia si post centum annos prædicarent fore, possent eorum deprehendi mendacia, cū uix remanere talis possit historia. Ego tamen itirco hæc inserenda uolumini credidi, nequis me legens legisse non crederet. Tacitus congrariū populo Romano intra sex menses uix dedit. Imago eius posita est in Quintiliorū in una tabula quincuplex, in qua semel togatus, semel chlamydatus, semel armatus, semel palliatus, semel uenatorio habitu.

De qua quidam epigrammatarius ita allusit, ut diceret: Nō agnosco senem armatum, non chlamydatum inter cætera, sed agnosco rogatum. Et Floriani liberi & Taciti multi extiterunt: quorū sunt posterī credo millesimū annum expectantes. In quos multa epigrammata scripta, quo iocati sunt aruspices imperiū pollicentes. Hæc sunt, quæ de uita Taciti atque Floriani digna memoratu comperisse memini. Nunc nobis aggrediendus est Probus uir domi foris que conspicuus: uir Aureliano, Traiano, Adriano, Antoninis, Alexandro, Claudioque præferendus, nisi quia in illis uaria, in hoc omnia præcipua tunc fuere: qui post Tacitum omnium iudicio bonorum imperator est factus, orbemque terrarum pacatissimum gubernauit, deletis barbaris gentibus, deletis etiam plurimis tyrānorum, qui eius temporibus extiterunt: de quo dictum est, ut Probus diceretur, etiam si probus nomine non fuisset. Quem quidem multi ferunt Sibyllinis libris fore promissum: qui si diutius fuisset, orbis terræ Barbaros non haberet. Hæc ego in aliorum uita de Probo iacirco indidi, ne dies, hora, momentum aliquid sibi uindicaret, ne fatali necessitate absumptus Probo indicto deperirem. Nunc claudam uolumen, satisfactum arbitrans studio & cupiditati meæ. Omina imperij Tacito hæc fuerunt: Fanaticus quidā in templo Syluani tensis membris exclamauit, Tacita purpura, tacita purpura, idque septimo. Quod quidem postea omni deputatum est. Vinum, quo libaturus Tacitus fuerat in templo Herculis Fundani, subito purpureū factum est. Vitis quæ uuas amineas albas ferebat, eo anno quo ille imperium meruit, purpurascere plurima purpura cœpit. Mortis omina hæc fuerunt: Patris sepulchrum disruptis ianuis se aperuit, matris umbra se per diem & Tacito & Floria-

no uelut uiuentis obtulit: nam diuersis patribus nati ferebantur. in larario dū omnes seu terræmotu, seu casu aliquo conciderunt. Imago Apollinis, quæ ab his colebatur, ex summo fastigio in lectulo posita sine hominis cuiuspiā manu deprehensa est. Sed hæc sunt, quæ à plerisque dicuntur. Nos ad Probum & ad Probi gesta insignia reuertemur. Et quoniam me promissi aliquas epistolas esse positurum, quæ creato Tacito principe gaudia se natus ostenderent, his additis finem scribendi faciā. Epistolæ publicæ: Senatus amplissimus curiæ Carthagenensi S.D. Quod bonum, faustum, felix, salutarēque sit Reip. orbique Rom. dādi ius imperij, appellādi principis, nuncupādi Augusti ad nos reuertit. Ad nos igitur referte, quæ magna sunt. Omnis pro-uocatio præfecti urbis erit: quæ tamen à proconsulibus, & ab ordinarijs iudicijs emerferit, in quo quidem etiā uelut in antiquū statum redisse credimus dignitatē. siquidem primus hic ordo est, qui recipiēdo ius suum, ius suū cæteris seruat. Alia epistola: Senatus amplissimus curiæ Tremurorū: Ut estis liberi, & semper fuistis, letari nos credimus, creandi principis iudiciū ad senatum redijt, simul etiā præfecturæ urbanæ appellatio uniuersa decreta est. Eodē modo scriptum est Antiochiensibus, Aquileiensibus, Mediolanensibus, Alexandrinis, Thessalonicensibus, Corinthijs & Atheniēsis. Priuatæ autē epistolæ hæc fuerūt: Autronio iusto patri Autronius Tiberianus salutē: Nunc te pater sancte interesse decuit senatui amplissimo, nunc sententiā diuine cum tantum autoritatis amplissimo ordini creuerit, ut reuertat in antiquū statū Resp. & nos principes demus, nos faciamus imperatores, nos deniq; nuncupemus Augustos. Fac igitur ut cōualescas curiæ interfuturus antiquæ. Nos recepimus ius proconsulare, redierūt ad

praefectum urbis appellationes omnium potestatum, et omnium dignitatum. Item alia: Claudius Capelianus Cereio Metiano patruo S. Obtinuimus pater sancte, quod semper optauimus, in antiquum statum senatus reuertit. Nos principes facimus, nostri ordinis sunt potestates. Gratias exercitui Romano et uere Romano: reddidit nobis, quam semper habuimus potestatem. Abice Baianos Puteolanosque secessus. Da te urbi, da te curiae. Floret Roma, floret tota Respublica. Imperatores damus, principes facimus: possumus et prohibere, qui coepimus facere. Dictum sapienti sat est. Longum est omnes epistolas connectere, quas reperi, quas legi. Tantum illud dico, senatores omnes ea esse laetitia elatos, ut domibus suis omnes albas hostias caederent imagines frequenter aperirent, albatum sederent, conuiuia sumptuosiora praeuenirent, antiquitatem sibi redditam crederent.

P R O B U S.

ERTVM est quod Sallustius Crispus, quodque M. Cato, et Gellius historicae sententiae modo in literas retulerunt, omnes omnium uirtutes tantas esse, quantas uideri eas uoluerint eorum ingenia, qui uniuscuiusque facta descripserint. Inde esse quod Alexander Magnus Macedo, cum ad Achillis sepulchrum uenisset, grauiter ingemiscens, Felicem te, inquit, iuuenis, qui talem praekonem tuarum uirtutum reperisti, Homerum intelligi uolens, qui Achillem tantum in uirtutum studio finxit, quantum ipse ualebat ingenio. Quorsum haec pertineant nisi Celse, ne fortassis requiras, Probum principem, cuius imperio Oriens, Occidens, Meridies, Septentrio, om-

neſq; orbis partes in totam ſecuritatem redactæ ſunt, ſcri-
ptorum inopia iam penè neſcimus. Occidit, prò pudor, tãti
uiri & talis hiſtoria, qualem non habem bella Punica, non
terror Gallicus, non motus Pontici, non Hiſpanienſis aſtu-
tia Sed nò patiar ego ille, à quo dudum ſolus Aurelianus
eſt expetitus: cuius uitam quãtum potui perſecutus, Tacito
Florianòque iam ſcriptis, non me ad Probi facta conſen-
dere? ſi uita ſuppetet, omnes qui ſuperſunt uſque ad Ma-
ximinianum Diocletianumque dicturus. Neque ego nunc
facultatem, eloquentiamque polliceor, ſed res geſtas, quas
perire non patior. Uſus autem ſum (ne in aliquo fallã cha-
riſſimam mihi familiaritatem tuam) præcipue libris ex bi-
bliotheca Vlpia ætate mea theſurus Diocletianis, item ex
domo Tiberiana. uſus etiam ex regiſtris ſcribarum porticus
Porphyreticæ, actis etiam ſenatus, ac populi. Et quoniam
me ad colligenda talis uiri geſta ephemeris Turduli Galli-
cani plurimum iuuat, uiri honeſtiſſimi ac ſynceriſſimi, be-
neficiũ amici ſenſis tacere non debui. Cn. Pompeium tri-
bus fulgentem triũphis, belli Piratici, belli Sertoriani, belli
Mithridatici, multarumque rerum geſtarum maiestate ſu-
blimem, quis tandem noſſet, niſi eum M. Tullius, & T. Li-
uius in literas retuliſſent? P. Scipionem Africanum, imò
Scipiones omnes, ſeu Lucios, ſeu Naſicas, nòne tenebræ poſ-
ſiderent ac tegerent, niſi commendatores eorum hiſtorici
nobiles atque ignobiles extitiſſent? Lõgum eſt omnia per-
ſequi, quæ ad exemplum huiusmodi etiam nobis tacenti-
bus uſurpanda ſunt. Illud tantũ conſtatũ uolo, me &
rẽ ſcripſiſſe, quã ſiquis uoluerit honeſtus, eloquio celſiore
demonſtret: & mihi quidem id animi fuit, non ut Sallu-
ſtos, Liuios, Tacitos, Trogos, atque omnes diſertiſſimos imi-
tarer uiros in uita principum & temporibus diſſerẽdis,

sed Marium Maximum, Suetonium Tranquillum, Fabiū Marcellinum, Gargilium Martialē, Iulium Capitolinum, AElum Lampridium, cæterósque qui hæc & talia non tam diserte, quàm uere memoriæ tradiderunt. Sum enim unus ex curiosis, quòd infinita scire non possum, incendentibus uobis: qui cum multa sciatis, scire multo plura cupitis. & ne diutius ea quæ ad meū consiliū pertinet loquar, magnum & præclarū principem, & qualem historia nostra non nouit, arripiam. Probus oriundus è Pannonia ciuitate Sirmienſi, nobiliore matre quàm patre, patrimonio moderato, affinitate non magna, tam priuatus quàm imperator nobilissimis uirtutibus claruit. Probo, ut quidā in literas retulerunt, pater nomine Maximus fuit: qui cæ ordines honestissime duxisset, tribunatum adeptus apud Aegyptum uita functus est, uxore, ac filio, & filia derelictis. Multi dicunt Probum Claudij propinquum fuisse optimi & sanctissimi principis: quod quia per unum tantum Græcorum relatum est, nos in medio relinquemus. Vnum tamē dico, quod in ephemeride legisse me memini, à Claudia sorore Probum sepultum. Adoleſcens Probus corporis moribus tam clarus est factus, ut Valeriani iudicio tribunatum propè imberbis acciperet. Extat epistola Valeriani ad Gallienum, qua Probum laudat adhuc adoleſcentem, & imitationi omnium proponit. Ex quo apparet neminem unquam peruenisse ad uirtutum summam iam naturum, nisi qui puer ſeminario uirtutum generosiore cōcretus aliquid inclytum designasset. Epistola Valeriani: Valerianus pater Gallieno filio Augustus Augusto, Et meum ſecutus iudicium, quod ſemper de Probo adoleſcente primo habui, & omnium bonorū, qui eundē ſui nominis uirū dicunt, tribunatum in eū contuli datis ſex cohorti-

bus Saracenis, creditis etiam auxiliaribus Gallis, cum ea Persarū manu, quam nobis Artabasses Syrus mancipauit. Te quaeso fili charissime, ut eum iuuenē, quem imitari pueris omnibus uolo, in tanto habeas honore, quantum uirtutes eius & merita pro debito mētis splendore desiderāt. Alia epistola de eodē ad praef. praet. cum salario: Valerianus Augustus Muluio Gallicano praef. praet. Miraris fortassis, quod ego imberbē tribunum fecerim contra constitutum diui Adriani. Sed non multum miraberis, si Probū cogitas adolescentē uere probū: nunquam enim aliud mihi, cū eū cogito, nomen occurrit. Quod nisi nomē haberet, potuit habere cognomen. Huic igitur dari iubebis, quoniā mediocris fortunae est, ut eius dignitas incrementis inuictur, tunicas rufulas duas, pallia gallica duo fibulata, interulas paragaudias duas, patinam argenteam librarū decē speculatam, aureos Antoninianos centum, argenteos Aurelianos mille, aereos Philippeos decē millia. Itē in salario diurno bubulae pōdo, porcae pondo sex, caprinae pōdo decem, gallinae per biduū, olei per biduum sextariū unum, uini ueteris diurnos sextarios decem. cū larido bubalino, salis, olerum, lignorū, quantum satis est. Hospitia praeterea eodē, ut tribunis legionum praebere iubebis. Et haec quidē epistolae declarant. Nunc quantum ex ephemeride colligi potuit, cum bello Sarmatico iā tribunus transmissso Danubio multa fortiter fecisset, publice in concione donatus est hastis puris quatuor, coronis uallaribus duabus, corona ciuica una, uexillis puris quatuor, armillis aureis duabus, torque aureo uno, patera sacrficali quinquelibri una. Quo quidem tempore Valerium Flactum adolescentem nobilē parentem Valeriani, e Quadorum liberauit manu: unde illi Valerianus coronā ciuicā detulit. Verba Valeriani

pro concione habita: *Suscipe Probe præmia pro Repu. suscipe coronam ciuicam pro parente. quo quidem tempore legionem tertiam eidem addidit sub testimonio eiusmodi: Epistola de legione tertia: Res gestæ tuæ Probe charissime faciunt, ut & serius tibi tradere maiores exercitus uidear, & cito tamen tradam: recipe in fidem tuam legionem tertiam Felicem, quam ego adhuc nulli, nisi pro uecto iam credidi: mihi autem eo tempore credita est, quo & me canosum, qui credebatur, cum gratulatione uidit. Sed ego in te non expecto ætatem, cum & uirtutibus fulgeas, & moribus polles. Vestes tibi triplices dari iussi, salarium duplex feci. Vexillarium deputavi. Longum est, si per res gestas tanti, percurram uiri, quæ ille sub Valeriano, quæ sub Gallieno, quæ sub Aureliano & Claudio priuatus fecerit: quoties murum consederit, uallum diripuerit, hostem cœuius interemerit, dona principum emeruerit, Rempu. in antiquum statum sua uirtute reddiderit: docet Gallieni epistola ad tribunos data, qui fuerit Probus: Gallienus Aug. tribunus exercitus Illyricianorum: Etiam si patrem meum fatalis belli Persici necessitas tenuit, habeo tamen parentem Aurelium Probum, quo laborante possum esse securus: qui si affuisset, nunquam ille ne nominandus quidem tyrannus sibi usurpasset imperium. Quare omnes uos consilijs eius cupio parere, qui & patris iudicio probatus est, & senatus. Non magnum fortassis iudicium Gallieni esse uideatur principis mollioris, sed quod negari non potest, ne dissolutus quidem quispiam se, nisi in eius fidem tradit, cuius sibi uirtutes existimat profuturus. Sed esto Gallieni epistola sequestretur: Quid Aureliani iudiciū? qui Probo decimanos fortissimos exercitus sui, & cum quibus ipse ingentia gesserat, tradidit sub huiusmodi testimo-*

nio: Aurelianus Augustus Probo S.D. Vt scias quāti te faciā, decimanos meos sume, quos Claudius mihi credidit. Isti enim sunt, qui quadā felicitatis prerogativa praesules nisi futuros principes habere non norunt. Ex quo intelletum est Aurelianum in animo hic habuisse, ut siquid sibi sciēti prudētiue eveniret, Probum principē faceret. Iam Claudij, iam Taciti iudicia de Probo longum est innectere, quanvis feratur in senatu Tacitus dixisse, cum eidē offerretur imperium, debere Probum principem fieri. Sed ego S.C. ipsum inueni. Ipse autem Tacitus imperator primam talem ad Probum epistolā dedit: Tacitus Augustus Probo: Me quidem senatus principem fecit de prudentis exercitus uoluntate. Attamen sciendum tibi est, tuis nunc humeris magis incubuisse Remp. qui & quātus sis, omnes nouimus, scit senatus. Adesto igitur nostris necessitatibus: tuā familiā assere, ut soles, Remp. Nos tibi decreto totius Orientis ducatu, salarium quintuplex fecimus, ornamenta militaria geminauimus, consulatum in annum proximum nobiscum decreuimus: te enim manet pro uirtutibus tuis Capitolina palmata. Ferunt quidam Probo id pro imperij omine fuisse, quod Tacitus scripsit: Te manet Capitolina palmata. Sed in hanc sententiā omnibus semper Coss. scribebatur. Amor militum erga Probū ingens semper fuit. Neque enim unquam ille passus est peccare militem. Ille quinetiā Aurelianum saepe à graui crudelitate deduxit. Ille singulos manipulos adiit, uestes & calciamenta perspexit: siquid praedae fuit, ita diuisit, ut sibi nihil praeter tela & arma seruaret. Quinetiam cum de praedato, hic ex Alanis, siue ex aliqua alia gente, incertum est, repertus esset equus non decorus, neque ingens, qui quantum captiui loquebantur, centum ad diem miliaria currere diceretur,

ita ut per dies octo uel decem continuaret, & omnes crederent Probum tale animal sibi in se seruaturum, iam primum dixit, Fugit uo muliti potius quam forti hic equus conuenit. Deinde in urnam militares iussit nomen suum mittere, ut aliquis eum sorte ductus acciperet. Et cum essent in exercitu quidam nomine Probi alij quatuor milites, casu euenit ut primum emergeret cui Probo nomen existeret, cum ipsius Probi ductis nomen missum non esset. Sed cum quatuor illi milites inter se contenderent, ac sortem sibi quisque defenderet, iussit iterum agitari urnam: sed iterum Probi nomen emersit. atque tertio & quarto fecisset, quarto Probi nomen effusum est. Tunc omnis exercitus equum illum Probo duci dicit, ipsis etiam militibus, quorum nomina exierant, id uolentibus. Pugnauit & contra Marmaridas in Africa fortissime, eos denique uicit, atque ex Libya Carthaginem transiit, eandemque a rebel lionibus uindicauit. Pugnauit & singulari certamine contra quendam Aradionem in Africa, eundemque prostrauit: & quia fortissimum ac pertinacissimum uirum uidebat, sepulchro ingenti honorauit, quod adhuc extat tumulo usque ad ducentos pedes terrae lato, per milites quos otiosos esse nunquam est passus. Extant apud Aegyptum eius opera, quae per milites struxit in plurimis ciuitatibus. In Nilo autem tam multa fecit, ut uestigial frumētariū solus adiuerit. pōtes, tēpla, porticus, basilicas labore militū struxit: ora fluminū multa patefecit, paludes plerasque siccauit, atque in his segetes agrōsq; cōstituit. Pugnauit etiam contra Palmyrenos, pro Odenati & Cleopatrae partibus Aegyptū defendētes, primo feliciter, postea temere, ut penē caperetur: sed postea relictis uiribus, Aegyptū & Oriētis maximam partē in Aureliani potestate redegit. Cū igitur his

tot & tātis uirtutibus enāteret, Tacito absumpto fataliter,
ac Floriano imperiū arripiente, omnes Oriētales exerci-
tus eundē imperatorē fecerunt. Nō inepta neque melegans
fabula est scire quēadmodū imperium Probus sumpserit.
Cū ad exercitus nuncius uenisset, tū primum animus mi-
litibus fuit praeuenire Italicos exercitus, ne iterū senatus
principē daret. sed cum inter milites sermo esset quis fieri
deberet, & manipulatim in campo tribuni eos alloquerē-
tur, dicentes requirendum esse principem aliquem fortem,
sanctum, uerecundum, clementem, probum, idque per mul-
tos circulos, ut fieri assolet, dicētur: quasi diuino nutu un-
dique ab omnibus acclamatum est, Probe Aug. di te ser-
uent. deinde concursus, & aspitiuum tribunal, appellatūq;
que imperator, ornatus etiam pallio purpureo, quod de sta-
tua templi oblatum est: atque inde ad palatium reductus
inuitus, & reiectus, & saepe dicens, Non enim uobis ex-
pedi milites, non mecum bene agitis: ego enim uobis blā-
diri non possum. Prima eius epistola data ad Capitonem
præf. præf. talis fuit: Imperium nunquam optauis, & in-
uitus accepi. Deponere mihi rem inuidiosissimam nō licet.
Agenda est persona, quam mihi nules imposuit. Te quæso
Capito, ita mecum salua Rep. perfruaris, annonam & cō-
meatus & quicquid necessarium est ubique militi pares:
ego, quantum in me est, si rectē omnia gubernaueris, præ-
fectum alterum non habebo. Itaque milites cognito
quod imperaret Probus, Florianum, qui quasi heredita-
rium imperium arripuerat, interemerūt, scientes neminē
dignius imperare quā Probū. Ita ei sine ulla molestia to-
tius orbis imperiū & militum & senatus iudicio delatum
est. Et quoniā mentionē senatus fecimus, sciendū est quid
ipse ad senatum scripserit, quid item ad eum amplissimus
bh.ij.

ordo rescripserit. Oratio Probi prima ad senatum: Rectè
 atque ordine P.C. proximo superiore anno factum est, ut
 uestra clementia orbis terrarum principè daret: Et qui-
 dē de nobis, qui Et esis mundi principes, Et semper fuistis
 Et in uestris posteris eritis. atque utinam id Florianus ex-
 pectare uoluisset, nec uelut hæreditarium sibi uindicasset
 imperium, uel illum uel alium quempiam maiestas uestra
 fecisset. Nunc quoniā ille imperiū arripuit nobis à militi-
 bus delatum est nomen Augustum, uindicatum quinetiam
 in illum à prudentioribus militibus, quod fuerat usurpa-
 tum: quæso ut de meis meritis faciatis quicquid iusserit ue-
 stra clementia. Item S.C. Die IIII Nonas Februarias
 in æde Concordiæ inter cætera AElus Scorpionus Cos.
 dixit: Audistis P.C. literas Aurelij Valerij Probi, de his
 quid uidetur? Tunc acclamatum est: Probe Auguste dñj te
 seruent. Olim dignus, Et fortis, Et iustus, bonus ductor, bo-
 nus imperator. Exemplum militiæ, exemplum imperij, dñj
 te seruent. Assertor Reip. felix imperes. Magister militiæ
 felix imperes: te cū tuis dñj custodiant, Et senatus antea te
 delegit. AEtate Tacito posterior, cæteris prior. Quòd impe-
 rium suscepisti, gratias agimus: tuere nos, tuere Remp. bene
 tibi committimus quos antè seruasti. Tu Frācius, tu Gotthi-
 cus, tu Sarmaticus, tu Parthicus, tu omnia: Et prius fuisti
 semper dignus imperio, dignus triumphis: felix agas, felici-
 ter imperes. Post hæc Mālius Statianus, qui primæ sen-
 tentiæ tunc erat, ita locutus est: Dñs immortalibus grati-
 as, Et præ cæteris P.C. Ioui optimo, qui nobis prin cipem
 talem, qualem semper optabamus, dederunt. Si rectè cogite-
 mus, non nobis Aurelianus, non Alexāder, non Antonini,
 non Traianus, non Claudius requirendi sunt: omnia in
 uno principe constituta sunt, rei militaris scientia, animus

clemens, uita uenerabilis, exemplar agenda Reip. atque omnium prerogatiua uirtutū. Enimuero quæ mundi pars est: quam ille non uincendo didicisti? Testes sunt Marmaridæ in Africæ solo uicti, testes Franci in uis strati paludibus, testes Germani et Alemanni longe à Rheni submoti littoribus. Iam uero quid Sarmatas loquar, quid Gothos, quid Parthos, ac Persas, atque omnem Ponticum tractum? ubique uigent Probi uirtutis insignia. Lōgum est dicere quot reges magnarum gentium fugauerit, quot duces manu sua occiderit, quantum armorum sit quæ ipse cepit priuatus. Superiores principes, quas illi gratias egerint, testes sunt literæ publicis insertæ monumētis. Dū boni quoties ille donis militaribus est donatus? quas militum laudes emeruit? Adolescens tribunatum, non longe post adolescentiam regendas legiones accepit. Iupiter Opt. Max, Iuno regina, tuque uirtutum præsul Minerva, tu orbis Concordia, et tu Romana Victoria, date hoc senatui P. Q. R. date militibus, date socijs, atque exteris nationibus. Impetet quemadmodum militauit. Decerno igitur P. C. uotis omnium concinentibus nomen Cæsareum, nomen Augustum, addo proconsulare imperium, patris patriæ reuerentiam, pontificatum maximum, ius tertiæ relationis, tribunitiā potestatem. Post hæc acclamatum est, Omnes omnes. Accepto igitur hoc S. C. secundū orationem permisit patribus, ut ex magnorum iudicum appellationibus ipsi cognoscerent, proconsules crearent, legatos consulibus darent, ius prætorium præsidibus darent: leges quas Probus ederet, senatusconsultis proprijs consecrarent. Statim deinde, si qui de interfectis Aureliani superfuerant, uario genere uindicauit. Mollius tamen, moderatiუსque quàm prius exercitus et postea Tacitus uindicauit.

rant. Deinde animaduertit etiam in eos qui Tacito insidias fecerant. Floriani socijs pepercit, quod non tyrannum aliquem uidebantur secuti, sed sui principis fratrem. Recepit deinde omnes Europenses exercitus, qui Florianum et imperatorem fecerant, et occiderat. His gestis, cum ingenti exercitu Gallias petit, quæ omnes occiso Posthumo, turbata fuerat, interfecto Aureliano, à Germanis possessæ. tanta autem illic prælia feliciter gessit, ut à Barbaris sexaginta per Gallias nobilissimas reciperet ciuitates: prædā deinde omnem, qua illi præter diuitias etiam efferebantur ad gloriam. Et cum iam in nostra ripa, imò per omnes Gallias securi uagarētur, cæsis propè quadringentis millibus, qui Romanum occupauerant solum, reliquias ultra Nicronum fluuium et Albam remouit. tantum his prædæ barbaricæ tulit, quantum ipsi Romanis abstulerant: contra urbes Rom. et castra in solo barbarico posuit, atque illic milites collocauit. Agros et horrea, et domos, et annonam trāsſſhenanis omnibus fecit, ijs uidelicet, quos in excubijs collocauit. nec cessatum est unquā pugnari, cum quotidie ad eum barbarorum capita deferrentur, iam ad singulos aureos singula, quandiu reguli nouem ex diuersis gentibus uenirent, atque ad pedes Probi iacerent. quibus ille primum obsides imperauit, qui statim dati sunt: deinde frumentum, postremo etiam uaccas, atque oues. Dicitur iussisse his acrius ut gladijs non uterentur, Romanam expectaturi defensionem, si essent ab aliquibus uindicandi. Sed uisum est id non posse fieri, nisi si limes Romanus extenderetur, et fieret Germania tota prouincia. Maxime tamen ipsis regibus consentientibus in eos uindicatum est, qui prædam fideliter non reddiderunt. Accepit præterea sedecim millia tyronum, quos omnes per diuersas prouin-

cias sparsit, ita ut numeris, uel limitaneis militibus quin-
 quagenos, & sexagenos interfereret: dicens sentiendum es-
 se non uidendum, cum auxiliariis barbaris Romanus in-
 uatur. Compositis igitur rebus in Gallia, tales ad senatum
 literas dedit: Ago dñs immortalibus gratias P.C. quia
 uestra in me iudicia comprobarunt. Subacta est omnis,
 qua tenditur late Germania: nouem reges gentium diuer-
 sarum ad meos pedes, imò ad uestros, supplices stratiq̃ue
 iacuerunt. Omnes iam barbari uobis arant, uobis iam se-
 runt: & contra interiores gentes militant. Supplicationes
 igitur uestro more decernite. Nam & quadringenta mil-
 lia hostium cæsa sunt, & sedecim millia armatorum no-
 bis oblata, & septuaginta urbes nobilissimæ captiuitate ho-
 stium uindictæ, & omnes penitus Galliæ liberatæ. Coro-
 nas quas mihi obtulerunt omnes Galliæ ciuitates aureas,
 uestre P.C. clementiæ dedicaui. Et has Iouis Opt. Max.
 ceterisq̃ue dñs deabusq̃ue immortalibus uestris manibus
 consecrate. Præda omnis recepta est, capta etiam alia, &
 quidem maior quàm fuerat antè direpta. Arantur Galli-
 cana rura barbaris bobus & iuga Germanica captiua
 præbent nostris colla cultoribus: pascuntur ad nostram a-
 limoniam gentium pecora diuersarū: equinum pecus no-
 stro iam foecundatur equitatu, frumento barbarico plena
 sunt horrea. Quid plura? illis sola relinquimus sola, nos
 eorum omnia possidemus. Volueramus P. C. Germaniæ
 nouum præsidem facere, sed hoc ad pleniora uota distuli-
 mus. Quod quidem credimus conferre, cum diuina pro-
 uidentia nostros uberius foecundarit exercitus. Post hæc
 Illyricū petijt: & prius quàm ueniret, Rhetias sic pacatas
 reliquit, ut illic ne suspicionem quidē ullius terroris relin-
 queret. In Illyrico Sarmatas cæterisq̃ue gētes ita cōtudit, ut
 hh. iij.

propè sine bello cuncta reciperet quæ illi diripuerant. Tendit deinde iter per Thracias, atque omnes Geticos populos fama rerum territos, et antiqui nominis potentia pressos, aut in deditionem, aut in amicitiam recepit. His gestis Orientem petiit, atque in itinere potentissimo quodam latrone Palfuerio capto et interfecto, omnem Isauriam liberavit: populis atque urbibus Romanis legibus restitutis, barbarorum qui apud Isauros sunt, uel per terrorem, uel per uoluntatem loca ingressus est: quæ cum peragrasset, hoc dixit: Facilius est ab istis locis latrones arceri, quam tolli. ueteranis omnia illa quæ anguste adeuntur, loca priuata donauit, addens ut eorum filij ab anno octauodecimo mares duntaxat ad militiam mitterentur: ne antè latrocinari, quam militare discerent. Pacatis denique omnibus Pamphyliaë partibus, cæterarumque prouinciarum, quæ sunt Isauriæ uicinæ, ad Orientem iter flexit. Blemyas etiam subegit, quorum captiuos Romam transmisit, qui mirabilem sui uisum stupente Po. Rom. præbuerunt. Copton præterea, et Ptolemaidem urbes ereptas barbarico seruitio, Romano addidit iuri. Ex quo tantum profecit ut Parthi legatos ad eum mitterent consuetos timorem pacemque poscentes: quos ille superbius acceptos, magis timentes domum remisit. Fertur etiam epistola illius repudiatis donis quæ rex Parthorum miserat, ad Narseum talis fuisse: Miror te de omnibus, quæ nostra futura sunt, tam pauca misisse. Habeto interim omnia illa quibus gaudes, quæ si nos habere cupiamus, scimus quemadmodum possidere debemus. His acceptis literis Narseus maxime territus, et eò præcipue quod Copton et Ptolemaidem comperit à Blemyis qui eas tenuerant, uindicatas, cæsosque ad internitionem eos qui gestibus fuerant antè terrori. Facta igitur pace cum

Persis, ad Thracias redijt, & cētum millia Bastarnarum
 in solo Ro. constituit, qui omnes fidē seruauerunt. Sed cum
 & ex alijs gentibus plerosque pariter trāstulisset, id est ex
 Gepidis, Gautunnis, & Vandalis, illi omnes fidē fregerunt.
 Et occupato bellis tyrannicis Probo, per totum penē orbem
 pedibus & nauigando uagati sunt. Nec parum molestiæ
 Rom. gloriæ intulerunt: quos quidem ille diuersis uicibus,
 uarijsque uictorijs oppressit, paucis cū gloria domum re-
 deuntibus, quod Probi euassissent manus. Hæc Probus cū
 Barbaris gessit. Sed habuit etiam non leues tyrānicos mo-
 tus. Nam & Saturninum, qui Orientis imperiū arripue-
 rat, uarijs præliorum generibus, & nota uirtute supera-
 uit. Quo uictō tanta in Oriēte quies fuit, ut quemadmodū
 uulgo loquebantur, mures rebelles nullus audiret. Deinde
 cum Proculus & Bonosus apud Agrippinam in Gallia
 imperium arripuissent, omnesque sibi Britannias, Hispan-
 ias, & braccatæ Galliæ prouincias uindicarent, Barba-
 ris semet inuantibus uicit. Ac ne requiras plura uel de
 Saturnino, uel de Proculo, uel de Bonoso, suo eosdem inse-
 ram libro, pauca de ijsdem, ut decet, imò ut possit necessi-
 tas, locuturus. Vnum sanè sciendum est, quod Germani o-
 mnes, cum ad auxilium essent rogati à Proculo, Probo po-
 tius perferuire maluerunt, quàm cum Bonoso & Proculo
 esse. Gallis omnibus & Hispanis ac Britannis hinc per-
 misit ut uites haberent, uinūque conficerent. Ipse Al-
 mam montem in Illyrico circa Sirmium militari manu
 fossū, lecta uite conseuit. Dedit Rom. etiam uoluptates,
 & quidem insignes, delatis etiam congrarijs. Triumphauit
 de Germanis & Blemyis: omnium gentium Drungos us-
 que ad quinquagenos homines ante triumphum duxit:
 uenationem in Circo amplissimā dedit, ita ut populus cum

cta diriperet. Genus autem spectacula fuit tale: Arbores
 ualidae per milites radicitus uulsæ connexis late longèque
 trabibus affixæ sunt, terra deinde superiecta, totûsq; cir-
 cus ad syluæ consitus speciem, gratia noui uiroris effron-
 duit. Immissi deinde per omnes aditus struthiones mille,
 mille cerui, mille apri, mille damæ, ibices, oues feræ, & cæ-
 tera herbatica animalia, quanta uel ali potuerunt, uel
 inueniri. Immissi deinde populares, rapuit quisque quod
 uoluit. Addidit alia die in amphitheatro una missione cæ-
 tum iubatos leones, qui rugitibus suis tonitrua excitabāt:
 qui omnes contificijs interempti sunt, non magnum præ-
 bentes spectaculum cum occidebantur. Neque enim erat
 bestiarum impetus ille, qui esse ab eis egredientibus solet.
 Occisi sunt præterea multi, qui diripere uolebant, sagie-
 tis. Editi deinde centum leopardi Libyci, centum deinde
 Syriaci, centum leonæ, & ursi simul trecenti: quarum o-
 mnium ferarum magnum magis constat spectaculū fuis-
 se quàm gratum. Edita præterea gladiatorum paria tre-
 centa, Blemys plerisque pugnantibus, qui per triumphum
 erant ducti, plerisque Germanis & Sarmatis, nonnullis
 etiam latronibus Isauris. Quibus peractis, bellum Persi-
 cum parans, cum per Illyricum iter faceret, a militibus suis
 per insidias interemptus est. Causæ occidēdi eius hæc fue-
 re: Primum, quod nunquā militem otiosum esse perpeffus
 est. siquidem multa opera militari manu perfecit, dicens
 annonam gratuitam militem comedere non debere. His
 addidit dictum eius graue, si unquam eueniat salutare
 Reip. breui milites necessarios non futuros: quod ille concē-
 perat animo. Qui hoc dicebat, nōne omnes barbaras na-
 tiones subiecerat pedibus? quia totum mundū fecerat iam
 Romanum: Breui, inquit, milites necessarios non habebi-

mus: quid est aliud dicere? Romanus iam miles erit nullus, ubique regnabit, omnia possidebimus, secura Respub. orbis terrarum non arma fabricabit, non annonam præbebit: uobis habebuntur aratra, equus nascetur ad pacem, nulla erunt bella, nulla captiuitas. Vbiq[ue] pax, ubiq[ue] Ro. leges, ubiq[ue] iudices nostri. Lōgius amore imperatoris optimi progredior, quā pedestris sermo desiderat. Quare addam illud quod præcipue tanto uiro fatalem properauit necc[ess]itatem. Nam cum Sirmium uenisset, ac solum patrium effœcundari cuperet & dilatari, ad siccandā quandam paludem multa simul millia militum posuit, ingentem parans fossam, quā deiectis in altum nauibus, loca Sirmuensibus profutura siccaret. permoti milites confugientem eum in Turrem ferratam, quam ipse speculæ causā editissimam exædificauerat, interemerunt anno imperij sui quinto. Postea tamen ingens ei sepulchrum elatis aggeribus, omnes pariter milites fecerunt cum titulo huiusmodi mæso marmori: Hic Probus imperator, & uere probus situs est, uictor omnium gentium barbararū, uictor etiam tyrānorum. Cōferens ego cum alijs imperatoribus principem Probum, omnibus propè Romanis ducibus, qui fortes, qui clementes, qui prudentes, qui mirabiles extiterunt, intelligo hunc uirum parem fuisse: aut si non repugnat inuidia furiosa, meliorem. quinquennio enim imperij sui per totum orbem terrarum tot bella gessit, & quidē per se, ut mirabile sit quemadmodū omnibus occurrerit prælijs. multa manu sua fecit: duces præclarissimos instituit. Nā & eius disciplina Carus, Diocletianus, Constantinus, Asclepiodotus, Annubalianus, Leonides, Cecropius, Pisonianus, Herennianus, Gaudiosus, Ursinianus, Herculius Maximianus, & cæteri quos patres nostri mirati sunt,

Et de quibus nonnulli boni principes extiterunt, instituti sunt. Conferat nunc, cui placet, viginti Traiani, Adriani-
que annos, conferat propè totidem Antoninorū. nam quid
de Augusto loquar cuius imperij anni uix possunt credi?
Malos autem principes taceo: ipsa uox Probi clarissima in-
dicat quid se facere potuisse speraret, qui dixit, breui ne-
cessarios milites non futuros. Ille uero conscius sui, nō Bar-
baros timuit, nō tyrānos. Quæ deinde felicitas emicuisset,
si sub illo principe milites non fuissent? Annonam pro-
uincialibus daret nullus, stipendia de largitionibus nulla
erogarentur, æternos thesauros haberet Romana Resp. Ni-
hil expenderetur à principe, nihil à possessore redderetur,
aureum profecto seculum promittebat. Nulla futura erāt
castra, nusquam lituus audiendus, arma non erant fabri-
canda: populus iste militantium, qui nunc bellis ciuilibus
republicam uexat, pacis studijs incumberet, erudiretur
artibus, nauigaret. Adde quòd nullus occideretur in bello.
Dij boni quid tantum uos offendit Rom. Respub. cui talem
principem substulistis? Eant nunc, qui ad ciuilia bella mi-
lites parant, in Germanorum necem arment dexteras fra-
trum, hortentur in patrum uulnera liberos, Et dignita-
tem Probo derogent, quam imperatores nostri prudenter
Et consecrandam uultibus, Et ornandam templis, Et æ-
lebrandam ludis Circensibus iudicarunt. Posteriores Probi uel
odio inuidiæ, uel timore Romanam rem fugerunt: Et in
Italia circa Veronam, ac Benacum, Et Larium, atque in
his regionibus larem locauerunt. Sanè, quod præterire
non potui, cum imago Probi in Veronensi ita fulmine icta
esset, ut eius prætexta colores mutaret, aruspices responde-
runt, huius familiæ posteros tantæ in senatu claritudinis
fore, ut omnes summis honoribus fungerentur. Sed adhuc

neminem uidimus. Posterius autem uidentur eternitatem habere. Senatus mortem Probi grauissime accepit, æque populus. Et cum esset nuntiatum, Carum imperare iurum bonum quidem, sed longe à moribus Probi, causa filij eius Carini, qui semper pessime uixerat, tamen senatus quàm populus inhorruit. Metuebant enim unusquisque tristhorè principem, sed magis improbum metuebant hæredē. Hæc sunt, quæ de Probo cognouimus, uel quæ digna memoratu existimauimus. Nunc in alio libro, et quidem breui de Firmo, et Saturnino, et Bonoso, et Proculo dicemus. Non enim dignum fuit, ut quadrigæ tyrannorum bono principi misceretur. Post deinde, si uita suppetit, Carum incipimus propagare cum liberis.

FIRMVS, SATVRNINVS, PROCVLVVS, ET BONOSVS.

IN VSCVLOS tyrannos scio plerisque tacuisse, aut breuiter præterisse. Nam
M et Suetonius Tranquillus, emendatissimus et candidissimus scriptor, Antoniū et Vindiciam tacuit, contentus eo quòd eos cursim perstrinxerat: et Marius Maximus, qui Auidium Marci temporibus, Albinum et Nigrum Seueri, non suis proprijs libris, sed alienis innexuit. Et de Suetonio non miramur, cui familiare fuit amare breuitatem. Quid Marius Maximus homo omnium uerbosissimus, qui et mythistoricis se uoluminibus implicauit, non ad istam descriptionem, curdumque descendit? At contra Trebellius Pollio ea fuit diligentia, edque cura in edendis bonis ma-

liſque principibus, ut etiam triginta tyrannos uno breui-
 ter libro cōcluderet, qui Valeriani & Gallieni nec mul-
 to superiorum, aut inferiorum fuere principum tempori-
 bus. Quare nobis etiam si non tamen minima fuerit cu-
 ra, ut dictis Aureliano, Tacito, & Floriano, Probo etiam
 magno ac singulari principe, cum dicendi essent Carus,
 Carinus, & Numerianus: de Saturnino, Bonoso, Proculo,
 & Firmo, qui sub Aureliano fuerant, non taceremus. Scis
 enim mi Basse, quanta nobis contentio proxime fuerit cum
 amatore historiæ M. Fonteio, cum ille diceret, Firmum,
 qui Aureliani temporibus Ægyptum occupauerat, la-
 trunculū fuisse, non principem. Contrā ego, mecumque
 Rufus Celsus, & Ceionius Iulianus, & Fabius Sossianus
 contenderent, dicentes illum & purpura usum, & per-
 cussa moneta Augustum esse uocitatum: quinetiam num-
 mos eius Seuerus Archontius protulit. De Græcis autem
 Ægyptiꝝque libris conuicit illum ἀτυραννιστὴρ in edi-
 ctis suis esse uocitatum. Et illi quidem aduersum nos con-
 tendenti hæc sola ratio fuit, quod dicebat Aurelianium in
 edicto suo non scripsisse, quod tyrannum occidisset: sed
 quod latrunculum quendam à Rep. remouisset, perinde
 quasi digne tanti princeps nominis debuerit tyrannum
 appellare hominem tenebrarium: aut non semper latro-
 nes uocitauerint magni principes eos, quos inuadentes
 purpuras necauerunt. Ipse ego in Aureliani uita prius
 quàm de Firmo cuncta cognoscerem, Firmum non inter
 purpuratos habui, sed quasi quendam latronem: quod ic-
 circo dixi, nequis me oblitum existimaret mei. Sed ne uo-
 lunini, quod breuissimum promisi, multa connectam, ue-
 niamus ad Firmum. Firmo patria Seleucia fuit, tametsi
 plerique Græcorum alteram tradunt, ignari eo tempore

ipso tres fuisse Firmos: quorum unus præfect. Ægypti, alter dux limitis Africani, idemque proconsul. tertius iste Zenobiæ amicus, ac socius: qui Alexandriam Ægyptiorum incitatus furore peruasit, et quem Aurelianus solita uirtutum suarum felicitate contriuit. De huius diuitijs multa dicuntur: Nam et uitreis quadraturis bitumine alijsque medicamentis insertis domum introduxisse perhibetur: et tantum habuisse de chartis, ut publice sæpe diceret, exercitum se alere posse papyro et glutino. Idem et cum Blemys societatem maximam tenuit, et cum Sarcenis. naues quoque ad Indos negotiarias sæpe misit. ipse quoque dicitur habuisse duos dentes elephanti pedum denum, è quibus Aurelianus ipse sellam constituerat facere additis alijs duobus, in qua Iupiter aureus et gemmatus sederet, cum prætexta ponendus in templo Solis Apenninis sortibus additis, quæ appellari uoluerat Iouè consulem, uel consulètem. Sed eosdè dentes postea Carinus mulieri cuidam dono dedit, quæ lectu ex ijs fecisse narratur. Et quia nunc satur, et sciri apud posteros nihil proderit, taceo. Ita donum Indici Ioui optimo maximo consecratum, per deterrimum principem et nuniſterium libidinis factum uidetur et pretiũ. Fuit tamen Firmus statura ingenti, oculis foris eminentibus, capillo crispo, fronte uulnerata, uultu nigriore, reliqua parte corporis candidus, sed pilosus atque hispidus, ita ut eum plerique Cyclopè uocarent. Carne multa uesabatur, struhibitionem ad diem comedisse fertur. Vinum non multum bibit, aquæ plurimum, mente firmissimus, nervis robustissimus, ita ut triarium uinceret, cuius Varro Ælius meminit. Nã et incudem superpositam pectori constanter alijs tundentibus pertulit, cum ipse reclinus ac resupinus et curuatus in manus penderet potius quam

iaceret. Fuit tamen ei contentio cum Aureliani ducibus ad bibendum, siquando eum tentare uoluissent. Nam quidam Burburus nomine de numero uexillariorum notissimus potator, cum ad bibendum eandem prouocasset, situlas duas plenas mero duxit: & toto postea conuiuio sobrius fuit. Et cum ei Burburus diceret, Quare non feces bibisti? respondit ille, Stulte, terra non bibitur. Leuia persequimur; cum maiora dicenda sint. Hic ergo contra Aurelianum sumpsit imperium ad defendendas partes quæ supererant Zenobiæ. Sed Aureliano de Carris redeunte superatus est. Multi dicunt laqueo uitam eum finisse: aliud edictis suis ostendit. nanque cum eum uicisset, tale edictum Romæ proponi iussit: Amantissimo sui po. Rom. Aurelianus Augustus S. D. Pacato undique gentium toto, quæ patet, orbe terrarum, Firmum etiam latronem Aegyptium barbaricis motibus æstuantem, & fœminei propudij reliquiis colligentem, ne plurimum loquar, fugauimus, obsedimus, cruciauius, & occidimus. Nihil est Romulei Quirites, quod timere possitis. Canon Aegypti, qui suspensus per latronem improbum fuerat, integer ueniret, si uobis esset cum senatu concordia, cum equestri ordine amicitia, cum prætorianis affectio. Ego efficiam ne sit aliqua sollicitudo Romana. Vacate ludis, uacate Circensibus. Nos publicæ necessitates teneant, uos occupent uoluptates. Quare sanctissimi Quirites, & reliqua. Hæc nos de Firmo cognouisse scire debuisti, sed digna memoratu. Nam ea quæ de illo Aurelianus Festuus libertus Aureliani sigillatim retulit, si uis cognoscere, eundem oportet leges: maxime cum dicat Firmum eundem inter crocodilos unctum crocodilorum adipibus natasse, & elephantum rexisse, & hippopotamos edisse, & sedentem in-

gentibus struthionibus uectum esse, & quasi uoluisse. Sed hæc scire quid prodest? cum & Liuius, & Sallustius tacite res leues de ijs quorum uitas scribendas arripuerint: non enim scimus quales mulos Clodius habuerit, aut mulas T. Annius Milo: aut utrum Tusco equo sederit Catilina, an Sardo: uel quali chlamyde Pompeius usus fuerit an purpura. Quare finem de Firmo faciemus, ueniētes ad Saturninum, qui contra Probon imperium sibi met in Orientis partibus iudicauit.

S A T V R N I N V S.

S A T V R N I N V S oriūdu s fuit Gallis ex gente hominū inquietissima, & auda semper uel faciendi principis, uel imperij. Huic inter cæteros duces, qui uere summus uideretur, Aurelianus limitis Oriētalis ducatum dedit, sapienter præcipiens ne unquam AEgyptum uideret. Cogitabat enim, quantum uidemus, uir prudētissimus Gallorū naturam, & uerebatur ne si perturbidam ciuitatem uidisset, quò eum natura ducebat, societate quoque hominum duceretur. Sunt enim AEgyptij, ut satis nosti, uiri uentosi, furibundi, iactantes, iniuriosi, atque adeo uani, liberi, nouarū rerum usque ad cantilenas publicas cupiētes, uersificatores, epigrammaticarū, mathematici, aruspices, medici. Nam & Christiani, Samaritæ, & quibus præsentia semper tēpora cum enormi libertate displicēāt. Ac ne quis mihi AEgyptiorū irascatur, & meū esse credat quod in literas retuli: Adriani epistolam ex libris Phlegontis liberti eius proditā, ex qua penitus AEgyptiorum uita detegitur, indidi. Adrianus Aug. Seruano Cos. S. AEgyptum,

quam mihi laudabas Seruiane charissime, totam didici leuem; pendulam, et ad omnia famæ momenta uolitantem. Illi qui Serapim colunt, Christiani sunt: et deuoti sunt Serapi, qui se Christi episcopos dicunt. Nemo illic archisynagogus Iudeorū, nemo Samarites, nemo Christianorū presbyter, non mathematicus, non aruspex, non aliptes. Ipse ille patriarcha cum Aegyptum uenerit, ab alijs Serapidē adorare, ab alijs cogitur Christū. genus hominū seditiosissimū, uanissimū, inuidiosissimum: ciuitas opulēta, diues, fœcunda, in qua nemo uiuat otiosus. Alij uitrū cōflāt, ab alijs charta cōficatur: omnes certe lymphiones cuiuscūq; artis et uidetur, et habetur. Podagrosi quod agant, habēt: cæci quod agāt, habēt, cæci quod faciāt: ne chiragrica quidē apud eos otiosi uiuūt. Vnus illis Deus est, hūc Christiani, hūc Iudæi, hunc omnes uenerātur et gentes: et utinam melius esset morata ciuitas digna profecto suis profunditate, quæ pro sui magnitudine totius Aegypti teneat principatū. Huic ego cuncta concessi, uetera priuilegia reddidi, noua sic addidi ut præsentī gratias agerēt. denique ut primum inde discessi, et in filium meum Verum multa dixerunt, et de Antonino quæ dixerunt, comperisse te credo. nihil illis opto, nisi ut suis pullis alantur, quos quemadmodum fœcundant, pudet dicere. Calices tibi allassontes uersicolores transmissi, quos mihi sacerdos templi obtulit, tibi et sorori meæ specialiter dedicatos, quos tu uelim festis diebus conuiujs adhibeas. Caueas tamen ne his Africanus noster indulgenter utatur. Hæc ergo cogitans de Aegyptijs Aurelianus iusserat, ne Saturninus Aegyptum uideret, et mēte quidem diuina. Nam ut primum Aegyptij magnam potestatem ad se uenisse uiderunt, statim clamauerunt, Saturnine Auguste, dñ te seruent: et ille quidem quod ne-

gari non potest, uir sapiens, de Alexandrina ciuitate mox fugit, atque ad Palestinam redijt. Ibi tamen cum cogitare coepisset tutum sibi non esse si priuatus uiueret, deposita purpura ex simulacro Veneris, cyclade uxoriam militibus circumstantibus amictus, & adoratus est. Auum meū saepe dicentem audiui se interfuisse, cum ille adoraretur: Flebat, inquit, & dicebat, Necessarium, si non arroganter dicam, Respub. uirum perdidit. Ego certe instaurauī Gallias, ego à Mauris possessam Africam reddidi, ego Hispanias pacauī. Sed quid prodest? omnia haec affectato semel honore perierunt. Et cum eum animarent, uel ad uitam, uel ad imperium, qui induerunt purpuram, in haec uerba differuit, Nescitis amici, quid mali sit imperare. Gladij & tela nostris ceruicibus impendent, imminent hastae undique, undique spicula. ipsi custodes timentur, ipsi conuicti formidantur: non cibus pro uoluptate, non iter pro autoritate, non bella pro iudicio, non arma pro studio. Adde quod omnis aetas in imperio reprehenditur. Senex est quispiam, inhabilis uidetur: sin minus, inest furor. nam quod imperatorem me cupitis, in necessitate mortis me trahitis. Sed habeo solatium mortis, solus perire non potero. M. Saluidienus hanc ipsius orationem uere fuisse dicit, & fuit re uera non parū literatus. Nam & in Africa rhetoricae operā dederat, Romae frequētauerat pergulas magistrales. Et ne longius progrediar, dicendū est quod praecipue ad hunc pertinet. Errare quosdam scio, & putare hunc esse Saturninum, qui Gallieni temporibus imperium occupauit, cum hic longe alius fuerit, etiam Probo penē nolente sit occisus. Fertur autē Probus & elementes ad eum literas saepe misisse, & ueniā esse pollicitū: sed milites qui cum eo fuerāt, non credidisse. Obsessum

denique in castro quodam ab ijs quos Probus miserat, inuito Probo esse ingulatum. Longum est friuola quæque cōnectere, & odiosum dicere quali statura fuerit, quo corpore, quo decore, quid biberit, quid comederit: ab alijs ista dicantur, quæ propè ad exemplum nihil profunt. Nos ad ea quæ sunt dicenda, redeamus.

P R O C V L V S .

P R O C V L O patria Albingauni fuisse, positi in alpibus maritimis. domi nobilis, sed maioribus latrocinatibus, atq; adeo pecore, ac seruis, & ijs rebus quas abduxerat, satis diues. Fertur denique eo tempore quo sumpsit imperiū, duo nullia seruorū suorū armasse. Huic uxor uirago, quæ illū in hāc præcipitauit dementiā, nomine Sampso, quod ei postea inditū est. Nam antea Viturgia nominata est. Filius Herēnianus, quē & ipsum, quinquenniū si impleisset (itā enim loquebatur) dicasset imperio. Homo, quod negari nō potest, optimus, idēmq; fortissimus: ipse quoq; latrocinij assuetus, qui tamen armatā semper egerit uitā. Nam & multis legionibus tribunus præfuit, & fortia edidit facta: & quoniam minima quæque iucunda sunt, atq; habēt aliquid gratiæ cū legūtur, tacendū non est, quod & ipse gloriatur in quadā sua epistola, quā ipsam melius est ponere, quā de ea plurimū dicere: Proculus Metiano affini S. D. Centum ex Sarmatia uirgines æpi. Ex his una nocte decē iniui: omnes tamē, quod in me erat, mulieres intra dies X V reddidi. Gloriatur ut uīdes, rem incptam, & satis libidinosam: atq; inter fortes se haberi credit, si criminū densitate coalescat. Hic tamen, cū etiam post

honores militares se improbe & libidinosè, tamen fortiter ageret, hortantibus Lugdunensibus, qui & ab Aureliano grauiter contusi uidebatur, & Probū uehementissime pertimescebant, in imperium uocitatus est ludo penè & ioco, ut Onesimus dicit: quod quidē apud nullum aliū repperisse me scio. Nam cū in quodā conuiuiō ad latrunculos luderetur, atq; ipse decies imperator exisset, quidā non ignobilis scurra, Aue, inquit, Auguste. Allatāque lana purpurea, humeris eius iūxit, eūmq; adorauit: timor inde conscriorū, atque inde iam exercitus tentatio, & imperij. Non nihilum tamen Gallis profuit. Nam Alemānos, qui tunc adhuc Germani dicebantur, non sine gloriæ splendore contriuit, nunquam aliter quā latrocinandi pugnantis modo. Hunc tamen Probus fugatū usque ad ultimas terras, & cupientem in Frācorū auxilium uenire, à quibus originē se trahere ipse dicebat, ipsis prodeuntibus Francis, quibus familiare est ridendo fidem frangere, uicit & interemit. Postericius etiam nunc apud Albingaunos agunt: qui ioco solent dicere, sibi nō placere esse uel principes, uel latrones. Hæc digna memoratu de Proculo didicisse memini. Veniamus ad Bonosum, de quo multo minora condidi.

B O N O S V S.

B O N O S V S homo Hispaniēsis fuit, origine Britānus, Gallia tamen matre, ut ipse dicebat, rhetoris filius: ut ab alijs cōperi, pædagogū literarij. paruulus patrem amisit, atque à matre fortissima educatus, literarū nihil didicit. Militauit primum inter ordinarios, deinde inter equites: duxit ordines, tribunatus egit, dux limitis Rhæ
ii. iij.

tici fuit: bibit quantum hominum nemo. De hoc Aurelianus sæpe dicebat, Non ut uinat natus est, sed ut bibat: quæ quidem diu in honore habuit causa militiæ. Nam si quando legati Barbarorum undecunque gentiū uenissent, ipsis propinabat ut eos inebriaret, atque ab his per unum cuncta cognosceret. Ipse quantumlibet bibisset, semper securus, et sobrius: et, ut Onesimus dicit scriptor uitæ Probi, adhuc in uino prudētor. Habuit præterea rem mirabilē, ut quātum bibisset, tantū mingeret: neque unquam aut eius pectus, aut uēter, aut uesica grauaretur. Hic idē, cum quodam tēpore in Rheno Romanas luxurias Germani incendissent, timore ne pœnas daret, sumpsit imperium: idque diutius tenuit quàm rebatur. Nam lōgo grauique certamine à Probo superatus, laqueo uitam finiuit. Tunc quidem iocus extitit, Amphoram pēdere, non hominem. Filios duos reliquit, quibus ambobus Probus peperit, uxore quoque eius in honore habita, et usque ad mortem salario præstito. Fuisse enim dicitur, ut et auus meus dicebat, scēmina singularis exempli, et familie nobilis gentis Gothicæ: quam illi Aurelianus uxorem idcirco dederat, ut per eum à Gothhis cuncta cognosceret: erat enim illa uirgo regalis. Extant literæ ad legatum Thraciarum scriptæ, de ijs nuptijs, et donis, quæ Aurelianus Bonoso dari nuptiarum causa iussit, quas ego inserui: Aurelianus Augustus Gallonio Auito S. Superioribus literis scripserā ut optimates Gothicas apud Perinthum collocares decretis salarijs, nō ut singulæ acciperent, sed ut septem simul unum conuiuium haberent. Cum enim diuisæ accipiunt, et illæ parum sumunt, et Resp. plurimum perdit. Nunc tamen, quoniam placuit Bonoso Hunilam dari, dabis ei iuxta breue infrascriptum omnia quæ præcipimus: sumptu etiam pu-

blico nuptias celebrabis. Brevis numerus fuit: Tunicas paliolatas hyacinthinas subsericas, tunicam auro clauatam subsericam librilem unam, interulas dilores duas, & reliqua quæ matronæ conueniunt. Ipsi dabis aureos Philippeos centum, argenteos Antoninianos mille, æris HS. decies. Hæc me legisse teneo de Bonoso. & potui quidem horum uitam præterire, quos nemo querebat. Attamen nequid fidei deesset, etiam de ijs quæ didiceram, intimanda curavi. Super sunt mihi Carus, Carinus, & Numerianus: nam Diocletianus, & qui sequuntur, maiore stylo dicendi sunt.

C A R V S.

F A T O Remp. regi, eâque nunc ad summum euehi, nunc ad minima retrahi, Probi mors satis prodidit. Nam cum ducta per tempora uarijs uel erecta motibus, uel afflictâ, nunc tempestate aliqua, nunc felicitate uariata, omnia propè passa esset quæ patitur in homine uno mortalitas: uidebatur post diuersitatem malorum iam secura continuata felicitatis mensura, post Aurelianum uehementem principem Probo ex sententia senatus & populi, leges & gubernacula temperante. Sed ruina ingens uel naufragij modo uel incendiij, accensis fataliter militibus, sublato è medio tali principe, in eam desperationem uotum publicum redegit, ut timerent omnes Domitianos, Vitellios, & Neronos. Plus enim timetur de incertis moribus principis, maxime in eâ Repub. quæ recentibus confossa uulneribus, Valeriani captiuitatem, Gallieni luxuriam, X X X etiam propè ty-
ii. iiij.

rannorum caesa civilium membra sibi met vindictam perpeſſa mœruerit. Nam ſi uolumus ab ortu urbis repetere, quas uarietates ſit paſſa Romana Reſpub. inuenimus nullam magis uel bonis floruiſſe, uel malis laboraſſe. Et, ut à Romulo incipiam uero patre ac parente Reip. quæ illius felicitas, qui fundauit, conſtituit, roborauitque Remp. atque unus omniũ conditorum perfectã urbem reliquit? Quid deinde Numam loquar, qui frequẽtem bellis, & graudam triũphis ciuitatem religione muniuit? Venit igitur uſque ad Tarquinij Superbi tempora noſtra Reſpub. ſed paſſa tempeſtatem de moribus regũs, non ſine graui exitio ſemet ulta eſt. Adoleuit deinde uſque ad tempora Gallicani belli: ſed quaſi quodam merſa naufragio, capta præter aræm urbe, plus penè mali ſenſit, quàm tunc boni habuerat. Reddidit ſe deinde in integrũ: ſed eoſque grauata eſt Punicis bellis, ac terrore Pyrrhi, ut mortalitatis mala præcordiorum timore ſentiret. Creuit deinde uicta Carthagine trans maria miſſis imperijs: ſed ſocialibus affecta diſcordijs, extenuato felicitatis ſenſu uſque ad Auguſtum bellis civilibus conſecta conſenuit: per Auguſtum deinde reparata (ſi reparata dici poteſt libertate depoſita) tamen utriusque etiam ſi domi triſtis fuit, apud exterarum gentes effloruit: paſſa deinceps tot Neronēs, per Veſpaſianum caput extulit. Nec omni Titi felicitate lætata, Domitiani uulnerata immanitate, per Neruam atque Traianũ uſque ad Marcum ſolito melior, Commodi uicordia, & crudelitatem lacerata eſt. nullum poſt hæc præter Seueri diligentiam uſque ad Alexandrum Mammeæ ſenſit bonum. Longum eſt quæ ſequuntur uniuerſa cōnectere. Vti enim primice Valeriano non potuit: & Gallienum per XV annos paſſa eſt. Inuidiæ Claudio longinquitatem imperij, amans

uarietatum, propè & semper inimica fortuna iustitiæ. Sic enim Aurelianus occisus est, & sic Tacitus absumptus, sic Probus cæsus, ut appareat nihil tam gratum esse fortunæ quàm ut ea quæ sunt in publicis actibus, euentuum uarietate mutantur. Sed quorsum talibus querelis, & temporū casibus distinemur? Veniamus ad Carum, medium (ut ita dixerim) iurum, inter bonos magis quàm inter malos principes collocandum, & longe meliorem, si Carinum non reliquisset hæredē. Cari patria sic ambigue à plerisque proditur, ut præsumpte ueritatem dicere nequeā, quæ illa uera sit. Onesimus enim, qui diligentissime uitam Probi scripsit, dicit Romæ illū & natum, & literis eruditū. Sed Illyricianis parētibus fuisse contēdit. Sed Fabius Cerilianus, qui tēpora Cari, Carini, & Numeriani solertissime persecutus est, neque Romæ, sed in Illyrico genitum, neque Panonijs, sed Pœnis parentibus asserit natum. In ephemeride quadam legisse memini Carum Mediolanensem fuisse, sed auo iuri Aquileiensis ciuitatis insertum. Ipse, quod negari non potest, ut epistola eius indicat quā proconsul ad legatum scripsit, cum eum ad bona hortaretur officia, Romanus uult uideri. Epistola Cari: Carus Manlius Aurelianus proconsul Ciliciæ Iunio legato suo: Maiores nostri Romani illi principes in legatis creandis hac usi sunt consuetudine, ut morum suorum specimen per eos ostenderent, quibus Remp. delegabant. Ego uero, si ita non esset, aliter non fecissem: feci aliter, si te iuuante non fallar. Fac igitur, ut maioribus nostris, id est, Romanis non discrepemus iuris. Vides quòd tota epistola maiores suos Romanos uult intelligi. Indicat & oratio eius ad senatū data istam generis prærogatiuam. Nam cum primum imperator esset creatus, sic ad senatorium ordinem scripsit inter cætera:

Gaudendum est itaque P.C. quòd unus ex uestro ordine, uestri etiam generis imperator est factus. Quare adnite mini ne meliores peregrini, quàm uestri esse uideantur. Hoc quoque loco satis clarum est illū uoluisse intelligi se esse Romanum, id est, Roma oriundum. Hic igitur per ciuiles militares gradus, ut tituli statuarum eius indicant, præf. præf. à Probo factus: tantum sibi apud milites amoris locauit, ut interfecto Probo tanto principe, solus dignissimus uideretur imperio. Non me præterit suspicatus esse plerisque, & eos in fastos retulisse Cari factione interemptum Probum: sed neque meritum Probi erga Carum, neque Cari mores id credi patiuntur: simul quia Probi mortem & acerrime, & constantissime uindicauit. Quid autem de eo Probus senserit, indicant literæ de eius honoribus ad senatū datæ. Probus Augustus amantissimo senatui suo S.D. Inter cætera felix esset nostra Respu. si qualis Carus est, aut plerique uestrum, plures haberē in actibus collocatos. Quare equestrem statuam uiro morū ueterum, si uobis placet, decernendam censeo. Addito eo, ut publico sumptu, uel eidem exædificetur domus marmoribus à me delatis. Decet enim nos talis integritatē remunerari uiri, & reliqua. Ac ne minima quæq; cōnectam, & ea quæ apud alios poterunt inueniri: ubi primum accepit imperium, consensu omniū militum bellū Persicum, quod Probus parabat, aggressus est, liberis Cæsaribus nuncupatis: & ita quidem, ut Carinum ad Gallias tuēdas cū uiris lectissimis destinaret: secum uero Numerianū adolescentē, cum lectissimum, tum etiam disertissimum duceret. Et dicitur quidem sæpe dixisse se miserum, quòd Carinum ad Gallias principem mitteret: neque illa ætas esset Numeriani, ut illi Gallicanum, quod maxime constantem principem quærit, crede-

retur imperium. Sed hæc aliàs. Nã extant iam literæ Carri, quibus apud præf. suum de Carini moribus queritur, ut appareat uerum esse, quod Onesimus dicit, habuisse in animo Carum, ut Carino Cæsareum abrogaret imperiũ. Sed hæc, ut diximus, aliàs in uita Carini dicenda sunt. Nunc ad ordinem reuertamur. Ingenti apparatu, et totis uiribus Probi profligato magna ex parte bello Sarmatico, quod gerebat contra Persas profectus, nullo sibi occurrente Mesopotaniam Carus cepit, et Ctesiphontem usque peruenit. Occupatisque Persis, domestica seditione imperatoris Persici nomen meruit. Verum cum audius gloriæ præfecto suo maxime iurgante, qui et ipsius, et filij eius querebat exitium, cupiens imperare, longius progressus esset, ut alij dicunt, morbo, ut plures, fulmine interemptus est. Negari non potest eo tempore quo perijt, tantum fuisse subito tonitruum, ut multi terrore ipso exanimati esse dicantur. Cũ igitur ægrotaret, atque in tentorio iaceret, ingenti exorta tēpestas immani coruscatione, immaniori, ut diximus, tonitru exanimatus est. Iunius Calphurnius, qui ad memoriã dictabat, talem ad præf. urbis super morte Cari epistolam dedit: inter cætera, Cum, inquit, Carus princeps noster uere charus ægrotaret, et tanti turbinis subito exorta tempestas esset, ut caligarent omnia, neque alter alterum noscere permitteret uis coruscationum: demde tonitruũ in modum fulgurum igniti syderis, cōtinuata uibratio omnibus nobis ueritatis scientiã sustulit. Subito enim conclamatum est imperatorem mortuũ, et post illud præcipue tonitruũ, quod cuncta terruerat. His accessit, quòd cubicularij dolētes principis mortē mēderūt tentoriũ. Vnde fama emerfit fulmine intereptũ eũ: quẽquãtum scire possumus, ægritudine constat absumptũ. Hæc ego epistolã idcirco indidi, quòd plerique

dicunt uim fati quandam esse, ut Ro. princeps Ctesiphon-
tem transire non possit: ideoque Carum fulmine absum-
ptum, quod eos fines transgredi cuperet, qui fataliter consti-
tuti sunt. Sed sibi habeat artes suas timiditas calcida uir-
tutibus. Licet planè ac licebit per sacratissimum Cæsarem
Maximianum Persas uincere, atque ultra eos progredi: &
futurum reor, si à nostris non deseratur promissus numi-
num fauor. Bonum principem Carum fuisse cum multa in-
dicant, tum illud etiam quod statim adeptus imperium,
Sarmatas, adeo morte Probi feroces, ut inuasuros se non so-
lum Illyricum, sed Thracias quoque, Italiàmque minaren-
tur: ita inter bella patiendi contudit, ut paucissimis diebus
Pannonias securitate donauerit, occisis Sarmatarum sede-
cim millibus, captis diuersis sexus, uiginti millibus. Hæc
de Caro satis esse credo. Veniamus ad Numerianum, cu-
ius & uicinior patri, & admirabilior per socerum suū
facta uidetur historia. Et quanuis Carinus maior ætate
fuerit, prior etiam Cæsar sit nuncupatus: tamen necesse est
ut prius de Numeriano loquamur, qui patris secutus est
mortem: post de Carino, quem uir Reip. necessarius Augu-
stus Diocletianus habitis cōflictibus interemit.

N U M E R I A N U S.

N U M E R I A N U S Cari filius moratus
egregie & uere dignus imperio, eloquentia
etiam præpollēs, adeo ut publicè declama-
uerit, ferāturque illius scripta nobilia, de-
clamationi tamen quàm Tulliano accom-
modatiora stylo. Versu autem talis fuisse prædicatur, ut o-
mnes poetas sui temporis uicerit. Nā & cum Olympio Ne-

mesiano contendit, qui ἀλιπτινὰ, κωννητινὰ & γαυτινὰ
scripsit: quique omnibus colonijs illustratus emicuit. Et Au-
relium Apollinarem amborum scriptorem, qui patris eius
gesta in literas retulit: ipsdēque recitauerat æditis ueluti
radio Solis obtexit. Huius oratio fertur ad senatum missa
tantum habuisse eloquentiæ: ut illi statua non quasi Cæ-
sari, sed quasi Rhetori decerneretur ponenda in bibliotheca
Vlpia, cui subscriptum est: Numeriano Cæsari ora-
tori temporibus suis potentissimo. Hic patri comes fuit
bello Persico: quo mortuo, cum nimio fletu oculos dolere cœ-
pisset, quod illū ægrotudinis genus, nimia ut pote familia-
rissima confectus angustia, incurrisset: & dum lectica por-
taretur, factione Arrii Apri socii sui, qui inuadere cona-
batur imperium, occisus est. Sed cum per plurimos dies de
Imperatoris salute quæreretur à milite, concionareturque
Aper, idcirco illum uideri non posse, quòd oculos inuali-
dos à uento, ac Sole subtraheret: fœtore tamen cadaueris
res esset prodita, omnes inuasērunt Aprum: cuius factio la-
tèrē non potuit, eūque ante signa & principia protra-
xere. Tunc habita est ingens concio, factum etiam tribunal.
Et cum quæreretur, quis uindex Numeriani iustissimus fie-
ret, quis daretur Reip. bonus princeps: Diocletianum om-
nes diuino consensu, cui multa iam signa facta diæbantur
imperij, Augustum appellauerunt: domesticos tunc regen-
tem, uirum insignem, callidum, amantem Reip. amantem
suorū, & ad omnia quæ tempus quæsierat, paratum. Con-
siliij semper alti, nonnunquam tamen effrontis, sed pruden-
tis, nimia peruiacia motus inquieti pectoris comprimen-
tis. Hic, cum tribunal conscendisset, atque Augustus esset
appellatus: & quæreretur quemadmodū Numerianus esset
occisus, educto gladio Aprum præf. præf. ostentans per-

cussit, addens uerbis suis, Hic est autor necis Numeriani. Sic Aper seipsun fœdauit, et deformibus consilijs agens dignum moribus suis exitum dedit. Auus meus retulit se interfuisse concioni, cum Diocletiani manu esset Aper occisus, percussisse autem dicebat Diocletianum, et dixisse, Gloriare Aper, magni AENEÆ dextera cadis. Quod ego miror de homine militari, quauis te sciam plurimos plus quam militares uel Græcæ, uel Latine, uel comicorum usurpari dicta, uel talium poetarum. Ipsi denique comici plerumque sic milites inducunt, ut eos faciant uetera dicta usurpare. Nam et lepus tute es, et pulpa mentum quæris, Liuij Adronici dictum est: multaque alia, quæ Plautus, Cæciliusque posuerunt. Curiosum non puto, neque satis uulgare, fabellam de Diocletiano Augusto ponere hoc conueniente loco, quæ illi data est ad omen imperij. Auus meus mihi retulit ab ipso Diocletiano compertum. Cū, inquit, Diocletianus apud Tungros in Gallia in quadā caupona moraretur in minoribus adhuc locis militans, et cum Druyde quadam muliere, rationem conuictus sui quotidiani faceret, atque illa diceret, Diocletiane nimium auarus, nimium parcus es: ioco nō serio Diocletianus respondisse fertur, Tunc ero largus, cum Imperator fuero. Post quod uerbum Druyas dixisse fertur, Diocletiane iocari noli: nam Imperator eris, cum Aprum occideris. Semper exinde Diocletianus in animo habuit imperij cupiditatem, idque Maximiano confcio, atque auo meo, cuius hoc dictum à Druyde ipse retulerat. Denique ut erat altus, risit et tacuit: apros tamen in uenationibus, ubi fuit facultas, manu sua semper occidit. Denique cum Aurelianus imperium accepisset, cū Probus, cum Tacitus, cum ipse Carus, Diocletianus dixit: Ego semper apros occido, sed alter semper uultur pulpa-

mento. Tam illud notum est atque uulgatum: quòd cum occidisset Aprum præfectum præet. dixisse fertur eundem, Aprum fatalem occidi. Ipsum Diocletianum idẽ auus meus dixisse dicebat: nullam aliam fuisse sibi causam occidendi manu sua Aprum, nisi ut impleret Druydu dictum, et suum firmaret imperium. Non enim tam crudelem se monescere cuperet primis maxime diebus imperij, nisi illi necessitas ad hanc atrocitatem occasionis attraheret. Dictum est de Caro, dictum etiã de Numeriano, superest nobis de Carino.

C A R I N V S.

C A R I N V S homo omnium contaminatissimus, adulter, frequens corruptor iuuentutis: pudet dicere quod in literas Onestus retulit: ipse quoque male usus genio sexus sui. hic cum Cæsar decretis sibi Gallijs atque Italia, Illyrico, Hispanijs, ac Britannijs et Africa, relictus à patre Cæsarianum teneret imperium: sed ea lege ut omnia faceret quæ Augusti faciunt, enormibus seuerijs, et ingenti fœditate maculauit. Amicos optimos quosque relegauit: pessimum quenque elegit, aut tenuit, præf. urbi unum ex cancellarijs suis fecit. Quo fœdius nec cogitari potuit aliquando nec dici. præfectum præet. quem habebat, occidit. In eius locum Matronianum ueterem conciliatorem fecit, unum ex his notarijs, quem stuprorum et libidinum consciũ semper atque adiutorem habuerat. Inuito patre Cos. processit. Superbas ad senatum literas dedit. Vulgo urbis Romæ quasi populo R. bona senatus promisit. Vxores ducendo, ac reiiciendo nouẽ duxit, pulsus plerisque

pręnantibus. mımis, meretricibus, pantomimis, cantori-
 bus, atque lenonibus palatıu impleuit. Fastidiu subscribē-
 di tantum habuit, ut impurum quendam, cum quo semper
 meridie iocabatur, ad subscribendum poneret: quem obiur-
 gabat plerunque quod bene suam imitaretur manum. Ha-
 buit gemmas in calceis: nisi geminata fibula usus non est.
 Balneum etiam saepe gemmatum, ut regem denique illum
 Illyrici plerique uocitarent. Pręfectus nunquam Cos.
 obuiam proecessit. Hominibus improbis plurimum detulit,
 eosque ad conuiuium semper uocauit. Centum libras auiu,
 centum piscium, mille diuersę carnis in conuiuio suo fre-
 quenter exhibuit. Vini plurimum effudit. Inter poma et
 melones natauit. Rosis Mediolanensibus et triclinia, et
 cubicula strauit. Balneis ita frigidis usus est, ut solent esse
 cellę suppositorię frigidarijs semper nivalibus. Cum hye-
 mis tempore ad quendam locum uenisset, in quo fons erat
 aqua per tepida, ut solet per hyemem naturaliter, eaque pi-
 scina usus esset, dixisse balneatoribus fertur, Aquam mihi
 muliebrę pręparatis. atque hoc eius clarissimum dictum
 effertur. Audiebat pater eius quę ille faceret, et clama-
 bat, Non est meus. Statuerat denique Constantium, qui
 postea Cęsar est factus (tunc autem pręsidatum Dalma-
 tię administrabat) in locum eius subrogare, quod nemo
 tunc uir melior uideretur: illum uero, ut Onesimus dicit,
 occidere. Longum est, si de eius luxuria plura uelim dice-
 re. Quicunque ostiatim cupit noscere, legat etiam Fuluium
 Asprianum usque ad tedium gestorum eius uniuersa di-
 centem. Hic ubi patrem fulmine absumptum, fratrem a so-
 cero interemptum, Diocletianum Augustum appellatı com-
 perit, maiora uitia et scelera edidit, quasi iam liber a
 fręnis domesticę pietatis, suorum moribus absolutus. Nec

ei tamen defuit ad uindicandum sibi met imperium uigor mentis. Nam contra Diocletianum multis prælijs cōfixit. Sed ultima pugna apud Murtiū commissa, uictus occubuit. Hic trium principum finis fuit, Cari, Numeriani, & Carini: post quos Diocletianum & Maximianum principes dii dederunt, iungentes talibus uiris Galerium atque Cōstantium: quorum alter natus est, qui acceptam ignominiam Valeriani captiuitate deleteret: alter qui Gallias Romanis legibus redderet. Quatuor sanè principes, mundi, fortes, sapientes, benigni, & admodum liberales unum in Rep. sentientes: præterea senatus Romani moderati Po. amici, potestate graues, religiosi, & quales principes semper orauimus: quorum uitam singulis libris Claudius Euthemus, qui Diocletiano ab epistolis fuit, scripsit. Quod idcirco dixi, ne quis à me tantam rem quæreret: maxime cum uel uiuorum principum uita non sine reprehensione dicatur. Memorabile maxime & Carini, & Numeriani hoc habuit imperium, quòd ludos Romanos nouis ornatos spectaculis dederunt, quos in palatio circa porticum stabuli pfectos uidimus. Nam & Neurobatem, qui uelut in uētis cothurnatus ferretur, exhibuit: & Tichobatem qui per parietem urso eluso acurrat, & ursos in circum agentes: & item centum salpistas uno crepitu concinentes, & centum camptaulas, chōraulas centum, etiam pithaulas centum, pātomimos, & gymnicos mille: pegma præterea, cuius flammus scena conflagrauit, quam Diocletianus postea magnificentiore reddidit. Mimos præterea undique aduocauit. Exhibuit & ludū Sarmaticum, quo dulcius nihil est. Exhibuit Cyclopē adornatū. & Græcis artificibus & gymniciis, & histrionibus, & musicis, aurum & argentum, donata & uestis serica. Sed hæc omnia nescio quantum ad

populum gratiæ habeāt, nullius certe sunt momenti apud principes bonos. Diocletiani denique dictum fertur, cum ei quidam rationalis suus æditionem Cari laudaret: dicens multum placuisse principes illos causa ludorum theatralium, ludorūque Circensium: Ergo, inquit, bene risus est imperio suo Carus. Denique cum omnibus gentibus aduocatis Diocletianus daret ludos, parcissime usus liberalitate, dicens castiores esse oportere ludos spectante censore. Leget hunc locum Iunius Messala, quem ego liberè culpare audeo. Ille enim patrimonium suum scenicis dedit, hæredibus abnegauit: matris tunicam dedit mīmæ, lacernam patris mimo, & rete Flauiae: pallio aurato, atq; purpurato pro syrmate tragædus uteretur. Inscriptum est adhuc in chorulæ pallio hianthino, quo ille uelut spolio nobilitatis exultat, Messalæ nomen, & uxoris. Iam quid lineas petitas Aegypto loquar? quid Tyro & Sidone tenuitate perlucas, micantes purpura, plumandi difficultate pernobiles? donati sunt ab Atrebatibus birri petiti, donati birri Canusini, Africanae opes in scena non prius uisæ. Et hæc quidem idarco ego in literas retuli, quod futuros æditores pudor tangeret, ne patrimonia sua proscriptis legitimis hæredibus, numus, & ballionibus deputarent. Habe mi amice meum munus, quod ego (ut sæpe dixi) non eloquentiæ causa, sed curiositatis in lumen edidi: id præcipue agens ut si quis eloquens uellet facta principum referare, materiam non requireret, habiturus meos libellos ministros eloquii. Te quæso sis contentus, nōsque sic uoluisse scribere, meliusque potuisse contendas.

DE VITA ET MORIBVS IMPERATORVM RO. excerpta ex libris Sex. Aurelij Victoris, à Cæsare Augusto usq; ad Theodosium Imperatorem.

D. CAESAR OCTAVIANVS AVGVSTVS.

NNO urbis conditæ DCCXXII. ab exactis vero regibus CCCCLXXX'que
 A mos Romæ repetitus uni prorsus parendi pro rege imperatori uel sanctiori nomine Augusto appellato. Octavianus igitur pater Octavio senatore genitus, maternum genus ab AENEAS per Iuliam familiâ sortitus, adoptione uero C. Cæsaris maioris auunculi, C. Cæsar. dictus, deinde ob uictoriam Augustus cognominatus est. Iste in imperio positus, tribunitiâ potestatem per se exercuit. Regionem AEGYPTI inundatione Nili accessu difficilem, inuadamque paludibus in prouinciâ formam redegit. Quam ut annonæ urbis copiosam efficeret, fossas incuria uetustatis limo clausas, labore militum patefecit. Huius tempore ex AEGYPTO urbi annua ducenties centena milia frumenti inferebantur. Iste Cantabros & Aquitanos, Rhetos, Vindelicos, Dalmatas numero prouinciarum Pop. Rom. coniunxit, Sueuos, Cattosque deleuit, Sicambros in Galliam transtulit, Pannonios stipendiarijs adiecit, Getarum populos, Basternasque laessitos bellis ad concordiam compulit. Huic Persæ obsides obtulerunt, creandique regis arbitrium permisērunt. Ad hæc Indi, Scythæ, Garamantes, Aethiopes legatos cum donis miserunt. Adeo denique turbas, bella, simultates execratus est, ut nisi iustis de causis nunquam genti cuiquam bellū indixerit. Iactantisque esse ingenij & leuissimi dicebat, ardore triūphadi, & ob laureā coronam, id est folia infructuosa
 lx lxij.

sa, in discrimen per incertos euentus certaminum, securitatem ciuium præcipitare. Neque imperatori bono quicquā minus quā temeritatē congruere. Satis celeriter fieri quicquid commode gereretur. Armāq; nisi maioris emolumentī causa, nequaquam mouenda esse: ne compendio tenui, iactura graui, petita uictoria simul sit hamo aureo piscantibus: cuius abrupti, amissiq; detrimentum, nullo capture lucro pensari potest. Huus tempore trans Rhenum uastatus est Romanus exercitus, atque tribunus et propraetor cæsus. Quod intantum accidisse perdoluit ut cerebri ualido incursum parietem pulsaret, ueste capilloque, ac reliquis lugentium iudicijs deformus. Auunculi quoque inuentum uehementer arguebat, qui milites cōmuliones, nouo blandoque more appellans, dum affectat charior fieri, auctoritatem principis emolliuerat. Denique erga ciues clementissime uersatus est. In amicos fidus extitit. Quorum præcipui erāt ob taciturnitatem Mecænas: ob patientiam laboris, modestāque Agrippa. Diligebat præterea Vergiliū. Rarus quidem ad recipiēdas amicitias, ad retinendas constantissimus. Liberalibus studijs, præsertim eloquentiæ intantum incumbēs, ut nullus ne in procinctu quidem laberetur dies, quin legeret, scriberet, declamaret. Leges alias nouas, alias correctas protulit suo nomine. Auxit, ornauitque Romam ædificijs multis, isto glorians dicto, Urbem latenteriam reperi, relinquo marmoream. Fuit mitis, gratus, ciuili animi et lepidi, corpore toto pulcher, sed oculis magis. Quorum aciem clarissimorum siderū modo uibrans, libenter accipiebat cedi ab intendentibus tanquā solis radijs aspectui suo. A cuius facie dum quidam mules auerteret, et interrogaretur ab eo cur ita faceret, respondit, Quia fulmen oculorum tuorū ferre non possum. Nec tamen uir

tantus uitij caruit: fuit enim paululum impatiens, leniter iracundus, occulte inuidus, palam factiosus. porro autem dominandi supra quàm æstimari potest, cupidissimus, studiosus aleæ lufor. Cùmque effet cibi ac uini multi, aliquatenus uero somni abstinens, feruebat tamen libidini usque ad probrũ uulgaris famæ. Nam inter XII catanitos, totidémque puellas accubare solitus erat. Abiecta quoque uxore Scribonia, amore alienæ coniugis possessus, Liuiam quasi marito concedere sibi coniūxit. Cuius Liuiæ iā erant filij Tiberius et Drusus. Cùmque effet luxuriæ seruens, erat tamen eiusdem uitij seuerissimus ultor, more hominum qui in ulciscendis uitij, quibus ipsi uehemēter indulgent, acres sunt. Nam et poetam Ouidium, qui et Naso, pro eo quòd tres libellos amatoricæ artis conscripsit, exilio damnauit. Quòdque est læti animi, uel amœni, oblectabatur omni genere spectaculorum, præcipue ferarum incognita specie, et infinito numero. Annos VII et LXX ingressus, Nolæ morbo interijt. Quauquam alij scribant dolo Liuiæ extinctum, metuentis, ne quia priuignæ filium Agrippam, quæ odio nouercali in insulã relegauerat, reduci cõpererat, eo summam rerũ adepto pœnas daret. Igitur mortuũ, seu necatum, multis nouisq̃ honoribus senatus cõsultis decorandũ. Nam præter id quòd antea patrẽ patriæ dixerat, templa tam Romæ quàm per urbes celeberrimas ei consecrauit, cunctis uulgo iactantibus, utinam aut non nasceretur, aut non moreretur. Alterum enim pessimi incepti, exitus præclari alterũ. Nam et in adipiscendo principatu oppressor libertatis est habitus, et in gerendo ciues sic amauit, ut tridui frumento in horreis quondam uiso, statuisset ueneno mori, si è prouincijs classes interea nõ uenirēt. Quibus aduectis, felicitati eius, salus patriæ est attributa.

tributa. Imperauit annis L & VI. XII cum Antonio, XL uero & IIII solus. Qui certe nunquam aut Reip. ad se potentiam traxisset, aut tandiu ea potiretur, nisi magnis naturæ & studiorum bonis abundasset.

Cludius Tiberius.

Cludius Tiberius Liuiæ filius, Cæsaris Octauia
 C ni priuignus, imperauit annis XXIIII. Iste, qui Cludius Nero dicebatur, eleganter à iocularibus, Caldius Biberius Mero ob uinolentiā nominatus est. Satis prudens in armis, satiq. fortunatus ante sumptū imperiū sub Augusto fuit, ut non immerito Reip. dominatus ei cōtitteretur. Inerat ei sciētia literarū, eloquio clarior, sed ingenio pessimo, truci, auaro, insidioso, simulās ea se uelle quæ nollēt. His quasi insensus, quibus consultum cupiebat: his uero quos oderat, quasi beneuolus apparem. Repētinis responsionibus aut consilijs melior, quā meditatis. Denique delatum à patribus principatum, quod quidem astu perfecerat, fictē abnuere, quid singuli dicerent uel sentiret atrociter explorans: quæ res bonos quosque pessum dedit. Aestimantes enim ex animo eū longa oratione imperialis molestiæ magnitudinem declinare, cum sententias ad eius uoluntatē promūt, ināssere exitia postrema. Iste Cappadocas in prouinciā, remoto Archelao rege eorū, redegit. Getulorū latrocinia repressit. Maraboduū Suehorū regem callide circumuenit. Cum immani furore insontes, noxios, suos pariter externosque puniret, resolutis militiæ artibus, Armenia per Parthos, Mœsia à Dacis, Pannonia à Sarmatis, Gallia à finitimis gētib⁹ direptæ sūt. Iste post LXXVIII annum & mēsem IIII, insidijs Caligulæ extinctus est.

C. Cæsar Caligula.

Caligula imperauit annos IIII. Iste filius fuit Ger-

manici: & quia natus in exercitu fuerat, cognomentū cal-
 ciamenti militaris, id est Caligula sortitus est. Ante princi-
 patum omnibus charus acceptusque fuit. In principatu ue-
 ro talis ut non immerito vulgaretur atrociorē illo domi-
 num non fuisse. Denique tres sorores suas stupro macula-
 uit. Inædebat habitu deorū suorum. Iouem ob iræstum, è
 choro autem bacchanali Liberum se afferebat: de quo ne-
 scio an deauerit memoriæ prodi, nisi forte quia iuuat de
 principibus nosse omnia, ut improbi saluē famæ metu ta-
 lia declinent. In palatio matronas nobiles publicæ libidini
 subiecit. Primus diademate imposito, dominum se iussit ap-
 pellari. In spatio triū milliū, quod in sinu Puteolano inter
 moles iacet, duplici ordine naues contexens arenæ aggestu
 ad terræ speciem uia solidatam, phalerato equo insignisq;
 ærea corona, quasi triūphant indutus aureo paludamēto,
 currubijugū decurrit. dehinc à militibus cōfossus interiit.

Claudius Tiberius.

Laudius Tiberius, Drusi Tiberij fratris filius, Ca-
 C ligulæ patruus, imperauit annos XIIII. Iste cū
 senatus cōsuisset gentē Cæsariū exterminari, de for-
 mi latebra latēs, repertus à militibus, quia uecors erat, &
 mitissimus uidebatur imprudentibus, imperator effectus
 est. Hic uentri, uino, libidini fœdæ obediens, uecors & pro-
 pè hebes, ignauus ac pavidus, libertorū & coniugis impe-
 rij subiectus fuit. Huius tēpore Scribonianus Camillus in-
 tra Dalmatias imperator creatus, cōtinuo occiditur. Mauri
 prouincijs à Cæsare pulsī, cæsa Musulaniorū manus est,
 aqua Claudia Romæ introducta. Huius uxor Messalina
 primo clām, mox passim quasi iure adulteris utebatur. Ex
 quo factō plures metu abstinentes extincti sūt. Dehinc atroci
 accensa, nobiliores quasq; nuptas & uirgines, scortorū mo-
 lx lx iiii

do secum proposuerat, cunctique mares ut adessent. Quod si quis talia horruerat, adfecto crimine, in ipsum, omnemque familiam seuebatur ut magis uideretur sub imperatore uero quam imperatori nupta esse: ita liberti eius potestatem summam adepti, stupris, exilio, caede, proscriptionibus omnia foedabant. Ex quibus Felicem legionibus Iudaeae praefecit. Possidio eunuchus post triumphum Britannicum, inter militarium fortissimos, arma insignia tanquam participi uictoriae dono dedit. Polybum inter Coss. medium macedere fecit. Hos omnes anteibat Narcissus ab epistolis, dominum se gerens ipsius domini, Palladaeque praetoris ornamentis sublimatus, adeo diues, ut causante eo inopiae fieri, lepidissime famoso elogio uulgatum sit, Abunde ei pecunia fore, si a duobus libertis in societatem reciperetur. Huius temporibus uisus est apud Aegyptum phoenix, quam ferunt uolucrum anno D. in Arabia memoratos locos aduolare: atque in Aegaeo mari repetere insula emerisse. Hic Agrippinam Germanici fratris sui filiam uxorem duxit, quae filio imperium procurans, primo priuignos insidijs multiformibus, dehinc ipsum coniugem ueneno interemit. Vixit annis L X I I I I. cuius funus, ut quondam in Tarquinio Prisco diu occultatum, dum arte muliebri corrupti custodes aegrum simulant, Nero priuignus eius imperij iura suscipit.

Domitius Nero.

Domitius Nero, patre Domitio AEnobarbo genitus,
 D matre Agrippina, imperauit annis X I I I. Iste
 quinquennio tolerabilis uisus. Inde quidam prodidere Traianum solitum dicere, procul distare cunctos principes a Neronis quinquennio. Hic in urbe amphitheatrum ex la uacra construxit, Pontum in ius provinciae Polemonis reguli permissu redegit, a quo Polemoniacus Fons appellatus est:

idēque Cottias alpes, Cottio rege mortuo. Eo nanque dedecore reliquū uitæ egit ut pudeat memorare huiusmodi quenquam: eò progressus est ut neque suæ, neque aliorum pudicitia, iræns, ad extremum amictus nubētium uirginum specu., palam conuocato senatu, dote dicta, cunctis festa de more frequentantibus, nuberet. Pelle tectus feræ, utrique sexui genitalia uultu contrectabat: matrem etiam stupro contaminauit, quanquam postmodum interemuit. Octauiam & Sabinam cognomēto Poppeam, in matrimonium duxit, uirum earum trucidatis. Tunc Galba in Hispania procul & C. Iulius imperium corripuere. Vbi aduentare Nero Galbam didicit, senatūque sententia constitutum ut more maiorum collo in furcam coniecto, uirgis ad necem caderetur, desertus undique noctis medio egressus urbem, sequētibz Phaone, Epaphrodito, Neophytōque, & spadone Sporo, quem quondam Nero exectum formare in mulierem tentauerat, semet ictu gladij transegit, adiuuante trepidatē manum impuro, de quo diximus, eunuchō Sporo, cum sanè prius nullo reperto, à quo feriretur, exclamaret, Itāne nec amicum habeo, nec inimicū? dedecore uixi, turpius peream. Perijt anno ætatis XXXII. Hunc Persæ intantum dilexerunt ut legatos mitterent orantes copiam construendi monumenta. Ceterū adeo cunctæ prouinciæ, omnisque Roma interitu eius exultauit ut plebs induta pileis manumissionum, tanquam sæuo exempta domino, triumpharet.

Sergius Galba.

Alba nobili Sulpitiorū genere progenitus, imperauit menses VII, diēsque totidem. Iste in adulescētes infānis, ad uescēdum intēperās fuit. Triū amicorū consilio, id est Iunij, Cornelij, & Iaceli, cuncta dispo-

ners, adeo ut inter Palatinas aedes pariter habitarent, & uulgo pædagogi dicerentur. Hic ante sumptam dominationē multas prouincias egregie administrauit, militem seuerissime tractās, ita ut ingresso eo castra, uulgaretur statim, Disce miles militare, Galba est, non Cetulicus. Cum LXXIII ætatis annum ageret, dū factione Othonis accensas legiones lorica tectus lenire contenderet, ad lacum Curtium cæsus est.

Otho Saluius.

Aluius Otho splēdidus ortus maioribus, ex oppido Ferētino, imperauit mēses IIII. Vita omni turpis, maxime adolescentia. Hic à Vitellio primum apud Placentiam, dehinc apud Bebriacum uictus, semet gladio transfixit anno ætatis XXXVI adeo amabilis militibus proprijs, ut plerique corpore eius uiso, suis manibus interierint.

Vitellius.

Itellius ortus familia nobili, patre Lucio Vitellio IIII cōsule, imperauit menses VIII. Iste mēte crudelis auariūsq; cū profusione fuit. Huius tēpore Vespasianus in Oriēte principatū arripuit: à cuius militib⁹ certamine sub muris urbis habito, superatus, & palatio quo se abdiderat Vitellius uinctis à tergo manib⁹, productus circūducitur ad spectaculū uulgi. Ac ne homo impudēs, in extremis saltē malorū quæ gesserat, rubore faciē demitteret, subiecto in mentū gladio, seminudus multis cæno, fimo, & cæteris turpioribus dictu purgamentis uultum eius inæssentibus, per scalas Gemonias trahitur, ubi Sabini Vespasiani fratrem necari permiserat. numerosis ictibus confossus interijt. Vixit annis LVI. Hi omnes quos paucis attingi, precipue Cæsarū gens, adeo literis culti, atque elo-

quætia fuere, ut ni cunctis uitijs absque Augusto nimij forent, profecto texissent immodica flagitia.

Vespasianus.

V *V*espasianus imperauit annis X. Huius inter cætera bonæ illud singulare fuit, in inuicitiis obliuisci, adeo ut Vitellij hostis sui filiã locupletissime dotata, splēdidissimo cōiūgeret uiro. Ferebat patietè amicorū motus, cōtumelijs eorū, ut erat facitissimus, dictis iocularibus respōdēs. Nāq; Liciniū Mutianū, quo adiutore ad imperiū peruenerat, fiducia meritorū insolentē flectebat, adhibito aliquo ueriq; familiari, id unū dicēs, Nosti me iurū esse. Sed quid mirū in amicis, cū etiam causidicorū obliqua dicta, et philosophorū cōtumaciã contēneret? Iste exanguem diu, fessūmq; terrarū orbē breui refecit. Nāque primū satellites tyrānidis, nisi qui forte atrocius longe proacserāt, flectere potius maluit, quā excruciatos delere, prudētissime ratus, nefaria ministeria à pluribus metu curari. Præterea legibus æquissimis monēdo, quodque uehementius est, uitæ specie uitiorū plura abolenerat. Infirmus tamen, ut quidā prauè putāt, aduersus pecuniã, cum satis cōstet ærarij mopia, et clade urbiū, nouas eū neq; postea habitas uectigaliū pēsiones exquisiuisse. Hic Romā deformē mœdijs ueteribus ac ruinis, permissa, si domini deessent, uolētibus ædificadi copia, Capitoliū, ædem Pacis, Claudij que monimēta reparauit: multāque noua instituit. per omnes terras, quæ ius Romanum est, renouatæ urbes cultu egregio: uic operibus maximis munitæ sunt. Tunc cauati mōtes per Flaminiam sunt prono transgressu, quæ uulgariter Pertusa petra uocitatur. Mille gētes cōpositæ, cum ducētas ægerrime reperisset, extinctis sæuitia tyrannorum plerisque, Rex Parthorum Vologeses metu solo in pacē coactus est. Syria seu

Palæstina, nec nō Cilicia Trachea, et Comagene, quam hodie Augustophratensem nominamus, prouincijs accessere. Iudæi quoque additi sunt. Hic monētibz amicis ut caueret à Metio Pōposiano, de quo sermo percrebuerat regnaturū, consulem fecit, alludens tali cauillo, Quandoque memor erit tanti beneficij. Institutū uero uniforme omni imperio tenuit. Vigilare de nocte, publicisque actibus absolutis charos admittere, dum salutatur calceamēta sumens et regium uestitum. Post autem negotijs, quæcūque aduenissent auditis, exerceri uelitatione, deinde requiescere: postremo ubi lauisset, remissiore animo conuiuū curabat. Plurā dicere studiū cœgit imperatoris boni, quē ab Augusti morte post annos VI et L, Romana Resp. ex anguis sæuitia tyrānorum quasi fato quodam, ne penitus rueret, assecuta est. Itaque annum agens uitæ absque uno septuagesimum, serijs ioca, quibus delectabatur, admiscens interijt. Quippe primo cum crinitum sidus apparuisset, Istud, inquit, ad regem Persarū pertinet, cui capillus effusior. Deinde uentris ingluuie fessus et assurgens, Stantem ait, imperatorem excedere terris deat.

Titus.

Titus uocabulo patris etiam Vespasianus dictus, T matre liberta Domicilla nomine genitus, imperauit annos II et menses II, diēsque XX. Iste à puero præclaris studijs, probitatis, militiæ, literarū instantissime deditus, quō contenderet, animi et corporis muneribus ostendit. Hic ubi patriæ curam suscepit, incredibile est quantum quos imitabatur, anteierit, præcipue clementia, liberalitate, honorificentia, ac pecuniæ contemptu: quæ eo amplius grata fuere, quòd ex nonnullis à priuato adhuc priuatis asperior, luxuriæ, et auaritiæ amans crede-

batur fore. Nanque præfecturam prætorianam patre imperante adeptus, suspectum quæque et oppositum sibi, immisissis qui per theatra et castra inuidiosa iactantes ad poenam poscerent, quasi criminis conuictos oppressit. Inqueis Cæannam cōsularem adhibitum cœna, iux dum tricinio egressum, ob suspicionem stupratæ Berenicis uxoris suæ ingulari iussit. Iurgia autem sub patre uenundata, rapinarum cupidum: unde Neronem cuncti uocâtes opinantésque, summam rerū nactum grauer acciperât. Sed hæc in melius conuersa adeo ei immortalē gloriam contulere, ut deliciæ atq; amor humani generis appellaretur. Denique ut subiit pondus regiū, Berenicem nuptias suas speratē regredi domum, et enervatorum greges abire præcepit. Quo factō, quasi signum protulit mutatæ intemperantiæ. Dehinc cum donata cōcessæ a prioribus principibus firmare insequētes solerēt, simul ut imperiū cepit, talia possidētibus edicto sponte cecidit uel concessit. Quadam etiam die, recordans uesperī nihil se cuiquam præstitisse, uenerando cælestique dicto, Amici, ait, perdidimus diem: quia erat magnificæ liberalitatis. Clementiam uero usque eō perduxit ut amplissimi ordinis duo cum aduersus eum coniurassent, neque abnuere cogitatum scelus quirēt, monuerit primo, post deductos in spectaculum se utrinque asidere iusserit: petitiōque ex industria Mirmilonum, quorum pugna uisebantur, gladio, quasi ad explorandam aciem, uni atque alteri commiserit: quibus percussis et constantiam mirantibus diceret, Videtisne potestates fato dari, frustra que tentari facinus potiundi spe, uel amittendi metus? Fratrem quoque Donutianum parantem insidias, militūque animos sollicitantem, flens sæpius obtestatus est ne parricidio assequi cuperet, quod et se uolente esset ob-

uenturum ei, & iam haberet, cum sit participes potestatis. Huius tempore mons Vesuvius in Campania ardere cœpit, incendiūque Romæ sine nocturna reque per triduum fuit. Lues quoque quāta uix unquam antea fuit. Quibus tamen malis nonnullis uexatis, pecunia propria subuenit, cunctis remediōrū generibus: nunc ægrotantes per semetipsum reficiens, nunc consolans suorū mortibus afflictos. Vixit annis XL I: & in eodem quo pater apud Sabinos agro febre interijt. Huius mors credi uix potest quantum luctus urbi, prouincijsque intulerit, adeo ut eum delicias publicas, sicut diximus, appellantes, quasi perpetuo custode orbatum terrarum orbem deslerent.

Domitianus.

Domitianus & Domitillæ libertæ filius, germanus Titi, imperauit annis XV. Iste primò clementiam simulans, neque adeo iners; domi bellique tolerantior uidebatur. Idcircoque Catos Germanosque deuicit. ius æquissime dixit. Romæ multa ædificia uel cœpta, uel à fundamētis cōstruxit. Bibliothecas incendio consumptas, petitis undique, presertim Alexādria exemplis, reparauit. Sagittarum tam doctus fuit ut inter patentes digitos extente manus uiri procul positi spicula transuolarēt. Dehinc atrox cædibus, bonorum supplicia agere cœpit, ac more Caligulæ dominum sese deūque dici cœgit: segnisque ridicule remotis omnibus muscarū agmina persequabatur. Furens libidine, cuius fœdum exeratiū, Græcorum lingua κλινοπᾶλιν uocabat. Hinc percontanti quidam quisquāne in palatio esset, responsum est, Ne musca quidem. His eius scuitijs, ac maxime iniuria uerborū, qua se scortum uocari dolebat, accensus Antonius curās Germaniam superiorem, imperiū corripuit. Quo per Norbanum Appiū

acie strato Domitianus longe deterior in omne hominum genus, etiam in suos ferarū more grassabatur. Igitur metu crudelitatis, et conscientiae suae coniurauere plerique impulsoribus Parthenio procurante cubiculum, et Stephano, et tum ob fraudē interceptae pecuniae supplicium suspectante Clodiano, adscita etiam in consilio tyranni uxore Domitia, ob amorem Paridis histrionis à principe cruciatus formidante, Domitianum multis uulneribus confodiunt, post annum V et XL uitae. At senatus gladiatoris more funus efferri, radēdūque nomen decreuit. Huius tempore seculares ludi celebrati sunt.

Cocceius Nerva.

Actenus Romae seu per Italiam orti imperium.
 H rexere: hinc aduenæ. Vnde cōpertum est, urbem Romam externorū uirtute creuisse. Quid enim Nerva prudentius aut moderatius? Quid Traiano diuinius? Quid præstantius Adriano? Cocceius Nerva oppido Narniēsi genitus, imperauit menses X I I I, dies X. Iste cū imperium suscepisset, mox rumore orto, uiuere atque affore Domitianum, perinde trepidauit, ut colore mutato, uerbis amissis, uix cōsisteret. Sed à Parthenio confirmatus, recepta fiducia, ad solenne delinimentum conuersus est. Qui cum in curia à senatu gratanter exceptus esset, solus ex omnibus Arrius Antoninus uir acer, eiūque amīcissimus, cōditionē imperantiū prudēter exprimēs, amplexus eū, gratulari se ait senatui et populo, prouincijsq; ipsi autē nequaquam: cui satius fuerat malos semper principes eludere, quàm tāti oneris uim sustinentē, non molestijs modo et periculis subijci, sed famæ etiā inimicorū pariter et amicorū: qui cū se mereri omnia præsumūt, si quicquam nō extorserint, atrociores sunt ipsis quoq; hostibus. Iste quicquid

antea pœnæ nomine tributis accesserat, indulgit: afflictas
 ciuitates releuauit: puellas, puerosque natos parentibus e-
 gestosis sumptu publico per Italiæ oppida ali iussit. Hic
 ne accessu maleuolorum terreretur, Iunij Maurici cōstan-
 tis iuri dicto ita admonetur, Qui conuiuio familiari adhi-
 bitus, cum Veientonem consulari honore functum quidem,
 apud Domitianum tamen multos occultis criminationibus
 persecutum, adesse uidisset, inter colloquia mentione Catu-
 li facta calumniatoris præcipui dicente Nerua, Quid nūc
 faceret si Domitiano superuixisset? Nobiscum, inquit, Mau-
 ricus cœnaret. Hic iurgiorum disceptator & scientissimus
 & frequens fuit. Calpurnium Crassum, promissis ingen-
 tibus animos militum pertentantem, detectum, confessum-
 que Tarentum cum uxore remouit, patribus lenitatem
 eius increpantibus. Cūque interfectores Domitiani ad
 exitium poscerentur, tantum est consternatus, ut neque uo-
 mitum, neque impetum uentris ualuerit differre. & tamen
 uehementer obstitit, dictitans æquius esse mori, quàm au-
 toritatem imperij fœdare, proditis potentiae sumendæ au-
 toribus. Sed milites neglecto principe, reuocatos Petroniū
 uno ictu, Parthenium uero demptis prius genitalibus &
 in os coniectis, iugulauere, redempto magis sumptibus Ca-
 sperio: qui scelere tam truci insolentior, Neruam compulit
 referre apud populum gratias militibus, quia nefandos
 pessimosque omnium mortalium peremissent. Hic Tra-
 ianum in liberi locum, inque partem imperij adoptauit:
 cum quo tribus uixit mensibus. Qui dum suggerente ira,
 uoce quammaxima contra quendam Regulum nomine
 inclamaret, sudore correptus est. Eo die quo interijt, solis
 defectio facta est.

Vlpinus Traianus.

Vlpinus Traianus ex urbe Tuderina, Vlpinus ab a-
 Vuo dictus, Traianus à Traio paterni generis auto-
 re, uel de nomine Traiani patris sic appellatus,
 imperauit annis XX. Iste talē se Reip. præbuit, qualem
 uix agrēque exprimere ualuerunt summorū scriptorum
 miranda ingenia. Hic imperium apud Agrippinam no-
 bilem Galliæ coloniam suscepit, habens diligentiam in re
 militari, in civilibus lenitatem, in subleuandis ciuitatibus
 cōgrationem. Cūque duo sint quæ ab egregijs principibus
 expectentur, sanctitas domi, in armis fortitudo, utrobique
 prudentia: tantus erat in eo maximarum rerum modus,
 ut quasi temperamento quodam uirtutis miscuisse uideretur:
 nisi quia cibo, uinōque paululum deditus erat: libera-
 lis in amicos, et tanquam uitæ conditione par societatibus
 perfrui. Hic ob honorem Suræ, studio cuius imperium ar-
 ripuerat, lanacra condidit. De quo superuacaneum uide-
 tur cuncta uelle nominatim promere, cum satis sit excul-
 tum atque emendatum dixisse. Fuit enim patiens laboris,
 studiosus optimi cuiusque, ac bellicosus: magisque simpliciora
 ingenia aut eruditissimos, quamuis ipse parca esset scien-
 tiæ, moderatēque eloquens, diligebat. Iustitiæ uero, ac iuris
 humani diuinique tam repertor noui, quàm inueterati ci-
 uis. Quæ omnia eo maiora iusebatur, quoniā per multos
 atque atroces tyrannos perditō atque prostrato statu Ro-
 mano, in remediū tantorum malorū diuinitus credebatur
 opportune datus, usque eo, ut adueniens imperiū eius ple-
 raque mirifica denūtiauerint. In quæ præcipuū, cornix ē
 fastigio Capitoli Atticis sermonibus effata, καλὸν ἔσται. Hu-
 ius exusti corporis cineres relati Romā, humatiq; Traiani
 foro sub eius colūna, et imago superposita, sicuti triūphan-
 ll.i.

tes solent in urbem inuecta, senatu præunte & exercitu. Eo tempore multo perniciosius quàm sub Nerua Tiberis inundauit, magna clade ædium: & terræmotus grauis per prouincias multas, atróque pestilentia, famésque, & incendia facta sunt. Quibus omnibus Traianus per exquisita remedia plurimum opitulatus est: statuens ne domorum altitudo LX superaret pedes, ob ruinas faciles, & sumptus, si quando talia contingerent, exitiosos: unde merito pater patriæ dictus est. Vixit annis L X I I I.

AELIUS ADRIANUS.

Lius Adrianus stirpis Italicæ, Aelio Adriano
 AE Traiani principis consobrino Adriæ orto genitus, quod oppidum agri Piceni, etiã mari Adriatico nomen dedit: imperauit annis uigintidubus. Hic Græcis literis impensius eruditus, à plerisque Græculus appellatus est. Atheniensium studia, morésque auxit, peritus non sermone tantum, sed & cæteris disciplinis canendi, psallendi, medendique scientia, musicus, geometra, pictor, fictor ex ære uel marmore proxime Polycletos & Euphranoras. Proinde omnino ad ista erat factus, ut elegantius nunquam quicquã humanæ res expertæ uideantur. Memor supra quàm cuiquam credibile est, locos, negotia, milites, absentes quoque nominibus recensere. Immensi laboris, quippe qui prouincias omnes pedibus circumierit, agmen comitantium præuertens, cum oppida uniuersa restitueret, augeret ordinibus. Nanque ad specimen legionum militarium, fabros, perpendiculatores, architectos, genúsque cunctum extruendorum mœnium, seu decorandorum in cohortes centuriauerat. Varius, multiplex, multiformis ad uitia atque uirtutes quasi arbiter genitus, impetum mentis quodam artificio regens, ingenium

inuidum, triste, lasciuum, & ad ostentationem sui insolens callide regebat, continentiam & facilitatem, clementiamque simulans, contrâque dissimulans ardorem gloriæ quo flagrabat. acerrimus ad læssendum pariter & respondendum serijs, ioco, maledictis, referre carmen carmini, dictum dicto: prorsus ut meditatum crederes aduersus omnia. Huius uxor Sabina, dum propè seruilibus iniurijs adficitur, ad mortem uoluntariam compulsâ: quæ palàm iactabat, quàm immane ingenium pertulisset: & elaborasse ne ex eo humani generis perniciës grauidaretur. Hic morbo subtercutaneo, quem diu placide pertulerat, uictus, dolore ardens, impatiensque plures è senatu extinxit. A regibus multis pacè occultis muneribus impetrata, iactabat palam plus se otio adeptum, quàm armis ceteros. Officia sanè publica, & palatina, necnon militiæ in eam formam statuit, quæ paucis per Constantinum immutatis hodie perseverat. Vixit annos L X I I. dehinc miserabili exitu consumptus est, cruciatu membrorum ferè omnium confectus, in tantum ut sese interficiendum ministrorū fidiſſimis precans offerret, ac ne in semetipsum seuiret, custodia charissimorum seruaretur.

Antoninus Pius.

Antoninus Fuluius, seu Boionius dictus, postea
 A etiam Pius cognominatus est, imperauit annis
 X X I I I. Iste ab Adriano in filiū adoptatus, cuius gener fuerat, tantæ bonitatis in principatu fuit, ut haud dubie sine exemplo uixerit. Quauis cū Numæ contulerit ætas sua, cum orbē terræ nullo bello per annos X X I I I. autoritate sola rexerit, adeo tremantibus eum atque amantibus cunctis regibus nationibusque & populus, ut parentē seu patronum magis quàm dominū imperatorem uell. ij.

putarent, omnesque uno ore in cælestium morem propitium optantes, de controuersis inter se iudicem poscerent. Quin etiam Indi, Bactri, Hircani legatos misere iustitia tanti imperatoris comperta, quam ornabat vultu sereno et pulchro, procerus membra, decenter ualidus. Prius quam salutandus prodiret, degustans panis aliquantulum, ne frigescere circum præcordia per ieiunium sanguine, uiribus exesis interciperetur, etque actuum publicorum laboribus minime sufficeret, quæ incredibili diligentia ad speciem optimi patriis familiaris exequabatur, appetentia gloriæ carens, et ostentatione: adeo mansuetus, ut instigantibus Patribus ad eos qui contra eum coniurauerant persequendos, compresserit quæstionem, præfatus necesse non esse sceleris in semetipsum cupidus pertinacius indagari: ne si plures reperirentur, quantis odio esset intelligeretur. Igitur cum esset annorum LXXII, apud Lorios ulla propria, millibus passuum XXXII ab urbe, febri paucorum dierum post tres atque XX annos imperii consumptus est. Ob cuius honorem, templa, sacerdotes, atque infinita alia decreta sunt. Usque eo autem mitis fuit, ut cum ob inopiæ frumentariæ suspicionem lapidibus à plebe Romana perstringeretur, maluerit ratione exposita placare, quam ulcisci seditionem.

Marcus Antoninus.

Arcus autem Antoninus imperauit annis XVIII.

M Iste uirtutum omnium, cælestisque ingenij extitit, ærumnisque publicis quasi defensor obiectus est. Etenim nisi ad illa tempora natus esset, profecto quasi uno lapsu ruiissent omnia status Romani. Quippe ab armis quies nunquam erat: perque omnem Orientem, Illyricum, Italiam, Galliamque bella feruebant: terræ motus non sine interitu ciuitatum, inundationes fluminum, lues cre-

bræ, locustarum species agris infestæ, prorsus ut propè nihil, quo summis angoribus atteri mortales solent, dici seu cogitari queat, quod non illo imperante sævierit. Credo diuinitus attributum ut dum mundi lex seu natura aliunde quid hominibus incognitum gignit, rectorum consilijs tanquam medicinæ remedijs leniatur. Is propinquum suum Lucium Annium Verum, ad imperij partem nouo beneuolentiæ genere adsciuit. Qui Verus inter Altinum atque Concordiam iter faciens, ictu sanguinis, quem morbum Græci ἀπὸ πλῆθιν uocant, undecimo imperij anno extinctus est, carminum maxime Tragicorum studiosus, ingenij asperi atque lasciuus. Post cuius obitum M. Antoninus Remp. solus tenuit, à principio uitæ tranquillissimus, adeo ut ab infantia uultum nec ex gaudio, nec ex mœrore mutauerit: philosophiæ studens, literarumque Græcarum peritissimus. Hic permisit uiris clarioribus ut conuiuia eodẽ cultu quo ipse, et ministris simulibus exhiberent. Hic cum ærario exhausto, largitiones quas militibus impenderet, nō haberet, neque indicere prouincialibus, aut senatui aliquid uellet: instrumentum regij cultus, facta in foro Traiani sectione, distraxit, uasa aurea, pocula crystallina et murrhina, uxoriæ ac suam sericam et auream uestem, multa ornamenta gemmarum: ac per duos continuos menses uenditio habita est, multumque auri redactum. Post uictoriam tamen emptoribus pretia restituit, qui reddere comparata uoluerunt. molestus nulli fuit, qui maluit semel emptæ retinere. Huius tempore Cassius tyrannidem arripens, extinctus est. Ipse uitæ anno LIX apud Vindobonam morbo consumptus est. De eius nuntio Romam peruecto, confusa luctu publico urbe, senatus in curia ueste tærea indutus, lachrymans conuenit. Et quod de Ro-

mulo ægre creditum est, omnes pari sensu præsumpserunt, Marcum cælo receptum esse: ob cuius honorem templa, columnæ, multaque alia decreta sunt.

Commodus.

Vrelius Cōmodus M. Antonini filius, Antoninus
 A Et ipse dictus, imperauit annis X I I I. Hic qualis futurus esset in ipso primordio ostendit. Nam cum in supremis moneretur à parente, attritos iam Barbaros ne permitteret vires recipere: respondit, Ab incolūm quanuis paulatim negotia perfici posse, à mortuo nihil. Sæuior omnibus libidine atque auaritia, crudelitate nulli fidus, magisque in eos atrox quos amplissimis honoribus donisque ingentibus extulerat. Intantum deprauatus ut gladiatoris armis sæpissime in amphitheatro dimicauerit. Huic Martia generis libertini, forma tamē meretricijsque artibus pollēs, cum animum eius penitus deuinxisset, egresso è balneo, ueneni poculum obtulit. Ad extremum ab immisso ualidissimo palæstrita, compressis faucibus expirauit, anno uitæ tricesimo secundoque.

Heluius Pertinax.

Eluius Pertinax imperauit dies L X X X V. Iste
 H coactus imperauit, repugnānsque suscipiēs tale cōgnomentū sortitus est. Origine gentis sordida, præfecturam urbi agens, imperator effectus scelere Iuliani multis uulneribus obruncatur, annos natus V I I atque L X. Huius caput tota urbe circūuectum est. Hoc exitu obiit uir ad humanæ conuersationis exemplum per laboris genera uniuersa absumptus, prouectusque eò ut fortunæ uocaretur pila. Nam libertino genitus patre apud Ligures in agro squalido Lollij Gentiani, cuius in præfectura quoque clientem se esse libentissime fatebatur, fuit

doctor literarum quæ à grammaticis traduntur, blandus magis quàm beneficus. Vnde eum Græco nomine χρυσόλορον appellauere. Nūquam iniuria accepta ad ulciscendum ductus, amabat simplicitatem, communem se affatu, conuiuio, inæssu præbebat. Huic mortuo Diui nomen decretum est: ob cuius laudē ingeminatis adusq; defectū plausibus, acclamatu est, Pertinacē imperāte securi iuximus, neminē timuimus, patri Pio, patri senatus, patri omniū bonorum.

Didius Iulianus.

Idius Iulianus ortu Mediolanēsis, imperauit mē-
 D sibus V I I. uir nobilis, iure peritissimus, factiosus, præceps, regni audus. Hoc tempore Niger Pescennius apud Antiochiam, in Pannonia Sabaria Septimius Seuerus creantur Augusti: ab hoc Seuero Iulianus in abditas palatij balneas ductus, extenta damnatorum modo aruice decollatur, caputque eius in rostris ponitur.

Septimius Seuerus.

Eptimius Seuerus imperauit annis X V I I I. Hic
 S Pescenniū interemit hominē omniū turpitudinū. Sub eo etiā Albinus, qui in Gallia se Cæsare fecerat, apud Lugdunū occiditur. Hic Seuerus filios suos successores suos reliquit, Bassianum et Getā. Hic in Britannia nullū per X X X I I passū nullia à mari ad mare deduxit. fuit bellicosissimus omniū qui ante eū fuerunt: acer ingenio, ad omnia quæ intēdisset in finē perseuerans: beneuolētia quò inclinasset mirabili ac perpetua: ad querendum diligēs, ad largiendū liberalis: in amicos, in inimicōsque pariter uehemēs. Quippe qui Lateranū Chilonē, Amilnū Bassum, cæterōsque alios ditaret, ædibus quoque memoratu dignis, quarū præcipuas uidemus, Parthorum quæ dicuntur, ac Laterani. Hic nulli in dominatu suo permisit
 ll. iij.

honores uenundari: Latinis literis sufficienter instructus, Punica eloquētia promptior, quippe genitus apud Leptim provinciae Africae. Is dum membrorum omnium maxime pedum dolorem pati nequiret, ueneni uicē, quod ei negabatur, cibum grauis ac plurimae carnis audius inuasit: quem cum conficere non posset, cruditatem passus, expirauit. Vixit annos LXX.

Antoninus Caracalla.

Vrelius Antoninus Bassianus Caracalla, Seueri filius, Lugduni genitus, imperauit solus annis VI.

Hic Bassianus ex aui materni nomine dictus est. At cum è Gallia uestem plurimam deuexisset, talarēsque caracallas fecisset, coegissetque plebem ad se salutandum indutam talibus introire, de nomine huiusce uestis Caracalla cognominatus est. Hic fratrem suum Getam peremit, ob quam causam, furore poenas dedit Dirarum insectatione, quae non immerito ultrices uocantur: à quo post furore conualuit. Hic corpore Alexandri Macedonis conspecto, Magnum atque Alexandrum se iussit appellari, assentantium fallacijs eò perductus, uti truci fronte, & ad laeuum humerum conuersa aëruicā, quod in ore Alexandri notauerat incedens, fidem uultus simillimi persuaderet sibi. Fuit impatiens libidinis, quippe qui nouercam suam duxit uxorem. Cum Carris iter faceret, apud Edessam secedens ad officia naturalia, à milite qui quasi ad custodiam sequebatur, interfectus est. Vixit annis ferè XXX. corpus eius Romam relatum est.

Macrinus & Diadumenus.

Acrinus cum Diadumeno filio ab exercitu imperatores creati, imperauerunt menses XIIII. ab eodē exercitu obrūcantur, pro eo, quia Macrinus

militarem luxuriã, stipendiaque profusiora comprimeret.

Aurelius Heliogabalus.

Vrelius Antoninus Varius, idẽ Heliogabalus di-

A *ctus, Caracallæ ex Semea consobrina occulte stu-*
prata filius, imperauit biennio & mensibus VIII.

Huius matris Semeæ auus Bassianus nomine fuerat, Solis sacerdos. Is cum Romam ingenti militum & senatus expectatione uenisset, probris se omnibus contaminauit. Cupiditatem stupri quam adsequi naturæ defectu nondum poterat, in se conuertens, muliebri nomine Bassianam se pro Bassiano iusserat appellari. Vestalem uirginem quasi matrimonio iungens suo, abscissisq; genitalib. matri se Magnæ sacrãuit. Hic Macellum, qui post Alexander est dictus, consobrinum suum Cæsarem fecit. Ipse tumultu militari interfectus est. Huius corpus per urbis uias more canini cadaueris à milite tractum est, militari cauillo appellantium, indomitæ & rabidæ libidinis catulam. Nouissime cum angustum foramen cloacæ corpus minime reciperet, usque ad Tiberim deductum, adiecto pondere ne unquam emergeret, in fluuium proiectum est. Vixit annis X V I, atque ex rebus quæ acciderant, Tiberinus, Trahitiusque appellatus est.

Seuerus Alexander.

Euerus Alexander imperauit annis X I I I. Hic

S *bonis Reip. fuit ærumnosus. Sub hoc imperante,*

Taurinus Augustus effectus est. Ob timorem ipse se Euphrati fluuiio obiecit. Tunc etiã Maximinus regnum arripuit, plurius de exercitu corruptis. Alexander uero cum deferi semet à stipatoribus uidisset, matrem sibi causam fuisse mortis exclamans, accurrenti percussari, obuoluto capite, æuices suas ualide compressas præbuit, anno ui

tae XXVI. Huius mater Mammea eò filium coegerat ut illa ipsa quanuis permodica, si mensæ prandioque superessent, alteri conuiuium reponerentur.

Iulius Maximinus.

Vilius Maximinus Thrax è militarib⁹, imperauit annis III. Is dum persequitur pecuniosos, inson-
 tes pariter noxiósq^{ue}, apud Aquileiam seditione militum discriptus est una cum filio, conclamátibus cunctis militari iocò, ex pessimo genere ne catulum habendū. Huius imperio duo Gordiani pater & filius principatū arripientes, unus post unum interiere. Pari etiam tenore Pupienus & Balbinus regnum inuadentes, perempti sunt.

Gordianus.

Ordianus nepos Gordiani ex filia, ortus Romæ clarissimo patre, imperauit annis VI. apud Ctesiphontem, à Philippo præf. præt. accensis in seditione militibus, occiditur anno uitæ XX. Corpus eius prope fines Romani Persiciq^{ue} imperij positum, nomen loco dedit Sepulchrum Gordiani.

Philippus.

Arcus Iulius Philippus imperauit annis V. Veronæ ab exercitu interfectus est, medio capite supra ordines dentium præciso. filius autem eius Gallus Iulius Saturninus, quem potentiae sociauerat, Romæ occiditur agens uitæ annos duodecim, adeo seueri & tristici animi, ut iam tum à quinquenni ætate, nullo prorsus cuiusquam commento ad ridendum solui potuerit: patremque ludis secularibus petulantius cachinnantem, quanquam adhuc tener, uultu notauerit auersato. Is Philippus humillimo ortus loco fuit, patre nobilissimo latronum ductore.

Decius.

Eius è Pannonia Bubalia natus, imperauit men-
 ses XXX. Hic Decium filium suum Cæsarem fe-
 cit: uir artibus cunctis, uirtutibusque instructus,
 placidus et communis domi, in armis promptissimus. in
 solo Barbarico inter cōfusas turbas gurgite paludis sum-
 merfus est, ita ut nec cadaver eius potuerit inueniri: fili-
 uero eius bello extinctus est. Vixit annis L. Huius tempo-
 ribus Valens Licinianus imperator effectus.

Viriū Gallus.

Irius Gallus cum Volesiano filio imperauerunt
 annis II. Horum temporibus Hostilianus Per-
 penna à senatu imperator creatus, nec multo post
 pestilentia consumptus est. Sub his etiā AEmilianus in Mæ-
 sia imperator effectus est: contra quem ambo profecti, a-
 pud Interamnā ab exercitu suo cāduntur, anno ætatis
 pater septimo circiter et XL, creati in insula Menynge,
 quæ nunc Girba dicitur. AEmilianus uero menses qua-
 tuor dominatus, apud Spoletum siue pōtem, quem ab eius
 cæde sanguinariū accepisse nomen ferunt, inter Otricu-
 lum, Narniāque, et Spoletum, et urbem Romam regio-
 ne media positū fuit autem genere Maurus, pugnax, nec
 tamen præceps. Vixit annis quatuor minus L.

Licinius Valerianus.

Licinius Valerianus cognomento Colobius, impe-
 rauit annis quindecim, parentibus ortus splendi-
 dissimis, stolidus tamen et multum iners, neque ad
 usum aliquem publicum officio, consilio seu gestis accom-
 modatus. Hic filiū suū Gallienum Augustum fecit, Gallie-
 ni que filiū Cornelium Valerianum Cæsarem. His impe-
 rantibus Regilianus in Mæsia, Cassius Labienus Posihu-

mus in Gallia, Gallieni filio interfecto, imperatores effecti sunt. Pari modo Aelianus apud Moguntiam, cum in Aegypto AEmilianus, apud Macedonas Valens, Mediolani Aureolus dominatum inuasere. Valerianus uero in Mesopotamia bellum gerens, à Sapore Persarum rege superatus, mox etiam captus, apud Parthos ignobili seruitute consenuit. Nam quandiu uixit, rex eiusdem prouinciae incuruato eo pedem ceruicibus eius imponens, equum ascendere solitus erat.

Gallienus.

Allienus quidem in locum Cornelij filij sui, Salonianum alterum filium subrogauit, amoris diuerso pellicum deditus, Saloninae coniugis & concubinae, quam per passionem concessa parte superioris Pannoniae, à patre Marcomannorum rege matrimonij specie susceperat Pipam nomine. Nouissime aduersus Aureolū profectus est. Quē cum apud pontē, qui ex eius nomine Aureolus appellatur, obtentū detrusūq; Mediolanum obsedit, eiusdem Aureoli commento à suis interijt. regnauit annis XV, cum patre septem, & solus octo. Vixit annis L.

Claudius.

Laudius imperauit annis II. Hunc plerique putant Gordiano satum, dum adolescens à muliere matura institueretur ad uxorem. Hinc Claudius Gallieni morientis sententia imperator designatus, ad quem Ticinū positum per Gallonium Basilium indumenta regia direxerat. extinctoque à suis Aureolo, receptis regionibus aduersum aciem Alemannorum haud procul à lacu Benaci dimicans, tantam multitudinem fudit, ut aegre pars dimidia superfuisset. His diebus Victorinus regnum cepit. Claudius uero, cum ex fatalibus libris, quos

inspici præceperat, cognouisset sententiæ in senatu dicendæ primi mortis remedium desiderari, Pomponio Basso, qui tunc erat, se offerente, ipse uitam suam, haud passus responsa frustrari, dono Reipub. dedit, præfatus neminem tanti ordinis primas habere nisi ipsum imperatorem. Ea res sic erat cunctis grata, ut non diui uocabulū modo, sed ex auro statuam prope ipsum Iouis simulacrū, atque in curia imaginem auream proceres sacrauerint.

Quintillus.

- H Vic successit frater eius Quintillus. Is paucis diebus imperium tenens, interemptus est.

Aurelianus.

Vrelianus genitus patre mediocri, & ut quidam ferūt, Aurelij clarissimi senatoris colono inter Daciam & Macædoniam, imperauit annis V. Iste haud dissimulus fuit Magno Alexandro, seu Cæsari dictatori. Nam Romanam urbem triennio ab inuasoribus receptauit: cum Alexāder annis XII per uictorias ingentes ad Indiam perueniret, & C. Cæsar decēnio subicærit Gallos, aduersum ciues quadriennio congressus. Iste in Italia tribus prælijs uictor fuit apud Placentiam, iuxta amnem Metaurū ac sanum Fortunæ: postremo Ticinensibus in campis. huius tempore apud Dalmatas Septimius imperator effectus, mox à suis obruncatur. Hoc tempore in urbe Roma monetarij rebellauerunt, quos Aurelianus uictor ultima crudelitate compescuit. Iste primus apud Romanos diadema capiti innexuit: gemmisque, & aurata omni ueste, quod adhuc ferè incognitum Romanis moribus uidebatur, usus est. Hic muris ualidioribus & laxioribus urbem sepexit. Porcinæ carnis usum populo instituit. Hic Tetrici, qui imperator ab exercitu in Gallijs effectus fuerat, cor-

rectorem *Lucaniae* prouexit, aspergens hominem eleganti ioco, sublimius habendū regere aliquā *Italiae* partē, quā trans *alpes* regnare. Nouissime fraude serui sui, qui ad quosdam militares uiros amicos ipsius, nomina pertulie adnotata, falso manum eius imitatus, tanquam *Aurelianus* ipsos pararet occidere, ab iisdem interfectus est in itinere medio, quod inter *Constantinopolim* & *Heracliam* est. Fuit scelus & sanguinarius, & trux omni tempore, etiā filij sororis interfector. Hoc tempore VII mensibus interregni species euenit.

Tacitus.

Tacitus post hunc suscepit imperium, uir egregie moratus, qui ducentesimo imperij die apud *Tarsum* febris moritur.

Florianus.

Hic successit *Florianus*. Sed cū magna pars exercitus equitantiū *Probi* militiæ peritū legisset, *Florianus* dierū LX quasi per ludum imperio usus, incisis à semetipso uenis, effuso sanguine consumptus est.

Probus.

Probus genitus patre agresti hortorū studioso, *Dalmatio* sanguine, imperauit annis VI. Iste *Saturninum* in *Oriente*, *Proculum* & *Bonosum Agrippinae* imperatores effectos oppressit. Vineas *Gallos* & *Pannonios* habere permisit. Opere militari *Almum montem* apud *Sirmium*, & *Aureum* apud *Mæsiam* superiorē, uenis conseruit. Hic *Sirmio* in *Turri* ferrata occiditur.

Carus.

Carus *Narbonæ* natus, imperauit annis II. Iste confestim *Carinum* & *Numerianum* *Cæsares* fecit. Hic apud *Ctesiphonta* ictu fulminis interijt.

Numerianus quoque filius eius, cum oculorum dolore correptus in lecticula ueheretur, impulsore Apro, qui socer eius erat, per insidias occisus est. Cum dolo occultaretur ipsius mors quousq; Aper inuadere posset imperiū, scetore cadaveris scelus est proditum. Hinc Sabinus Iulianus inuadēs imperiū, à Carino in cāpis Veronensibus occiditur. Hic Carinus omnibus se sceleribus inquinauit. Plurimos innoxios fictis criminib⁹ occidit. Matrimonia nobiliū corrumpit: cōdiscipulis quoq; qui taxauerūt eū in auditorio uerbi fatigatione, perniciosus fuit. Ad extremū trucidatur eius præcipue tribuni dextera, cuius dicebatur coniugem polluisse.

Diocletianus.

Iocletianus Dalmata, Amilini senatoris libertinus, D matre pariter atque oppido nomine Dioclea: quorum uocabulis, donec imperium sumeret, Diocles appellatus, ubi orbis Romani potentiam cepit, Graium nomen in Romanū morē conuertit. imperauit annis XXV. Is Maximianum Augustum effecit. Constantium & Galerium Maximianum cognomento Armentarium Cæsares creauit, tradens Constantio Theodoram Herculi Maximiāni priuignam abiecta uxore priori. Hoc tēpore Carausio in Gallijs, Achilleus apud Aegyptum, Iulianus in Italia imperatores effecti, diuerso exitu periere. E quibus Iulianus acto per costas pugione, in ignem abiicit se. Diocletianus uero apud Nicomediam sponte imperiales fasces relinquens, in proprijs agris consenuit. Qui dum ab Herculo atque Galerio ad recipiēdum imperium rogaretur, tanquam pestem aliquam detestans, in hunc modum respondit, Vtinam Salonæ possetis uisere olera nostris manibus instituta, profecto nunquam istud tentandū iudicaretis. Vixit annis L X V I I I, ex quæ comuni habitu propè

nouem egit. Morte consumptus est, ut satis patuit, per formidinem uoluntaria. Quippe cum à Constantino atque Licinio uocatus ad festa nuptiarum, per senectam, quo minus interesse ualeret, excusauisset, rescriptis munacibus ac æptis, quibus increpabatur Maxentio fauisse, ac Maximino fauere, suspectans necem dedecorofam, uenenum dicitur hausisse. His diebus Constantius Constantini pater, atque Armentarius, Cæsares Augusti appellantur, creatis Cæsaribus, Seuero per Italiam, Maximino Galerij sororis filio per Orientem: eodémque tempore Constantinus Cæsar efficitur. Maxentius imperator in uilla VI millibus ab urbe discreta, itinere Lauicano, dehinc Licinius Augustus efficitur, parique modo Alexāder apud Carthaginem imperator fit: similique modo Valens imperator creatur, quoru exitus iste fuit. Seuerus ab Herculio Maximiano Romæ intra tabernas extinguitur, funisq; ei⁹ Gallieni sepulchro infertur, quod ab urbe abest per Appiā millibus nouem.

Galerius Maximianus.

Alerius Maximianus, consumptis genitalibus
 G defecit. Maximianus Herculius à Constantino
 apud Massiliam obsessus, deinde captus, poenas
 mortis genere postremo fractis laqueo ceruicibus luit. Alexander à Constantini exercitu iugulatur. Maxentius dum aduersus Constantinum congreditur, paulo superius à ponte Miluio, in pontem nauigijs compositum ab latere ingredi festinans, lapsu equi in profundum demersus est, uoratumque limo pondere thoracis corpus uix repertum. Maximianus apud Tarsum morte simplici periit. Valens à Licinio morte mulctatur. Fuerunt autem morum huiusmodi: Aurelius Maximianus cognomento Herculius, ferus natura, ardens libidine, consilijs stolidus, ortu agresti, Pan-

nonioque. Nam etiam nunc haud longe Sirmio, eminet locus palatio ibidem constructo, ubi parētes exercebāt opera mercenaria. A Etate interijt sexagenarius, annorū XX imperator. Genuit ex Eutropia Syra muliere Maxentiū, & Faustam coniugem Constantini: cuius patri Constantio tradiderat Theodoram priuignam. Sed Maxentiū suppositum ferunt arte muliebri, tenere mariti animum laborantis auspicio prauissimi cœpti à puero. Is Maximianus charus nulli unquā fuit, nec patri, aut socero quidē Galerio.

Galerius Armentarius.

Alerius autem fuit (licet inculta agrestiq; iustitia) **G** satis laudabilis, pulcher corpore, eximius & felix bellator, ortus parentibus agrarijs, pastor armentorum: unde ei cognomen Armentarius fuit. Ortus Dacia Ripensi, ibique sepultus est: quem locum Romulianum etiā uocabulo Romulæ matris appellarat. Is insolenter affirmare ausus est, matrem more Olympiadis Alexandri Magni creatricis, compressam dracone semet concepisse.

Galerius Maximinus.

Alerius Maximinus sorore Armentarij progenitus, uerōque nonnunc ante imperium Daza dictus, **G** Cæsar quadriennio, dehinc per Orientem Augustus triennio fuit: ortu quidē atque instituto pastoralis, uerum sapientissimi cuiusque, ac literatorum cultor, ingenio quieto, uini auuidior. Quoebrius, quædam corrupta mente aspera iubebat: qui cū pigeret factum, differri quæ præcepit, in tempus sobrium ac matutinum statuit.

Alexander.

Alexander fuit Phryx origine, ingenio timidus, inferior aduersus laborem uitio senectæ ætatis. His **A** omnibus absumptis, imperij iura penes Constantinum.

tinum & Licinium deuenere.

Constantinus.

Onstantinū Constantiū imperatoris & Helene
 C filius, imperauit annis XXX. Hic dum iuuen-
 lus à Galerio in urbe Roma religionis specie ob-
 ses teneretur, fugam arripit, atque ad frustrādos insequē-
 tes, publica iumēta quaqua iter egerat, interficiens, ad pa-
 trem in Britanniam peruenit: & forte hisdem diebus ibi-
 dem Constantiū parentem fata ultima perurgebant. Quo
 mortuo, cunctis qui aderant adnitentibus, sed præcipue
 Eroco Alemannorum rege auxiliij gratia Cōstantium cō-
 mūtato, imperium capit. Hic sororem suam Constantiam,
 Licinio Mediolanum acito coniungit: filiūque suū Cri-
 spum nomine ex Mineruina concubina susceptum, item Cō-
 stantinum, iisdem diebus natum oppido Arelatenſi, Lici-
 nianūque Liciniū filium, mensium ferè XX Cæsares ef-
 fecit. Verum enimvero ut imperia difficile concordiam cu-
 stodiunt, dissidium inter Licinium Constantinūq; exoritur,
 primūque apud Cibalas iuxta paludem Hiulcam
 nomine, Constantino nocte castra Liciniū irrumperente, Lici-
 nius fugam petiit: Byzantiūque fuga uolucris peruenit.
 ibi Martinianum officiorum magistrum Cæsarem creat.
 Dehinc Constantinus acie potior apud Bithyniam adegit
 Licinium pacta salute indumentum regium offerre per
 uxorem. Inde Thessalonicam missum, paulo post eū, Mar-
 tinianūque iugulari iubet. Hic Licinius annum domi-
 nationis ferè post XIIII, uitæ proxime LX, occiditur, a-
 uaritiæ cupidine omnium pessimus, neque alienus à luxu
 uenero, asper admodū, haud mediocriter impatiens: in se-
 stus literis quas per insitiā immodicam, uirus ac pestem
 publicam nominabat, præcipue forensem industriā. Agra-

rijs planè ac rusticantibus, quia ab eo genere ortus altiſ-
 que erat, ſatis utilis: ac militiæ cuſtos ad ueterum institu-
 ta ſeueriſſimus. ſpadonum & aulicorum omnium uehe-
 mens domitor, tineas ſoricæſque palatii eos appellans. Ac
 Cōſtantine obtento totius Romani imperij mira bellorū
 felicitate regimine, Fauſta coniuge, ut putant, ſuggerente,
 Criſpum filiū necari iubet. Dehinc uxorem ſuam Fauſtam
 in balneas ardentes coniectam interemit, cum eum mater
 Helena ardore nimio nepotis increparet. Fuit uero ultra
 quàm æſtimari poteſt, laudis auidus. Hic Traianum her-
 bam parietariam ob titulos multos ædibus inſcriptos, ap-
 pellare ſolitus erat. Hic pontem in Danubio conſtruxit: ha-
 bitum regum gemmis, & caput exornans perpetuo diade-
 mate. Commodiſſimus tamen rebus multis fuit: calumnias
 ſedare legibus ſeueriſſimis: nutrire artes bonas, præcipue
 ſtudia literarum: legere ipſe, ſcribere, meditari, audire le-
 gationes, & querimonias prouinciariū. Cūque liberis, fi-
 lioque fratris Dalmatio, Cæſaribus confirmatis, I I I &
 L X annis uiuiſſet, ex quibus dimidius ita ut X I I I ſo-
 lus imperaret, morbo conſumptus eſt, irriſor potius quàm
 blandus. Vnde prouerbio uulgarī, Tracala X annos præ-
 ſtantiſſimus, X I I ſequentibus latro, X nouiſſimis pupil-
 lus ob profuſiones immodicas nominatus. Corpus ſepultū
 in Byzantio, Conſtantinopoli dicta: quo mortuo, Dalmati-
 us militum ui necatur. Ita ad tres orbis Romani domina-
 tio redacta eſt, Conſtantino, & Conſtantio, ac Conſtante
 filijs Conſtantine. hi ſinguli has partes regendas habue-
 runt: Conſtantine iunior cuncta trans alpes. Conſtan-
 tius à freto Propontidis, Aſiam atque Orientem, Conſtans
 Illyricum, Italiāmq; & Africam, Dalmatiam, Thraciam,
 Macædoniāque, & Achaiam.

Annibalianus, Constans & Constantius.

Annibalianus Dalmatij Cæsaris consanguineus,

A Armeniam, nationesque circumsocias, interim ob Italiae, Africaeque ius dissentire statim Constantinus, & Constans coeperunt. Constantinus latrocinij specie dum incautus, foedèque temulentus in aliena irruit, obruncatus est, projectusque in fluvium, cui nomen Alsa est, non longe ab Aquileia. Constans uero uenandi cupidine dum per sylvas saltusque erraret, conspirauere aliquanti militares in eius necem, autoribus Chresho & Marcellino, simulque Magnentio: qui ubi patradi negotij dies placuit, Marcellinus natalem filij simulans, plerosque ad cenam rogat. Itaque in multam noctem conuiuio celebrato, Magnentius quasi ad uentris secreta secedens, habitum uenerabilem capit. Ea re cognita, Constans fugere conatus, apud Helenam oppidum Peirenæo proximum, a Gaisone cum lectissimis misso, interficitur anno XIII Augustae dominationis: nam Cæsar triennio fuerat, æui septimo uicesimoque. Hic fuit debilis pedibus manibusque, articulorum dolore: fortunatus cæli temperie, fructuum prouectu, nulla à Barbaris formidine: quæ profecto maiora fuerint, si prouinciarum rectores non pretio, sed iudicio prouexisset. Huius morte cognita, Vetrano magister militum imperium in Pannonia apud Mursiam corripuit: quem Constantius non post multos dies regno exiit, grandæuo ætate non uitam modo, sed etiam uoluptarium otium concedens. Fuit autem propè ad stultitiam simplicissimus.

Constantius.

C Constantius Gallum fratrem patruelè Cæsare promittit, sororem Constantinam illi coniungens. Magnentius quoque Decentium consanguineum suum trās

alpes Cæsarē creauit . His diebus Romæ Nepotianus Eutropiæ Cōstantini sororis filius, hortantibus perditis, Augusti nomen rapit: quē octauo die uicesimoque Magnentius oppressit. Hoc tempore Constantius cum Magnentio apud Mursiā dimicans uicit. In quo bello penē nūquam amplius Romanæ consumptæ sunt uires, totiusque imperij fortunæ pessundatæ. Dehinc cum se Magnentius in Italiā recepisset, apud Thicanum plures fudit incautus & ut in uictoria solet, audacius persequētes . Nec multo post apud Lugdunū coangustatus, gladio occulte prouiso, ictum pulsu parietis iuuans, trāssosso latere, ut erat uasti corporis, uulnere, naribusque & ore cruorem effundens, mense imperij XLII, ætatis anno L, expirauit, ortus parētibus qui Galliam inhabitant: legendi studio prōptus, sermonis acer, animi tumidi, & immodice timidus: artifex tamē ad occultandā audaciæ specie formidinē. Eius morte audita, Decētius laqueo fasciæ ad collū posito uitā finiuit. Hoc tēpore Gallus Cæsar à Cōstatio occiditur. Imperauit annis IIII. Siluanus.

Iluanus imperator effectus, die imperij XXVIII, perimitur. Fuit ingenio blandissimus, quanquam barbaro patre genitus, tamen institutione Romana satis cultus & patiens.

Constantius,

Constantius Claudium Iulianum, fratrem Galli honore Cæsaris assumit, annis natum ferē III atque XX. Iste in campis Argentoratensibus apud Gallias, cum paucis militibus, infinitas hostium copias deuicit. Stabant acervi montium similes, fluebat cruor fluminum modo, captus rex nobilis Chonodomarius, fusi omnes optimates: redditus limes Romanæ possessionis, ac

mm. iij.

postmodum cum Alemannis dimicans, potentissimum eorum regem Badomarium cepit. Hic à militibus Gallicanis Augustus pronuntiatur. Hic Cōstantius urgere legationibus in statum noménque pristinum reuerti.

Iulianus.

Vlianus mandatis mollioribus refert se sub nomine celsi imperij multo officiosius pariturum. Hinc Constantius magis magisque ardens dolore: atque ut erat talium impatiens, in radicibus Tauri montis apud Mopsocrenem febris acerrima, quam indignatio nimia uigilijs augebat, interijt anno æui I I I I & X L. imperij I X atque X X X, uerum Augustus I I I I, X X' que. Octo solus: cum fratribus atque Magnentio X V I: X V Cæsar. Felix bellis ciuilibus, externis lachrymabilis: mirus artifex in sagittis: à cibo, uinoque & somno multum intemperans, patiens laboris, facundiæ cupidus: quam cum assequi tarditate ingenij non posset, alijs inuidebat. Spadonū, aulicorumque amoris deditus & uxorum, quibus contentus, nulla libidine transuersa, aut iniusta polluebatur. Sed ex coniugibus, quas plurimas sortitus est, præcipue Eusebiā dilexit: decoram quidē, uerum per Amantias, & Gorgonias, & alia importuna ministeria uexantem famam uiri, contrā quā scēminis modestioribus mos est: quarum sæpe præcepta maritos iuuant. Nanque ut cæteras omittam, Pōpeia Plotina, incredibile dictū est quanto auxerie gloriā Traiani: cuius procuratores cum provincias calūnijs agitarent, adeo ut unus ex ijs diceretur locupletium quenque ita conuenire, Quæ habes ad mensam? Vnde habes? tertium, Pone quæ habes: illa coniugem corripuit, atque increpans quòd laudis suæ esset incuriosus, talem reddidit ut postea exactiones improbens & detestans, si scum lienem uocaret,

quod eo crescente artus reliqui tabescant. Igitur Iulianus redacta ad unum se orbis Romani curatione, gloriæ nimis cupidus, in Persas proficiscitur. Illic à transsuga quodam in insidias deductus, cum eum hinc inde Parthi urgerent, è castris iam positis, arrepto tantum clypeo procurrit. Cùmque inconsulto ardore nititur ordines ad prælium componere, ab uno ex hostibus & quidem fugiente, conto percutitur. Relatusque in tabernaculum, rursusque ad hortulos suos egressus, paulatim sanguine uacuatus, circa noctis fere medium deficit, præfatus, cōsulto sese de imperio nihil mandare, ne, uti solet, in multitudine discrepantibus studiis amicum, ex inuidia rei præ discordia exercitus periculum pararet. Fuerat in eo literarum ac negotiorum ingens scientia, coniunauerat philosophos & Græcorum sapientissimos. Vsu promptior corporis, quàm ualidus quidem, sed breuis fuit. Hæc minuebat quarundam rerum neglectus modus. Cupido laudis immodica, cultus numinum superstitiosus: audax plus quàm imperatorem decet. Cui salus propria, cum semper ad securitatem omnium, tum maxime in bello conseruanda est. Ita illum cupido gloriæ flagrantior peruerat, ut neque terræmotu, neque plerisque præfagiis, quibus uetabatur petere Persidem, adductus sit finem ponere ardori, ac ne noctu quidem uisus, ingens globus cælo lapsus diem belli cantum præstiterit.

Iouinianus.

Quinianus genitus patre Varroniano, incola ægri Singidonensis prouinciæ Pannoniæ imperauit menses VII I. Cuius patri cū liberos crebros amitteret, præceptum somnio est, cū qui iam instante uxoris partu edendus foret, diceret Iouinianum. Hic fuit insignis corpore, letus ingenio, literarum studiosus. Hic dū à Persim.iii.

de hyeme aspera mediâque Constantinopolim accelerans, cruditate stomachi, te æterio noui operis grauatius esset, repente interijt, annos gerens proxime X L.

Valentinianus.

Valentinianus imperauit annis XII, minus diebus C. Huius pater Gratianus mediocri stirpe ortus apud Cibalas, Funarius appellatus est, eo quòd uenalitium funem portanti quinq; milites nequiret extorquere: eo merito ascitus in militiam, usque ad præfecturæ prætorianæ potentiam conscendit: ob cuius apud milites commendationē, Valentiniano imperiū resistenti aggeritur. Hic Valentem consanguineum suum sibi sociū in imperio asciuit: ac demum Gratianum filium, necdum plene puberē, hortatu socrus et uxoris Augustum creauit. Hic Valētinianus fuit uultu decens, solers ingenio, animo grauis, sermone cultissimus. Quāquā enim ad loquendum parcus, seuerus, uehemens, infestus tamen uitijs, maximēque auaritiæ: cuius punitor ipse fuit acer: et in ijs, quæ memoraturus sum, Hadriano proximus. Genera uetustissimorum meminisse, noua arma meditari: fingere terra seu limo simulacra: prudenter uti locis, temporibus, sermonibus: atque ut breuiter concludam, si ei infidis hominibus, quæ se se quasi fidissimis prudētissimisque dederat, carere, aut probatis, eruditisque monitoribus uti licuisset, perfectus haud dubie primæps enituisset. Huius tēpore Firmus apud Mauritaniam regnum inuadēs, exstinguitur. Valētinianus apud Bergentionem legationi Quadorū respondens, anno æui V et L, impetu sanguinis, nocte amissa, sensu integer expirauit. Quod quidem intemperantia cibi, ac saturitate, qua artus diffuderat, accidisse plures retulere. Itaque eo mortuo, Valentinianus adhuc quadriennis, autore Equitio,

ac Merobaude propinquo, ubi cum matre fuerat adlatus, creatus est imperator.

Valens.

Valens unà cum Valentiniano germano suo, de quo
V diximus, regnavit annos decem, menses quinque.

Hic Valens cum Gothis lachrymabili bello commissio, sagittis saucius, in casam deportatur ulissimam: ubi superuenientibus Gothis, ignique supposito, incendio concrematus est. In quo probanda hæc fuere: Fuit possessoribus consultor bonus, mutare iudicia uerus, in amicos fidus: irasci sine noxia ac periculo cuiusquam, sanè ualde timidus. Huius temporibus Procopius tyrannus cadens extinguitur.

Gratianus.

Ratianus genitus Sirmij, imperauit cum patre Valentiniano annis octo, diebus LXXXV. cum patruo & fratre tribus, cum eodem fratre ac Theodosio quatuor, & cum his omnibus accedente Archadio, menses sex. Hic apud Argentarium oppidū Galliæ XXX Alemannorum milia in bello extinxit. Hic cum animaduertisset Thraciam Daciāque tanquam gentiles terras possidētibus Gothis, Taiphalis, atque omni pernicie atrocioribus Hunnis, & Alanis, extremum periculū instare nomini Romano, accito ab Hispania Theodosio, cunctis fauentibus, agenti annum à tricesimo tertium, imperiū committit. Fuit autem Gratianus literis haud mediocriter institutus: carmē facere, ornatè loqui, explicare controuersias rhetorum more. nihil aliud die noctūque agere quàm spiculis meditari: summæque uoluptatis, diuinæque artis credere ferire perite sibi destinata: cibique, uini ac libidinis uictor: cunctisque fuisset plenus bonis, si ad cognoscendam

reipublicæ gerendæ scientiam animum intendisset, à qua
 propè alienus, nò modo uoluntate, sed etiam exercitio fuit.
 Nam dum exercitum negligeret, & paucos ex Alanis, quos
 ingenti auro ad se transtulerat, ante ferret ueteri ac Ro-
 mano militi, adeoque Barbarorum comutatu & propè a-
 micitia capitur, ut nonnunquam eodem habitu iter face-
 ret, odia contra se militum excitauit. Hoc tempore cum
 Maximus apud Britanniam tyrannidem arripuisset, &
 in Galliam transmississet, ab infensis Gratiano legionibus
 exceptus, Gratianum fugauit, nec mora extinxit, qui uixit
 annis triginta octo.

Theodosius.

Theodosius genitus patre Honorio, matre Thermà-
 tia, genere Hispanus, originem à Traiano principe
 trahens: à Gratiano Augusto apud Sirnium im-
 perator effectus, regnauit annis uiginti septem. Huic fe-
 runt nomen somnio parentes monitos sacrauisse, ut La-
 tine intelligimus, A' deo datum. De hoc etià oraculo in A-
 sia diuulgatum est, eum Valenti successurum, cuius nomen
 è Θ & E, O, atque Δ Græcis literis initiaretur. Qua co-
 gnatione principij deceptus Theodorus, cum sibi imperiũ
 præsumeret, sælestæ cupidinis supplicia percepit. Fuit au-
 tem Theodosius propagator Reip. atque defensor eximius.
 Nam Hunnos & Gothos, qui eam sub Valente defatigas-
 sent, diuersis prælijs uicit. Cũ Persis quoque petitis pacem
 pepigit. Maximum autem tyrannum qui Gratianum in-
 terfecerat, & sibi Gallias uindicabat, apud Aquileiã ex-
 tinxit. Victorem quoque eius filium, intra infantie annos
 à Maximo patre Augustum factum, necauit. Eugeniũ quo-
 que tyrannum, atque Arbogastem superauit, deletis eorum
 decem milibus pugnatorum. Hic etenim Eugenius consi-

sus viribus Arbogastis, postquam apud Viennam Valentinianum extinxerat, regnum inuasit: sed mox simul cum uita imperium perdidit. Fuit autem Theodosius moribus & corpore Traiano similis, quantum scripta ueterum & pictura edocent. Sic emnens status, membra eadem, par cæsaries, os absque eò quod illi aliquantum uellendo steriles genæ, neque tam ingentes oculi erāt, nescio an & tanta gratia tantusque flos in facie, seu tāta dignitas in incessu. Mens uero prorsus similis, adeo ut nihil dici queat quod non ex libris in istum uideatur transferri. Clemens animus, misericors, communis, solo habitu differre se cæteris putans: in omnes homines honorificus, uerum effusus in bonos: simplicia ingenia æque diligere, erudita mirari, sed innoxia: largiri magno animo magna: amare ciues uel priuato contubernio cognitos, eòsque honoribus, pecunia, beneficijs cæteris munerari, præsertim quorum erga se uelut patrem aspero casu officia probauerat. Illa tamen, quibus Traianus aspersus est, uinolentiam scilicet, & cupidinem triumphandi, usque eo detestatus est, ut bella non mouerit, sed muenerit: prohiberiue lege, ministeria lasciuia, psalteriaque comessationibus adhiberi: tantum pudori tribuens & continentiae, ut consobrinarū nuptias uetuerit, tanquam sororum. Literis, si nimium perfectos contemplemur, mediocriter doctus, sagax planè, multumque diligens ad noscenda morum gesta: è quibus non desinebat execrari ueterum facta superba, crudelia, libertati infesta quæ legerat: ac Cinnam, Marium, Syllamque, atque uniuersos dominantium, præcipue tamen perfidos & ingratos. Irasci sanè rebus indignis, sed flecti cito: unde modica dilatione emolliebatur aliquando seuera præcepta. habuitq; à naturæ munere, quod Augustus à philosophiæ doctore di-

dicerat: qui cum uidisset eū facile commoueri, ne asperum
 aliquid statueret, monuit ut ubi irasci cœpisset I I I I atq;
 X X Græcas literas memoria recenseret, ut illa concitatio,
 quæ momēti est, mente aliō traducta, parui temporis in-
 teriectu languesceret. Melior haud dubie, quod est rare
 uirtutis, post auctam annis potentiam regalem, multoque
 maxime post ciuilem uictoriam. Nam & annonæ curam
 sollicitus attendere, & auri argentique graue pōdus sublatis,
 atque expensi à tyranno, multis è suo restituere, cum beni-
 gni principes, & quidē uix fundos solerent nudos, ac de-
 formata prædia concedere. Iam illa minutiora, & ut dici-
 tur, intra aulam: quæ quidem quia occulta sunt, magis na-
 turæ hominum curiosæ oculos aurēsque ad se trahūt: pa-
 truum colere tanquam genitorē, fratris mortui sororisque
 liberos habere pro suis, cognatos affinesque parentis ani-
 mo complecti: elegans lætūque conuiuium dare, non ta-
 men sumptuosum: miscere colloquia pro personis, studio,
 dignitatibus, sermone cum grauitate iucundo, blandus pa-
 ter, concors maritus. Exercebatur neque ad illecebras, neque
 ad lassitudinem: ambulationibus magnis, cū esset otium,
 reficiebat animum: uescendi continentia ualetudinem rege-
 bat: sicque in pace rebus humanis annum agens L. apud
 Mediolanum exāssit: utranque Remp. utrique id est Arca-
 dio & Honorio quietam relinquens. Corpus eius eodem
 anno Constantinopolim translatum atque sepultum est.

FRANCISCO BORGIAE EPI-
SCOPO ET PONTIFICALIS
AERARII PRAEFECTO POM-
PONIVS LAETVS.

SOLET quæri ab studiosis uiris, utilisne sit
historia. Nos uero nō modo utilē & frugiferā,
S sed necessariā mortalibus esse contendimus.
& quēadmodū agriculture corpora, sic mo-
nimentis rerum animi fouetur. Vitæ cupido
pharmaca pellendis morbis inuenit. Series rerum, ne una
cum eo qui gerit, interiret, historiam excogitauit. quantoque
nobilior corpore animus, tanto cæteras dotes præcellit hi-
storia, potissimāque sibi sapientiæ partem uēdicat. In ea
enim est imitatio uiuendi, uitia detestatur, uirtutes ardore
quodā imitationis effert. Et cum rebus omnibus tempora
uetustatem afferant, historia namero annorum admira-
bilior est, & sanctior habetur. Scripserūt multi de eius uti-
litate, deque eius obseruatione, quæ præterire negligentia
non est. Ab historicis abesse debent fœdum crimen assen-
tationis, & amor ac beneuolentia, metusque & simulas,
quibus corrūpitur narratio, uti sæpenumero contigit. Aiunt
enim, scribe securus quod lubet, & quod uelis narres, ha-
biturus mendaciorū comites. Principes historiārū cur dis-
sentiūt? cur uaria tradunt? quod iudiciū quo solemus in re
bus uti, sæpius decipit. Itaque scribētes quæ ipsi uidimus,
unde nomen esse memorāt, errore liberi uera fateremur.
sed quoniā ad ea quæ ab seculis nostris remota sunt, ac-
commodatur narrandi materia, iudicio opus est simul &

memoria. accuratius legere prodest. Laudatur etiā in historia breuitas, quæ sit aperta ac lucida, ut illa Crispi salustij. Liuius modo breuius, modo copiosus, plus eloquentiæ addidit. Sunt & alij candidi, alij nimis phalerati & tumidi. Veterū simplicitas, ut fuit M. Catonis, & Q. Fabij, interijt. Nos uero breues esse uolumus, & sæpius digressi sumus ornatus gratia. Verū si candor ille simplicitatis antiquæ aberit, ueniā oramus: quam cum sciamus minime mereri, præcipue nobis dandā ab his qui legerint, aut audierint, arbitramur. Præterea historia quouis modo scripta delectationem adfert. Natura ipsa ad rerum notitiā prouocatur: resque auidius quàm eloquentia petitur, ut qui qualibet nuda rerum cognitione etiā anilibus fabellis capiamur. Nihil his commentarijs falsi, quantum perspeximus, ausi sumus, exorsi ab interitu iunioris Gordiani usq; ad exiliū Iustini Heracliorū. Multa dispersa in unum corpus collegimus. Ab Philippis uero usq; ad cædem AEmiliani, quia Trebonij Pollionis labor sine capite est, & monimenta illorum temporum desiderantur, nimis circumsise narrauimus: utcūque certi sumus, proculdubio libellos tibi Borgia placituros, qui memoria seculorum plurimum delectariis, & ob id à publicis negotijs seuocariis. Alij uero, si cætera nobis deessent, quoniam titulus tuæ humanitatis index est, satis sunt probaturi.

Pōponij Læti epitaphiū, per Domitiū Palladiū Soranum.

Hic iacet exigua Lætus Pomponius urna,
Cuius honos merito pulsat utrunque polum.
Lætus erat Romæ uates sublimis, & idem
Rhetor, nunc campis lætior Elysij.

ROMANAE HISTORIAE COM-
pendium, ab interitu Gordiani iunioris usque ad Iu-
stinum tertium, per Pomponium Letum.

BALBINVS, PVPIENVS, GORDIANVS.

AXIMINO profligando, qui pri-
mus posthabita senatus autoritate, ab e-
xercitu imperator Augustus appellatus
est, ex concione Vectij Sabini, patres im-
perium duobus viris decrevere, et po-
pulus Rom. concordia assensu ac lætitiâ sciuit. Ii fuerunt
Decius Cælius Balbinus, et M. Clodius Pupienus. Hic
quantuis homo nouus, per gradus dignitatis satis illustris
erat, et grauitate ac seueritate uenerabilis. Balbini ma-
iores ex Gadibus Hispaniæ cum Pompeio Magno uene-
rant, et ciuitate donati, horum primus Theophanes Bal-
bus, Romæ appellatus Cornelius, quem M. Tullius de-
fendit. Igitur Balbinus nobilitate familiæ: fortunisque et
clementia satis cognitus. hic Cæsaris, ille Catonis mori-
bus comparatus: ille contra Maximinos hostes iudicatis
copias eduxit, hic urbis gubernationem suscepit: illius au-
spicijs cæsi Maximini, huius bonitate tumultus in urbe
inter ciues ac prætorianos exortus est. Tandem neque il-
li seueritas, neque huic clementia profecerunt. ambos mi-
lites occiderunt. Gordianum natum annos XIIII, qui mo-
do Cæsar erat, imperatorem fecerunt, non abnuente se-
natus. Cuius successibus cum posset Persicum nomen dele-
ri, insidiæ Philippi uetuerunt. Quibus circumuentus, a-
dolescens occisus est. Etenim occultæ prodiones ad exci-

dium bonorum excogitatæ, scelera audientium prodigiorum augent. nō fuit multa iuuenis Gordiani cædes. quicunque in eum coniurauerunt, crudelibus supplicijs afflicti interierunt.

Marcus, & Seuerus Hoshlianus.

Enatus de morte Gordiani factus certior, Marcum
 S quendā uirum grauem ac sapientem imperatorē legit, qui subita morte in palatio ubi habitabat, decessit: nec successor dilatus est: statimque lectus à patribus Seuerus Hoshlianus, qui repente cū incidisset in morbum, medicis male uenam soluentibus, occubuit. Interea litteræ Philippi ad senatum adferuntur: in ijs scriptum erat, Gordianum graui morbo affectum obiisse, & Philippum ab exercitu imperatorē factum, rogareque uti patres probarent. Senatus qui rem nondum nouerat, Augustum Philippum confirmauit, Gordianum inter diuos retulit.

De imperio Philippi.

Arcus Iulius Philippus Vostis Arabiæ urbe, obscu-
 M ris parētibus natus est, cuius fortunæ, humilitas generis nō obfuit. Ab teneris annis relicto patrio solo militare cœpit: nec difficile hoc puero fuit. nam Arabes optimi sunt equites, & militiam Romanam noscere cœperunt, in Oriente res gerente Pompeio. Philippus haud parum diligens, per gradus promotionis ascendit, comes ordinis, deinde dux, post præfectus prætorio. Tandem in Perside post mortem Mithri, exercitui à Gordiano præficiatur, & loco parentis, iuuenis imp. eum habuit. Mithri, qui & idē Timessocles, uir modestus ac frugi, Reip. & militibus moderandis tanta dexteritate usus, ut utrisque charissimus fuerit: propter cuius bonitatem simul & ingenitam eloquentiam, eius filia adolescenti Gordiano

nupsit, præfectusque urbi factus. tanti uiri consilio imperium ex omni parte augebatur. Bello Persico senis prouidentia fugatus est Sapo rex Artaxerxes filius. Erat autem Sapo statura procerus, et corpore horribilis. Recuperatae urbes, Antiochia quæ est Nisibis, et Carræ: exercitui commectus nunquam defuit. In eo exigendo prouincialibus minime molestus. Senatus hominem quadrigis et titulo honestauit,

Misitheo parēti principū P. R. tutori Reip. S. P. Q. R.

Sunt qui scribunt et hunc consilio Philippi obysse. Nam cum medici poculum decreuissent uentris profluuio cohibendo, aliud fraude porrectum quod magis solueret. Post huius obitum factio Philippi plurimum creuit: frumentariæ naues eius opera interceptæ sunt. Exercitusque esurie cum laboraret, ad loca difficiliora tractus, ad quæ per Euphratem commectus aduehi non posset, amici Philippi negligentia principis id ascribebant. cæteri cum esurirent, facile crediderunt. Iamque palam princeps accusabatur, adolescentia culpabatur, quod non digna imperio esset: tandem fames impulit penè omnes imperiū commendare Philippo, qui unā cum iuvene imperaret: quod diu durare non potuit. Nam et Philippus fraudulenter omnia agebat, per clandestinos amicos noua crimina fingebat. Et iuuenis Scipionum proles, et Augustorum hæres æquatum sibi imperium cum indignitate Philippi agere ferebat. Ea res cædem Gordiano festinauit. accessit etiam ne amor S. P. Q. R. et militum, intellectis hominis Arabici fraudibus, imperium abrogaret. Hac uia iam Aug. Philippus proficiscendi ad urbem cōcionem habuit, percussioque cum Persis fœdere, Mesopotamiā et Assyriam hostibus reliquit, passus uicticiū armorū dedecus ut ad urbē

è Syria aduolaret. In natali agro urbē sui nominis condi-
 iussit Philippopolim. Et nequis ambigat, aut nominis si-
 militudine decipiat, altera est in Thracia Philippopolis,
 quam Scythæ diripuerūt regum Macedoniae opus. In itine-
 re cōsortem imperij fecit Philippum filiū: reuersus ad ur-
 bem iā uoti cōpos, plura largitus est. sed ipse aduētū læ-
 titia haud ingens, quod prouincias amiserat. studens seda-
 re animos omniū, inducto cum Persis decreto, illis bellū in-
 dixit, sperās ignominia abolere. Res sine sanguine peracta
 est, Persis prouincias restituere pollicētibus. Huius imperij
 anno I I, ante X I Calēd. Maij, ingenti pompa, magnoque
 sumptu Et apparatu seculares ludi anno A. V. C. M. cēle-
 brati sunt. beluæ triumpho Persico Et ijs ludis à Gordia-
 no asseruatae (nam iuuenis natali urbis triūphare decre-
 uerat) hæ fuisse memorantur: Elephāti X X X I I, alces X,
 tigrides X, leones māsueti L X, leopardi ciures X X X, hye-
 nae X, hippopotamus unus, rhinoceros unus, arcoleontes X,
 cameleopardi X, onagri X X, equi feri X L, gladiatorū pa-
 ria mille. Quæ omnia in Circo maximo exhibita, Et scēni-
 cos ludos in Pōpeij theatro tribus diebus, totidémq; nocti-
 bus (mirū dictū) per uigil populus spectauit, funalibus at-
 que lychnis tenebras uincētibus: Et cū multitudo solenni-
 bus ludis intentā esset, incendium aut ex luminaribus, aut
 ex ignibus coalitū, in curia dinagatum est. Theatrū Pōpeij
 arsit, Et ei propinquū hecatonstylon, ætūm columnarū in
 cāpo Martio opus. Centenariam porticum appellabant.
 Circenses dati, in quibus certamine currendi quadragesi-
 mus equorū è carcere missus numeratus est. De ludis secu-
 laribus pauca referre haud ab re est. Eos instituisse fer-
 tur ex ætis regibus M. Valerius Publicola, Et appellatus,
 quod plerunque hominis ætas semel intueri potest: idque

aliquandiu seruatum est. Postea ambitione Cæsarū cupientiū id solēne suis tēporibus exhiberi, ordo corruptus est, & pro libidine seculares ludi habiti. Interea Scythæ, qui Misie theo fidē præsiterant, & illius nutu quicti erant, facta irruptione limites transgressi, urbes & agros imperij Romani uastare, prædas abducere, cædes undique facere, incēdia suscitare, domos, uillas, tuguria euertere, metum haud inanem inferebant. Expeditioni propere præficitur Marinus quidam, dux limitis Sarmatici: ab exercitu Illyricorū imperator est appellatus. Quod cum nuntiatum esset Romæ, Philippus aduocato senatu, plurimū de Marini ingratitudine questus est. Decius uir clarus hortatus est principem ne timeret quòd Marinus pœnas daturus esset: qui post paulo cæsus seditione militari, pœnas luit. Confirmatus imperator uaticinio Decij, contra Scythas cum supplemento copiarum ipsum Decium misit: qui cum ad exercitum peruenisset, cōcordi assensu milites Illyriciani imperatorem secerunt, renuentem ac repugnantem strictis ensibus coegerunt. Dux experientia rerum cautus, ne à principe accusari posset, neue locum calumnijs præberet, fidissimò nuntio literas ad Philippū dedit, quibus se excusabat, suppliciter exorās ne turbato animo ferret, promittens abdicaturū se dignitate, ad quā inuitus tractus esset. Philippus uero homo Punica fraude deterior, qui ut scelera tege-
ret, cultū Christiani nominis simulabat, expeditionē scriptis etiā nouis legionibus cōtra Decium parauit: & cum posset per duces bellum gerere, ipse eductis copijs profectus est, minis ingentibus palàm asserens se Decium cum toto scelerato exercitu perditurum. Hac mente turbatus, uelut furore concitus ferebatur. Itaque à militibus ipse Veronæ cæsus est, & Romæ filius à prætorianis. Is traditur fuisse
nn. ij.

agelastos, & ludis secularibus ridens patrem se uero uultu inspexisse, uelut illum corrigeret. Ambo Philippi iuxerunt annis quinque, & immerito inter diuos relati.

Decius.

Mp. Cæs. M. Q. Traianus Decius Augu. Decius
 I Bibali inferioris Pannoniæ urbe natus claris parentibus, ab ineunte ætate spem optimæ indolis præbuit: in quo uirtutes cum ætate creuerunt: ad amplissimas dignitates non ambitio, non emptæ suffragia, non corruptæ amicitiae, sed boni mores perduxere. Igitur qui à militibus Illyricianis antè imperator factus fuerat, ab senatu Augustus est appellatus. Is cū magnitudinē imperij contemplaretur, P. Cornelium Licinium Valerianum, qui postea imperauit, exercitu præfecit, uirum militarem, & bonis moribus nutritum, tum sexagesimum sextum agentem annum. Et cum de Censore eligendo potestas senatui data esset ab Decio, Valerianus absens Censor lectus, in æde Castoris & Pollucis in parte fori Rom. uersus palatium, cuius uestigia effodi uidimus. Ea Censura probata Decio patre ac filio consule, modestia Decij hoc passa est. Nam postquam Respublica unius nutu gubernari coëpta est, ipsi imperatores Cēsores erant. Decius, cuius uita sanctissimus institutis nunquam aduersata, cupiens nihil agere nisi quantum senatus iuberet, Cēsuram amplissimo ordini pernuit. Huius imperatoris uita, quæ & ciuilis & militaris fuit, multos habuisset laudatores, si ab Christianorū cruciati-bus se temperasset. Nam ius quintæ relationis, & procōsulare imperium, unde Augusti omnes procōsulibus necnō & ius Tribunitiæ potestatis, quod Augustus primus sibi perpetuo iudicauerat, arbitrio senatus populique Romani pernuit, patris patriæ cognomen accepit. Sed priusquā

ad urbem rediret, ciues in Gallia motus sedauit. Parū in urbe cōmoratus, cogente senatu filiū suum Decium Cēsare fecit. Patribus Rēpublicam cōmendauit, et unā cū filio ad liberādas Thracias profectus est. Nam Scythæ et naualibus et terrestribus copijs omnia infestabant. Victor in primis cōgressibus, hostes in angustias locorū, quæ in Dardanijs sunt, cōpulit et obsedit: expugnassētq; fame, ni proditus ab suis fuisset. Hostium dux per legatos petijt uti relicta omni præda sineret cum suis abire trans Istrum: Romanus imperator negauit, auidus illos perdēdi, qui toties fractis fœderibus irruperant: et qui prouincias Romani imperij quiescere non sinerent: et sua strage iux domiti, amisso rege Decibalo, Neruæ Traiano illuserint. Iamq; ferē uoti compos, Trebonianum Gallū, ducem limitis Mysiæ, ad obsidēdos aditus, ne fugerēt, cum bona parte copiarum misit. Gallus consiliū Barbaris patefecit, et eos monuit ut se diuiderent, et alij consisterent in insidijs prope paludem, alij in primo congressu fugam simularent paludem uersus. Barbari nonnihil addētes consilio Galli, rem peragunt. Cū in pugnam descenderent, admiratus est Decius, quod qui modo percussi metu erant, iam arma poscerent: ignarūque proditiōis, certus uictoriæ copias educit. Illi statim terga dant, imperator insequitur. cum uentū est ad insidias, atrocissima fit pugna, utriq; magnæ cædes. Deciani difficillime præliabantur, luto palustri afferēte cladem, tamen non moriuntur multi, et loco et fato aduersantibus pereunt. Decius pater cum filio occubere: senior fortē equo sedens, ne uiuus aut contrā in manus hostium perueniret, insiliit in uoraginem paludis. Nam quæsitum eius cadauer, nusquam repertum est. Regnauerunt biennio nondū finito. Hic fuit Deciorū finis qui (ut credi-

bile est) se pro futura uictoria deuouerunt. Ita enim Deciorum nomen facere consuevit. Decij Mures duo prioribus seculis, alter bello Hetrusco, alter bello Latino, constanti animo inter confertissimos hostes pro uictoria patriæ se deuouentes occubere. Hunc deuouendi morem primus creditur introduxisse Linus Codri F. qui pro patriâ bello Dorico se deuouit. Hic Miletum coloniam Atheniensium deduxit in Ionia. Quidam scribit Decium cupientem Philippopoli ferre opem, cito petiisse Beroam: et inde fugatum ab Echina rege Gothhorum, reparatisque in Mœsia uiribus, redisse ad hostes, qui Philippopolim æperant, et Priscum ducem sibi conciliauerant. In ipso congressu ictum sagitta Decium filium decessisse: et patrem, uel ut cædem filij ulcisceretur, uel ut morte sua finem dolori inueniret, in confertissimos se immisisse hostes, et nusquam apparuisse, et dijs ante congressum immolasse, ad Abritum Mœsiæ urbem. inde factum loco nomen, Ara Decij appellatur. Decius pater bonitate Traiano adæquatus, nomenque optimi principis iudicio senatus meruit, appellatusque est, Imp. Cæs. M. Q. Traianus Decius Aug. Exercitum Illyricianum mire dilexit, quia ab eo primum imperatoris nomen accepit. Senatus Decij nomine, Decianas thermas in Auentino edificauit.

Gallus.

Imp. Cæs. C. Vib. Trebonianus Gallus Aug. patritiorum familia ortus, in quo plus fortunæ quàm fidei fuit. quanuis cum Augustus esset, in numismatibus exprimi iusserit, Virtus Augustorum, de se ac filio: quasi uirtute, non dolo principatum assecutus. In tanta nostrorum strage, legio quæ integra Scytharum fide remanserat, Gallum imperatorem fecit. qui supersuerant, ad hunc

confugerunt, uelut seruatore[m] reliquiarum Romani exercitus. quo rumore adductus senatus, Augustum appellauit, licet & ipse scripserit. Cum Scythis foedus percuisset nō sine Romani nominis ignominia. Tunc primum diuturno & libero potētatu populus Romanus tributa pendit. Tūc primum Respublica iugum Scythicæ seruitutis accepit. tantæque est imperandi auaritia, ut qui præesse cupit, & ad id fastigium legi, urbes & provincias sine discrimine donec. Hadrianus ab alijs occupatas restituit, quod principis liberalitate uideri actum potest: sed qui tributo pendendo obnoxiam fecerit Urbem, præter Gallum fuit nemo. Tributum fuit drachmarum aurearum C C. Secus euenit quàm sperabat imperator. Barbarus cum uincit, insolentior est. Itaque contēplatus diuitias Romani imperij, quod & sua fide ille imperaret, ac per hoc tributū pro meritis non esset, incursiones facere, prædas abigere, ingentique agmīne terra mariq; sæpius irrūpere. Depopulatur Dardaniam, Thraciam, Thessaliā, Macēdoniāq; & Hellada, & pars infestabat Asiam: undique cum plurium urbū uastatione & excidio, Scytharū exemplo alij hostes surgunt, armæque capiunt. iam in uiscera Syriæ penetrant Parthi, & Armenias fugato rege Tyridate occupant, cuius liberi hostibus se dederunt. Scythæ magna onusti præda, in Dardanios, uelut regni sedem redeunt. Interea Gallus cum Romam uenisset, C. Vib. Volusianum filiū consortē imperij fecit. Scythæ rursus non cōtenti pretio, iam Italiæ minabantur: sic Barbaricæ gētis animus nostris opibus inhiabat. Itaq; opera AEmiliani ducis limitis Misicæ rapacissimi hostes, nō sine magna cæde in suas solitudines redire cōacti sunt. Ita imperium Galli infustum atque infelix, rerum gestarū monumentis obscurum, uerū clade generis humani

memoriae traditum est. siquidem eo imperante, pernicioſa peſtis undique uiguit. Tabis initiū fuit ab Aethiopia, ſortē ex nimio ſolis ardore. Peſtilitas primo coſumptis ſerē Meridianis per Oriētem diuagata eſt: inde cæteras orbis partes inuaſit, ubique maximam partem incolentium exhauſit, pleraque loca inhabitata reliquit. ea labes uix intra decem annos finem inuenit. Proueniſſe ex infelicibus Galli auſpicijs uſa eſt, ut qui proditiōe imperium arripuit, Chriſtiani etiam dogmatis hoſtis: qui cum copiis contra AEmilianum duceret, uictus, et ab ſuis militibus deſertus, unā cum filio caſus eſt. Imperauit annis duobus.

Imp. Cæſ. AEmilianus Aug.

AEmilianus Libycus, nāque in Mauritania ortus, à pueritia cœpit ſtipendia mereri: et cum pro ætate honores promotionis non deeſſent, dux limiſi Sarmatico in Mæſia à Decio præpoſitus, et à Gallo minime ſubmotus: cum Scythæ ſolertiſſimum latrocinandi genus, contenti pretio non eſſent, AEmilianus pro concione ſuis militibus id pollicitus eſt, ſi hoſtes uicſſent. Noſtri præmio accenſi ad conferendas cum Barbaris manus incitatores facti. cūque nimius ardore inſiſteret, apertis caſtrorum portis, audum pugnandi militem educit: qui tanto impetu in hoſtes illatus eſt, ut nō fugauerit modo, ſed bona ex parte ceciderit, illorūque regiones abactis prædis penē exhauſerit. Reuerſus in Myſiā, præmia aſſecutus eſt: AEmilianus perſoluit. qui hoc ſucceſſu adeo gratus uictori exercitui fuit ut ab eo ſit imperator appellatus. ad hos motus opprimendos Gallus unā cum filio proficiſcitur, nec profecit. Ambo in primis prælijs caſi ſunt, et milites AEmiliano hæſerunt: qui ſtatim ad ſenatū ſcripſit donans ſe imperatorem lectum eſſe, promittens ſe liberaturū

Thracias & Mesopotamiam, & Armenias recuperaturū,
 & depulsurū undique hostes nominis Romani. Sed prius-
 quam opus aggredieretur, milites qui in alpibus erant, Va-
 lerianum imperatorem faciunt: quo nuntio accepto, qui sub
 A Emuliano erant, ne civili bello & cognatorum sanguine
 se inuicem inficerent: contemplātes præterea humilitatem
 generis A Emuliani, & nobilitatē Valeriani, simul & lau-
 datissimos mores, eo interfecto, censorio uiro se tradide-
 runt. Imperauit autem mensibus tribus, uixit annis qua-
 draginta. Ita res solo ducis capite peracta est.

Valerianus.

Vblio Cornelio Licinius Valerianus successit, ho-
 mo maioris spei ac opinionis quā fortuna. Ca-
 ptus ab Sapore rege Persarum, in captiuitate con-
 senuit. Interea eius filius Licinius Gallienus ab initio Cæ-
 sar, mox Augustus præclara gessit: deinde ad delicias la-
 psus, dum populi studet, imperium dilacerare nō curat:
 & nisi in Gallijs Occidentem Aulus Posthumius, & O-
 rientem in Syria Odenatus Palmirenus defendissent, im-
 perium Romanum sudore ac uigilijs, fortuna & uirtute fa-
 uentibus acquisitum; Germani, Persæ, Scythæque, & sur-
 gentes ubique hostes perdidissent. Verum & tyranni tri-
 ginta sibi bona ex parte occupauere. Porro Gallienum cum
 fratre Valeriano, milites A Treoli, qui dux erat Illyriciani
 exercitus, prope Mediolanum interfecerunt.

Claudius.

Arcus Aurelius Claudius deinde suscepit im-
 perium, uir ad barbaros delendos natus, quos sta-
 tim multis in locis & uicit, fudit, atque cecidit.
 Prælijs ac rerum penuria Sarmatas, Getas, Scythas, Qua-
 dos consumpsit. Daciam recuperauit, uictor Sirmium Pan-

noniæ petijt, ubi in ægritudine incidit. Et priusquam de-
 cederet, conuocatis ducibus, tribunis Et præfectis, concio-
 natus est præsertim de eligendo imperatore, Et longa ora-
 tionis serie Aurelianum probauit. Senatus nuntiata Clau-
 dij morte, eius fratrem Aurelium Quintillũ Italici præ-
 sidij ducem, Cæsarem Augustum appellauit. Exercitus in-
 terea Aurelianum imperatorem legit. Postquam uentum
 ad urbem peruenit, illius conatibus se imparem cum uide-
 ret, malèque expertus concione militum uoluntatem, qui o-
 mnes fauebant partibus Aureliani, uenas soluit, Et post
 paulo decessit decimo septimo imperij die. Aurelianus solus
 imperat, qui imperium multiplici tyrānide liberauit, Et
 eius terminos auxit, rebus gestis magnis principibus non
 modo æquandus, uerumetiam anteferendus: interfectus
 medio itinere, quod ducit ab Heraclea Byzantiũ, non lon-
 ge ab Cenophrurio, ministri à libellis manu.

Tacitus.

Vbius Annius Tacitus post hunc imperat, uir
 P egregius, Et reipublicæ cōmodo, sine exercitu ab
 senatu imperator Et Augustus appellatus. Tunc
 primum respublica uelut lōgo postliminio reducta, suo iu-
 re ac iudicio usa est. Vt nam nec nularis furor, aut nimis
 erga nutrices cura bonos mores perdidissent. Nam quan-
 diu sua grauitate senatus decernit, tandiu respublica uiri-
 bus suis consistit: quæ tunc renascent, Tacitum sui corporis
 legit, Et militibus principem dedit, non accepit ab legio-
 nibus, aut à prætorianis iugum. Sed inuidit tanto facinori
 cælum. Dum fama tanti principis ad suos limites produ-
 citur, fata successorem dedere. Is fuit

Probus.

Marcus Aurelius Probus, uir gloria rerum gestarum

illustris: nec potuit obesse M. Annius Florianus Taciti frater: qui cum suo iudicio ad tantum uelut hæredium properaret, imperium & inuasit & arripuit. Itaque cum uix duobus mensibus præfuisset, Tarsi à militibus occisus est. Probus igitur uere probus, ita se & in toga, & in militia gessit ut res ipsa nomen sequeretur. Sarmatas contudit, tyrannos extinxit, orbem pacauit, iudicia bonorum de se admirabili uirtute confirmauit, pacæ terra marique parta dicere solebat milites minime necessarios fore, cū desunt hostes: quæ uox plurimum obfuit. In Sirmuensi agro, natali solo dum moram trahit, tumultu militari occisus est. imperauit annis VI, mensibus quatuor.

Carus.

Arcus Aurelius Carus Narbonæ genitus, molem
 M. subiit. Exercitus imperatorem appellauit. Is cum Probi apparatu in Persas profectus, Mesopotamia recepta Ctesiphontem peruenit. & nisi fulmine ictus concidisset, regnum Persicum subuertisset: traditæque sunt rerum habentæ eius filio.

Numerianus.

Vmeriano, cui Mars in armis familiare numen
 N. præbuit, Minerva peculiarius adfuit, & citharâ præbuit Apollo. Miles, orator, simul & poëta, oculis æger, forte aer & uigiliæ in bello Persico nocuerant, occlusa lectica ferebatur. Erat in castris Arrius Aper, cuius filia nupserat Numeriano. Huius igitur cupientis inuadere imperium factione, modestus & frugi iuuenis occisus est. Nec eius mors inulta. concionatæm Aprum Diocletianus confodit.

Carinus.

Carino moranti in Gallijs, ubi à patre relictus, obue-

nit. Hic primum florem pueritiæ, quem fructum dederat, cum adoleuisset ab adolescentibus repeijt. Pater si iuxisset, abrogare sæpius cogitauit filio Cæsaris nomen, et conferre Cōstantio uiro claro. sed hoc fata Herculio seruatum statuerant. Carinus diu præesse non potuit, piorum sanguine madefactus, totius ubique iuuetutis corruptor. Victor tamen exercitus in Perside, Diocletianum imperatorem legerat, qui Carinum multis prælijs uicit. Non defuit Carino uigor occupandi orbē: multumque progressus fuisset, si non incidisset in Diocletianū cum exercitu recēti uictoria ferocem. Occubuit Carinus ultimo prælio ad Margum commisso, à militibus fortissimis quos habebat desertus. Percurri gesta X I imperatorum, ne interrupta temporum series admirationem legentibus faceret. Ad destinatum opus redeo, professus initio me scripturum de his imperatoribus quorum gesta magna ex parte ferè interierant.

C. A V R E L I V S V A L E R I V S

D I O C L E T I A N V S.

S A L O N I S Dalmatiæ ortus, utroque parente ignobili et obscuro (quidam scribunt libertino Anulini senatoris genitum, quidā scribunt filium) militare à pueritia coepit.

Cumq; gregarius miles in Gallia esset, diuersorio cuiusdam Driadis utebatur, ab qua cibaria emebat, debebatque plurimum uetulæ. cum illa pretium posceret, diare solebat, Soluā cum imperator fuero. At illa subiunxit, Eris imperator cum aprum interficies. Hac uoce augurium futuræ felicitatis accepit. Etiam studebat uenatum ire, sæpius contra apros congregiens, plurimos in-

terfecit. tandem cum Arrium Aprum sua manu confodisset, et imperator ob id factus esset, intellexit uocem Driadis haud uanā fuisse. Profligato et cæso Carino Augustus appellatus, et ab S. P. Q. R. magno honore exceptus est. In quibusdā imperij regionibus facti sunt motus, et tyranni non deerant. Diocletianus animaduertens consorte imperij opus esse ut citius pacem ubique redderet, Maximianū legit. tantāque fuit in gubernanda republica inter principes concordia, ut alter alteri, quanuis semper honesta cupiebant, nunquam repugnauerit. uerū Maximianus ut filius patri Diocletiano obtemperabat. Felicissima cognomina sibi indidere, Diocletianus Iouius, Maximianus Hercules appellati sunt: uelut ille Iouis, hic Herculis hæres. Iupiter gigantes ut cæli regiam defenderet, perdidit. Diocletianus ut orbis terrarum regiam tueretur, tyrannos surgentes, ut Centimanos, diligenti cura perdidit ac deleuit. Et ut Iupiter turbata pacauit elementa, sic Diocletianus domitis ac cæsis seditiosis hominibus, imperium turbatum, tranquillum reddidit. Iupiter ab sua arcæ undique suum numen diffundit. Diocletianus quanuis uno esset in loco, sua prouidentia præsens ubique esse uidebatur. Hercules àli-
xiuaxnos, à nostris custos generis humani cognominatus, urbes, oppida, agros, regiones, syluas, horrendis et perniciosissimis monstris, et aerem infestis alitibus liberauit: simul et genus humanum tutatus est. Maximianus post salubre temperamentum uirtutis et imperij assertor, nunquam nisi reddita toti orbi securitate quieuit. Conatus contra Remp. dispulit. Hercules qui magna gessit, materiam præbuit camænis concinendis, harūque comes habitus est, unde Musagetes appellatus. Maximianus laborum Herculis æmulus, niuofas alpeis maiore conatu tutior calcauit, latrones

plurimos toto imperio exegit, superiora secula gestis adæquauit, pestilentem aerem in perpetuam salubritatem restituit, immixtis in perpetuas foveas paludibus, materiã canendi poetis exhibuit. Hercules Iouis F. Maximianus Diocletiani. Veram igitur cognominis adoptionem duo Cæsares Augg. meruere. Inter quos quidam clarior ac præcipuus amor usque ad sapientiæ finem perdurauit. Eam sic appello cum imperium deposuere. Ita cognomine patris ac filij unanimes nihil orbi pacando prætermisere. Maximianus tumultus in Gallijs, quos Amandus et Aelianus excitauerant, sub specie tyrannidis, cum tota factione Bagaudarum (hoc nomine se appellauit turba rusticorũ) compressit mira celeritate, statimque deleuit. Ita pax Gallijs restituta est. Inde translatus in Africam, Gentianos deuicit, qui uix pacem impetrarũt. Quinquagenarij et supra cum numerum annorum hi milites fuere, qui Africam diripiebant, cupientes sibi regnũ uindicare. Pullulantibus per uaria loca nouis bellis, concordēs Augustos duos adoptauere: Diocletianus Galerijũ Maximinum, Maximianus Constantium cognomine Cloron, Cæsaresque fecerunt, et præter adoptionem affinitate iunxerunt. Nam coacti repudiare primas uxores, nouas duxerunt: ille Valeriam Diocletiani F. hic Theodoram priuignam Maximiani. Erat in Gallia Herculus, Iouius uero in AEGypto. Ille Gallias, ut diximus: hic euersis duabus urbibus superato Achilleo pacauerat AEGyptum. urbes prope ueteres Thebas posita erant, dites ac populosæ, Busiris et Coptos. spem rebellionis augebat Achilleus, cuius consilio fere tota dissenferat AEGyptus. tandem cæsis ubique autoribus defectionis, intra nouem menses quieuit prouincia seminarium religionum, in qua archisynagogi plurimum autoritatis ha-

bebant. Alexandria uero obsessa, & VIIII mense capta est. Imperator contentus optimatum cæde, abstinuit à multitudi-
ne. Achilleus uero meritis luit pœnas, feris oppositus & dilaniatus: terra uero ubique cædibus potentium ma-
duit. Frustra contra Crausium, Britanniam insulam occu-
pantē, arma cepimus per duces Maximiani, qui anno VII ab socio per insidias petitus, occisusque est, & is tyrannidē
sumpsit. qui tertio post anno ab Asclepiodoro præfecto præ-
ter. uictus est. Britanniæ X post anno quàm defecarāt, re-
ceptæ sunt. Britanniam circūfluam oceano Aborigines te-
nuere. nomen indiderunt Britanni continētis, qui sunt in-
tra Gallos & Hispanos, uocati post Britones. & hi acco-
læ oceani insula potiti. Eò deinde concessere Hispani, Gal-
li & Germani. Primus Romanorū Caius Cæsar insulam
ostendit. Vespasianus imperante Claudio captis regibus do-
muit. Huc cum frequentes irent Romani, paulatim nostros
imbibit mores. Cōstantius uero multa præclara gerens in
Gallijs, semel cum esset apud Lingonas populos, eodem die
uarietatem fortunæ expertus est. Alemanni magno impetu
irrumperunt, Constantiū in fugam uerterunt. Is ad propin-
quam urbē fessus se contulit. Cuius portæ hostili metu oc-
clusæ fuerāt: & nisi demisso fune per muros sublatus fu-
isset, eum hostes captiui abduxissent. In urbe hortatus est
robur suorum, qui eò ante confugerant, ne talem ignomi-
niam paterentur. Post concionatus est ciuibus ut arma ca-
perent, & dedecori abolendo auxiliū præstarent. ita aper-
tis portis erumpunt, hostes fugant, & propè LX milia cæ-
dunt. ea uictoria liberatæ Gallia, attritæ Germania su-
as uires amifere, quas reparare nisi non sunt Alemanni.
At in Aegypto erat Diocletianus, ut res turbatas in Oriē-
te sedaret. Narses enim modo Armenias, modo Mesopo-

tamiam acri bello quatiebat, & cum eo conuenerant pro-
 pinqui reges ac duces præcipui, rex Scionitarum, & rex
 Albanoru. Priusquam bellum cōtra Persas explicemus,
 non alienum forte erit acerrimi progeniem hostis aperire.
 Regnum in Perside Artaxerxes quidam ex genere illius
 qui per seditionem à militibus regnum accepit, Persis præ-
 fecit. Huius filius fuit Sāpores, Saporis Hormusdas, Hor-
 musdæ Vararanes, huius uero Vararacēs, Vararacis Va-
 raranes secundus, qui Narsen filium regni successorem re-
 liquit. Contra hunc ab Diocletiano missus est Galerius.
 Etenim ipse expeditionem parare cupiebat in Aethiopas,
 si res in Oriente prospere succederent. Galerius iuuenili
 ardore ausus est contra multitudinem congregi, & æquo
 Marte discessit. Inde factus animosior, non longe à Carris
 iterum congressus, paulo inconsultius quàm antea, dū spe-
 rat uincere, superatur, amisso ferè toto exercitu. Itaque re-
 pulsus rediit in Syriam, & inde ad Diocletianum, occur-
 ritque Augusto in itinere, ad quē antea aduersi belli fama
 uenerat. Galerius purpura indutus (nam Cæsar erat) mul-
 le passus ante carpentum indignati principis pedes curre-
 rit, ueluti homo gregarius, & auditus non est. Tādē prim-
 ceptis post minas iussit uti ex lectissimo supplemento exerci-
 tum reficeret, & in Persida rediret, ignominiāque abo-
 leret. Is ex militibus Daciæ, Illyriæ ac Mysiæ, pugnacissi-
 mas copias & robustissimas coegit: & contra Persas me-
 liore auspicio profectus, hostem inuenit in Armenia maio-
 re, qui ex recenti uictoria sumptis uiribus prouincias im-
 perij Romani secūdo Marte uexabat. Maximinus uero ira-
 tum principem placare studens, abolendæque ignominie
 accensus, priusquam manus consereret, hostiū stationes ipse
 habitu gregarij diligentissime explorauit. Interea Diocle-

tianus cum firmissimo subsidio Mesopotamiam concesserat, ut nostris animum, et hosti terrorē præberet. Ibique Cer-
 ausium oppidum spatio ampliauit: mœnibus et turribus
 inexpugnabilibus muniuit. Galerius cum X X milibus e-
 quitum ex improviso hostilia castra noctu aggressus, in-
 numerabilium Persarum strage, decus nostrum non mo-
 do ultus est, sed felici usus uictoria, fines imperij longius
 produxit, uetus oraculum falsum esse ostendit. Antiquissi-
 mi uates cecinerant Romana arma Cæsiphontem trans-
 ire nefas esse, et duces qui ausi fuissent, pœnas darent. Pu-
 tant M. Crassum id cogitantem cum exercitu perijisse. M.
 Vlpium Traianum transgredi ausum, Italiam non repe-
 rijse: et quinque provincias trans Tigrim statim amisisse:
 satiusque fuisset iter non tentasse. legiones longu labo-
 re attriuit, et ferè consumpsit: et quamuis uictor longius
 produxerit terminos, tamen non multum profecit, nescio
 an sic uolētibus fatis, an culpa successoris Hadriani. Cæ-
 siphontem cupiens transire superato Tigride Valerianus,
 ab Sapore rege Persarum captus est. Verū Odenatus Pal-
 myrenus uictor Romanæ maiestatis, Cæsiphontem usque
 trans Tigrim peruenit. Carus imperator exercitum Pro-
 bi Sarmatico bello late uictorem duxit in Persida, hostile
 regnū uastauit. Seleuciā cinctam Euphrate, quam olim
 ceperat A. Elius Verus Antoninus, expugnauit. Deinde Cæ-
 siphontem, et longius progredi uolentem, uel morbus, uel
 ictus fulminis cælo turbido et coruscante absumpsit. Ga-
 lerus de quo nunc sermo est, totam Assyriam expugnata
 Cæsiphonte cepit: et quinque provincias Transhgritanas
 quæ statim redeunte ad nos Traiano, defecerant, subegit,
 et imperio adiunxit. uictor redijt ad Diocletianum, et
 post imperauit Augustus. Illud sanè constat, numinū ora-

cula bona ex parte uana, et fidem raro implere: et si quando euenerit, uix intelligi, et saepius eludere credentes: adeoque praestat rationibus et experimentis, atque consulto res aggredi: etsi in rebus bellicis fortuna plurimum sibi iudicat, tamen credibile est etiam uirtute augeri atque ampliari, ut in propagando Rom. imperio facile animaduertere licet. Nam si de rebus futuris certa starent uaticinia, uirtus pro nihilo esset. Non eo inficias caelitus nostra gubernari: uerum sapiens non uano consilio malis aduersa effugere potest: inconsultum et insipientem prosperi successus praetereunt. Illos uero non audio (ut in iuta Maxentij post dicemus) qui ad magarum monitus ac diuinationes res omnes componunt. Praeter hoc quod diulgatum iam erat, aliud occurrit augurium. Aciem explicanti contra Narsen Maximino, leo et aper trucidati oblati sunt. Tages aruspicum princeps, uisum leonem exitialem pugnaturis putat. Verum et haec, ut oracula, saepius uanescunt. In Maximini uictoria fugatus et uulneratus Narses, quem uictores usque ad inuios Parthiae montis persecuti sunt, regis proles ferè omnes et uxores et sorores et praesunt, pleraque Persarum nobilitas abducta, reguli ductisque et triumpho tam illustri reseruata: et quamuis per legatos ab rege conualescente petita, promissa tamen, sed non statim restituta. Ictum uero est foedus, ut Persae ab Armenijs, Mesopotamia, Assyria, et quinq; nouis provincijs abstinerent. Diocletianus rebus toto Oriente compositis, Europam repetijt: ubi iam Scythae, Sarmatae, Alani et Basternae iugum subiuerant una cum Carpis, Cattis et Quadis. Admonendi sunt qui legerint, pro Maximino in quibusdā codicibus Maximianum esse, et hoc, qui è marmoreis epigrammata exscripsere, satis indicant, scilicet simul

imperasse Maximianum & Constantinum, & deinde Maximinum & Severum: errorque est aut ab librarijs, aut ab his qui ex lapidibus accipere. Nos uero confusi decernere non audemus. Aera lapidesque indicabunt. Sed in eo summo opere haeremus, quod priori Maximiano praepositur Hercules, posteriori Galerius, dumque incerta aura ferimur, sit hic Constantij collega Maximianus. Anno postquam haec scripseramus, Seraphinus antistes sancti Petri à unculus, & Vilelmus Heda Alphinius commercio literarum mihi ualde familiares, & antiquorum monumentorum diligentissimi indagatores, cum urbem Romam repeterent, secum attulere epigramma in agro Forosempronienſi ex saxo quadrato exscriptum: Aeterni imperatores Diocletianus & Maximianus Augusti: Perpetui Caesares Constantius & Maximianus pontem Metauro. Romae in templo Vestae nuper reperto ad forum Rom. in quadam marmorea basi, Dedicata XIIII Cal. Ian. Constantio III. & Maximiano III. Caess. Coss. Curate Aur. Niata. Alias plures. Quoniam hac uia multum proficimus, studiosis consulendum arbitramur, uti perquirendo his uestigijs assistant: quod si fecerint, sciant uelim & se nostrae linguae plurimum collaturos, & laboris gloriam consecuturos. Ex barbaris multi adducti captiui, qui non fuere securi caesi, sed post triumphum in Romani imperij finibus positi, ut una cum ueteribus incolis habitarent. Regiones enim assidue incursionibus uastatae ferè in solitudinem ierant. Rediere ex diuersis partibus orbis ad urbem principes seniores, quorum auspicijs limites imperij Romani longius producti atque prolati.

Magnitudo imperij Romani.

Ab ortu usque ad Indos propagati imperij fines, non

Euphrates, non Tigris uetere, non superbæ regum Persarum nunc. A meridie Aethiopes per legatos accersere: ab Aquilone barbaræ feræque nationes Sarmatarum domitæ: ab Occasu Gessoriacus oceanus admirabilis uictoriæ testis est, simul et Britannicus. Igitur toto terrarum orbe undique Romana arma illustres uictorias assecuta, socijs lætitiâ præbuere, rebellibus metum, terrorémque pugnare cupientibus. Porro Persæ armis Rom. cedere confessi intra positos terminos se tenuerunt. Post tot uictorias maximus triumphus ab senatu decretus, et inclyta cognomina principibus indita ab deuictis populis. Diocletianus uero Romanorum principum uictoriosissimus, diuinos honores imperatoribus Augustis habendos præcepit. Nam cum priores ut consules salutarentur, primus ipse uoluit adorari, uelut in eo esset cælestis maiestas. Persarum iste mos, quorum princeps rex regum appellatur et adoratur, fratrem Solis ac Lunæ se nunciâns. Imperatores antea manus exosculandas nobilibus præbebant, post suis manibus subleuabant ad oris osculum. Vulgus genua exosculabatur. Diocletianus edicto sanxit, uti omnes sine generis discrimine prostrati, pedes exoscularentur: quibus etiam uenerationem quandam adhibuit, exornans calciamentis auro, gemmis et margaritis. Quod fecisse ante Caium Caligulam memorant: eundem ornatum immiscuit uestibus, ut augustior esset: et cū contentus esse debuisset, quibus priores fuissent insignibus, quæ Priscus Tarquinius accepta ab Hebrusis induxit, reperit ex ipso habitu, uti Deus haberetur, maioreque sumptu uanam Arsacis gloriam superare. Itaque ueste gemmata, et aureo gemmatoque curru, cum imperij cōsorte triumphauit, ingenti seculorum pompa, ante præcinentibus et saltantibus lætitiâ militibus, quibus libertas erat

scœmmata in ipsos effundere triumphantes. Ipsa quidem
 fœcula primus ostendit Romulus: qui ramum quernum
 manu cepit, in quo cæsi Acronis regis Ceninensium opi-
 ma Ioui Feretrio in Capitolium tulit. Fœculus apud uete-
 res ferebantur spolia cæsorū hostiū sanguinolenta. Post-
 quā arma Romana longius prouecta uicere, fabricata fuê-
 re cum signis & monimentis Victoriæ, quæ possent mani-
 bus militum ferri. Inferebantur ferè omnes triumphi uia
 Appia, porta Capena. Ea enim uia ampla, & VII I mil.
 pas. ab urbe frequens ex utroque latere habitata, & inde
 in Capitolium rectum & amplum iter. In quo lignei pri-
 mum, continuîque arcus, post marmorei columnis suffulti,
 unde multitudo satis commode triumphum spectare pos-
 set. Cuius ordo non semper idem, uerum qui tum fuerit ta-
 lem accepimus qualem Diocletianus cum consorte habuîs-
 se memoratur. Tempia deorum immortalium tota urbe
 patebant, ornata sertis ac floribus, spirantia Arabis odo-
 res, itinera ubique repleta pinguibus mensis, & lætis po-
 culis, ut fessi uictores se recrearent. Præferebantur in ue-
 hîculis tabulæ, signa, colossi, hostium galeæ, thoracæ, ocreæ,
 peltæ, scuta, uexilla, pharetræ, tela, arcus, enses, frenæ, &
 equorum picturata strata, opes, tapetes, & quæ pretiosa
 & digna spectaculis, deuictis hostibus allata erant: & mo-
 do ex Oriente, ut puta Assyrijs ac Persis, tentoria, & ex Ba-
 bylonico opere multa. Post ingens hominum grex, qui in
 uasis ferebant aurum argentumque & purum & signa-
 tum. Singula uasa ualidi iuuenes humeris ferebant. Post
 argentei crateres, pelues, phialæ, calices, uestes, & tota re-
 gia supellex, & uasa ex solidis gemmis. Hinc fœculorum
 multitudo, & hos sequebantur tubicines bellium clango-
 rem intonantes: deinde boues auratis cornibus, quorum

medios uitæ cingebant: necnon et frontibus uittatos ad sacrificiū sustinenti popæ, hoc est ministri agebant. Sequebatur et alij ministri cum argenteis patinis: regia dehinc proles uxorēque et nati et sorores, cum pincernis seruisque ac nutricibus, et pleraque Persarum nobilitate, patrio more uestiti omnes, sed pullati. Spectantium oculos, etsi hic impleuit numerus, tamen lætiores reddidere tabulæ duæ: altera ipsam Persida ostendens suppliciter tollentem manus, et exorantem à P. R. gentiū uictore ueniam: altera Narsen regem fugientem conspiciendum præbebat. Post ingens captiuorū turba satis mæsta, in qua fuerunt Scytharum et uariarū gentium duces, qui lachrymas effundebant. Præferebantur aureæ coronæ, et munera uictori dono data. Propius currum præcedebant homines stipitibus sudibusque accensis, qui turbam submouerent. Post triumphantū currus ex auro et lapillis pretiosis, quæ traherent quatuor equi candore certantes cum niue: in quo sellæ curules duæ ornatae gemmis, in quibus sedebant principes terrarum: triumphantū caputibus imminebant Victoriæ alatae. Diocletianus (ut cæteri antea) una fuit corona ex lauro cōtentus, simili et collega. Reges uero Persarū tiarā, qua utebantur, tribus coronis exornabant. Currū sequebantur captiuitate liberati, raso capite et pileati, deinde equites laureati. Illud etiā lectorem ne fugiat, arma uictorum fuisse in triumpho laureata: et qui triumphabat, ex lauro coronam, cum peruenisset in Capitoliū, post sacrificia ponebat in Iouis gremio. Primi triumphi fuisse currus, clypei, arma horrida, et si olia perfusa sanguine. Bello Punico secundo, M. Marcellus deuictis Syracusis ostendit opes, et signa intulit et deorū simulacra: in quo reprehensus est ab Q. Fabio Max. quod relinquere debuisset deos suis ira-

tos, ut ipse prius fecerat de Tarentinis. Verum inualuit consuetudo Maralli. Nam longe antea captis Veijs, M. Furius Camillus Veientanam Iunonem intulit urbi.

De Triumpho & Ouatione.

Peræpretiū est cognoscere hoc in loco quid sit Triū

phus, quid Ouatio, & unde sint factæ uocæ. Non solum chorographia, sed etiam interpretatione uerborum, historia ornatur: licet primum simplex fuerit narratio & nuda, tamen non caruere laudibus qui exornauerunt. Triumphum primus mortalium post Indicam uictoriam ostendit Bacchus, nomēque ab re inditum est. milites eius folijs ficorum quæ ῥοία dicuntur, uultus coeperunt, iambos & scommata canentes, quæ sunt licentiose dicta, mixta salibus in eum qui triumphat. Post uero milites usi fuere rythmis. Scribunt alij triumphum dictum ἰν τῶν τριῶν, hoc est tribus uelut ordinibus, senatorio, populari, & militum, ab quibus celebris est triumphus. Cognomentum Baccho triumphanti inditum M. Varro tradidit. Vnde clamabant omnes, Io, Triambe Bacche Io. Nos conuertimus in triumphū: & Ro. milites dicebant, Io triūphe, Io triumphhe. Tradunt & scenicos, priusquam ora fecibus tegerent, folijs ficorum usos fuisse. Triumphus uero nō idem ualet quod Ouatio. Donutis multa cæde hostibus habebatur triumphus, & boues cornibus auratis mactabantur, & bos ipse qui mactabatur in triumpho, triambos etiam dictus. Cum uero hostes sine pugna & sanguine cum duabus nostris conuenissent, quoniā res peracta sine cæde esset, Ouatio erat. Pedes ingrediebatur urbē, qui sic uicisset, sine ferculorum pompa, myrto coronatus, unā cum militibus: quia ea arbor dicata Veneri, quiescere ab armis ostendit. Tibicines ouantem præcedebant, quæ pacifera

choreæ instrumenta sunt. In sacris mactabantur oves, unde Ouationis nomen. Modo de triumpho æturiæ decernebant, & comitia erant æturiata, modo senatus. Primus Romanorum qui quadrigis urbem muctus est, fuisse Priscus Tarquinius memoratur. Sunt qui malint P. Valerium Publicolam. Prima ouatio data est P. Posthumio Tuberto, qui fuit collega Menenij Agrippæ Lanati: & huic triumphus datus. Ille primum contra Sabinos re male gesta liberatus est ab Agrippa, in altero prælio causa uictorie fuit. ita cum ambobus honos haberetur, senatus huius laudis decus excogitauit, ut non sella curuli, sed pedes cum exercitu exciperetur. Verum sanguis in ea uictoria, & nostrorum & hostium effusus est. Post uero ouationem his dedere qui conuentione uicissent. In triumpho clangor tubarum, in ouatione concentus tibiarum: ille Martis, hic Veneris est. Illud etiam huic loco addendum puto, quod Romani profecturi ad bellum Nemese sacrificabant, & munus gladiatorium edebant, quod non sine ratione factum arbitramur.

De Nemese dea.

V Irgo & uictrix Nemesis numen fuit, quo qui ex malefactis delinquebant, puniebantur. Vnde uictores Nemese non frustra inuocabant. Romani enim semper iusta mouere arma. Ceteræ nationes odio & maleuolentia liuoræque, quod imperium tantæ urbis insidia aueretur, tela in populum Romanum capiebant. Nemesis, quam plerique existimauere esse uim fortunæ, alij filiam iustitiæ, alij uim quandam esse inter cælestes discurrētem, prima rerum semina, quæ fatorum & sortium uires temperat atque emendat, rebus humanis trutinam adhibens, è cæloque terrena despectans, nocentes punit, bo

nis præmia largitur: & cum sit uelocissima, quia diu non permittit impios præesse atq; grassari, alata fingitur à ueteribus, & eius pedibus supponitur rota, cum citissime discurrat. Sed tandem multitudine scelerum indignata, oculos iandiu ab rebus humanis auertit: & cum genitrici in remotiore parte cæli, ultra terrarum regiones non reditura, renascentem urbem expectat. Rhamnusia est appellata ab Rhamnunte oppido Atticæ regionis, ubi templum & simulacrum habuit: & ab Adrasto Adrastia. Roma templum huic deæ posuit in Capitolio, ut inde suam urbem posset ulcisci: ludos uero gladiatorum, ut effusione sanguinis non expauesceret. Quidam tradunt hac specie pugnarum uelut deuotionem fecisse pro futura uictoria. Triumphauerunt autem uictoriosi & felices Augusti anno imperij **XVIIII**. Post tantam felicitatem, cum haberetur gloriosissimus principum Diocletianus, secum sæpenumero cõtemplans fortunæ mobilitatem, decreuit imperio se abdicare, & in priuatam secedere uitam. Gestorū Pompeij admonitus ueteranus princeps, cum quisque de rebus futuris ambiguus sit, nõ expectauit incertæ uicissitudinis aleam. Raro enim permanent usque ad exitum successus. etsi in primo Augusto fuisse uideantur, tamen & acceptæ in Germania clades, & domesticæ libidines, hominis felicitatem turbauere: & (quod munus fieri debuerat) Liua uxor uenenatas porrexerat ficos, ut cunctantem in sene animam citius educeret. Scribunt quidam duces post triumphum solitos se otio dare, & laudibus efferunt M. Catonem, postquam de Hispania triumphauit, non quiescente, sed foro & publicis negotijs incubuisse. Quod si in Diocletiano quis obijceret, longe aberraret. Neque enim honor triumphi, neque ætas imbellis, sed metus rerum humanarum, quæ aut

rarissime, ut nunquam cōsistunt, imperiū deponere su-
 sit. Eius etiam cōsilio ferū et asperum ingenū Maximia-
 ni, qui solebat in omnibus collegæ non repugnare, acquie-
 uit. Igitur eodē die (nam ita conueneram) Iouius Nicome-
 diæ, Herculiū Mediolani, rem monimētis Romanorū in-
 cognitā, et ne potibus non minus dignā memoratū, quā
 admirabilē peregerunt. In quo Iouij animus uerā phi-
 losophiam est imitatus, affirmans tunc illuxisse diē, et ha-
 buisse uitæ principiū, quod magnis molestiis esset libera-
 tus. Philosophi asserunt, dominatum appetere non esse sa-
 pientis hominis. et id cogitasse Augustum scribunt, sed ue-
 titū ab amicissimis. Et M. Aurelius imperiū molestias uo-
 cabat. Tamē ambo se excusant, et rē laudabilē ab amicis
 impeditā dicunt. Verū ille sibi uixisse testari potest, qui
 priuatus, sine rerū publicarū cura, et studio otio, et rei
 rusticæ felicissime indulgit. Stimulus collegæ ut imperium
 undā repeterēt, cōtradixit, differuq; se peste liberatū, nolle
 amplius uenena imbibere, satis se pro Republica elaboras-
 se, et tēpus appetuisse ut sibi uiuat: et uixisse nō posse te-
 stari, nisi postquā in patria sua, hoc est Salonis, holera se-
 uisset. Cum ille res angustas pro ea dignitatē quæ præces-
 serat, obijceret, respōdit non esse turpe homini qui summū
 bonū in animo posuerit, honestam profiteri paupertatē: ex-
 emplōque ueterum, et præsertim C. Fabritij castam opi-
 nionē confirmabat. Vocatus ab Cōstantino atque Licinio,
 excusauit per literas senectuti minime licere. Cūque illi
 ægretulissent, rescripserunt se non admittere excusatio-
 nem, quod fauisset Maxentio ac Maximiano. Trebellius
 Pollio meminuit Diocletianum dicere solitum, cum in priua-
 ta esset uita, Nihil esse difficilius quā bene imperare.
 Nam quisque pro uoto de principe loquitur. Ad hæc, prin-

apē cubiculo cluſum uera minime noſcere, aures ſuis præbere, & horū uerbis accendi ac ſedari, magiſtratus creare: denique ſit qui imperat bonus, ſit cautus, ſit optimus, omnino uēditur ab aulicis, ac decipitur. Et interrogatus quæ eſſet potiſſima in principe doſ, reſpōdit, Liberalitas & clementia. Hæc cum Aureliano deſuiſſet, aſſerebat duā eſſe debuiſſe, non principem: aſperitatēque colligæ imperator ſepius deſteſtatus. In eoque ſummopere ſtudiuit, ut liberalitatis & clemētiæ cognomen aſſequeretur. Vnde, ut mihi uidetur, Iouius appellatus. Nam qui inuat, largitur & parcit. Ius uero, ab quo clementia abeſt, crucē ueteres appellauere. Vixit Diocletianus annis duodeceſſiginta. imperauit annis XX. Manſit priuatus Salonis annus X. Scribunt quidā ſtupore mentis, & lōgā ægitudine conſectum, animam inter ſuſpiria effluſſe: quidam hauſto ueneno interiſſe, quidam decreto ſenatus perfracta gula occubuſſe. Id ego exiſtimō de Herculio accipiendum eſſe, non de Iouio. Quoniam cum pœnituiſſet Herculum aſſenſiſſe colligæ, & inde animum hominis non flexiſſe, contulit ſe ad urbem, ſimulans filio ad gubernacula auxilio fore. milites indignati ſunt, quōd ea tentaret, ſtatimque ſubiunxit ſe hoc figmento uoluiſſe experiri an milites Maxentium amarent, unde tumultū ſuppreſſit. Inde profectus eſt ad Conſtantinum generū ſuum ex Fauſta, quæ in Gallijs erat, & clanculū quærebat genero inſidias. Res aperta eſt uiro per uxorem, quæ patri maritū prætulit. Itaque iuſſu generi captus Maſſiliæ, ſtrangulatusque eſt. Hunc finem meruit Maximianus ſeuerus, aſper & immitis: qui ubi colligæ obtemperauit, priuatū unēdi ſtatim ſequi debuit. Diocletianus, qui ab tanto rerum culmine ſceſſerat, nullius cōſilio adduci potuit ut pœniteret. Igitur priuatus

cum esset, post mortē inter Diuos relatus est. *Thermæ eius nomine Romæ sunt consecratæ, & Maximiani Herculi Carthagini. Thermæ nominis Diocletiani inchoatæ fuerunt à ueteribus principibus, & cōsecratæ ab nouis Augustis Constantio & Maximiano. Diocletianus igitur inchoatū opus absoluerat omni cultu perfectum. Secuti principes posuere ibi statuas, & seniorū & nouorum imperatorum: quorum capita integra, & fragmenta reliqua corporum erui ex subterranea testudine, uelut ibi post ruinas thermarum conseruata, uidimus: & partim in Capitolium delata, partim Florentiam missa. Constantius & Maximianus multi Augusti, Seuerus & Maximinus Cæsares thermas ornauerunt, & Romanis suis dedicauerunt. Sine in nominibus ambiguitas diximus. Hæc didicimus ex fractis marmoribus ibi effossis, in quibus & tituli uictoriarum Maximiani Herculi in hæc uerba: M. Aur. Val. Maximiano inuict. Aug. Pont. max. Sarmatic. Max. Gothic. max. imp. VII I, COS. III I. P. P. proconsuli.*

Et item Viennæ Allobrogum sic,

D. D. N. N. imp. Cæs. C. Aurel. Valerius Diocletianus P. P. inuict. Aug. muris Curalonensibus ædificijs prouidentia sua instituit.

Tis. atq; erectis portâ Viēnensiu Herculiâ uocari iusserūt. Et in frōte alterius portæ urbis idē epigrāma in fine sic:

Portam Romanâ Iouam uocari iusserunt: nam Diocletianus Iouius est dictus, & Maximianus Hercules. Iouius & Hercules ab Gallis adeo dilecti, ut ab eis duo populi nomina sumpserint, Iouiorum & Herculiorum, & Viennenses duas urbis portas, Iouam & Herculiam appellauere, ut epigrāmata docent. Porro Diocletianus aurei seculi parens, & Maximianus ferrei existimatus.

Constantius Clorus, & Galerius Maximianus.

S Eniores Augusti priusquam se imperio abdica-
rent, Augustus appellauere adnuente senatu, Con-
stantium & Maximianum. Ille natus est patre

Eueropio, Romanæ gentis nobilissimo, qui genus ab Aenea deducebat, & matre Claudia Claudij Augusti filia, ut Gal-
lijs, Hispanijs, Italiæ, & Africa præesset: hic ut Illyrico Græciæ & Orienti imperaret. Constantius natura mu-
tissimus, & diuitiarum spector, administrationem Africæ & Italiæ recusauit: quod existimabat ab uno tantum pon-
dus minime sustineri posse. Et quoties feriatis diebus epu-
lum dedisset, uasa argentea accipiebat ab amicis ut aba-
cum exornaret. Nam & ipse paucis contentus, ab fictilibus
non abhorrebat. Tanta modestia iuxit, ut facilem & ama-
bilem se ciuitis præberet. Vnde plurimum diligebatur. Eo-
que regnante in Hispanijs, Gallijs, & Alpibus, nulli motus
fuerunt, & hostes populi Rom. ab armis cessauere. In hac pla-
cida quiete ex Theodora liberos suscepit, Cōstantinū, Ana-
ballianum, & Constantium ac Constantiam XI anno ex
quo Cæsar est factus, occubuit, morbo absumptus Eboraci,
sic est oppidi nomen in Britannia, & inter diuos relatus.
Galerius, postquam Constantius Italiam & Africam re-
liquit, adoptauit duos, Seuerum & Maximianum. Illum
præfecit Italiæ & Africa, hūc Orienti. Romæ autē præ-
toriani imperatorem fecere Maxentiū, non abnuēte sena-
tu. qui non ut Augustus, sed ut tyrannus imperauit. præto-
rianis eum ad hanc sæuitiam impellentibus. Aberat ab
urbe Seuerus cum prætoriani Maxentium creauerunt: ad
urbem cito redijt. Sed Maxentiū uires (incredibile dictū)
statim creuerunt. Seuerus impar aufugit: & cum Maxi-
mianum peteret, qui in Illyrijs erat, Rauennæ captus cæ-

sus est. Ab cuius cæde Maxentius gloria elatus, ciues Rom. libidinibus primum, inde cædibus uexare cœpit: hinc odio haberi cœptus est. Maximianus cum accepisset de morte Seueri, consortem imperij legit Licinium Dacia oriundum, qui genus suum ad Philippum Augustum referebat. Qua de re in monumentis publicis illius nomen adoptauit, dictusque est Marcus Iulius Licinius Licinianus: quoniam proauus, ut ipse dicebat, fuit Marcus Iulius Philippus. Licinij uirtus in re militari bello Persico contra Narsen Maximiano cognita ante fuerat. Hic Licinius fuit qui subuertit in Perside tumultum Gordiani, quod titulus uidebatur progenitoribus suis iniuriam facere. Multa tamen præclara gessit & priuatus & Augustus. Maximianus relicto in Illyrijs Licinio, Romam proficiscitur pugnaturus contra Maxentium. In itinere cum acciperet de futura militum defectione, qui ita conuenerat, si cum Maxentio conflixisset, Illyriam redijt, & iam pœnitebat legisse Licinium. Incidit postea in morbum, ulcus inguinibus innatum uirilia exedit. Marcescente tota illa corporis parte, uermes pullularunt, remedia deerant, medici desperauere: & si erant qui noua tentassent, admo-uere manus non audebant, metuentes ne à sæuissimo principe occiderentur. In hoc cruciatu cum esset, suspicatus est ob sæuitiam in Christianos id perpeti. Vnde renouauit decreta, & superinduxit, illos accersiri iubens ut pro salute principis orarent. sed pro truculento & sanguinolento homine preces non ualuerunt: si enim cõualuisset, rediisset ad solitam crudelitatem: itaque ex eo morbo perijt, homo gloria rei militaris illustris, uerum sæuitia in Christianos crudelis. Vnde fœdum exitium habuisse creditus est. Regnauit solus annis II: cum Cæsaribus & imperij consorte

annis XVI. Aduersus Licinium Maximianus in Oriente res novas molitus, oppressus est: & ne uiuus caperetur, se strangulauit Tarsi. Imperauit annis VII. Et is contra Christianos toto Oriente, si non truculentior, tamen non inferior Maximino fuit. Interea bona pars nobilium Romanorum per clandestinos nuntios Constantinum, qui in Gallijs imperabat, exorant uti urbem Romam, imperij caput, tyrannide liberet: qui sepius accersitus, tandem cessit precibus, & uix quarta parte exercitus Italiam petijt. Maxentius asperitate similis Maximiano patri, seuitia Domitiano & Commodo, plerosque claros uiros occidit, bona accepit. Noua uestigia inuenit, in occidendo & omni uia exigendo pecunias inexorabilis factus. Huic etiam mulieribus stuprandis libido inextinguibilis. Captus amore nobilissimæ & castissimæ fœminæ, misit ad eam ministros libidinum, quos solos aulicos habere consueuerat, quibus cum de Repub. consultabat. Vir puellæ metu mortis abduci non uetabat uxorem. Illa quæ Christiana erat, petijt se ornandi tempus, & impetrauit: ingressa cubiculum sibi manus iniecit. Illi cum torquerentur mora, irrumpunt, & rem uti euenerat ad principem referunt. Quo exemplo plures appetere non est deterritus, sed magis accensus. Accepto nuntio de copijs Constantini, quæ Italiæ fines tenebāt, exercitū educat. Quintus erat annus imperij Constantini, qui multis prælijs Maxentij conatus plerisque in locis, præsertim in foro Iulij fudit. Postremo coacto exercitu intra mœnia urbis se continuit Maxentius: & cum nihil unquam gesserit sine responsis muliercularum, consuluit magam de belli exitu. Illa omnia prospera naticinabatur, admonens ut cæsis infantibus prius aduersa numina placeret. Ad hoc diem & horam dedit, quando educturus esset

exercitum, & manus conferturus. Qui sacris peractis rem pro magæ consilio egit, uictus tamen est ad pontem Miluium magna strage. Ipse seu fugiens, seu numinibus magice uanitatis actus, in Tiberim unâ cum equo insiluit, submersusque est, & nusquam inuentus. Cædæmones corpus animamque ad perpetuos cruciatus retulere. Scribunt alij conantem euadere, gurgite fluminis haustum, & imis retentum arenis ac limo: Sunt qui referunt Tiberinum patrem indignatum deuorasse, & statim euomuisse, & caput recisum, adhuc sæuitiam ac libidines præseferens, spectaculo fuisse ante currum uictoris. Hunc exitum Maxentius meruit, magicis artibus quàm imperio aptior. Sæuius in cæteros, sibi non pepercit. Quicumque magos consulit, & uaticinia aut auspicia rebus gerendis quærun, semper sunt anxij, & nūquam, inter metū & spem audi futurorū, quiescūt. Si illi prospera nuntiāt, mani & uana spe iam tū lætari incipiūt: sin cōtra, repēte tristitia affecti torpescūt. Heu miseris mortaliū imbecillitas ingenij, & mens stupida huc illuc distrahit atq; suspēdit. Insana sanè sunt documenta, quæ nostra credulitas excogitauit ut acrius torqueremur. Utinam faceretur à mentibus hominum tale figmentum, quod esse falsum & nullius momenti etiam maiores nostri tradiderunt. Maxentius filiūne Maximiani, an suppositus uxori simulanti partum ut charior esset marito prolem cupienti, ad nos qui tam remoti ab illo seculo sumus differere non pertinet. Verum & hæc sunt prætorianorū mulitum semina, rapere, stuprare, necare, mædere: satis edocti, quorū scelera in donata abhorrēdam fecerāt cōsuetudinem. Stipatores & custodes principū, ipsos principes ad omne genus sæuitiæ armabant. Hi primum uenale imperium proposuerunt. Quid ijs ducibus ausa

non est insania Commodi Antonini? quid turpe atque crudele non excogitabat præfectus prætorio, etiam de capite principis decernens? Horum iudicio AELIUS PERTINAX uir bonus, & Reip. utilis, cæsus est. Quid dicam de Balbino & Pupieno, quorum armis fluctuans Resp. constiterat? O Romule parens urbis, quid te profecturum credidisti, cum auspicato hos celeres primus legisti? Male auspiciatus es, eos constituisse, qui opus tuum perdituri essent. Sed querimonie in alia tempora differantur.

M. Iulius Licinius Licinianus.

Licinius in Dacia natus, parentibus agricolis, & ab ijs puer nutritus (utinam inter rusticos cum aratro & sarculis consenuisset) extrema pueritia militauit, promotusque tribunus militum bello contra Narsen, qui primus Armeniam Romanis ablatam Persarum iuri ascripserat, optime se gessit. Vnde duci semper postea gratus fuit. Mortuo Seuero, Maximinus ab uirtute rei militaris consortem imperij fecit, & Augustum appellauit. Prius Illyrijs, post Orienti præfuit. Literarum acerrimus hostis, asserens uenenum ac pestem reipublicæ esse philosophos & oratores, quos odio præcipue habuit, & mirifice insectabatur. Literarum enim adeo expertus ut nomen decretis uix subscribere posset. Sectæ etiam simplicium Christianorum minime parcens. Iure igitur Constantinus contra Liciniū uires Gallicanas & Italicas expertus est. nec affinitas prohibuit, & Liciniū ingratitudo ferenda nō erat. Nam Galerij liberos ad fines iure sodalitatis & consortij interfecit. Sunt qui scribant Licinium in nuptijs, ut Constantino gratificarentur, milites appellasse imperatorem, & ab Constantino missum contra Galerium. Sed uerisimilius est imperatorem factum ab Galerio, ut simul &

hostilitatis literarum, & ingratitude accusari posset. Primum congressus fuisse in Pannonia, ubi uictus concessit in Macedonia: ibique reparantem vires, & magnas copias cogentē improuisus Constantinus adortus fudit, copias dissipauit in Thraciam, fugauit in Asiam. Conuenere duces, fœdere tamen incerto, modo pax, modo bellum erat. Culpa datur ab historicis Licinio, qui sæpius tentauit fortunam, ac propterea infidus: tandem & naualibus & terrestribus præliis uictus, deditionem Nicomedie fecit: missusque est Thessaloniam: ubi homini maligno, & musarum hosti, etiã contra sacramenti reuerentiam minime fuit seruanda fides, ut deditus esset, & priuatus uiueret. Occisus est à militibus, meritisque luit pœnas, homo septuagenarius & uecors. Imperauit annis quatuordecim, & nequa turpitudine careret, Christianis aduersabatur, sæpiusque rogatus à Constantino, non destitit. Hinc semina discordie fuisse memorant. Scribunt quidem ante deditionem Constantiam uxorem concessisse ad fratrem, & orasse pro imperio mariti, deinde pro titulo tantum, & non impetrasse: cum pro salute precaretur, flexisse animum fratris. Ita Licinius, qui annis sedecim præfuerat, iussus est sine purpura & insignibus ad Constantinum uenire, missusque est Thessaloniam ut illic priuatus cum uxore degeret. Imperator scripsit ad senatum ut de Licinio quod agendum esset, consuleret. Senatores rescripserunt ut milites decernerent. Quod ubi nuntiatum est, proficiscentem Sertas Licinium interfecerunt. Opinio fuit immorantem Thessalonice Licinium, misse consilium de resumendis armis, & ideo missos interfectores. Ab Christianis historicis quod traditur prætereundum non puto. Ad Adrianopolim cum pugnaret contra Licinium, fertur Constantinus ui-

disse duos equites cædentes legiones hostium, & in agro Byzantino uidisse lumen satis coruscans supra castra. Et antea cum certamen fuisset ante oculos urbis contra Maxætium, conspexisse in aere crucem irradiantem suas legiones, quibus signis ubique cælitus uictoriæ data est. Eadem uera esse quis est qui ambigat? Vetustas enim persuasit Castorem & Pollucem his hostes imperij Romani profligasse, bello Latino, & bello Macedonico. Utinam qui pugnant, certa starent erga Deum fide. Sed præliandum esset contra hostes fidei. tunc signa certæ uictoriæ nostris turmis & cohortibus diuinitus mitterent. Sed quoniam semper bello ciuili occupantur Christiani, & odio intestino pacem inuenire non possunt, & quandiu hæc rabies erit, non cessabunt furta, rapinæ, raptus mulierum & puerorum, cædēsque sine discrimine ætatis & sacerdotij reuerentiæ, uastationes agrorum, direptiones urbium, atque euerisiones: & templis minime parcunt, uiri sacrilegi quiescentes mortuos turbant, audi sanguinis ciuilis ac prædæ: mali demones sic implicuere nostras mentes, ut relictis ueris hostibus, quos longa pace frui permittimus, in nos, nostrorumque membra armatas & sanguinolentas conuertamus manus. Bassarides Bacchi numine concitati in furorem, se inuicem non trucidabant. Agauæ quæ non fœminam bacchantem, sed irreligiosum filium trucidauit, ubi ad se rediit, secessit in antrum, & locum pœnitentiæ dedit. Ac nos nunquam cædis pœnitet. Imo existimamus ad laudem & gloriam accedere quamplurimos interficere, ac si hostes non ciues essent. Culpâ di ne sint principes, qui ad tam perniciosum facinus stypedia soluant, iudicant alij. Illud uero ausim dicere, Christianos omnes sub uno signo. Crucis militare, & nostram religionem unicam esse Remp. unicam

ipsius Dei urbem, cuius nos ciues sumus, & bellum inter nos esse non posse, nisi ciuile. Iusta arma nostro seculo inter tot reipublicæ Saluatoris nostri reges ac duces, unus Ferdinandus rex Hispaniarum mouit, cuius ingenta uirtus diuinitus adiuta, uictis, fugatis, partim cæsis, & partim sub iugum actis hostibus, palmam diuinæ & immortalis gloriæ inuenit. Utinam Deus felices proroget annos, ut sedatis motibus, quos omni uia placare studet, ad laudabile & sanctissimum redeat opus, unde plures coronas quas meretur, sibi atque uxori latius uindice. Tam satis comode digressi sumus. Licinius laude nõ caruit in eo, quod appellare solebat eunuchos & secretiores aulicos qui fumos uenderent, tinea & mures palatii.

Marcus Flavius Valerius Cōstantinus Maximus Pius
Felix semper Augustus, Constantij Pij filius.

Constantinus natus est in Britannijs, patre Constantio, matre Helena, quam uir coactus fuit repudiare, ut Theodoram priuignam Herculi duceret. Extremam pueritiā, quam parens literis, moribus, & re militari fouendam præbuerat, egit sub Galerio Maximiano in Oriente: ab quo iam adolescens nussus est cum exercitu contra Sarmatas, gentem ferocissimam, cædibus hominum assuetam. In ea expeditione iuuenulus plusquā promitterent anni, gessit: & præter opinionem hostes profligauit atque cecidit. Duce Sarmatarū cæternatum ad Galerium duxit: qui ea uictoria minime lætatus est, quoniā adolescentem perdere quærebat, ut olim Euristheus Herculem. Propter eam causam hortatus ut cum leone in theatro pugnaret, Constantinus audax gloriæ, in certamen descendit, feram pertinacissime uicit. Spectatores miris laudibus efferebant: subridens imperator cogitabat maioribus

periculis obviare. Cum intellexisset Cōstantinus insidijs se peti, cum fidissimis quibusdam aufugit, et ad patrem rediit, qui iam antea de filij virtutibus certior factus erat, et spem haud nanam de illo conceperat. Mortuo patre, regnum Galliarum, Hispaniarumque et alpinum Cottiarum testamento relictum accepit. Eum antea pater Cæsarem fecerat, caelesti nuntio admonitus, cum agrotaret, ut primum Constantinum successorem faceret, qui esset ab tyrannis Romanum imperiū liberaturus, et militibus Dei opem laturus. Illud constat in initio sanxisse ut agri, villae, oppida quae ad uictum emeritorum contributa erant, ad haeredes transirent. unde milites sibi magis obnoxios ac deditos reddidit. Prius ex uetere consuetudine, tribunis, praefectis, comitibus et ducibus, qui pro augendo imperio conseruauerant, dabantur agri uillaeque, ut necessaria suppetere quoad uiuerent, parochias uocabant. Cum imperasset in Gallia annis tribus in summa laude ubique erat. Interdum impellente Fausta uxore opinionibus ueterum haesit, et dijs sacrificauit. Acer sitis per literas occultis ferentibus nuntijs ab senatu, Italiam cum parte copiarum petijt. Cum Maxentio conflixit, auspicio fulgidae Crucis uictor fuit, eademque felicitate saepius Licinium superauit. Victo Maxentio, senatus populisque Romanus quod tyrannide liberatus esset, marmoreū arcum triumphis insignem, inter palatium et Caelium posuit, qui nunc mutilatus conspicitur: appellatusque est liberator urbis, et fundator quietis: exceptusque est insigni et triumphali pompa. Haec laurus Italiam dedit et Africam, fuissetque his orbis partibus contentus, nisi Licinius ultimi belli civilis causam praebuisset. Verum iam antea Christianis obesse destituerat, solusque in toto imperio populi Romani imperaret,

cognomen induit Maximi. Quod antea duo inter tot duces ab rebus gestis non accepere: & magni disti Alexander Macedo & Cn. Pompeius. Alexander uero Antonij Pij sobrinus ac filius allatum à militibus renuit. Alexandri uero sobrinus & pater Magnus Antoninus, Pius in monumentis ut appellaretur mandauit. Inditæque sunt & appellationes aliæ, ut puta Constantinus restitutor humani generis, propagator imperij, ditionisque Romanæ, & fundator æternæ securitatis. Ex Fausta Herculi quinque liberos suscepit, Constantinum Constantem & Constantiū, Helenamque & Constantiam. Et ex priore quæ fuit ab eo dilecta, suscepit Crispum. Ante Licinij cædē, cum ille priuatus uiueret, Cæsares treis fecit, Crispum, Constantinum, & Licinium iuniorem sororis filium. Post bella ciuilia militaris gloriæ semper appetens, multis prælijs uicit Sarmatas & Gothos Thraciam diripientes, & omnem ferè Scythicam gentem, quibus & pacem dedit. Barbaræ nationes ob id Augusto deditissimæ fuere. Cōstantinus dum hostes habuit, optimis principibus æquandus: postquam ex omni bello lauream adeptus, insolens factus est, amplo indito Maximo cognomine, & certe non meruit cæde suorum ac plurimorum nobilium. Ferunt Faustam Crispum priuignum, cuius amore capta erat, ad libidinem sæpius tentasse, & renuentem detulisse ad maritum, illum uoluisse uim inferre, & uirum præstittisse si dem, iussisseque interfici: cæsusque est Pola oppido Istriae. post aliquot annos comperta causa, occidisse uxorem. Illud sic uerisimile, insidijs Faustæ circumuentum Crispum occubuisse, ne peritia in militando filijs obesset, & propterea post paulo sublatus est Licinius iunior. Non caruit ex eo quod factum est suspicione Constantinus, quod aliquot

quos nouerat cædis illorum misereri, perdidit. Post quinquennialia quæ Nicomediæ edidit, & deinde data sunt Romæ, liber curis suspiciosus atque molestus, decreuit animo urbem sui nominis ædificare. Et primum in Asia in Sardico agro: post ad Sigæum Troady, ubi fundamenta iecit: tertio transtulit opus Chalædonem, ubi iam muri erecti erant. Sed aquilæ funiculos regulares ter quaterque architectis rapuere, & transnūssō mari abiecerunt Byzantium, periti augurandi illo transferri urbem iubent. Imperator ueluti dijs monentibus mutauit mentē. Itaque translatis Byzantiū architecti, ductis ritæ fossis, urbem in medio spatium condidere. Cōdi cœpta est ante V iduū Maij. Sed postquam immortalī deo sacra ritæ persoluit, conditam urbem Mariæ uirginī, quæ sola est Deipara, consecratam dedicauit. Valenti mathematico cura data ut inspecto urbis horoscopo nuntiaret de eius ætate: ille respondit opus duraturum annos sexcentos nonaginta sex, intelligens quod tandiu futuri principes rebus imperij nihil essent detrecturi, & tandiu consilio senatus Resp. esset gubernanda: post quod tempus tyranni essent imperaturi, qui Remp. dissiparent, & ad priuatos tyrannulorum usus transferrent. Qui totum lac ex hiberibus ouium emulserit, agnos fraudans cibo, prædo est non pastor. Visumque est propter hoc Byzantium antiquum instaurari, quod ab Seuero Pertinacæ ferè totum euersum fuerat trienniali obsidione. causa fuit quod Pescennius Niger ab Antiochenis appellatus Augustus, Byzantium contra opes Seueri bene muniuerat, & firmis præsijs occupauerat. Deinde instauratam deleuere milites Gallieni, ut nullus ex antiquis permaneret incolæ. Vrbs est Thraciæ, Claustra pōtica uocant, in angustissimo freto Propontidis posita, uelut arx

incursionibus barbarorū propulsandis. mœnia antiqua
 ex lapidibus quoquoersus quatuor pedum, ab continente
 præalta, uersus mare magis depressa, sed par undique la-
 titudo. duos habuit portus, utrinque clusos ferreis catenis,
 Et in frontibus eorum eminentes turres. Constantinus lō-
 ge firmius munivit, Et multis monumentis exornauit. ple-
 raque ornamenta tota Asia Et Europa Et Africa ad eius
 dedicationem aduecta sunt. Ex urbe Roma genitricæ Co-
 chlidem columnam porphyriam transferri iussit, Et lo-
 cari in foro lapidibus strato, Et uarijs signis circumdato:
 Et ex Troade æneam statuam Apollinis mirandæ magni-
 tudinis, supposito eius titulo, numinisque sublato capite suū
 accommodauit, columnæque superposuit, necnon Et cla-
 uum tormenti Saluatoris. Statua post multos annos regnā-
 te Alexio, cognomento Comneno, cecidit uolentia uento-
 rum deiecta, quòd tanta moles in illa altitudine consistere
 non poterat. in ipso casu fracta, multos in foro spatiantes
 contriuit. Transtulit ex arce quæ fuerat Ilj, Palladium,
 ut credidit uana superstitio, olim cælo lapsum, Et Dar-
 dani manibus exceptum: scutum id fuisse quidam scribūt,
 ut Romæ ancilia. aliter sentiunt Diodorus atque Dion,
 Palladium signum fuisse lignum Et tricubitale cælo la-
 psam, in Pessinunte urbe Phrygiæ, dextra tenens ha-
 stam, leua colum Et fusum, Et ad eum locum duæ boue
 deuenisse Dardanum, deos rogasse ut signum darent, sta-
 timque decidisse è cælo Palladium. Alij scribunt Chrysen
 Pallantis filiam in Arcadia nupsisse Dardano, Et signum
 Palladus, quod Palladium est, secum tulisse ad domum ma-
 riti, unà cum signis magnorum deorum, qui sunt penates:
 Et hæc translata in Samothracen, Et inde in Phrygam.
 Nec mirū est in Arcadia cōtigisse: nā Et ibi natus est Iupi-

ter in oppido cui nomen erat Creta, è cuius uertice nata fuit Pallas. Sæfichorus & Euphorion tradunt sublatum Palladium ab Ulixæ, & Diomede opera Antenoris, cuius uxor Theano Palladis sacerdos adseruabat. Veteres scribunt urbes omnes fuisse sub tutela Palladis, & eam esse præ cæteris numinibus urbium custodem: & eius sacerdotem Nautium, comitem AEnææ cum in latium nauigaret, eiisque deinde posteros quoad uiguit dea ceremonijs præfuisse. Silius Italicus asserit ab Diomede datū AEnææ. Nostræ historiæ narrant seruatū fuisse Lauini: postea translatum Romam, & asseruatū in tēplo Vestæ. Quid autem id fuerit cum penatibus, multis uerbis differūt nemo tamē uidere potuit. Itaque in ambiguo est an Dardanus an Ilus suscepit, fueritne ligneum an æneum, signū aut scutum: & remansisse Itij, an aduectum Romam, nemo est qui assermet. ubicunque fuerit, inde Constantinus ferri iussit Constantinopolim, & locari in foro. Credibile est fuisse simulacrum, ut uox indicat. Palladis enim statua ubicunque fuerit, Palladium dicitur. Hieronymus ait Constantinū nudasse urbes ut Constantinopolim ornaret: ut in foro Traiani ornando priores fecere principes, nec illic constituere ornamenta sæpius irruentibus Barbaris, præsertim Getis, urbem suam titulis, honoribus, Nearomā habendam censuit, & lege sanxit, illuc deductis multis antiquorum Ro. famulij & liberam fecit, cum antea lege Seueri sub iure Perinthiorum esset. XXX imperij anno tricennalia dedit. In quibus mutata mente cum poeniteret eius quod fecisset in affines, Dalmatium Anaualliani fratris F. Cæsarem fecit, & unā cum filijs hæredem statuit. Hic Dalmatius cum imperasset annis III, factione Constantij in Oriente à militibus occisus est, & eodem anno

multi nobiles cæsi cum Alladio præfecto præet. Cū libelli dati essent de erroribus quorundam episcoporum, manu accepit Constantinus, & proiecit in ignem, asserens nolle de episcopis decernere, ut qui in ea auctoritate & veneratione sint, peccare non possunt. Helena Augusti mater, quæ totam se dederat nostræ religioni, octogenaria diē obiit. Filius in templo duodecim Apostolorum condidit: ibi enim commune sepulchrū sibi posterisque suis fecerat. Iam senex Persis Mesopotamiam diripientibus bellum indixit, paratas ad hoc opus copias eduxit, classēque transuexit. Ipse Sotriopolim urbem petiit, quæ Pythia ante uocata est, ut aquis calidis senile corpus foueret, uiribus pro ætate cōseruādis. Priusquam se ablueret, medici phar್ಮacon dedere. Ministri corrupti pretio (ut scribūt) ab affinis, nocua immiscuere, ille intrepidus poculum ebibit: post paulo incidit in morbum, quo ingrauescente ductus est in uillā publicam prope Nicomediā. Interea Constantinus qui copias omnes Antiochiæ cogebat contra Parthos, cum accepisset de patris aduersa ualetudine, Nicomediā aduolauit ut pater diligentius curaretur. Medicorum fomēta nihil profuere: intrinsecus absumēte ueneno mortuus est, & ab Nicomedia Constantinopolim regale perductum est funus, comitante filio Constantino, & cum genitrice sepultus. Iulianus in oratione de Cæsaribus scribit Mercurium interrogatum à patruo Constantino quis esset modus boni principis, respondisse, Regem oportere multa possidere, & multa impendere. Constantinus in initio bonis principibus similis, post bella ciuilia uelut omni metu liber, contra ius æquitatis plerōsque occidit, minime suis parcens, & liberalitatis Augustorum immemor cœpit esse parcus, & interdum nimis tenax, gloriæ tamen appetens militaris:

rebus gerendis fortunatus & felix : quod prouenisse ex eo fertur, quoniam fidei Christianæ plurimum fauerat: mirumque est quod cum deditissimus fuerit, lauacrū renascentis uitæ in extremum uitæ suæ tempus distulerit, ut existimo, uolens id in Iordane, iturus contra Persas, efficere. Baptizatusque est ab episcopo Nicomediensi. Illud in eo principe laudabile memoratur, quod si quos ex uulgo priuatus dilexit, opibus honestauit, non dignitate prætoria, aut consulari, uti priores principes nulla habita honoris ratione, fecerunt. Cumque fuerit armorum studiosissimus, eloquentiæ expertus non fuit ac philosophiæ, & in differendo satis accuratus. Dicere frequenter solebat, pro utilitate Reipublicæ imperatorem non debere labores recusare: & partem corporis recidendam si remedium non admitteret, sin contrā, seruendam. Ea similitudine notabat malos homines, qui emendari nequeunt. Vixit annis sexaginta sex. imperauit XXXII, minus mensibus duobus. Quidam tradunt Constantinū orbem hæredibus testamento diuississe, quidam filios sorte fecisse.

Diuisio imperij Romani.

Constantino obuenerunt Gallia, Hispania, & alpes
C Coitæ, Britannia, Orcades, Hybernia, Thyle.

Constanti Italia & Africa cum insulis, Illyricum, Macedonia, Achaia, Peloponnesus, Græcia, C. Constantio Oriens & Thracia, cuius caput Constantinopolis. & cum eo Dalmatius imperauit, in omni actione patruo quàm patri similior: sed uirtus obsuit. Nam factione Constantij patruelis, ut diximus, seditione militari interfectus est, cum imperasset annis III, neque prohibente, neque iubente Constantio: sed credibilius est huius clandestino consilio facinus peractum fuisse. Constantinus qui

in Gallia imperabat, minime contentus, legatos misit ad fratres, petens ut fieret noua diuſio: & cum non proficeret, poſt lōgas querimonias ſiſus opibus Gallicanis & equitibus Hiſpanis, & Alpino peditatu, bellum ciuile cōtra ius & fas mouit, & primum inuaſit propinquas regiones. Conſtans tunc erat in Dacia pugnans contra Getas & Sarmatas. Conſtantiuus ad Aquileiam peruenerat. Cuius in agro obuiam ſunt milites à fratre miſſi, qui conatum repellerent, & cum ille longe uiribus præſtaret, quia per ſummum neſas arma ceperat, incautiſſe congreſſitur, lapſuſque eſt in inſidias, quibus exercitus circumuentus in medio ceditur. Equus principis, uulnere iſtus ſeſſorem Cōſtantiinum deiecit. Cum iaceret humi ſine purpura incognitus, multis iſtibus conſoſſus eſt. Imperauit triennio nondum finito. Vixit annis X X V.

Conſtans poſt meritam cædem fratris omni conatu ſuperatis alpiſus, Galliam intrat: uariōque enētu pugnans biēnio partem fratris aſſecutus eſt. Præſuit aliquandiu ut bonus rector: poſt ſiue debilitate naturæ, ſiue amicis ſuadentibus, animum ad delicias flexit: ex quo in leues articularum incidit ægri tudines, quæ hominem reddiderunt difficilem, moroſum, aſterum: unde factus eſt prouincialibus grauis, & militibus illiberalis: ea cauſa ſeditionem peperit. Erat in exercitu Magnentiſſus comes ordmum Auguſtæ, urbs eſt Germaniæ. Conuiuium militibus exhibuit à mane ad ueſperas more gētis: inde cubiculum ingreſſus, ſtatimque egreſſus eſt indutus purpura, multis ſatellitibus cinctus: qui conſcī non erant, coacti ſunt aſſentiri. Abijitque cum omni turba in prætorium, & donatiuum dedit: poſitis cuſtodibus cauuit nequis rem aperiret aut referret. Cōſtans quærens mitigare tædia articularis morbi, ubicunqu

fuiſſet uenatibus operam dabat, & ad ſyluas diuertebat. ubique cum formoſis puſiunculis ludebat & bacchabatur, etiam fruens illorum tenera ætate. Ad eum miſſi percussores, qui inſidiarentur, offenderunt Conſtanteſ uenatione feſſum, quieſcentem: ingreſſi tentorium nihil tale cogitantem interſciunt. Quidam dicunt eū uigilem cognouiſſe parricidas, & abiſſe in propinquum templum, & inſignia imperij depoſuiſſe, & ab altaribus tractum, cæſum fuiſſe. Scribunt eius horoſcopum inſpectum à mathematico, qui dixit periturum gremio genitricis. Nam Helena auia, mortua Fauſta matre Cōſtantini, filios nutriuit ut parens. Conſtans occiſus eſt in oppido haud lōge ab Hiſpanijs, cui Helenæ nomen erat. Conſtans ſi exemplo Ciceronis didiciſſet, non armaſſet in ſuam cædem Magnentium. Popilius Lænas reus capitis M. Tullio defenſori caput abſcidit. Magnentius ſeruatori ſuo mortem intulit. Nā cum milites exorto tumultu in Illyrijs occidere uellent, obiecto paludamento imperator textit ac ſeruauit. Diſcant igitur qui legerint, illorum miſereri, & illos tueri quorū uirtutes cognitæ habeant: aliter pœna, quam illi propter flagitia meruerunt, in defenſorum capita reſilit. Pauci præterea reperiūtur qui norint gratificari. Vixit Cōſtans annis paulo plus XXX. imperauit XIIII. Milites trucidarū & coniurati, Magnentium imperatorem ſalutant. Cū hæc nuntiata eſſent, Romæ Nepotianus imperator à populo & Mirmillonibus factus. Heraclides ſenator fautor Magnentianæ factionis populum decipit: factique proditione, Nepotianum Auguſtorum ſororis filium, quem gladiatores cingebant, ſimulans uelle cum eo loqui, obruncat. Caput pilo fixum per urbis itinera deportatum eſt. Impeperauit dies duodeciginta.

Magnentius.

Agnētiū comes duorum ordinum dolo impera-
 M tor factus, Constantis nomine literas scripsit sub
 illius signo ad eos qui praeerāt uel cohortibus, uel
 urbibus, qui statim ad imperatorem uenirent, quos in i-
 tinere cedi iussit ut non esset qui motum faceret. Iam &
 Roma cesserat: eius enim factio plurimum ualebat. Con-
 stantius tūc in Oriente aduersam fortunam contra Per-
 sū experiebatur. Igitur ingenti agnūne Italiam petit, &
 Mediolani diu immoratus, fratrem suum Decentium Cae-
 sare fecit, misitque cum exercitu uti Gallias tueretur. Adm-
 que tota Italia & Africa Magnentiū erant. Factio Illyri-
 corum duce Britannione cum nouo imperatore seniebat.
 Ad Constantium legatos misit cum literis, uti Oriente &
 Thracijs contentus esset, qui nihil respondit. Constantius
 Gallum patruelem Caesarem fecit, & reliquit in Orien-
 te. ipse Hesperios petiit ultimus fratris caedem. Sed ne sua
 Roma bello ciuili uexaretur, misit ad Magnentium, con-
 cedens Galliam si arma deponeret. Tyrannus sperans un-
 cere, non paruit. ideo ambo ad pugnam se parant. Magnē-
 tio priusquam congrediretur, magis consuluit uirginem in-
 gulare, & cruorem uino miscere, potandumque militibus
 praebere (mos est immanium Barbarorū cum aliquid se-
 cretius agunt) ipsa interea carmina peragebat. Post haec
 profana sacra fuit pugna utrinque magnis copiarum uiri-
 bus ad Mursam. uicit Constantius magna hostiū & suo-
 rum strage. uerum hostes ad multam partem noctis caesi.
 Tyrannus dimisso equo & insignibus, in habitu equitis au-
 fugit, equū suū reliquit, ut qui uiderent, existimarēt ses-
 sorē esse mortuum. Victor imperator die sequenti conscen-
 dit tumultū, ex quo tota planities cōspici poterat: quam cū

uidisset repletam cadaueribus, ingemuit. Cæsa fuere supra
 L I I I I milia pugnatorū. omnes cæsi iussu principis se-
 pulsi sunt: qui uerò uulnerati non perierant, uictoris be-
 neficio curati & cōseruati. Exercitus tyrāni fuit ex X X X
 milibus. Constantiū uerò L X X milia pugnatorum ha-
 buit. Periere illinc X X I I I I, hinc propè X X X. Ea pu-
 gna attritæ fuerunt imperij Romani uires. nam ij qui cæ-
 si, & numero & robore ad quæuis externa bella satis
 fuissent. Magnentius postquam in tutum locum se recepit,
 reliquias profligati exercitus collegit, & nouo milite sup-
 plement, cupidus rursus aleam dimicationis tentare: & pri-
 usquam experiretur, nūsit unum è senatoribus grandem
 natu ad Constantiū, quod uellet omnibus præterquā Gal-
 liæ. Constantius hominem reiecit, opinatus illum specula-
 torem uenisse. Post nūsit episcopos, nihil provinciarū quæ-
 rens, sed tantum ut liceret militare ducis titulo, quibus ni-
 hil responsum est. Quod cum accepisset exercitus tyranni,
 plerique milites adierunt ad uictorem. Tyrannus intelli-
 gēs sibi dimicandū fore, exercitum ex copijs Gallianis re-
 parauit: nūsitque dum milites cogeret, assuetum parrici-
 dam multis pollicitationibus Antiochiam, qui Gallum cō-
 foderet, ut illo cæso Constantius relictis rebus Hesperiae
 cogeretur Orientem petere propter Persas. Cum trucida-
 rius Antiochiam peruenisset, domum cuiusdam uetulae di-
 uertit appositam fluuiō Oronti, qui labitur per eam ur-
 bem. Orontes antea dictus Ophites, post ab filio Camby-
 se regis Persarum ibi submerso uocatus Orontes. Hic in
 cæna post uina rem communicauit cum paucis, quos in-
 uitaauerat, minime expauescens mulierem ætate confe-
 ctam. illa clām se proripuit, & quod audiuerat, ad Gallū
 retulit, qui statim omnes comprehendi iussit, atque necari,

ubi quæſtionibus ordine ſuo negotium aperuerunt. Magnentius quia tale conſilium irritum fuerat, rursus præliari ſtatuit. Victusque eſt, & auſugit Lugdunum. Coniuges ut uictori grati eſſent, conſilium ineunt tyrannum capere, & Auguſto tradere. Ille ubi ſe cuſtodiri cognouit, cum fugæ locus deeſſet, furorem ſimulauit, & primum fratri Deſiderio uulnera intulit, quæ non fuere letalia, poſt interſecit quosdam amicos, tandem ſe conſodit. hic exitus fuit ingrati hominis. Decentius Cæſar, qui Gallias tuebatur, audito fratris caſu, ſibi metuens, laqueo apud Senonas uſus eſt. Deſiderius acceſſit ad Conſtantium, ab quo liberaliter exceptus eſt. Geruntium Magnentianæ factionis comitem, exilio uictor mulctauit dum in Gallia eſſet.

Britannion.

Britannion ante tyranni pericula, quocum conuenerat, & imperator ab Illyriciano exercitu appellatus Muſſæ, quo tempore & Nepotianus Romæ, poſita purpura & Gallica ueste, indutus, Conſtantium adiit, & obuius uenienti factus in Thracia, obuolutus pedibus ueniam petijt & impetrauit. Imperator ſenem duæm amplexus, patrẽ eum uocauit, & cœnæ adhibuit, ab quo multa de Magnentio intellexit. Deinde iuſſit abire Pruſiada Bithyniæ caput, & propinqua oppida noluit ad uictum ſenis cõtribuerent, qui plures miniſtros ſecũ duam, illic magna quæte uixit annis ſex, poſt deceſſit.

Siluanus.

Siluanus Bonitiꝝ F. in Gallia natus, qui bello Liciniano clarus ſub Conſtantino, tribunus ſub Magnentio fuit, poſt defeat ad Conſtantium, ab quo miſſus in Galliam eſt. Imperator uero qui calumnijs aures facile præbebat, ſucceſſus eius ſuſpectos habuit: quere-

bāt igitur insidijs circumuenire. Siluanus ubi accepit, pro concione questus est: ita à militibus Cæsar appellatus. Ad hunc motum opprimendum mittitur Vrcisinus, qui pecunia tribunos Siluani corrumpit ut occiderent. Agrippinæ igitur de industria factō tumultu cæsus est: cuius cæde tam magno gaudio exultauit Constantius, ut ferè insanus haberetur. præfuit paulo plus duobus mensibus.

Gallus.

Allus natus est in Massa Vetrernensi, patre Cō-
 G stātio, fratre Magni Cōstantini, matre Galla, Ru-
 fini & Cerealis, qui cōsulares erāt, sorore: ac li-
 beraliter educatus, feros mores uincere non potuit. Profe-
 ctus ad Oriētem cōsedit Antiochiæ, ubi stimulāte uxore o-
 mne genus sœuēdi expertus est. Illud uero nefandum &
 abhorrendū, noctu cum sacellitibus incognitus errabat per
 lupanaria & tabernas, explorās submissa uocē, Græco ser-
 mone, quid de Cæsare sentirent, & notabat singulos qui
 oblocuti fuissent: pōst aliquo reperto figmento trucidabat:
 quod antea in urbe Roma fecisse Gallienū memoriæ pro-
 ditum est. utrūque uxoris stimuli exagitabāt. Missus est ad
 eum Domitianus præfectus præt. ab imperatore, qui de
 sceleribus Cæsaris iam senserat, uti cum Gallo secretius
 ageret, & persuaderet uenire ad principem. quod cum pa-
 rum proficeret, addidit mādāta & minas. Indignatus Gal-
 lus, hominem cōprehendi iussit, & custodiæ tradidit. Mon-
 tium etiam quæstorē, qui tale facinus non probabat, conie-
 cit in uincula: suadente uxore ambos per forū tractos &
 uerberatos in fluium proijci mandauit. Quod ubi accepit
 imperator, misit qui Gallū adducerēt. Ille uxorem Cōstan-
 tiam ire ad fratrem iubet, placaturā eius indignationem, &
 hæc in itinere decessit. Cuius morte audita Cōstantius edi-
 qq. i.

Et Gallū dignitate priuauit, exilio damnat: Et ne longius
 rem protrahat (omne autem eius securitate in morte Galli
 posuerat) percussoribus mandat iuuenē obtruncare. Hi fuere
 Seruanus reus maiestatis paulo antē absolutus, Et Penta-
 dius notarius, Et Apodennius, qui preno Gallo Et uti no-
 xio manus post terga reuincto, ceruicem absiderunt. In fo-
 ro truncus relictus est. Post paulo quā illi missi sunt, pœ-
 nituit imperatorem, Et destinauit citissimos qui prohibe-
 rēt, Et ij retenti fuerunt ab Eusebio Eunuchō. Is enim erat
 præpositus cubiculi, cuius cōsilio primæps ferē omnia age-
 bat: quāuis Gallus meruerit pœnas dare. Imperauit an-
 nis I I I I. Vixit undetriginta. Cōstantiæ corpus delatum
 ad urbē, Et in suburbano uia Nomētana post primum la-
 pidem sepulchro maiorū illatum est. Cōstantius in Oriente
 aduersa fortuna res gessit: hostis enim semper superior fuit.
 Anno XI imperij Persica palma præcepta semel est teme-
 ritate militū ad Singaram. nam octies cū hoste congressus,
 Et in hoc pralio cum uictoria pro eo staret, ad hostes trā-
 sūt nō sine graui uulnere. Amissa est Singara Et Bīzab-
 da Et Amida, cū accepisset de fratris cæde, dubius ageba-
 tur permanerētne contra acerrimos Persas, an ad uindi-
 candam Europam remearet. Sapore Armenias uexabat.
 Ianque Nisibim obsedit, quā urbē Luculli arma iuris Rom.
 fecerant, quo tēpore Michridates Ponticus ad opem Tigrā-
 nis socri confugerat. Nisibis urbs est Myzdonia, sic ap-
 pellauere proxima Syriæ Maædones, à nostris dicta An-
 tiochia. Huic cum capta fuit à Lucullo, præerat Guras Ti-
 granis frater, quē Romanus dux apud se honorificè tenuit.
 Barbari Nisibim, Antiochus Antiochiam nominauit. Expu-
 gnandæ urbi intentus Sapore bellica tormenta admouit.
 Alueum fluuij qui mediā secat urbem, aliò ductis fos-

sis deduxit: sed ex hoc non obfuit propter frequentes illic
 fontes, puteosq; qui satis suppetebāt. Cūmq; hoc non pro-
 cederet, oclufit meatum fluminis, deinde emisit, unde im-
 petus aquarum subuertit partem mœnium. Nisibēses no-
 ctu citissime obstruxerūt tabulis, trabibus & terra. Cum
 illuxit dies, rex uctitus ab expugnatione re infecta mœ-
 stus abiit. Nisibenses muros instaurauere. In hac expedi-
 tione rex amisit XX milia hominum. Massagetæ absentia
 regis ex superiore parte Persida inuascerant abigētes præ-
 dam. Rex regno tuendo properauit. Constantius subsidia-
 rios milites misit, Nisibim & mœnia firmari iussit, indu-
 cias cum sapore fecit. & priusquam Europam peteret,
 Gallum patruelem Cæsarem pronuntiauit, iunxitque ei
 matrimonio uxorem Constantiam sororem suam, præfe-
 citque cōpys Orientis. Ipse contra tyrannos properauit, &
 pacem ubique fecit. Et cum undique in Europa late ui-
 ctor esset, sedatis bellis civilibus, ludos Arelatæ dedit an-
 te VI iduum Octobr. Quo die imperium sumpserat,
 Italiam uenit, Mediolani constitit: & inde ut Gallis sub-
 ueniret, Iulianum patruelem adoptauit, misitque in Gal-
 lias cum paucis militibus: ipse petijt urbem comite Or-
 misda regis Persarum filio. nobilitatem urbis & maiesta-
 tem admiratus est. Nobilitatem stans audiuit, uulgus sel-
 la curuli sedens in foro. Et quoniam hostes præter Persas
 deerant, suis manibus scripsit, Constantius totius orbis
 dominus: insenior Domitiano, qui inscripsit, Dominus &
 deus uester Domitianus. huius æmulus cœpit odio habe-
 re uiros claros. Cum opera urbis intueretur, ardor in-
 cœssit statuam equestrem erigere similem illi quæ Traiani
 erat, in eius atrio: & Ormisdæ qui ponē sequebatur, mē-
 tem aperuit: at ille subridens respondit, prius oportere
 qq.ij.

stabulum fieri molis equi capax. Imperator cōtinuit. Locus
 admonet de Ormisda inspicere. Narses plures habuit more
 Persico uxores: ex illustribus suscepit Adarnassē, Ormis-
 dam & Narsen. Ex humili generis uxore, uerū suprà cæ-
 teras formosa, genuit Saporē. Adarnasses successurus erat,
 quia maior natus, sed coronam non affectus est ob ingeni-
 tæ scititiā. Mesopotamiū tentoriū ex corio camelorū intex-
 to auro arte Babylonica, dono miserunt ad Narsen. filio
 dedit Narses, & interrogauit an placeret: respondit Adar-
 nasses, magis ei placere si imperaret, quod ex hominum co-
 rijs lōge pulchrius facturus esset. Huius uocis memoria, &
 alia crudelissima quæ in initio regni fecit, regnū abstulit.
 Itaque omnibus præpositus cōmuni consensu Persarū Sa-
 pores, qui cæso illo, Narsen fratrem luminibus priuauit,
 Ormisdam in uincula cōpegit. Huius uero mater & soror
 & uxor, corruptis pecunia custodibus, carcerem ingressæ
 limam inueni dederūt, quam secū tulerant. quo instrumē-
 to fibula cōpedum dissoluta est. Vbi opus peregit, illæ pin-
 gue conuiuiū custodibus exhibuere: qui dum cibo & potu
 graues quiescunt, Ormisda aufugit, & in castra Romano-
 rū uenit ultimus Cōstantini Magni annis. Sapore re in-
 tellecta uxore sequi maritum iussit. Ormisda bello ciuili à
 Cōstantio præpositus est turmis equitum. Fuit enim uir for-
 tis ac certus iaculator, nunquam iaculū frustra emittens,
 antè designans quò esset iaculaturus. Bellis Europæis eius
 claritudo omnibus nota fuit, & magnā sibi laudē propa-
 gauit. Cōstatio redeunti ad Orientem, legati Saporis oc-
 currūt ad Sirnum, petentes restitui Mesopotamiā & Ar-
 menias, aliter pax non esset. Cōstantius Augustus ad hæc
 rescripsit, Persas seruasse Macædonibus, & Macædonas
 seruire Romanis: hac ratione iniuria petis. Mesopotamiā

maiores nostros cepisse, Persas irrupisse latronum occupan-
tium more: Armenias cepisse Romano imperio, victo Ti-
grane: contra quem iustum bellum gessit L. Lucullus, qui
Mithridatem hostem populi Rom. hospitio et affinitate fo-
uendum exceperat: et ipsum Mithridatem nulla contume-
lia laesitum, sponte iniurijs ac caedibus affecisse Roma-
nos: et Persas irrupisse saepius in Armenias: et a patre
tuo Narse non bello occupatas, sed insidijs interceptas. Qua
de re desine haec petere quae nostro iure tuemur: pacem
quam petis minime, sed conditiones eius recusamus. Sapo-
res lectis literis bellum mouit, Nisibim frustra obsidione
tentauit: nam inde repulsus est. Post in alias urbes profe-
ctus, tantum Amida potitus est, quae non satis firmo praesi-
dio tenebatur. eam solo aequauit. Ea res coegit Constantium
consortem eligere, censuitque accersiri Iulianum patruelem,
Galli fratrem, quem adoptauit pro concione ad milites, et
Caesarem fecit. Non me praeterit qui sub Constantio mili-
tarunt, scribere Iulianum adoptatum fuisse in Gallia Cisal-
pina propter irruptionem Germanorum, qui Gallias uastabant,
ut ab rapinis hostilibus Gallias, quas praecipue amabat,
liberaret. Alij scribunt Athenis adoptatum. ubicunque fue-
rit, assensu militari purpuram induit ante diem VIII
Iduum Nouemb. Arbitione et Lolliano Coss. Et Galliam
missus, priusquam proficisceretur, Helena Constantij soror
ei iuncta matrimonio est. et quia periculum imminabat,
Calend. Decemb. egressus cum exiguo supplemento, dedu-
ctusque est per aliquot millia passuum ab Aug. matura-
uitque iter Taurinos uersus. Ferunt consilio Eusebii que-
rentis perdere totum genus Constantini, paucos milites fuisse
datos Iuliano, ut ab hostibus occideretur: quod illud praeci-
pue indicat, quoniam obfesso apud Senonas, auxilium
qq. iiij.

non misit. Secus euenit: re enim bene gesta in Gallijs sæpius hostes profligauit, ultra Rhenum coegit, multos captiuos abduxit. XI ferè milia nostrorum, qui belli iure seruiebant, ab Alemannis reapiit, & prope Argëtoratum urbem Galliæ totum ferè Alemannorū exercitum perdidit. Iam inde Barbaricæ cladis monimentū habuit, quod nisi contigisset, urbs minime nota in obscuro esset. & præter omnium opinionem, in solo hostili multa præclara gessit. Cūque eius successus felix haberetur, non caruit calumnijs apud Augustum. & erant qui appellabant eum loquacem talpam, alij purpuratā sinuam, alij græcicum literionem: & erāt qui mollem Asianum Græculūque fallacem, & sub specie sapientiæ stolidum. Cōstantij enim aures ad fidem præstandam faciles pronæque erāt. quod cum sciret Iulianus, ægretulit, & metuit ne idē sibi quod Gallo fratri, eueniret. ideo iam tunc cœpit cautior esse: & post uictoriam ingētis pugnæ, cum hostium peremptorum magni æcerui essent, cadauera in fluium proiecta, concordii assensu uictoris exercitus uocatus est imperator, & inde Augustus. Nomē Augusti pertinacissime renuit: hinc tumultus militum fuit, nudatis ensibus cogentium meritum cognomen accipere. Itaque ut illi quiescerent annuit. non reperiēbatur diadema, facere tētauerunt ex mundo muliebri. Iulianus uetuit, asserens non esse boni euentus augurium. Tribunus coronam attulit non lōge differentem ab corona quæ solet in xyso uictoribus dari. Marcellinus scribit Maurum comitem ordinis detraxisse sibi torquē (draconarius enim erat) & capiti principis aptasse. Pōst uero usus est diademate nucantibus gemmis exornato. Fœdus cum Alemannis percussit, illis restitutibus ablata. Deinde misit ad Constantium Pentadium quendam magistrū co-

piarum cum literis, in quibus erat tātummodo Cæsaris ti-
 tulus. Sūma literarū hęc fuit, Milites sæpius uictores, et
 qui diu pro Republica pugnauerunt, ut præmia laborū et
 diuturni sudoris petere possent, ne licet repugnantem, im-
 peratorem appellauere. Non ignoras antiquæ cōsuetudinis
 esse, qui sub ducibus ac Cæsaribus militāt, nō licere præ-
 mia Romano iure poscere: quia ea causa iusta cēseri debet,
 te exoro, qui communis es parens, ut æquo animo ad com-
 munionē imperij ne patiaris, ne miseri milites frustra ef-
 fudisse sanguinē uideantur. Addebat in fine se polliceri
 missurū certatores equos ex Hispanijs, et promptos milites
 ex Gallijs. id quidem erat annuū tributū. Erat Cōstantius
 cū accepit epistolam Iuliani, Cæsariæ in Cappadocia: ul-
 tra solitum excauidit. Cæsaria antē dicta Μαῤῥακα, est
 posita in radicibus Argei montis. Et nihil rescribens, edi-
 xit expeditionem contra Persas, pro qua Orientem petie-
 rat, ita suadentibus qui utilitatem Reip. quærebant. Eius
 animus cum legit literas, præceps fuit uertere copias con-
 tra Iulianū. post paulo legatos placide abire iussit, quibus-
 cum misit Leonem quæstorem cum mandatis, cui et lite-
 ras dedit, in quibus admonebat iuuenem ut Cæsaris nomi-
 ne cōtentus, Augusti maiestatem poneret. Leonas Parrhisys
 exceptus honorificè est. Et postquam in campum cum ar-
 mata multitudine stans pro tribunali uelut concionaturus,
 literas imperatoris legit, cum uentum est ad Cæsaris no-
 mē, omnis turba clamitare cœpit, Iuliane Auguste salue,
 Iuliane Aug. dij te seruent, Iuliane Aug. dij te sospitent.
 Postea unum ex his quæ mandauerat Constantius, actum
 est, hoc est, Nebridium præfectum prætorio factum, submo-
 to Florentio. et hoc minime processisset ni Iulianus ex
 sua sententia pronenire diceret. Iulianus, ne ardor mili-
 qq. iiij.

tum frigeret, legatos rursus ad Constantium mittit, ipse profectus est ad limites Germaniæ. Imperator interea accersivit Arsacem regem Armeniæ, uti fidus cum Romanis perseveraret, neu fallacijs Persarum animaduerteteret. Post misit ad reges Trāstigitanos ut in fide permanerent, ne deficerent ad Persas. Iulianus ordinatis in Germania rebus, statuit Viennæ hyemare. Non desunt qui scribant mandatum fuisse Leonæ ut obijceret beneficia imperatoris Iuliano, ut homini ingrato: Et illum questum etiam de Constantio, de cæde parentum ac fratris, Et inuocasse ultores deos: deinde iussisse abire omnes ab exercitu qui dicta Constantij probarent. At uxor Cōstantij Augusti moritur, Et ducta est Faustina, utraque forma pulcherrima. sed illa mœstitia ac dolore interijt impotentia genialis thori. Cum ad bellū ciusle Iulianus se pararet, existimans Constantium nunquam ad cōcordiam uenturū, uxor eius Helena moritur. Iussit corpus Romam perferri, Et sepeliri in suburbano Nomentanæ uia, ubi ante a Constantia soror sepulta erat. Falsum est quod iampridem uxorem expulerit, quæ castissima erat. Iulianus fertur dixisse militibus ut se pararet contra Constantiū, priusquam ille aduersus se moueret impetum. In ipsa expeditione, quia multi erant in exercitu Christiani, iussit uti quisque coleret quos uellet deos. Ipse uero ne ab fide abhorrens animos militum alienaret, ingressus templum in natali Saluatoris, ut alij dicunt, in solēni Epiphaniæ, Et unā cum cæteris adorauit, Et diuinis rebus interfuit. Post ut se corrigeret, dicebat se properare ut coniungeret exercitus, Et præsciret quo die esset imperator mortuus, ut per nocturnā quietem præmonitus erat, quādo uocē audierat, Cū Iupiter erit in fine aquarij, Et Saturnus in XXV parte uirginis, Cōstantius

dominus Asiæ morietur. Cum ex Antiochia peruenisset Tarsum imperator Aug. ut Iuliano obuiam iret, incidit in febriculam semper æqualē, ratūque est gestatione aboleri. uectus lectica est per multa itinera usque ad radices Tauri montis. Ibi in statione quadam, quæ appellatur fons Mopsi, Græcæ Mopsocrenus, intermiscus exurente calore, febris aucta est, adeo ut corpus tangi non posset. Hic cum deficeret successorem statuit Iulianum. post paulo mortuus est ante tertium nonas Octobr. Vixit annos XL, et paucos menses. Imperauit annis XXIIII. Iulianus ubi accepit de morte Constantij, citissime petijt Cōstantinopolim. Corpus principis conditū in loculo, Iouinianus qui post imperauit, domesticorum protector, cum regia pompa Cōstantinopolim perduxit, et sepulchro maiorum intulit, interque diuos relatus est. Prope finem uitæ se palàm accusare solebat, quòd occisor suorum fuerit, quòd Iulianum Cæsarem fecisset, et quòd in noua credulitate numinum esset. Natura debilis ad coitum fuisse traditur, in uctu parcissimus: lata lege uetuit phasianum et sumē conuiuijs inferri. nunquam spuisse memoratur. In iudijs iustus et moderatus, si secretiores consultores nō habuisset. ad iram tardus, bellis ciuilibus fortunatus, Persicis semper infelix. Sarmaticis uariis: bis Sarmatici cognomē inscripsit. Nam cum Sarmatis, Dacis et Quadis fœdera feriret, et in suggestu orationē haberet, barbaris male audiētibus quòd ad hoc opus assueti non erant, unus è Quadis secessit, et stercore alterū è calæis repleuit, sub ueste tulit, et propius accedens in uultum concionantis proiecit. Id dedecus mereri puto, qui inter rusticos aut philosophari, aut rhetoricæ loqui uoluit. In fide semper fāuit Arrianis, quorum causa synodum habendam præcepit, statuta est conuentus dies.

Imperator indignatus erat, quòd mandauerat Alexander episcopo nouæ Romæ, ut in communionem exciperet Arrium cum tota factione, & Alexander negauerat, qui prostratus orabat ne sineret Deus à pernicioso lupo suum ouile corrumpi. tempus appetit. Arrius cum argumentosis syllogismis ingressus est, fauente Eusebio Eunuchò. Et in initio priusquam pudendum os solueret, correptus cæliaco dolore, secessit ut onus uentris deponeret: & cum niteretur ui expellere, undè cum stercore animam emisit. Hùc finem meruit homo perfidus ac malignus, qui uenenum in urbe Dei latius sæuit, aconito uehementius: unde geniti in fide Saluatoris ignes inextinguibiles, quibus Asia, Africa, & bona pars Europæ fidelibus & iuxta credentibus ereptæ sunt. Præfuit Alexander annis XXII. Successit Paulus homo iustus, quem Constantius consilio Eusebij Eunuchi submouit, & in eius locum subrogauit Eusebium episcopum Nicomediensem mulierem Arrij. Paulus ad urbem Rom. se contulit, petijtque ab episcopi Rom. uirtute restitui in suam dignitatem: & quoniam uita sanctitas merebatur, ab Iulio pont. in sedem restitutus est. Cōstantius indignatus, hominem exilio prius mulctauit: deinde minime contentus, interfici iussit. Qua de re hæretico Arriano successit Macedonius Arrius. Hoc in loco digredi non ineptum putemus, ut scilicet ostendamus episcopum Ro. caput catholicæ fidei semper fuisse. Roma ipsa terrarum dea, & gentium regina postere uidetur Dei sedes & imperij generis humani. Sed ubi noua Roma præsentibus Augustis lacertos extulit, absentia principum nostræ Roma paululum imminuta: utraque tamen urbe principatum sibi uindicante, nescio quo fato, præfectis obtemperauimus, & aliquando Augustulus, & sæpenumero regibus

Gothorum. Itaque per ea tempora episcopalem maiestatem, nitibus imperatorum Constantinopolis sibi usurpauit. Nos uero non cœssimus, sed passi fuimus ne ira principum obesset, qui urbis sacratissimæ dignitatem Barbarorum prædæ reliquerant. res non potuit diu differri. Phocas imperator totius maiestatis decus iniuria ablatum restituit, et publico decreto sanxit: nam plerique episcopi Cōstantinopolitani male usi autoritate, prauis opinionibus fidei simplicitatem turbauerant. Romani uero pont. semper habiti orthodoxi et iustissimi, ut ipsi Græci in historijs tradiderunt. Episcopus igitur Ro. et diuino iussu, et humane rationis uinculo, generis humani parens et princeps est. Nam illud perpetuo mansurum quis dubitat? Tu es Petrus, et super hanc petram ædificabo ecclesiam meam. Cōstantius eques optimus et cœtus iaculator, eloquens, et carminibus componendis aptus, quod fuit in suos ferus, non caruit exemplis, quod sic fecisset Caligula, Domitianus, et Commodus, et F. Seueri, Antoninus: in cæteros ut Gallienus, qui tormentis adigebat homines fateri quod uellet. In Gallijs et Pannonijs triumphales arcus erexit; magno provincialium dispendio.

L. Cl. Iul. Iulianus natus est Constantinopoli, patre Constantio Constantini fratre, matre Basilina nobilissima fœmina: forma liberali, ingenioque ad literas et ad arma satis accomodato. Mater grauida somnauit se pariturā Achillem: excitata, marito narrauit. peperit antequā pariendi tempus sentiret. hinc parētibus bona spes de filio fuit, datūq; est et mitiandus et erudiendus Eusebio episcopo Nicomediæ. Primò bonæ indolis puer apparuit. utinam non habuisset rhetorem Libanium, ab quo ita institutus est, ut prætermissa ueritatis cognitione,

puerilē animum ad antiquorū credulitatem flexerit. Itaq; sub illo immutatus est, Mercurium præponens cunctis. Non caruit tamen in cæteris laude: similis existimatus Tito, ut frater Gallus Domitiano, bellorum successibus comparatus Traiano: res ei fuit cum ferocibus Germanorum populis, ut Traiano contigit nondū principi: clementia Antonino, moderatione M. Aurelio: literarum studio magnis philosophis. Cūmq; his assuetus, soporiferæ quieti multum detrabens, insomnes noctes aliquando, cum utilitas Reip. posceret, ducebat: et musis uigilias impēdebat: nullōque adhibito remedio, minimo strepitu excitabatur. Philosopho uenienti statim occurrebat, ne ab literatis rusticitatis reus citaretur. memoria plurimum ualuit: in rebus gerendis optimos imitabatur principes: in re uenerea citra omnem suspicionem uixit: modesta liberalitate semper usus: eunuchis et pantomimis et morionibus nihil unquam largitus. Illud incredibile dictū, postquam solus imperauit, hostes populi Rom. intra suos terminos se continuerunt, et in laudes noui principis accēdebantur. Restabant prostigandi et domandi Persæ. Itaque cum ingenti apparatu egressus Constantinopoli, transmissso Bosphoro, à Chalædone Nicomediā processit, quæ olim regia et ampla urbs ædificiorū sumptibus, terræmotu corruerat: memor quod illic educatus erat, ingemuit. Per Bithynos Gallogræciam uenit, et inde Antiochiam Orontis petijt, Oriētis apicem: et cum loci situs omnes ad uoluptatem inuictet, princeps ibi suapte natura continentissimus fuit. ex eius imperandi ordine iustitia è cælo ad mortales redijt. Iulianus quartum inijt consulatum, adscito Sallustio collegæ, quem præfecerat Gallijs præfectum. Cū Ver appetere, Hieropolim uenit, hinc in Mesopotamiam signa commouit, post perue-

nit Cercusū (ferè instar in sulæ inter Euphratem & Xaborectoram amnes positum est) quod Diocletianus mœnibus amplificatum, exælsis turribus circumdedit. Hic moranti allatæ sunt ab Sallustio literæ, ut expeditionem in Persas differret, & dijs uetantibus cederet. sed quis fato repugnat? Transgressus flumen, pontem auelli iubet, Zaitâmque uentum est, ubi Gordianum imperatorem exercitus tumultu intulit: quem Licinius hostis bonorum euerit. Iulianus ubi hostes propere adesse intellexit, concionem habuit, asserens maiorum nostrorum exempla: initium faciens à Ventidio usque ad Maximianum, quòd ferè omnes rediere laureati præter Gordianum & Carum: ille in sidijs mortalium, hic ira deorum sublatus. hostes à prælio abstinerunt. Ipse Assyriam depopulatus, urbes, oppida partim ui cepit: pleraque deditionem facere: uictorque cum ingenti gloria profligato exercitu hostili, usque Ctesiphontem peruenit. Castra aliquandiu illic habuit cum exercitu satis lecto. dum remeat, faciem sereno uidit cælo. aruspices Hetrusci uetabant quicquam tentandum, quia signum erat infelix. Iulianus & hoc cõtempnit ut antè Sallustij monitus. postquâ illuxit, castra mouit. Persæ sæpius afflicti terga inuadunt, & priusquam laborantibus subueniretur, hostilis ex improviso globus in cataphractus irruit. Sic mos Parthorum ut confusos cedant. Dùmque imperator incautius sese infert, uulnus exæpit. emissæ hastæ incerti militis, transmissæ brachio & costis, hæsit fibræ iecinoris. dū auellere conaretur, scidit digitorum neruulos: prolapsus in ceruicem equi, ueloci cursu in castra relatus est. adhibita fomenta paululum dolorem leniuere. poscit equum & arma, ut prælium reuiscat: cum spiritus deficeret, concionem habuit, disseruitque mortem esse summum

præmium. Petijt inde quid ageret Anatolius. Sallustius respondit, Beate degere. ingemuit amici casum, quod interfectus esset. circumstantes qui dolore conciti deflebant, sua auctoritate castigauit, turpe quidem principem sideribus conciliatum lugere. Inde cum philosophis sermo ei fuit de immortalitate animæ. epotique frigida aqua uita solutus est, annum agens alterum et XXX , ante sextum Calen. Iulij. In suburbana uilla agri Tarsensis Iulianus sepultus est, $\text{et in diuos relatus}$. successor si uixisset, decreuerat nobile sepulchrum. Homo statura exigua et gracili , maiestate conspicuus, inter ueteres hero. u. connumerandus ampliando imperio, $\text{et reipublicæ gubernandæ}$ satis idoneus, si fata commississent: ore et manu (ut inquit ille) consultor patriæ. Imperauit solus annum unum, menses septem, ab eo quod Cæsar fuit annos septem. Corpus Procopius Tarsum usque perduxit, et tumulo dedit . inde abiit, $\text{et nusquam nisi ex improviso Constantinopoli}$ purpuratus apparuit. Mirum creditu, barbaræ nationes cum plurimum diligebant, à militibus adeo obseruatus ut in creâdo nouo principe Iulianum legerint, ab uocis similitudine una littera immutata. Memoria et liberalitate clarus, tributa parcius exigenda mādauit, licet sint qui nolint, gloriæ cupidius appetens. $\text{et cū Christianos nimis insectaretur}$, sanguine tamē abstinuit. hostes morte nostri principis elati et circumfusi , castra quæ spatiū trium mil. passuum complebant, disperdere querebant, Romanis uero controuersia fuit in eligendo. Cōstantiani Abilū præponebant, proceres Gallorum Sallustium, qui propterea quod senex et ualentinarius esset, recusauit: dūmque mora fieret ob certamen clamantibus militibus maturandum esse, Iulianus eligatur domesticorum primus.

Arronianus comes ordinum, agri Singidonensis
V incolæ in Pannonia, liberos utriusque sexus cum
 plures extulisset, mœrore anxius, ut qui sine prole
 esset, admonitus est per nocturnam quietem uti filium qui
 nasceretur, Iulianum uocaret, fore ut uiueret, et ad pur-
 puram uenturus esset. Itaque editum filiū Iulianum ap-
 pellauit, præceptoribûsque cum ætas posceret, erudiendum
 dedit. non parū liberalibus artibus profecit, ingenio ual-
 de ad omnes disciplinas prompto. Pater militia clarus,
 notissimus erat: et iam emeritus secesserat in auitos agros
 ut quiesceret, et agricolationi incumberet.

Iulianus.

Vuianus electus est princeps, et statim ante signa-
I ni Iulianū clamauerunt: qui in medio, quique po-
 stremi erant, opinati Iulianū reuixisse, ingenti læ-
 titia effusi choreas ducebant. cum nouus imperator pur-
 puratus castra comitatibus primoribus circumiret, et cō-
 spectus esset ab ignavis homo incuruus, statura procera, sta-
 tim lachrymæ obortæ sunt, auspicium haud felix præsentis
 imperij. reductus in tentoriū de imminenti periculo sermo-
 nem fecit, adhibitis tribunis et comitibus. Instabat totus
 exercitus deduci in Mesopotamiā. hostes à tergo territabāt,
 quanuis semper uicti. fames in castris erat, et rerū penuria,
 et quanuis noster exercitus uictor esset, rerū difficultati-
 bus, et reuerti cæde ducis timebat, adeo ut si hostis irruis-
 set, magnā intulisset cladem. coeptū est consilio iter. Insti-
 tere hostes cū elephantis, qui graui nidore terruere equos.
 opē ferentibus Iouis et Herculis Galli, resisterūt beluis.
 Vbi Carras uentū est, infelicitate Crassi nobiles, tanta tre-
 pidatio nō fuit. hinc Darā oppidū. Hoc in loco quatrīduū
 cōsumptum est. hinc mules cum abiret, peruenit ad Tigri-

dem iam auctum caelestibus aquis. metus erat transire. Galli assueti flucta perfringere, ingenti animo ingressi, ad alteram ripam perueniunt, ibique hostes observantes ripas, obtruncant illos. secuta est cætera turba. Ad hæc uenere oratores à Persis Surenas (nomen est dignitatis post regiã) & alij proceres offerentes conditiones pacis, si nõ æquas, attamen neccassarias. Consultarunt cum imperatore primates, ictumque est fœdus nõ sine calamitate Ro. imperij. Prouinciæ quinque Transligritanæ, quas uictor Galerius Maximianus acceperat, restitutæ sunt, Asarçamena, Moçena, Zabdiçena, Rheumena, Carduena: tradita & Singarena, & Nisibis, & pars Mesopotamiæ: non tradita tamen est Ctesiphon. & ita fines ueteres innouati non sine magno imperij dispendio. Accessit maior ignominia: uetitus est P. R. Arsaci regi Armeniæ amico ac fido auxilium contra Persas ferre, quod nunquam antea ad hoc coactus est. uisâque est libertas uicticium armorum corruisse, Ictum est ignobile fœdus ad annos XXX, & religioso ritu utriusq; gentis confirmatum. exercitus inde in tutum perductus est. Iuuianus cum peruenit ad locum, Dadaстана uocant, qui diuidit Bithynos à Galatis: assiduo labore lōgi itineris, aut recenti tectorio, positus ibi prunis, mortuus est. Sunt qui scribant incidisse in morbum ex uarietate ferulorum, quibus repletum corpus, quod auidissime illic sumebat, concoquere non potuit, & cruditate periisse. Vixit annis XXXIII. Imperauit menseis septem, à Valentiniano in diuos relatus est.

Fl. Val. Valentinianus Aug.

Ost Iuuiani mortem exercitus Nicæ, quæ urbs caput est Bithyniæ, Valentinianum Gratiani filium imperatorem elegit. Nam L. Equitius, qui Illyrico præ-

erat, quoniam absens, præteritus est. Augustus Cæs. Valentem fratrem tribunum stabuli fecit. Pòst paulo Constantinopolim cum uenisset, & in suburbanum concessisset, còsensu omnium ipsum Valentem còsortē imperij & Aug. pronuntiavit. Præerat eo tempore Romæ Rufius Turcius Apronianus, literis & Reip. moderādus habens uir clarus & illustris. Procopius qui genus suum ad Constantinum referebat, & paucis suffragationibus purpuram induerat, pœnas cœpti motus dedit. Porro Valens Gothos, qui Procopio auxilia miserant, uictos Thracia exegit: & uictor magister Equ. Atalaricū regem Gruitugorum (bellicosa gens est) uertit in fugam, & pacem dedit. Interea Valentinianus Saxonas Oceani acolas inter inuias paludes domuit, Alemannos attriuit, & uictor ad Oceanū peruenit. deinde in febrem incidit, qua liberatus pro concione, exercitu assentiēte, alterum ex filiis Gratianum, insignibus ornatum, appellauit Augustum: statimque expostulatus publicarum rerū admonuit, & urbi Romæ præfecit Orphitum. Picti & Scoti Germaniæ gentes Britanniam inuadunt: illi Caledonios & Veturionas occupant, ij depopulātur insulam. Sarmatæ præsidem, quem Romanus imperator dederat, expulerūt. Parthi suo consilio qui Armeniam irruperant, occurrente Arintheo legato, abierūt: sic prouincia liberata est. Alia uia Saporex rex Persarum rupto fœdere nos tentauit, Ctesiphontem cepit, ibique hyemauit, & Valens Antiochia. Ad aquilonē inquietas rebellat Germania. Eò missus cum exercitu Theodosius primus magister Equ. cuius prosperi successus similes ferebantur actis L. Domitij Corbulonis in Armenia sub Nerone, & L. Veturini sub Traiano. Valentinianus exacta Treuirs hyeme, Gallias reuertitur. & post paulo dum

intentus audit legatos Quadorum, qui latrocinia excusabant, subita ira accensus incidit in morbum: quo arescentibus uenis cum nil sanguinis emitti posset, mortem obijt. Imperauit annos undecim, menses octo, dies uiginti. Interea Hūni, seu Alani, qui sunt Tartari & Nomades, Scythæ, qui longe ante à regione trans Tanaim uenerant, superato Istro, qui limes erat, uagi Pannonias Epirūque & Thessaliā, direptis & incensis aliquot urbibus, grauiter uastauerunt. Maiores nostri, uiri boni, non ambitiosi, non contentiosi, sine auaritia & luxu, Scythas irruentes sæpius repulerunt. At uero cum opes in pretio fuere, & mensæ magnis sumptibus paratæ, & maior cibi condendi quàm uirtutis cura, Scythis bellatoribus assimus, grauius uulnera perpeffi sumus. Imperatores duo, Decius pater ac filius, non sine magna strage cum Scythis congregiētes uicti cecidere: at post Valens propere ex Antiochia accitus, tantam pestem auertere non potuit: sed magna clade uictus, terga dedit, & in fuga uulneratus decidit ex equo: acceptusque in uile tugurium, inter fomenta expirauit. Victor Alanus cum persequeretur, locum armatis sepsit: & quia capere primo impetu nō potuit, inscius quod illic imperator esset, ignem iniecit & absumpsit. Hic fuit Valentis finis: qui modo terror Orientis erat, Boreali incendio fomentum præbuit. Hunni Alanique & Gotthi uicticibus signis Constantinopolim obsident, per solutāque ingenti ui pecuniæ ab Dominica Augusti uxore Valentis, cœpta reliquerunt. Dum hæc infelicitè ad Aquilonem geruntur, Theodosius pater eius qui postea imperauit Theodosij, in Africa Firmum noua molientem prælio uicit ac cepit. Et Gratianus Treuiris agens, fratrem suum Valentinianum Iustina matre editum, consulente Merobaude tri-

buno, titulo Cæsaris Augusti, consortem imperij fecit. Ipsum uero Gratianum otiosum, dum suos negligit, et habitu ac moribus, Alanis, quos sibi post obitum patris conciliauerat, placere studet, Maximus ab exercitu nostro dux electus, ex improviso adoritur, et in Italiã transire properantem dolo circumuenit, et occidit: et ab eodem Iunior Valentinianus Italia exactus, ad Theodosium, qui in Oriẽte res gerebat, concessit: à quo liberaliter exceptus est.

Theodosius.

Theodosius qui sex antè annos à Gratiano, ut Orienti præesset, Olymbrio et Ausonio Coss. Augustus pronuntiatus erat, bello ciuili commotus, uictoribus signis Aquileiam per inuias alpes raptim contendit. Maximum ibi secrete degentem uis cepit et occidit. statimque Andragasius præfectus classis, et socius Maximi, certior de cæde factus, in mare se præcipitem dedit. Valentinianus in Occidentis regnum restitutus, ab Italia in Gallias profectus est. et dñ Viennæ negligentius moraretur, fraude Arbogasti, Alanorum præfecti, noctu in cubiculo strangulatus, creditus subita aut uoluntaria morte obiisse. sic interijt Gratianorum proles. Satisque fauenti cælo uisum est, uno uelut cursu quatuor eam numerasse Augustos. inter quos tertius parum bellicosus, non auo, non patri similis, Romæ cum à palatio ad hortos Sallustianos secederet, dicebat se confecisse Parthicam expeditionem. Extincto etiam in Gallijs Victore, quem pater Maximus ibi copijs præfecerat, illa orbis pars minime quieuit. Arbogastus enim occulta iuuenis morte, Eugenium imperatorem cum exercitu facit: hac scilicet uia, sub titulo illius, Occidentis regnum inuadere studebat. Multis milibus

coadunatis, de summa rerum cū Theodosio conflagere statuit. Dux noster inuictus, Deo, hominibūque acceptus, cum Honorio filio, ingenti animo opus aggressus, hostilia arma pugnantibus etiā pro eo uentis, qui spōte carceris AEolij cedente obice eruperant, profudit atque deleuit. Eugenius captus pœnas luit. Arbogastus ut cruciatibus se eximeret, sua manu usus occubuit. Victor ingenti gloria potitus, amplissimo triumpho liberati orbis, subactis undique domitiisque tyrannis, administrationi reipublicæ animū adiecit. Filios Honorium & Arcadium, quos ex Flaccilla suscepit, consortes fecit imperij. & quia nondum ætas matura imperio erat, ductores legē qui adessent, testamentoque sanxit. Rufinum Arcadio adiungit, & Honorio Stiliconem. Ipse interea Mediolani morbo absumptus, Olymbrio iterum & Prino Coss. Imperauit annis septemdecim. Genus à Traiano ducere se iactabat, nec ab re: nam moribus & uultu, & successu rerum similis fuit. Ille labētem Rempū, in pristinas uires restituit: sub hoc imperium Romanum, quod otio & negligentia trium principum cōsenuerat, dissensione partium dilaceratum, uelut reiuuēscens lacertos mouit. Ille pacata Europa ad Indos usque arma intulit: hic prius auspicijs atque armis paternis assecta Libya, attrita bellicosa Germanorum gente, datāque sua uirtute toto Orienti pace, postremo subactis ardentissimus Gallis, non omīssa Britannia, parenti gentium urbi, Italięque suę, uētrices aquilas reportauit: subque eo Fortunę simulacrum nusquam prætorium mutauit. Arcadius igitur Constantinopoli, Honorius Romę imperat. Sed quis animorum recessus intueri potest? ueterum fidem & sanctissimum legatī ius cupido regnādi uiolauit. prior Rufinus clām missis muneribus, Alarico Gothorum regē

capere arma contra Arcadium persuadet, ut sub eo metu diadema orientis capiti suo imponeret. Re intellecta, à militibus Italicis perniciosus tutor occisus est: caput cum dextera præcisum ante ipsas Constantinopolis portas pendit, ac spectantibus ludibrio fuit. Caianus Rufini imitator, auxilio Gotthorum fretus, bellū ciuile mouit. arripit ei primo prælio fortuna, post nauali inter Hellespōtum & Cheroneſsum uictus, dum fugit, captus est. caput eius pilo suffixum Constantinopoli spectaculo fuit. Arcadius cum regnaſſet annis paulo minus tredecim, decessit, Basso & Philippo Coss. relicto filio Theodosio, quem antea Cæsarem fecerat. Cui ex matre Eudoxa & Augusto patre tres sorores erant, Flaccilla, Martina & Pulcheria, quæ uirginitatem perpetuo seruauiſſet, summa bonitate, integritatēque & sanctitate, religionis obseruantissima cultrix. Virgini Deiparæ nobile templum ædificauit Blacernis, in quo inclusas argenteo tabernaculo pretiosas Mariæ uestes, quas è Palæstina suis manibus tulit, summa cum ueneratione posuit. Eudoxa ante uiri obitum tribus annis, morbo soluta est, Honorio IIII & Eutitinio Coss. Gildo regnum Africæ adeptus, Masæzelis fratris filios enecat. Is Italiam nauigauit, ab Honorio copias accepit: murū dictu, cum quinque milibus pugnatorum fraternas copias deleuit: ipsiusque Gildonis à fuga tracti, ueloculam, quibus mandatum est, fregere. Hoc modo Masæzel eadem filiorum ultus est. Interea Stilico secretiore ira filio regnum parat. Mariam Honorio nuptui dat: quæ cum ante nuptiarum diem obisset, Thermatiam filiam alteram despondit: & hæc illius factum uirgo secuta est. mæstus parens Eucherium filium Cæsarem uisere cupiens, Suenos Vnandalōsquē & Alemanos magna prædæ spe sollicitauit. Illi properant cum rege

Rhadagaiso. numerus fuit ducetorum milium. Stilico me-
 tum simulat. Hostis urbis potiendae causa in Italiam irrum-
 pit, occursum nostrorum subito repellitur. In Hetruriam fu-
 git, ibique uictus est. Rex uero a fuga retractus, et in car-
 cere stragulatus est. Hostes deinde qui supersuerunt, cum ad
 solita loca se recepissent, eligendo duci intenti, Alaricum re-
 gem salutauere, qui statim legatos ad Honorium misit, qui
 agros ad habitandum peterent. Gallia ab imperatore con-
 cessa est. quod dum pergit, cum omni supellectile, fraude a
 Stilicone de industria petitus, iter omisit: ultores inuocans
 deos, quod ius gentium uiolatum sit, indignatus toto (ut di-
 citur) impetu, caelo duce Romam contendit: obstupescenti-
 bus cunctis, quae iter faciebat, uoto potitus est: pauca aedi-
 ficia incendit: non multa onustus praeda, sexto die egres-
 sus est, captiuam abduens Placidiam, Magni Theodosii fi-
 liam, quam in foro Cornelii, Ataulpho propinquo suo uxore-
 rem dedit. Ex lectione historiarum illud compertum ha-
 beo, uictoriam semper fore in ea parte quae iure pugnat.
 Victores olim Galli, post captam urbem si a foeda inno-
 centium nobilium caede abstinuissent, cōsacrandisse Capito-
 lium Romanis minime profuisset, et anseris clangor Ma-
 lium non excitasset. Capta est urbs an. A.V.C. milleesimo
 C L X I I I. ignominia potius quam clades illata est. Vi-
 ctor deinde Alaricus in Siciliam tranare naufragio ueti-
 tus, dum Consentiae hyemat, morbo interijt. Milites me-
 tuentes ludibria effossi cadaueris, alueum Bussenti amnis
 mutauerunt: excauatoque hypogeo, regis tumulum conge-
 stis opibus posuerunt, et fluiuium pristino alueo immise-
 runt, et praeposito copiis Ataulpho rege ad urbem diri-
 piendam redeunt. Dixit uero Ataulphus moribus uxoris
 Placidiae lenitus, foedus cum Romanis percutit, ibi indi-

gnati regem dolo sustulerunt. Ianque Stiliconis fraudes in aperto erant: igitur cum filio Romæ in foro Pacis occisus est: etiam eius factionis plerique occidere. Interea in Britannia occiso Gratiano tyranno Constantinus præficiatur, propter nomen duntaxat ad hoc dignus existimatus. Is cum exercitu in Gallias nauigauit, et Constantem filium Cæsarem ab eo factum, cum parte copiarum ad occupandas Hispanias frustra misit. Cum hoc accepisset Honorius, Constantium ingentis animi uirum, ad liberandas Gallias proficisci iubet: qui Constantinum ad primos impetus compressit, et filius sortem patris secutus, à Gerontio Viennæ occiditur. in cuius locum exercitus, homicida consultore, Maximum legit. qui dum in Hispania exularet, urgente rerum tenuitate periit. Extinctis undique in Gallijs Hispanijsque, et Libya surgentibus tyrannis, suasionem Constantij Placidia ad Honorium fratrem remittitur. Qua liberalitate Gothorum rex. Vualis pacem ab Romano principe impetrauit. Porro Placidia iubente Honorio nupsit claro uiro Constantio, quem dux Cæsarem et consortem imperij simul fecit. Ex quibus nuptijs Rauennæ quinto nonas Quintilis natus puer est Valentinianus, Moma et Plinta Coss. magno post apparatu Honorius triennalia celebrauit, quæ uouerat pro imperio liberando. Rursus Scotorum et Pictorum copiae, et Britannia ab legionibus nostris pelluntur: et in Hispania res pro uoto successerunt. Post obitum Constantij Placidia cum filijs Valentiniano et Honorio, iussu Augusti pelluntur, et ab Theodosio Arcadij filio, qui Orienti præerat, hospitaliter excipiuntur. post paulo Honorium febris inuasit. quæ decessit, rebus gerendis dissimilis patri. Nam qui eius acta recēsent, in quibusdam Magni Constantini

F. Constantium imitatum fuisse reperiunt. Imperauit annis XXXI, cum patre II, cum fratre XII, cum fratribus filio XVI. Theodosius iunior audita patris morte, Valentinianum Cæsare fecit, et cū matre Romam misit. aduentus satis opportunus fuit. Nam Iohannem factione Castini imperatorem factum, et Africam sibi uindictam nouus princeps oppressit. Theodosius Constantinopoli uicinalia edidit, se XVI, et Festo Coss. Genserico rex Vuandalorum accersitus à Bonifacio, qui de Africa tenenda desperauerat, post multorum cædem Carthaginem occupauit. Ad Aquilonem Belba et Attila fratres, Hunnorum reges Illyricum et Thraciam populationibus infestando Thermopylas usque occupauerunt. Omnia Theodosius magna gloria tutatus est: et uictor uota tricennialia edidit. Sic erat imminentibus periculis consuetudo, ut ludii uouerentur: quod triumphalia monumenta ex marmore, ære, argento, auro, et indicant et testantur. Sub ea figura, uotis XX, uotis XXX, hoc est, uicinalibus et tricennialibus, quod etiam indicat annos imperij.

Valentinianus.

Valentinianus, in quo magna et non uana spes asserendi Occidentis erat, acclamatione totius Italiae Augustus ab Augusto appellatus est. A Ectius ductor Gothos in Gallia uicit, Burgundionū regem afflixit: sed in Africa fortuna nobis obfuit. Vuādali sub Genserico Carthaginē cædibus fœdauerūt: nec cōtenti Siciliā inuadūt. Theodosius frustra mouit arma, quoniā pro Barbaris uictoria stabat. Qui in Britannia erant, cum Scottorum et Pictorum rapinas et impetus ferre non possent, Anglorum regem Vertigomarum, ad opem ferendam proposuerunt. secus euenit: Angli insulam suæ ditionis fecere.

Sunt etiam ij Saxonum Germanorum populi feroces atq; pugnaces, qui adhuc cum Scotis interiectis limitibus imperant. Valentinianus Constantinopolim concessit: filiam principis uxorem accepit: post nuptias Italiam repetijt. Mira res, aliquot annis quieuit Oriens, existimo ut vires resumeret, et fortius insurgeret. Theodosius uelut lōgo imperij potentatu afflictus (imperauit enim annos quadraginta octo) febre solutus est. Attila toto potitus Septentrione, orbis imperio inhians, Gothos, qui in Gallia erant, socios acersit. AEtius hæc longe ante præuidens, missis legatis, Theodoricum regem certo fœdere Romanis coniunxit. Conueniunt duci copiæ in Gallia: hinc nostri cum auxiliariis, illinc Hunni, Gepidæ, Sarmatæ, Scythæ, Sueui, Quadi, Heruli, Vgri, fauentibus etiam regulis quibusdam. pugnatum est a mane ad uesperam utrinque acerrime. nusquam cum maiore hostium numero cōgressi sumus: nusquā maior cædes obstinatione animorum. nam pugna contra Xerxem, et Persarum contra AEgyptios fide carēt. Prælium nox diremit: ceciderunt supra ducenta millia fortissimorum hominum. Nemo loco cessit, uulnera aduerso pectore infixæ. nemo iudicium ferre potuit, qui cadauera inspexit, utra pars ardentius pugnauerit: agebatur enim de toto imperio. Barbari tandiu regnasse Romanos egreferebant: Romani illos toties impulsos ac uictos, insultare nō patiebantur. Rinulus qui propè erat, humano sanguine auctus, rapidissimi torrentis instar effluxit. Sed quanuis superiores fuimus, nō parua iactura fuit Theodorici cædes, quam eius filius Thorismundus capite Attilæ rependisset, ni AEtius consulisset ei expedire paternum regnum defendere: ueritus ne profligato Attila impetū in nos conuerteret. sed perniciosum fuit consiliū. Attila enim repa-

ratis in Pannonia viribus, sæuiori animo inuasit Italia, pleraq; urbes diripuit, Istriae Venetiaeque, & togatae Gallicae, ac Insubrium. Ad eum Leo pontifex maximus legatus uenit, salutē Italiae perorans imperauit. Reuersus in Pannonia Attila, dū in nouis nuptiis nimis uino indulget, & quieti se dedisset, ferocius stertendo mero repletū spiritum efflauit. Vitio laborauit Bonosus imperator, qui congruum uini epotabat, quare cū pependit, non hominē pependisse, sed amphoram in prouerbio fuit. Veteres Graeci heroes ut plenius ingurgitarent, quod hinc existimabāt lætitiā fore, magnis cornibus epotabāt. unde scribit Athenaeus cornutum pingi Bachum. satiūsq; est, quod sapientes uiri monēt, uino abstinendū: quod immoderate sumptū, pro ueneno est. Aetius uel Maximi figmētis, uel iussu principis, qui illius successus metuebat, occisus est. qua de re non longe post Romae in campo Martio Transtyla & Oetyla milites Aetij, ipsum imperatorem confoderunt, consilio, ut ferunt, Maximi: quoniam statim arripuit imperiū. qui tertio post mense à populo Romano mēbratim cæsus. Eudoxa Valentiniāni uxor, in ultionem cædis uiri, Genserici cum ex Africa accersiuit. ille magno cum exercitu nauigauit. urbē ingressus, à rapinis non temperauit: ut cuiq; libitum est praeda abacta, abducta & Eudoxa cum duobus filiis, quarum altera Trasimundo Genserici filio nupsit. At milites auidi praeda, in Campaniam irrumpunt, Capuam euertunt, urbes alias diripiūt, onusti praeda Libyam repetunt.

Fl. Valerius Marcianus.

Um haec in Occidente aguntur, Orienti praescitur
 D Marcianus, fauente ad imperium Pulcheria Arcadij filia, cuius consilio nondū patefacta populo.

Theodosij morte id factū est. Marcianus humili genere natus, prima stipendia meruit in Lycia. cum ægrotaret, hospitalitate usus cuiusdam Tatiani & Iulij (germani erāt) postquam conualuit, animo recreādo uenatum exiere: fastiditi ardore solis, sub arbuscula quicuerunt. Tatianus prior excitatus conspexit aquilam supra caput Marciani in aere pendere, quæ pansis alis solis radios arcebat. ille fratrem, ut uideret, excitauit. ubi somnus abiit, militi quæ uiderant aperuerunt, regnū ex eo portendi nuntiantes. Igitur abeuntem uatico CC. argenteorum persecuti sunt. hoc idem prodigium ei contigit sub Aspare, dum contra Vuandalos militaret: captus cum cæteris captiuis quiescebat. Rex cupidus eos recensendi, uidit aquilam supra caput illius. per eiusmodi imaginem abire iussit: & si quando eueniret, fœdus cū Vuandalis iniret orauit. Seu aquila, seu uultur regnum portendit, talium prodigiorū plenæ sunt historiæ. Pulcheria in eligendo Cæsare princeps, senis Marciani capiti diadema imposuit. & quamuis satis cognitus ordinibus erat, boni ac probati mores eum principatu dignum fecerunt. Ideo magis expedit eligere, quàm ex hereditate mereri principē. Nouus imperator statim pro Tatiano & fratre misit: illum Constantinopoli, hunc Illyricis præfecit: cum Vuandalis fœdus percussit. Arma nunquam nisi prouocatus mouit: quietis amator, quietum Orientem habuit. Dicere solebat, donec liçeret in pace uiuere, non deære principem sumere arma. Romæ Populus Romanus cum toto sensu Auitum patritium imperatorem legit: sed non diu uixit. Marcianus cū præfuisset paulo amplius annis sex, naturæ cōcessit, ut quidam tradūt, conspiratione Asparis. Qua de causa post creationem noui principis, cum filius Asparis, Ardabu-

rius Cæsar esset à Leone pronuntiatus, populus patrem interfecit cum filio.

Fl. Val. Leon primus.

Aetione & suffragijs Asparis Leon dicitur imperator & Augustus appellatus: qui post cædē Ardaburijs Cæsaris, nepotem ex filia, Zenonis filium Leontem Cæsarem fecit: quidam filium scribunt. Asper enim ita conuenerat cum Leone, ut factus imperator, Ardaburium eius filium adoptaret: quod Leon obseruauit. Populus ubi hæc nouit, Ardaburiū cum patre interemit. Anthemium patritium Cæsarem pronuntiavit, Romamque misit, ei que imperium Occidentis tradidit: quod Maiorrianus mortuo Auito sibi iudicauerat. is quarto anno necatus, Dagalaipho & Seueriano Coss. Sed Rauennæ Seuerus imperium arripuit. Qui superato Biorgo rege Alannorum, lauream meruit. I I I anno occubuit. Quidam tradunt Anthemium factum imp. post mortem Seueri. utcumque res conuenit (nam ante Marcianū res cœpta est) Anthemius cū genero suo Ricimere à Gothijs oriundo diu certauit. Et cum utriusq; copię paratæ essent, & per factiones diuisa urbs & Italia esset: Leon ē Constantinopoli Olymbrium misit purpura indutum, qui uiuenti Anthemio regnum auferret. Res non ita successit: quoniā Ricimer ad AÆlium pontem, superatis auxiliarijs Gallis, cum Bili-mere Anthemium gladio trāsfodit. Ciuium Ro. bona data sunt prædæ. exhausisset etiam uiscera, ni cœliacus dolor hominem extinxisset. Olymbrius sine controuersia succedens, V I I post mense decessit. Iam Basiliscus. Gēsericum redeuntem in Italiam prælio uerat. Rauennæ exercitus Glicerū imp. salutat: & à Nepote (sic erat illi nomē) sororis filio, regno pellitur. Interea Basiliscus Zenonis (qui po-

Ita imperauit) gener, ingenti gloria uictor magni nominis fuit. Nepos ab Oreste pulsus Salonis (nomen uillæ in agro Ro.) cæsus est. Orestem Odoacer Gothorum rex superauit, et Placentiam uisit, iussitque interfici: et Orestæ filium Augustulū iam Romæ imperantem exilio damnavit. Exulauit in Lucullano Cāpaniæ. Scribunt alij, hunc, ne caperetur à Gothis, sponte imperium reliquisse. In eo sanctissimum Augustorū cognomen defecisse memoratur: etsi Iustinianus postea iura uindicauit, neminē purpura et diademate insignitum, ipse et alij qui secuti sunt principes, Occidēti præfecerūt. Gothi ab Augustulo ad Iustinianum regnū tenuere. Mira res, nequid integrū maneret, defecit cognomen Augustorū in uno Cos. Basilio, cū cōsulatus antea duo fuisset, quod saliet fore portēdit urbis Ro. excidiū. Hæc sunt Tite Arunti, quæ ante aliquot secula prædixisti ex Romuli uulturibus, utrū cōsusus fuisset numerus, nequus tutelam uinciendo, iacturam peroraret. Matheseos peritus homo inuenit rem sacerdotum uitio turbatam: nec clauis in pariete Mineruæ tam liquido consistere, nec annales sub titulo consulum tenere numerū potuerunt. Odoacer igitur tyrannus Romæ, in tota Italia XIIII regnauit an. cogitauit de urbe transferenda, et noua colonia deducēda, ut ab suo nomine urbē appelleret Odoacriam. Primus exterarum nationum quietus per X annos possessor, postea infelicem regno ac uitæ finem dedit. At Leon in Oriēte XVI præfuit annos. Leon secundus præfuit annum, uterque morum, nō belli studiosus. Eodem anno quo Roma capta est, equestris Theodosij magni statua posita in foro Tauri, supra cochlidem columnam, sponte corruit.

Fl. Val. Zenon.

Enonem Leon secundus sua manu coronauit. Fuit
 Z Zenon ex Isauris Ciliciæ humilibus parētibus na-
 tus, humili & incognita uilla, non minus uultu
 quàm moribus deformis. imperauit non ut Augustus, sed
 ut tyrannus. sub eo Ilus (quid non audet fortuna?) è suis
 gentibus mutilatis auribus unà cum Leontio in Oriētē ci-
 uilem motum fecere. Theodoricus rex Ostrogothorum mi-
 re à Zenone diligebatur, ab eo factus consul, collega Venē-
 tij impetrauit ab Augusto Italiam, si Odoacrem supera-
 set. Cui Zenon assensus est, cōmendauitque ei urbem Ro-
 mam, populūque Ro. Theodoricus cum exercitu per Illy-
 rios Italiam petijt, occurrentem Odoacrē praelio uicit &
 fugauit. Fugiens intra mœnia urbis non admissus, citissi-
 me Rauennam contendit. triennium ibi obsessus, tandem
 captus in cœna iussu uictoris crudeliter excarnificatus. ui-
 ctor ingenti letitia ac plausu ab obuiō senatu populōque
 Ro. exceptus, plurimūque dilectus quòd gratuita libera-
 litate caritatem annonæ fugauit. hoc scilicet imperij con-
 seruandi salubre fomentum: multaq; ædificia urbis instau-
 rauit, & si ab sanguine quorūdam senatorū abstinuisset,
 nemo fuisset Theodorico acceptior. an. II Zenonis impe-
 rij Basiliscus à sorore, quæ Augusta erat, quia imperator
 aberat, in regali solio positus, M. filiū Cæsarem fecit. rediēs
 è Syria Zenon ius suum repetens, in Cappadocia Basili-
 scum cum filio relegauit, qui Lemnis (nomen oppidi est) fa-
 me consumpti sunt. Præfuit Zenon annis septendecim.

Fl. Val. Anastasius

Anastasius Dicorus magno consensu principis ele-
 A ctus, statim donatiuū militibus dedit. legatos Indo-
 rum cum muneribus uenientes, placidissime au-

diuit. à mari ad Selymbriam lōgum murum duxit, ne incursiones Mysorum, Bulgazrorum & Scytharum cum fierent, obesse possent. Statuam æneā equestrem inauratam sui nominis ac tituli supra columnnam. fori Tauri posuit: laudabilius si illam Theodosij Magni restituisset. Athenodorus tyrānus in Cilicia pœnas luit: cuius caput Isauricus mules ueruto affixum ante portas Tarsi tulit, ibique relictū aruit. Priscus Antiochiæ, quæ est Ciliciæ, Lōgum Selymantheū æpit, & uinctū catenis ad Anastasiū misit. Cuius iussu Nicæ Bithyniæ tāquam fera dilaniatus est. & Hunni non contenti Armenorum spolys, Cappadociā nastauerunt, & usque Lycaoniam urbes diripuerunt. Ad Aquilonē uero Vitalianus magister militiæ grauem fecit motum, & ut quiesceret, nongenta pondo auri ab imperatore accepit. Getæ Macèdoniam, Thessaliam, Epirum diripuerunt, multos fecere captiuos: pro quibus redimendis cum aurum misisset Anastasius, & nō sufficeret hostium uotis, Barbari captiuos aut in domibus suffocarunt, aut pro mœnibus in conspectu multitudinis trucidarunt. Anastasius, ut credibile est, malo genio actus, in diuinis præcepit non trinitatem, sed quaternitatem adorandam esse. huic ciuiles motus adeo creuere, ut nisi simulasset se mutare mentem, imperio priuatus dedisset pœnas. sed cælestem iram quis uitat? ictus fulmine occidit. Marcellinus tamen tradit eū natū supra an. LXXX, subita morte occubuisse. Imperauit, an. XXXIII, mēses I. D. XXIX.

Fl. Val. Iustinus

Iustinus Thrax sine imaginibus, sine tribu, utroque
 I parte ignobilis, à teneris annis suum custos, deinde bou, post lignarij cuiusdā minister, natus annos sedecim militare cæpit: promptus manu, & doctus

hostem ferire, sortē mutauit, princeps ordinis fuit, & hinc promotus comes factus est. Mortuo Anastasio ad eum Amantius Spado libertus superioris Augusti ditissimus uenit, magnam uim pecuniarum secum ferens: orauitque ut in toto exercitu ductoribus & militibus partiretur, & ipse acciperet quantum uellet, promitteret donatiuum per singula capita, & lōge maius quàm priores fecerunt, si Theocritianum imperatorem legissent. Pecunia satis integre soluta est, non ad uotum Amanti, sed Iustini, qui pro se suffragia caute enut. Itaque cum princeps eligeretur, nemine discrepante, Iustinus pronuntiatus est: quem curuli acceptū sella, diademate ornatum, adorauerunt omnes. Amantius & Theocritianus & Andreas minister à cubiculo, insidias principi parauerūt: ea de causa è medio sublati sunt. In Occidēte Theodoricus XXX mil. Gallorum praelio occidit. Iohannem pōtificem max. Romæ carcere consumpsit. Inde subita morte occubuit, regnūque Atalarico ex filia nepoti tradidit. In Oriente Iustinus sororis suæ filium Iustinianum consulem fecit cum Valerio collega, qui consularatus contra legem Marciani, adeo insignis fuit ludis atque muneribus, ut facile priores superauerit. Viginti leones iubatos, & triginta pardos exhibuit, aliāsque innumere rabiles feras. Item gladiatores & scēnas, Circēsesque, & magna aurigarum præmia, in quibus ultima tantū mappa à populo propter factiones denegata est. Anno imperij eius nono, Caleñ. Aprilis Iustinianum adoptauit, consortem imperij fecit, quarto post mēse decessit. Imperauit an. I X, mens. I I. Maiortio consule.

Fl. Val. Iustinianus.

Iustinianus reparando imperio animum admo-
 uit. Persus qui transgressis limitibus Mesopotamiam, Cœlesy-

riam Syriamque prædati sunt, Belisarius legatus ab Augusto missus, prælio fudit fugauitque. Trās Euphraten abire coegit: ueteres firmauit limites. Iura imperij toto Orienti asseruit. cum uictoria redeuntem et aureo curru triumphantem, Iustinianus magna lætitia excepit. idēque dux triumpho insignis, et rebus gestis clarus, recuperata Africa, Gelimerem Vandalorum regem uinctum catenis Constantinopolim misit. Carthaginem firmitus quā antea restituit. Triumphus maior ac pretiosior Persico fuit. præferebantur puluinaria ornata auro ac gemmis, signa militaria, tapetes, mensæ, pocula, uestes pretiosæ, peplo, regidæque hæc supellex distincta auro, lapillis et margaritis, septem magna uasa plena auro, et uasa quædam e gemmis. Quid gratius præberi oculis potuit, quā captiuum intueri regem cum uxore et regia familia? Cum ad conspectum imperatoris uentum est, iussusque est rex adorare principem, ferunt cum pleno ore semper risisse. Existimabant ingenti dolore percussum, mentæ captum esse: illumque dixisse se ridere fortunæ humanæ uicissitudines: ut qui modo rex fuisset, iam seruiret. Eadem sententia fuisse AEmilij Pauli memoratur, cum post captum Persen Macedoniæ regē, de mutabilitate fortunæ nō sine lachrymis disse-ruisset. Consul factus Belisarius (quæ dignitas prima post imperatorem erat) è Sicilia in Africam redijt, rebellantes compressit. Solomoni præsidi partem inuictarum copiarum reliquit. Ac uero in Italia Atalarico defuncto, qui regnauit annos I I I I, successit Theudatus: qui cum suspectus esset in loco qui dicitur Quinctus, tumultu militari occisus est. Opinio fuit Vitigatem, qui statim regnum accepit, autorem cædis fuisse. Belisarius cum uictore exercitu, iussu principis in Italiam nauigauit: Neapolim resistentem

ui cepit, scēitūmque est sine sexus, ætatis, & sacerdotij discrimine. Romam cum uenisset, pauidi Gotthi Rauennam profugerūt. Vitigitis coadunatis innumerabilibus copijs Romam contendit, obsidet: nihil cum proficeret, suburbana omnia incendit. ita Belisario acriter defendente, urbs non capta est. Post annum Vitigitis re infecta, Rauennam reuersus. Deinde, quod uix credibile esset, Belisarius cū parua manu, cum tanta multitudine confligit, profligatoque hoste Vitigitem fugauit. captus à Iohanne magistro militiæ, Romam ductus est, & inde à Belisario Constantinopolim. Iustinianus regij nominis memor, ne sine dignitate uiueret, Persico limiti in ripa Euphratis hominem præposuit. ubi sequentibus annis diem obiit. Dum hæc in Italia geruntur, Gotthi in Africa duce Gundorico rebellauerunt. Belisarius rē sedauit, cæso autore qui dux erat. Gotthi Circumpadani Hildebrandum regem creant: cui post paulo interfecto substituitur Vatrius, qui uix annum præfuit, & cæsus est. Eius locum assentientibus copijs, accepit Badula cognominatus Totila, quo ductore Gotthi populationibus & incendijs totam Italiā infestam reddiderunt. Aueratium pont. Ausinatum legatum ad imperatorem misere, ut eis liceret urbem & Italiam tenere, quemadmodum maiores eorum tenuerant. Quibus respōdit Iustinianus, Res Italicas commisisse Belisario & Iohāni, cum illis agerent. Gotthi intellexerunt sibi armis decernendum fore: itaque sine spe ueniæ ac pacis omnia rapinis, cædibus, incendijs, ruinis, antequam Belisarius rediret, ingenti miseratione fœdarunt. Urbē Romam proditione Isaurici militis X V I Cal. Ian. porta Cælimontana ingressi, imperio potiti sunt. nec eo contenti, bona diripiunt: mœnia bona ex parte solo æquant, domos aliquot igni absumunt. Incolas

omnis cuiusque gradus atque ordinis rex potissimum Totila ab urbe abire præcepit, ducturus alio in loco coloniã. multitudo omnis in propinquas urbes se recepit, sine habitatoribus urbs relicta est, mansitque in ea solitudine amplius XL diebus. Hæc sunt tua monumenta parës Romule: hæc est illa æterna urbs, terrarum dea, gentiumque Roma: cui par est nihil, & nihil secundum, quæ undique uicto penè orbe aduectos triumphos recepit: cuius imperium Occidentis, Oceano & Transhigritanis regnis terminatum. Tunc illa Roma ad quam quot sunt sub cælo gentes, conuenire ius erat, quæ innumerabiles colonias emisisti? sed iam ciuili intestinòque odio eò lapsa es, ut honorificentior habereris, si nomen tuum tantummodo extaret. Quoniam dissensione partium, & assidua uastatione Romani agri, ita à tuis præsertim dilaniata es, ut exactam uetere pomærio, mutilatamque in campo uix consistentem, nostra ætas non sine lachrymis conspiciat. Augret præterea dolor, quod qui præsumt, licet uelint, adiumentum tamen ferre non possunt. Interea Belisarius morbo liberatus, silentio & ruina squalidam urbem, & graui dolore depastum incendiũ foetidam, ingressus est. Ferunt incendiũ surgentibus flâmis XIII dies emicuisse. Dux cautus mœnia raptim reparauit, lignis & ruinis. ciues redire iussit, quorũ maior pars etiam nõ uocata reuersa est: sed nõ omnia ædificia in cineres ierãt, quæ magno redeuntibus adiumento fuere. Veruntamen regiones tres, porta Cæpena, Piscina publica, & Auētinus, adeo consumpsit, ut neque tunc, neque postea restitui potuerint. Totila accepto huius rei nuntio, cum infesto exercitu ad euertendam urbem rediit: sed repulsus, AEmiliam petiit. Et si Belisarius persecutus esset, Gothicæ uictoriæ laudẽ Narsen ademisset. Be-
ss. v.

lisarium à rebus Italicis fama belli Gallici reuocauit. Germanus patritius Augusti patruelis contra Gothos missus, in Illyria morbo occubuit. Itaq; Italicæ expeditioni præficitur Narfes. In Africa Artabanes Stoꝝa tyrannum prælio uicit ac cepit. Dúmque Cisalpinæ Galliæ Totilas auxilium præstat, à Langobardis occisus est. Demde Gothi audito Narsetis aduentu, obfides Romanos, quos et secum habebant, ad unum interficere omnes. Narfes demde cum Gothis magno prælio conflixit, et felici usus uictoria, omnes penè deleuit: etiã rex ipse ne superstes dedecori esset, gladio pugnando transfixus undè interijt. Ob uictoriam ludi editi, et in Circensibus ex factione Prasinorũ et Venetorum tanta seditio ex certamine orta est, ut magnam fecerit cædem. Tale spectaculum aurigæ præbèt, et mannis spectantium fauor nunquam quiescit. Sic Russati, Albati, Veneti et Prasini mappas in circo quærun, sed ultima ferè semper in ambiguo est. sic pro uili panno, miserorum mortalium animi, huc illuc distracti pendene. Princeps tandem affectus morbo, Iustinum ex filia nepotem consortem imperij fecit, caputque diademate exornauit, Fortunæque fauētis signum in cubiculum illius trāsferri iussit. ingrauescēte morbo non sanus mente decessit. Imperauit annis XXXIX.

Fl. Val. Iustinus II.

Iustinus patre Illyrico, matre Augusti filia, à teneris annis non ut nepos, sed uti filius in aula principis educatus, magno in honore habitus est, natura facili, et ad omnia dexteriore. Ab initio principatus, orante Sophia eius uxore, æs alienũ soluit: tãta liberalitate usus, animos ciuium simul et militum coniunctissimos habuit. Cũ Persis solutis inducijs pacē fecit. Narfes post Gothicam

uictoriam tenuit Italiam annis sedecim: accusatus à quibusdam seditiosis ciuibus apud Iustinum, quod nimis austerus ac seuerus in iudijs esset, per litteram se expurgauit. Sophia ut hominem irrideret, ad eum scripsit ut ad pensa, muliebre opus, rediret: eunuchus enim erat. ille indignatus sollicitauit Langobardos, qui in Pannonia erant, quorum auxilio delendis Gothis usus fuerat, uti Italiam occuparent. Natio fuit Germanica, quæ ex Cimbrica peninsula ad quærendas sedes profecta erat, et non statim cepit arma. ferè triennio post, cum uxoribus et liberis, et omni supellestili Italiam petierunt: numerus fuit CC milium. sub rege Albuino subactam ac domitam Italiam in potentatus diuisere. Tenuerunt an. CCCIII illo tēpore Vgri, glacialis Oceani actolæ, quærendo sedes, Pannonias ingressi, ibi commorati, quam adhuc pacificæ tenent: rebus bellicis ita clari, ut nulli ferocissimarum gentium cedant. Iustinus cum grauius dolore pedum laboraret, obiit. Tiberius quem ante adoptauerat, ei successit.

Tiberius.

Iberio pax erat cum Langobardis, qui se paratos fore ad omnia principis mandata per legatos fuerant polliciti. regem sibi creauerunt Clephen: qui cum à suorum sanguine etiam non abstineret, in insidias lapsus, cædi meruit. quo cæso Langobardi XXX duces legere, qui Italiam regerent: quæ à samnitibus ad alpes, præter urbem Romam et portum, ditionis eorū erat. Tiberius in Oriēte Persas sæpe profligatos intra suos fines compulit, recepta Mesopotamia. Langobardi rupto cum imperatore fœdere, urbem Romam graui obsidione premunt: sed eos multitudo decidentium imbrium à mœnibus repulit. Qui existimantes sacrum quoddam uolari, mass. iij.

gno silentio eo animo concesserunt, amplius cum hostilibus armis non redituri. Secuta est imbres longa siccitas, & inde caritate annonæ laboratum est. Tiberius Mauricium generum suum adoptavit. Tiberij felicitas multi nominis fuisset, si res in Occidente ut in Oriente ei successissent. Imperavit annis V I I. Mauricium generum suum consortem imperij fecit, qui successit.

Mauricius.

Auricius gerendis rebus in initio felix, Armenos
M & Persas per legatos fudit, Mæsia Scythas repulit. In Italia Langobardos repressit. Deinde auspicijs Theodosij filij sui, & Germani soceri, uictos Hunnos, Pannonijque exactos ad solitudines fugavit, & Chagannum afflixit illorum ducem. Romanus quidam patritius, non abnuente Augusto, cum Langobardis sæpius pugnavit, & uictor primus Italiæ exarchus factus est. felix est qui uictoriam assecutus temperare se didicerit. Romanus Græcis munditijs nutritus, ad delicias animum flexit, simulq; ad rapinas, Mauricius uero uetuit: cuius mēs (quia pax erat) cumulandis thesauris accensa, finem non inueniebat. Ea de causa tenax factus, stipendia aut rara, aut nulla dabat: factaque contra eum conspiratio est ab exercitu, qui Sarmatico limiti præpositus erat: cuius dux Phocas. Rumor ad Augustum peruenit, qui Philippicum generum atterfiri iubet: cui aperuit, quomodo per nocturnam quietem his tæruē admonitus erat uti cum tota familia à Phocate præcaueret. Philippicus admirans dixit se noscere hominem, qui tale facinus nō auderet, cum nimis timidus esset, improbus tamen. Propter id, inquit Mauricius, mihi cauendū est: nam qui timidi sunt, postquam scelera ineunt, parcere nesciunt, & sæuius agunt. Cogitemus igitur ne

res eueniat. Tū Philippius, Liberalitate opus est, ea sola milites etiam irati sedātur. Mauricius surdis auribus audiebat, aut cogitabat inferos pecunia placare, ne acciperēt admitterētque: aut ne priuatus ut antea inter notarios lateret: notarius enim fuerat, et ob diligentiam à Iustino præfectus iugulum factus, inde Tiberij gener, post Augustus. Longe auarius quàm antè omnia negotia principis agebatur, ut opinor, ob futorum necessitatem: Cum milites id amplius ferre non possent, præsertim qui contra impetum Scytharum positi erant, loco sterili ac difficili, et gelu horrido, coniurauere in caput Mauricij. Sed cum ad opus uentum est, Chalcedone tota domus ferè cum principe cæsa est: quod ei non contigisset, si non fraudasset milites stipendio, si, ut decebat, uixisset. Ferūt enim nihil esse in eo qui imperat auaritia detestabilius: fœdum crimen est, et parens omnium malorum. Hinc rapinæ, hinc cædes, hinc dominandi cupido ortum habuere. hæc in Pertinacem (cætera uirum integrum ac sanctum) milites armarunt: contrà liberalitas Alexandro Magno imperium propagauit. Utinam Maurici, aut Iustinum, aut socerum tuum imitari didicisses. Ab illo Iustino æs alienum perfolutum est. Hic Tiberius cum uxore Anastasia, placido artamine indigentibus largas opes dedit. sed tu uenti facto concederes, thesaurus inhiando gladio iugulum præbuisi. Imperauit Mauricius annis X X.

Phocas.

Hocas ab scelerato exercitu, cuius dux erat, imperator lectus est, qui penè Mauricij oblitus, nec tanta cæde edoctus, auarissime tributa exigenda madauit: tenacius priore aurum seruans: secreto cum suis aulicis Persico more omnia disponens. et hi legatos audiebāt,

ss. iij.

iudicia pendebant, magistratus dabant, quo in eo qui imperat, miserius et deterius nihil est. Palatini enim summi grauius lacerare solent. Gratiore apud eum erant, qui implebili rapacitate populos uexabant. stipendia nunquam negauit, quae tamen parcissime dabat. unum porro sanxit quod laudem meruit, hoc est, urbem Romam totius salutaris uitae caput esse, cum antea propter sedem principis Constantinopolis haberetur. Desidia et ignauia imperatoris, Romanorum hostes potentiores facti Occidentis diuasi, Germanias cum insulis, Gallias, Hispanias, et bonam partem Italiae, Pannoniasque et Moesiam abstulerant, et magnam partem Africae. Oriëtis uero Iberos, Armenias, Arabas, et hinc Dardanos, et mediterranea Maëdoniae et Thraciae. Chaganus Thrax, Hunnorum rex, modo huc, modo illuc undique discurrerat. Mesopotamiam, Assyriam Persae occupauerunt. Aegyptum Saraëni uastauerunt. Proh dedecus, nostrae uires adeo defecerant per luxum ac libidinem, ut imperium Romanum solo tantum nomine constaret. Res enim P. iudices non habebat. Magnam spem in initio praebuit de se Phocas, quod homo militaris, sed omnes sefellit opinio. Itaque ex omni parte reges soluti metu, irruebant. eoque uentum est, ut aut nomen imperij deleteretur, aut Phocas occumberet. Erat acceptus imperatori Priscus patricius gener Heraclonae. Huius filius Heraclius pro praetore Africam administrabat: ij tres de imperatore occidendo coniurationem inierunt. Heraclonas quia magister militum erat, in Thracia uelut defensurus regionem et propulsurus Barbaros exercitum coegit. Heraclius ex Africa Constantinopolim uenerat, ne pater defectionis suspicionem faceret. Conueniunt statuto tempore, sic de industria tumultus: dum milites praetoriani accurrunt,

coniurati principem obtruncant. Milites primum Heraclium imperatorem, Cæs. Aug. pronuntiant. Populus dem-
de & senatus ingenti acclamatione probauit.

Heraclius.

Eracly Sergius Cōstantinopolitanus pontifex, ca-
H put diademate cinxit, eadēque die Fabiam Eu-
doxiam duxit uxorē, simulque & sacratissimæ
coronæ, & nuptiarum pompa celebrata est. Totum Orien-
tem uastauerant Persæ, & legiones sæpius reparatas sæ-
pius deleuerant. Hinc Scythæ & Auari Europam diri-
puerant, & Rom. milites interfecerant: paucissimi in toe-
cædibus supererant, ex his qui militauerant sub Mauri-
cio & Phocate, uix crediderim quod quidā scribunt, duos
tantum superfuisse. Ambiguus erat Heraclius, Europam-
ne an Africam uindicaret. Crispum Cappadociæ præfecit.
fœdus cum Chagano ante longum murum Anastasij per-
cussit. cum Langobardis induciæ nondum exierant: Afri-
cam firma præsidia tuebantur. Itaque tota mole ad Orien-
tem liberandum conuersus est. Priusquam bellum gereret,
legatos misit ad Cosroen, ut à uastatione urbium & Ro-
manorum cæde cessaret: utque iam satur humano sangui-
ne rediret in Persida. deinde frustra orauit inducias. Ille
cui animus omnia perdēdi erat, bis legatos cōtempnit. Tā-
dem spretis conditionibus pacis, superbe & contumeliose
respondit, se nūquam cum Romanis quieturū, nisi postpo-
sita & abnegata IESV Nazareni crucifixi religione, Mi-
tram, hoc est, Solem, qui unicus est deus, adorarent. Impe-
rator indignatus, desperata pacē, expeditionem quam cœ-
perat, parauit: acrem delectum undique haberi iussit: no-
uas legiones scripsit. nam ueteres occiderāt, & priusquam
ad bellum duceret, exercuit, ut solet de tyronibus fieri. ad

liberandum Orientem pergit. Cosroes factus de bello certior, Palæstinam Iudæamque diripuit. Hierosolymas, post longam Christianorum occidionem, exhaustis omnibus, & omni supellethile, consumpsit. Lignū salutiferæ Crucis, unā cum sanctissimo urbis episcopo, in auita regna ferri iussit. Ostanem satrapam cum ualido exercitu, cōtra uenientem Heracliū misit. Res primum leuibus prælijs tentata est, deinde totis uiribus pugnatum est. Persæ uicti terga dedere. Cæsa sunt hostium supra XXX milia. Ostanes fugit. Saraces & Sarabasses duces cecidere. nec tanta cæde ulti sumus. Iamque iterum ac tertio uictores, deleto ac cæso supplemento longe maiore, cum dūce Saie & Raçetene, in uiscera Persidis superato Tigride penetrauimus: sæuētūque est, non modo in homines, uerum in urbium direptiones: nec temperatum est à prophanis hostiū templis, qua strage nostra uulnera recōpensauimus. Secūdo & tertio prælio, cælesti auxilio usi, uictoriam assecuti sumus. Sed tertius ille congressus cæsis multis milibus, finem bello Persico fecit. Cosroes desperatis rebus Ctēsiphontem aufugit, ubi à Siroe filio interfectus est, quod pater Medarsæ filio alteri, sed natu minori regnum tradiderat. quare & hic cecidit, uxoresque. Negotio perfectō, Siroes, ablatas opes quas reperit, captiuosque Romanis, & Lignum uitæ restituit Heraclio, & primus ipse de morte patris ac fratris scripsit ad principem. Paxque ei data est ijs conditionibus, ut limes Persici ac Rom. imperij Tigris esset, atque Persæ Mesopotamiam non attentarent. Tertie pugne dies, fastis Rom. ascriptus adhuc magnæ uenerationis est. Exercitus uictor & laureatus onustus ferulis atque trophæis magna lætitia & ingenti gloria Constantinopolim redit. dux purpuratus, aureo inuectus curru, non laureā manu, sed lignū

Crucis tenens, se letantibus populis spectandum præbuit. Gratum & salutiferum spectaculum, occurrentibus sacerdotibus regio ornata insignibus, pompæque admirabili, præcunte Pont. in sacratissimo templo positum est. Maior hic certe triumphus, quàm qui de Gilemere uicto & Africa recuperata habitus est. Imperauit Heraclius annis XXXI: ferunt hydropisi occubuisse. Alij scribunt nouo cladis genere, testum folliculo sursum uerso, simul cum uirili membro, & semper tento: adeo ut quoties meieret, nisi tabula umbilico admota prohibente, uultum lotio sparsisset. Existimant ob illicitas nuptias id accidisse. Lapsus etiâ fertur in hæresim Monotheitarum.

Magmed.

Vius tempore prodisse in lucem Magmed memorie proditum est, obscuris genitum in Arabia parentibus, captumque ab Scænitis (Numidarum more uiuunt) & mox uenditum. Abdimoneples Ismaelitici generis emit, locuples mercator, qui non ut seruum, sed liberum loco educauit. forma puerum conciliabat. Cū adoleuisset mercimonij præposuit: quî dexteritate ingenij cum ualeret, commercio usus Christianorum Iudæorumque, & aliorum, & lucro augēdo diligens, primum domino gratus, inde in notitiam plurimorum uenit. Erat tū in Arabia Sergius monachus. Eò enim è Byzantio fugerat, sceleratæ opinionis pœnas metuēs, inque domum Abdimoneplis consuetudine diuertebat, Magmedi plurimū fauens: natūque iuuenis facilitatē atque prōptitudinē, in diuersa haud difficulter deduxit. Interea herus moritur sine liberis. uxor uidua dū uirū quæreret, & esset quinquagenaria, domiq; haberet ualidū annis iuuenem, domesticis nuptijs usa traditur, Sergio (utî ego existimo) persuadente.

iuuenis magicæ uanitatis non expers, potens pollénsque
 carmine, intra paucos dies muliebri menti uirū de se stu-
 dium immiscuit, adeo ut illa nimio ardore deperiret. Cor-
 ripiebatur Magmed comitali morbo: quod ubi uxor ani-
 maduertit, ægreferens rogauit quidnam rei esset. tum ille
 monitis Sergij, Desine mirari, inquit, morbus abest: sed cō-
 spectum cælestis nuntij ad me Dei iussu ueniētis, ferre cum
 nequeam, mens et membra obstupeſcunt. idēque con-
 tingere omnibus prophetis narrabat, se quoque prophetam
 esse dictitans. Vana spe elusa fœmina, fidem præstitit: et
 quem modo amabat, obseruare simul et colere cœpit. In
 ea persuasione cum diem obisset, hæredem uirum toto (ut
 aiunt) axe scripsit. lis opibus fretus, palàm de se loqueba-
 tur. multi assentiebātur, præsertim fœminæ, inter quas an-
 tea gloriabunda uxor, nomen Laudésque mariti et cæle-
 stium congressus disseminauerat: siqui uero repugnarent,
 cogebantur armis. breuique sermone et metu exercitum sa-
 tis amplum coegit. Negligentia Cæs. Augusti animos præ-
 buit, qui exiguis copijs primos illos conatus effringere po-
 tuit. neglectus ignis paulatim augescens, cum fomes suppe-
 tit, absument omnia: desidiâque nostrorum, pernicioſa ta-
 bes creuit: cui fomentum medicæ manus adhibere nequeunt.
 Arabes primi defecere, proximæ demde regiones, ipsâque
 inuaditur Syria: in qua ferax Damascus us expugnata, ui-
 uentis Phylarchi et templum et diuinos honores prin-
 ceps inspexit. pugnasse postea fertur cum Persis, et partem
 copiarum amisisse, rediſſéque ad suos Arabas, copiasque
 suppleuisse scænitis, manu tum bello ualidissima, et rebus
 gestis clara: quæ indignata ob negata stipēdia fraude quæ-
 storum, et Romani ducis tenacitate, Magmedi hæsit: et
 tunc defecisse prouincias quidam scribunt. Scriptor haud

ignobilis, qui paulo post illa tempora fuit, tradit Magmed cum plerisque affectarum cohortibus Syriam intrasse, & per legatos petiisse ab Heraclio regiones ad incolendum, atque impetrasse: & ingentem illum numerum, cum alimenta deessent, direptionibus agrorum, villarumque & urbium quæsiuisse. Adiciunt post rapinas reuersum cum ad antiquas sedes, aperuissèque leges, & fuisse legislatorem: tandem natum annos quadraginta ueneno interiisse, quod affines dominorum, ad quos hæreditas spectabat, parauisse ferunt, & clam cibis immiscuisse. Eo sublato Ismaelitica gens, quod ab duce didicerat, ferre palam deterrita nõ est. Tota ferè quæ antea cœperat cœssit Africa, sed oræ mediterranei maris longe serius. Demum desidia Romanorum principum, eò superstio creuit, ut magnitudine eius atque armis pœrterritus Oriens, & bona pars Europæ, non sine clade, & nostra ignominia desinuerit.

De progenie Heraclij.

Heraclius ex Fabia Eudoxia uxore suscepit Euphantiam & Heraclium, qui Constantinus nomen appellatus est: quem ab ineunte ætate sacro diademate adornauit pater. Defunctæ Fabiæ funus cum efferretur, puella sorte quadam spuit per fenestram, contigitque tetigisse elatum cadauer: nulla facta mora cōpressa, & rogo Fabiæ posita, uina exusta. Duxit postea Martinam filiã fratris, lata lege ut idem omnibus liceret: ex qua genuit Heraclonam. Successit primum patri Constantinus novus, qui regnum à patre accepit, non malũ fidei dogma: nondum annum imperans, à nouerca ueneno sublatus est. Arripuit imperium Martina cum Heraclona, qui natus erat annos decem, & ñ conspiratione senatus ante biennium capti, & in exilium Cappadociam missi. Mulieri linguam

præcidūt, ne oratione, qua plurimum ualebat, populos cō-
moueret: puero absiderunt nasum, ne decor aut gratia in
uultu miserationem facerent. Senatus tunc sine militibus
principem fecit, quod raro contigit, & antè & post Tac-
tum. Augustus electus est Constans Constantini filius, ge-
nitus ex Gregoria filia Nicææ patricij. & is filius Græ-
goræ, qui multum dilectus ab Heraclio fuerat, magnisque
honoribus functus. Constans uero dum frustra in Lango-
bardos impetum facit, in suos cōuertit iram. Laminas ar-
genteas, quibus Pantheon tegebatur, & alia quædam pre-
tiosa, reliquias hostilium prædarum atque incendiorum
subtulit, & secum in Siciliam tulit. dūmq; ibi in balneis
se lauat, à ministris, autore Mazese, interfectus est. Qui
dum pacē Constantinopoli fruitur, mortem obiit, regnū-
que per manus filio Iustino tradidit. In hoc defecit Hera-
clij progenies. X imperij anno, deiectus solio à Leontio pa-
tricio, exul in Ponto, afflictus calamitate occubuit, abscissis
naribus. Soli Heraclio inter omnes principes Rom. (quan-
tum rerum gestarum monumenta docent) stirpis suæ apud
inferos sextum legere Augustum, Lachesis suo inextricabili
uolumine concedit. Præfuerūt omnes annis LXXXVII.

Compendij Romanæ historiæ per Pomponium
Lætum finis.

IOHANNES BAPTISTA EGNA-
tius Venetus præstantissimo iuriscōsulto & Senatori re-
gio Iacobo Minutio salutem.

Q V I principibus, illustrioribusque uiris inge-
nū sui monimenta nuncupant, Minuti cla-
rissime, alij id agūt, ut aut ueteri summæ-
que in eos obseruatiæ sese id tribuisse dicāt:
alij ut eorum præsidio tuti, inuidiā minus
grauem ac noxiā sentiant: alij ut fructum alieni de se iu-
dicij ea indicatura percipiant. Nec desunt qui posterita-
tis laude rapti, ac immortalitatis spe quadam inflamma-
ti, ea sibi nomina deligant nūcupatione, quæ diutissime &
uiuere & florere posse sibi persuaserint. Id quod à picto-
ribus, artificibusque plerisque obseruatum animaduertas:
qui deorum, principūque effingendis imaginibus eo li-
bentius studeant, quo minus obnoxia illa existimant, aut
hominum, aut temporis iniuriæ fore. Sunt etiam qui hoc
ueluti sacro literarum munere promereri gratiam, bene-
uolentiāque eorum cupiant: siquidem haud inter po-
stremas laudes referri debet, siquis principibus perpla-
ceat uiris. Sed & multi facile sese, operāque suam his
ostentant: quorum & autoritate ornari, & opibus augeri
se sperent. Ego uti ex prioribus quasdam fortasse sequar,
sic certe duas, quarum altera publica, communisque ti-
bi cum gente Gallica: altera planè tua ac propria sit, secu-
tum in primis esse me non negem. Et communis quidem il-
la, quod cum singulari ac diuina potius Gvlierij benefi-
centia Mediolani agens alterum ab hinc annum, ornatus,
auctusq; sim: non possum iam ex illo tibi, tuisq; omnibus
etiā atque etiam nō perpetuo uelle debere. Illius enim cō-

*suetudinem et opera, facile quanta gentis uestrae morum
 simplicitas, quae publica domesticaque disciplina, quae in
 omnes charitas, quanta in deum pietas uestra foret, est per-
 spectum mihi planè ac cognitum. Quid enim uobis ipsis
 magis rectum, apertumque esse potest? quid minus insi-
 diosum ac fallax? Arctotæ (inquiunt) gentes hoc omnes ha-
 bent. Ego uero cum fallacissimas ex his multas legam, non
 celo, sed naturæ planè hoc uestrae optimæque disciplinæ
 id tribuam. Iam quid animorum, uoluntatumque uestra-
 rum fraternam in omnibus consensione prædicem? quam
 non cōuiuorum frequentia tantum, sed officiorum commu-
 nicatione ac summa charitatis mutuae testificatione tuemini.
 Hæc uero uobis adeo natura insita, usu parta, consuetu-
 dine aucta fuisse uidetur, ut tot mihi germani fratres, non
 de facie solum, sed de morum imprimis similitudine at-
 que æqualitate uideamini. Quare non immerito admira-
 ti Pœnorum legati etiam in hoste Rom. scilicet pop. id plu-
 rimum esse dicuntur, quòd conuiuio accepti à pluribus ci-
 uitatis principibus, eodem ubiq; cœnassent argento, testa-
 ti nullos hominum benignius Rom. pop. uiuere. Nam quid
 de uestra in regem obseruatiâ, in Deū pietate dicam? Quæ
 enim unquam gens aut externos principes non admisit,
 aut admissos non interdum expulit? sæpe etiam per sum-
 mum scelus non occidit? Francis id proprium ac peculia-
 re, nullos unquam externos pati: suos autem usque adeo a-
 mare ac colere, ut pro eius dignitate ac maiestate tuenda
 non opes tantum, sed uitam ipsam profundere possint. Illa
 uero, quæ Deo ac religioni debetur, tanta talisque est, ut si-
 leri melius putè, cuius uestigia haud sanè leuiter impres-
 sa, tot et tanta extent, ut nulla unquam delere illam obli-
 uio, nulla obscurare temporum iniquitas ualeat. Cæterū*

excellens quædam ac eximia in te uirtus, secundusque ac
constans hominū de te rumor, et Iohānis imprimis Fran-
cisci Asulani adolescentis, cum summæ spei, tum uero lau-
dum tuarum studiosissimæ prædicatio effecit ut et ego te
pridem literis consulendum duxerim: et nunc Cæsares ti-
bi meos, reliquāque ad hosce non uulgarem (nisi fallor)
industriam, cupidissime nuncupem. Quorum lectio tanto
tibi gratior ac iucundior esse debet, quanto is, qui ea ti-
bi inscripsit, te plus amat ac colit, quā multos alios. Huc
accedit, quod singularem eruditionem tuam, ac multiplicem
literarum cognitionem magnificat: quod Minutiæ familiæ
nobilitatem (quippe quæ à Romanis illis deducta Minu-
tijs pro constanti habeatur) obseruat: quod denique se tibi
quā coniunctissimum ac charissimum esse cupit. Sunt
quidem in te corporis et animi (uti audio) egregiæ dotes,
quibus Christianissimo regi gratus, admirabilisq; sis. Nul-
la certe aut maior aut honestior, quā ut literas, litera-
tosque homines, quod facis, foueas: illæ scilicet iure reposcūt
abs te, quod tāta tua cum laude huberrime tribuere. Nam
unum te esse ac præcipuū, in quem Galliæ tuæ Trāsalti-
næ olim intuerentur, quem Cisalpina tota prædicat, cuius
singularē prudentiam atque humanitatē etiam hostis com-
mendet: totum hoc literarū beneficiū est. Quid, quod Cæ-
sarū hæc à nobis instituta, tribusq; libris cōtinuata series,
multa interim habeat, quæ delicatū etiam lectore et ca-
pere et detinere ualeāt? Nam Bizātinæ urbis originē, Tur-
cas ad hæc usque tēpora principes, res ab his belli gestas,
Maomethus ortū, Romanæ urbis captiuitatē, et Asiæ impe-
ria supra quingentesimū ac milesimum annū repetita cō-
tinet. quæ omnia primus ego (quod sine aliorū iniuria di-
ctum uelim) præstiti: ac ut una ueluti tabella depicta spe-

ctari commode possent, curavi. tamen si, quid libris commu-
ne cum pictura? pascit illa tantum oculos, hi animum, men-
tēque instruunt. Illa, mutam, manem, ac plerunque fal-
sam descriptionem cōtinet: libri uiuentem præceptionem,
atque exactam spondent. tabulas etiam imperiti pingant,
literarum monimenta non nisi doctissimi conficiāt. Tan-
to denique literæ pingendi artē præstant, quanto docti
indoctis, uiui mortuis antecellūt. Tu igitur cum ab meunte
etate ornamenti plurimum et laudis ex hisce tibi uendi-
cariis, illis ipsis tantundem reddes: tanto etiam cumulati-
us, quod neque melius, nec honestius beneficium ullum collo-
cari potest, quàm quod in bonos et doctos uiros confer-
tur: quorum mihi uestigia non solum sequenda, sed etiam
atque etiam adoranda proposui. Bene uale.

IOHANNIS BAPTISTAE EGNATII

Veneti in Romanorum Principum Librum primum

Præfatio.

IMPERATORVM uitas à Dictato-
re Cæsare, qui primus patriæ libertatē op-
pressit, ad Constantinum Palæologum, sub
quo Turcarū seruitio Constantinopolis cef-
sit: hinc à Carolo Francorū rege, ad Maxi-
milianum Cæsarē breui alioqui stylo perscripsimus: rem
ut perdifficilem mihi atque arduam, sic iucundam, qui le-
gent, omnibus, et (ut opinor) haud inutilem. Nam præter-
quàm quod multa hinc haurias unde tibi patriæque tuæ
plurimū prosis, ipsa certe Romani imperij maiestas, admi-
rabiles eorū qui imperarūt, euētus, tot regnorū repetiti ca-
sus, tot principū mutationes relatæ, nō fastidiū solum ope-

rosæ lectionis adimunt, sed admirādos sensim legētes partim ducunt, partim etiā trahunt: uti neminem arbitrer uel mediocriter imbutum literis, qui non hæc & libenter agnoscat, & summa cum uoluptate non perlegat. Et alioqui ad rei nouitatem accedit, quod cōsulto non pauca sunt à nobis addita, quæ rerum seriem non modo non interrumpant, uerum etiam exornent: quod in fabula dextræ sinistræque tibiæ inter unum alterūque actū adhibita etiam præstent: nec in campis herbarum uiror nūnus incundus, quem uiolæ hyacinthique purpurei distinguant. Omnium certe rerum uarietas expetitur: & falsum illud est, sacaro semper conditoria fieri ferula. Quod si quis erit, qui pleniorē huberiorēque historiam à me exigat, ille saltem hoc mihi non neget, multa esse quæ breuitate commendatoria sint sua. Nec tamen desunt interim principes, quos copiosius attigi: quorū scilicet & imperij diuturnitas, & rerum magnitudo id exposcere uidebatur. Illud uero testatū apud omnes esse uelim, nihil à me gratiæ, nihil odio datum: ipsa ueritas nec interim nuda, ut multi hætenus, tantum à me spectata. Anni præsertim imperij, ortus eorum, & patria, illustratque eorum gesta domi, forisq; non omissa: series uero principū tanta fide à me deducta, ut nihil desiderare amplius quis habeat. Nam & Flavius Blōdus hisce libris, quos ab inclinatione Romani imperij conscripsit, multos uno uelut agmine ut sibi incognitos, omisit: & qui post illum historiam totius orbis amplexi sunt, nihil omnino ad uiri illius diligentiam addidere. Ego uero præter Zonaræ Græcam historiā, & Nicetæ Choniætæ, Christodulique commentarios, Gemistiquelibros, etiam schedia quedam, non indignum quæ excuterem duxi, uti rem seuel cœptam dijs bene fauentibus absoluerem: quo certa

tt.ij.

*omnia exploratâque posteris traderem. Verum autem id
 affecti simus, præsens ætas, fortasse malignius, sequens ær
 te simplicius ac candidius æstimabit.*

IOHANNIS BAPTISTAE EGNATII

Veneti Romanorum principum Liber primus.

C. Iulius Cæsar Dictator.

P R I M V S hic perpetuam Dictaturam in-
 uasit. Debellata enim intra decenniū Gal-
 lia, tentata tunc primum Britānia, & Ger-
 manis in syluas ac paludes suas compulsis,
 in Italiam descendit: eâque solita celeritate
 recepta, Hispaniisque pacatis, Pompeium Magnum Phar-
 salico prælio fudit. Cùmque de omnibus hostibus trium-
 phasset, tandem amicissimorum coniuratione oppressus
 periit ætatis anno V I ac quinquagesimo, Dictaturæ uero
 inita anno tertio. Vir pacis bellique artibus, & imprimis
 clementia lōge clarissimus, si libertatis assertor, quàm in-
 uasor esse maluisset.

Octavius Cæsar Augustus.

T Ribus ac uiginti uulneribus interfecto Cæsare,
 felicissimus omnium ad hanc diem successit O-
 ctavius ex Actia Cæsaris nepte. Vindicatis enim
 patris intersectoribus, uictorque ciuilibus bellis omnibus,
 nouissime Antonio ad Actium nauali pugna superato, quo
 cum duodecim annos Remp. tenuerat, triumphator orbis
 totius, paciſque restitutor æternæ, per quatuor ac X L an-
 nos imperium rexit: urbemque Romam optimis institutis
 ac legibus, magnificentiſsimisque operibus sic excoluit, ut

merito parens patriæ primus atque Augustus diceretur. Obijt Nolæ septuagesimo sexto ætatis anno, cum LVI imperasset. Ad cuius imperij felicitatem illud accessit, quod seruator noster CHRISTVS lux gētium & orbis, sub eo nasci uoluit: ut quem summis animi corporisque dotibus principem clarissimum terris dederat, eodem etiam generis humani parens optimus & maximus nasceretur. Huius felicitas cæteris optata principibus.

Tiberius Nero.

Risissimus omnium mortalium optimo principi
T successit Tiberius, Liuiæ uxoris magis impulsu, quam Augusti iudicio: quippe cuius neque mores, neque ingenium unquam probasset, pertinaciam & infinitam eius sæuitiam pertæsus. Principatum ab initio dissimulato ingenio, & matris reuerentia, non incommode gessit. Mox Capreensî secessu luxuriæ, ac cædibus uacans, cum prouinciæ undique uastarentur, Caligulæ nepotis astu & fraude periit octauo ac septuagesimo ætatis anno, tertio & uigesimo imperij. Huius imperij anno duodeuagesimo CHRISTVM seruatorem nostrum Iudæi cruci affixerunt: ex quo ad supremam gentis internicionem nunquam seditione, fame, ferro, peste laborari ab his desitum.

C. Cæsar Caligula.

Ræfuit hic Reip. annos quatuor, magis in Germanici patris gratiam populo ac militibus commendatus, quam ingenio suo. Primus enim à Cæsarum stemmate penitus degenerauit, ut non immerito fax humani generis dictus sit. certe uox eius nefaria excepta, Vnam ceruicem populo Rom. optantis, quod facilius uno ictu abscondi posset. Cassij Chereæ & aliorum coniuratione ferro occubuit, annum agens XXVII. de quo
tr. iij.

sit dictum, nec meliorem ab initio principem, nec peiorem postea fuisse.

Claudius Cæsar.

Esias in hoc principe quid primū accuses, adeo
N uecordia cum sæuitia, ac luxuria certabant, qui
 fato potius, ac fortunæ ludibrio ad imperiū, cum
 latitaret extrema pertimescens, interfecto Caligula, uenerit: quod nō minore scōrdia quā crudelitate per annos
 quatuordecim uexarit. Quanta fuerit eius stultitia, hinc
 aduertas. Messalina uxor portentosæ libidinis fœmina.
 C. Silio nupserat: qua uix interfecta, Agrippinam Germani
 ci fratris filiā nono exemplo noueram liberis duobus
 superinduxit, et Britāniæ filio priuignum Neronem
 anteposuit: cuius insidijs et Agrippinæ ueneno in boleto
 dato periit senex, ætatis anno sexagesimoquarto.

Domitius Nero.

Ax altera totius orbis iure à nobis dicatur, qui
F ex Domitio atq; Agrippina natus imperij Rom.
 maiestatem paternam, maternāq; cæde polluit, libidinis
 adeo effrenatæ, ut matris concubitū appetiisse credatur.
 ipse certe sumpto flāmeo nuptiali sponsalia celebrauit.
 sæuitiæ tantæ, ut præter urbis incendium, et uxoris
 Octauiae cædem, primus Christianum sanguinē, Petro et
 Paulo interfectis, hauserit. Et nequid scelerū deesset, publicæ
 cantauit, in scēnæque operam exhibuit. Tandē deficiente
 Galba hostis à senatu iudicatus, nec fortiter perire potuit,
 adiutus alterius adigēdo ferro manu. Periit ætatis anno
 tricesimo secundo, imperij decimoquarto. Quinquennio
 sub initia omniū primæps optimus existimatus, etiam Traiani
 testimonio, procul distare cæteros principes à Nerone
 quinquennio prædicantis.

Sergius Galba.

Nobilissima Sulpitiorum familia natus, ac per omnes dignitatis gradus ad proconsulatū Hispaniæ euectus, iam grandis natu imperium septimestre maiore hominū ab initio favore quā lēto successu tenuit. Avaritia et sēuitia in eo principe iuxta infames: ex quo inuisus cunctis, cum Pisonem in conflata inuidiæ remedium adoptasset, annos septuaginta natus in medio foro à M. Othone iugulatur.

M. Saluius Otho.

Male partū principatū adeptus, et aduersa per omnem ætatem fama, laudabili fine clausit. Dū enim quarto uix mense exacto Bebriaensibus campis bellum ciuile contra Vitellij duces execraretur, pupillam pugione sibi transfixit: adeo militibus charus, ut multi ad eius exemplum, ante mortui pedes semet interfecerint. Vixit annos triginta septem.

Vitellius.

Pudet tot dedecorum, sed ad institutā seriem pertinet et hunc ipsum referre. Qui patre L. Vitellio, et matre longe optima natus, militari factione, dū legatus Germaniæ superiori præest, imperiū inuasit. fædo ingenio, uenerique ac gulæ natus, et (quod usu in his uenit) sēuitia par. Cæterū Vespasiano principe declarato, cæno, simoque iactatus, ac furca sub mentū posita diu per urbem tractus in scalis Gemonijs omnium ludibrio diu iacuit. Vita illi annorū LVII. Imperiū uix octimestre.

Vespasianus.

Fessam atq; labātem Remp. triū principū tyrannide potius, quā imperio, Flauiae gentis autor Vespasianus primus restituit. Nā per X annos, qui-
tr. iiij.

bus imperium rexit, singulari studio ac prouidentia, rem administravit, & ne Cæsarianum desideraretur nomen, effecit. Hierosolymis expugnatis, cum filio triumphauit. Auaritiā ne culpes in eo, & temporū calamitas, & laudabilis eius usus facit: adeo inimicitiarum omnium princeps oblitus, ut Vitellij hostis filiam locupletissime dotatam, splendidissimo iungeret uiro: & insolescentem Mutianum, imperij que participē agentem, adhibitis familiaribus satis habuerit admonere, se quoque hominem esse. Mors eius quantam animi tranquillitatem secum afferret, ostendit: dum alienatus inter assidentium manus, stantem ait imperatorem mori decere. Perijt anno ætatis undeseptuagesimo.

D. Titus Vespasianus.

A Morem ac delicias humani generis Titū infesta mortalibus numina intra biennium sustulere. Huius præcipuā clementiam ac liberalitatē, uirtutesque alias eximias per totū eius principatū magis commēdauit & uite antea licetia, & sub initia luxuriæ, & auaritiæ suspicio, ut Neronis tyrānidem pleriq; augureretur. Sed mutatus adepto imperio in melius, declarauit eiusdē esse ingenij & pessima & optima interdū ferre. Hic Hierosolyma expugnauit, sagittādi peritissimus, & literis impēse doctus. Vox eius quādoq; memorabilis audita: recordatus enim super cænā, quod nemini eo die officium cōtulisset, Amici, inquit, diē perdidisti. Huius imperio Vesuius cōflagrauit: incendiū Romæ totū triduum, & lues fuit. Perijt ætatis anno XLI in summo omnium mœrore.

Domitianus.

E Cquis Titi nō doleret interitū: tali præsertim successore, qui per omnia patri, fratrīq; dissimilis, sepe etiā uincibus aut cōtumax, aut obrectator,

Neroni ac Caligulae propior uixit? dissimulatamque male
 scētiā per omnes ordines effudit? Quare nihil illi pater,
 fraterque, aut Cattorum, Germanorumque clades, aut bi-
 bliothecarum incensarum restitutio profuit, quin cæde il-
 lustrum uirorum inuisus omnibus factus, suorum tandē
 conspiratione post uitæ annum quintum ac quadragesi-
 mum, imperij quintum ac decimum, confossus occubuerit:
 omniāque eius acta rescissa sint.

Cocceius Nerva.

Eliore Reip. fato, quod aurea gibba Domitiano post
 M ceruicem in somnis enata portendit, Cocceius Ner-
 ua suscepit imperium, Parthenio id deferente: cla-
 rissimis ortus haud dubie natalibus, ut Dion autor est, et
 iam senex. Qui cum alias leges, tum ne mares castrarētur
 edicto uetuit. summæ ciuitatis et clementiæ etiam in eos,
 qui in illum coniurauerant. Ut optime uero semper de o-
 mnibus meritis esse uideatur, Traiani præsertim ado-
 ptione factum est, quæ absentem, dum senectam suam con-
 temni uideret, Cæsarem appellauit, Homericum etiam uersis
 ad imperium adhortatus,

Τίσααν δ'αυτοὶ ἰμὰ δ'αυτὰ σοῖσι βέλωνι.

Imperauit anno uno, mēsisb⁹ quatuor. Vixit an. LXVIII.

Vlpus Traianus.

Ptimus omnium princeps externorū primus Tra-
 O ianus, adoptione Nerae imperium meruit, domi-
 sanctus, foris adeo clarus, ut præter Daciam pro-
 uinciā factam, uicto etiam eorū rege Decabalo, Par-
 thos superarit, superatis regem dederit, Transhgritanas
 prouincias imperio adiecerit, Armeniam atque Arabiā
 peruastarit, ut nihil omnino habuerit, in quo culpari me-
 rito possit. Amiciarū cultor, simpliciu ingeniorum atque

eruditissimorū admirator, iurū humani diuinique consulti-
tissimus: ipse à literis & musis haud abhorrens. Huius ci-
neres & ossa in urbē relata, cochlide columna superposita
cū eius imagine, quæ superstaret foro à se extracto. Quāta
fuerit in eo bonitas, acclamationes principibus exhiberi so-
litæ declarēt, cum Augusti felicitatem, bonitatem Traiani
bis apprecarētur. Vixit annis L X I I I. Imperauit X X.

Aelius Adrianus.

Ic Italicæ stirpis Aelio Adriano, Traiani conso-
brino Adriæ orto genitus, Plotina, ut creditur, fa-
uente imperator est factus, ingenio sublimi, uario,
literarum omnium peritissimus, sed matheseos in primis:
idem architectus, musicus, statuarius, multarum denique
artium magis non expers, quàm callens. Doctorum homi-
num nunc irrisor, & æmulus, nunc fautor & beneficus.
Disciplinæ militaris scientissimus, in qua multa etiam cor-
rexit, principibus qui secuti postea sunt, ea maxime pro-
bantibus. Peregrinationis adeo studiosus, ut omnes ferme
prouincias pedibus etiā peragrans obierit. Miserabili tan-
dē fato cōsumptus est, ut in seipsum scire potuerit, si per
domesticos licuisset. Imperauit annos X X. Vixit L X I I.
Inuisum eum fecere iuri illustres, non pauci sub eius exi-
tum exilio aut morte multati.

Antoninus Pius.

Vic è transalpina Gallia paternum genus Nema-
senſe. Pij cognomenti causæ diuersæ tradūtur. Illud
mihi maxime probabile, ut à morū probitate affe-
ctūque in Adrianum, & seruatis eis, quos Adrianus inter-
fici iusserat, id traxerit. Numæ Pompilio maxime similis.
Nam per annos treis ac uiginti nullum sub eo bellum fuit.
Amor ac timor gentium in eo certarunt, bellum mouere

timentibus his aduersus principem, quæ ut numen aliquod uenerarentur: nec ille gloriæ ita cupidus, ut per aliorum damna, cædēsque eam appeteret. Nā & à coniuratis uim omnem abstinuit, & in conscios quæri uetuit, ne plures inuenti odium augerent. apud Lorios duodecim millibus passum ab urbe septuagenarius, cum M. Antoninum philo sophum adoptasset, obiit febre.

M. Antoninus philosophus.

Vam læta felixque successio optimis, pijs, philo-
 Q phis imperatoribus referendus, utinam qui sequetur, tales merito dici possent. Nam hic ea ingenij bonitate, his uirtutibus excelluit, ut exemplū desit: & ea temporū calamitas affuit, ut solus ærumnis publicis obsterit. Nisi enim hic præfuiſſet, maiestas Romani nominis facile tunc concidisset, Marcomannis, Quadīs, Septētrione omni hinc sæuēte, inde Persis Orientem uastantibus, lue interim, inundationibus fluminum, locustarum uī omnia populātibus. Sed uicti primum Veri principis ausſicio Persæ, Marcomannicum mox bellum Christianorum etiam ope, qui tunc militabant, ex sententia per ipsius principis præsentiam confectum. Ad quod gerendum principalis supellex hastæ subiecta, cum pecunia in stipendiū deesset. Felicissimus certe princeps, nisi hæredem Commodum reliquisset post annum imperij duodeuigesimali, ætatis quinquagesimamnonum.

Commodus.

Doleſcens mortuo in Germania patre, imperator
 A omnium uotis est dictus. Et quis filium Antonini reieciſſet? ille uero etiam patri nō satis probatus, statim Caligulæ ac Neronis simillimus euasit: libidine, auaritia, & crudelitate illis antefereſſus. Nā in scena sæpe

aurigæ habitu prodijt. Ludis gladiatorijs et Dalmaticatus præfedit, et in amphitheatro gladiator dimicauit. Athletarum etiam more publicæ se exercuit. Quæ omnia actis inferenda publicis curauit. Tandem Læto autore, et concubina Martia, post tertiumdecimum imperij annum strāgulatur.

Aelius Pertinax.

Ucçesserat haud dubie flagitiosissimo principi princeps optimus, si non illum militaris auaritia, satis in peius omnia trahentibus, intra octogesimum quintum imperij diem de medio sustulisset. Alba Pompeia in Liguribus huic patria, genus humile ac sordidum, uirtus atque innocentia summa: militiæ clarus, et in ea ad summas dignitates euectus, unde et pilæ dictus est ludus. Hic cum summam de se expectationem omnibus daret, Læti insidijs, qui imperium illi astruxerat, et militari factione, Iuliano, qui successit, non inscio LXXI ætatis anno periit.

Didius Iulianus Mediolanensis.

Imperij, quod per scelus necis imperatoricæ cōsciū, primus etiā licitatus esse dicitur, intra septimum mensem cum uita simul amisit: neque enim militi gratus, ob non integrum donatiuū datum, et populo etiā inuisus ob perfidiam in principē optimum. Quare inter utriusque odia destitutus, Septimij Seueri iussu, qui imperatorem se appellauerat, damnatorum more necatur. Vocēscue in illum graues à populo sæpe iactatæ.

Septimius Seuerus.

Frica illa olim imperij Romani æmula, hunc genuit imperatorem magis necessarium, quàm utilē. Vnde etiam iactatum uulgo, aut nunquam nasci

debuisse, aut nunquā mori. Nā & imperiū fortiter admini-
 strauit, & sublati in Oriēte Pescennio Nigro, in Gallijs
 Clodio Albino, quem & Cæsare dixerat, Orientē omnem
 Parthis, Arabibus, Adiabenis deuictis, Romanæ maiestati
 restituit. Arcus adhuc Romæ uictoriæ monumentū titulis
 magnificētissimis uisitur. Britānos tumultuantes cōpescuit
 nullo per XXXI passuū millia à mari ad mare ducto,
 ubi etiā duodeuigesimo imperij anno septuagenario maior
 ex articulari morbo decessit. Bellicis artibus clarus: pacis,
 nisi sæuitia ac perfidia eas inquinasset, non contēendus.
 Cæterū literarū non ignarus, matheos peritus: à Latinis
 non abhorrens, nisi Punicum quid redderet. Cædibus il-
 lustrium uirorum adeo infamis, ut Punicas clades in toga
 cæsorū ciuium Romanorum sanguine rependerit.

Antoninus Caracalla.

Estis huic, quam talarem è Gallijs aduectam Ro-
 V mano populo donarat, cognomen addidit. Seuero
 patri adhuc uiuenti contumax, nec minus in fra-
 trem Getam impius, quem patre mortuo statim occiderit:
 militi tamen gratus, cum ob ingens donatiuum huius datum,
 tum, quod in castris gregarij penè militis uicē ageret. Ale-
 xandri Magni admirator, quē collo in leuum humerum
 detorto reddere cuperet. Hic orbe peragrato Alexandri-
 norum diacritatem ultus ingenti eorum cæde, Persas dolo
 magis, quàm uirtute fudit. Sexto demum imperij anno mi-
 litum dolo Carris, dum uentris oneri leuando intenderet,
 interficitur XXX ætatis anno.

Opilius Macrinus.

- Obscurissimis parentibus ortus Maurusij generis,
 O malis artibus, ac pudendis ad præfecturam eue-
 ctus, à iuris tamen scientia non alienus, sed uenali

fide, ac uita semper sordida, post interfectum Antoninum imperium cum Diadumeno filio formosissimo Macrinus inuasit: quod cum per annum & menses duos obtinuisset, uictus ab Heliogabalo. cum filio, quinquagenario maior fugiens obtruncatur. Data est dictio consulenti super imperio talis:

ὦ γέρον ἢ μάλα δῆσι νῆοι τίρυσσι μαχηταὶ
σὴ δὲ βίη λύνται, χαλεπὸν δὲ σὲ γῆρας ἰκάνει.

Varius Heliogabalus.

Ssyrium (quis credat?) principem nescio, maiorine
A fortunæ ludibrio, an Romanæ maiestatis sugillatione orbis hunc per duos & amplius annos tulit, & eū inactum: siquidem uerū erat Caracallæ filium ex Scenide consobrina natum. Qui ex Oriēte Romā profectus, interfecto (ut dixi) Macrino, tralato etiam inde Heliogabali numine ad urbē, in summa omniū expectatione uenit: sed illi mox omnia in ludibrium, aut odiū conuersa sunt. Nullus enim principum ad hanc diem maiore libidine flagrauit infamia, uti se in muliebrem sexū execari curaret. Nullus matore luxu opes prodegit imperij: nullus denique cōtaminatus aut impurius uixit: omniū religionum contēptor, præter patrij numinis Heliogabali. Hunc tamen in cloacam proiectum, mox in Tiberim cū matre Scenide tractum per milites populus Ro. ita ultus est, uti nomen eius ex publicis monumentis eraderet. Vixit annis X V I.

Alexander Seuerus.

Eliore orbis fato ex Mammæa consobrinus Helio
M gabalo Alexander iampridē ab impura illa belua adoptatus, in imperium successit, optimis principibus æquandus innocentia, in uiros bonos beneuolentia, & (quæ præcipua dos principum) singulari in omnes cle-

mentia, ut ἀνάρκτωρ eius dicatur imperium. Hic expeditione Persica ex animi sententia confecta, dum ad Septentrionem uertit arma, Germanis tumultuantibus, factione militari, tertio decimo imperij, uitæ anno undetrigesimo, Maximini perfidia cū matre in tentorio necatur. Primus post Adrianū principē, qui ueræ pietatis lumen acceperit. Nā CHRISTVM in larario suo semper habuit. Quam illa ex sacris literis sententia frequēs ei in ore esse, Quod tibi nolis, id in alterū facere caueas. Locū etiā Christianus adiudicauit, quibus popinarij litē intendebāt, rescribēs Deū multo meli⁹ quoquo modo coli, quā popinarijs assignari.

De Parthorum & Persarum imperio.

On alienum ab instituta serie fuerit, quando post hac Persarum arma in Oriente, post Parthica toties erunt referenda, si breui imperium utriusque populi, tum ad nostram ætatem in eo terrarum tractu regnorum seriem perstringam. Primus igitur Parthis Arsaces libertatem asseruit ad eam diem cum cæteris Orientis populus, regibus Macedonum obtemperantibus: à quo ad Artabanum regem perpetua Arsacidarū gloria per quadringentos & amplius annos floruit, dissidentibus inter se Syriæ regibus. Parthis uero per hæc tempora uaria admodum fortuna cum Romanis contendentibus, Artaxerxes Persa, uir obscuris admodum parentibus ortus, genti suæ ueterem imperij gloriam restituit. Triplicique prælio Artabano cum tota Arsacidarum familia cæso, Persas Orienti iterum imposuit. Quorum imperium ad Chosroen usque regem, & Heracliū imperatorem per quadringentos annos mansit, grauib⁹ prælijs, alternante fortuna, cum Romanis interim gestis. Quæ tempestate Saraceni ex Arabia profecti, Maomethe dūce, noui delirij autore,

*Perſas primum, mox Romanos uarijs & ingentibus cladi-
 bus affluxere: floruitque Saracenicum nomen, Perſico ſu-
 blato, adeo ut non contenti Aſiæ imperio, maximam Eu-
 ropæ partem ſibi ſubiecerint: ipſam etiam terram Italiam
 (quod horreat meminiffe animus) mari terrâq; fœde per-
 ducentos & amplius annos populati. Mox præualētibus
 Turcarum rebus, diuiſum in Oriente imperium eſt, Sa-
 racenis Aegyptum & Aſiam ad Orientem ſibi iudican-
 tibus, Turcis propiores Europæ provincias per noſtrorum
 principum ſegnitiem occupantibus: repreſſâque interim
 gentis in Chriſtianum nomen infeſtiſſimæ rabies Gallo-
 rum armis, Europæ principum communi expeditione, au-
 toribus tamen Francis in eos ſumpta, & Hieroſolyma no-
 bis reſtituta. Cæterum noſtrorum diſcordia rebus in Aſia
 labentibus, & modo Tartaris, modo Saracenis de imperio
 contendentibus, Aſiæ pars, quæ à Tauro ad Euphratem
 protenditur, ſeruorum imperio, reliqua ad Helleſpontum
 Turcis æſſit. Interim cæſum ab hinc & amplius an-
 num, Tamberlanes inter Scythas humili loco natus ex gre-
 gario milite ordmis primo, mox exercituū ductor, Parthis
 imperium aſtruens, uictis omnibus finitimis gentibus, Sy-
 riâ cum tota Aegypto populatus eſt. Inde in minori Aſia
 Paiſeti Turcarū principi congreſſus, eum captum cum to-
 ta gente ad internicionem cæſa, in uinculis habuit, uictor-
 que domum reuerſus, urbe etiam Marchanti populofiſſi-
 ma à ſe condita, & uictarū gentium ſpolijs ornata, impe-
 rium moriens duobus filijs reliquit. Quorum diſſidio res
 tanta indole parta, retro facile abiit. Stetit tamen regnum
 trans Euphratem filijs incolume ad Vſuncaſſanum uſque:
 qui cum Maomethe etiam conſluxit. Variatum demum in
 his terris re Aegyptiaca interim florente, donec auditum*

est ætate nostra Psophis nomen unius ex Vsuncaſſani hæ redibus (uti credi uolunt) fortuna ſeruati: qui magno hominum ſauore ad imperium aſcitus, ueluti hæreditarium odium cum Turcis exercæat.

Iulius Maximinus.

Ediſt nũc ſtylus ad inſtitutam ſeriem. Nam Alexandro interfecto, ſucceſſit Maximinus cum filio eiusdem nominis, Thrax gẽtẽ, & ſæuitia inſignis. Aduerſus quem cum ſenatus Pupienum & Balbinum imperatores declaraffeſet, immanitatem hominis ac barbariem pertæſus, ille ſtatim in Italiam cum Germanico ac Pannonico exercitu deſcendit: Aquileidq; incaſſum obſeſſa, à militibus fame laborãtib; cum filio necatur. Memorabilis militum uox fuit, cum utrunq; interficerẽt, Ex peſſimo genere ne catulum quidem habendum. Imperarunt ambo annos tres. Pater ſexagenario maior, filius uigeſimũ annum agens obiit.

Balbinus & Pupienus.

Imperatores hi primum ex S. C. duo aduerſus Maximinum creati. Balbinus nobilitate generis præſtans: Pupienus qui & Maximus, militari diſciplina clarus, à quo & Maximini uicti. Cæterum cum parum inter ſe concordĩ animo Remp. regerent, à militibus uterq; interficitur, Gordiano puero ſummæ rerũ impoſito.

Gordianus.

Optimum ac nobiliſſimum principem terris dũ dederant, ſi diu rebus illũ præeſſe uoluiffent. Nobilitatem eius auus, patẽr; imperatores, & Scipionum ſtemma genti inſertum, bonitatẽ Ro. populi ac militum & orbis totius in adoleſcẽtem amor atteſtatur. Sed cum bellum ingens aduerſus inſoleſcẽtes Perſas cõſlaſſet,

iamque Misitheï socii diligentia feliciter confecisset, Philippi præfeti dolo, qui socii primò, mox princeps, interficitur. haud tamen inulta mors optimi principis fuit: omnes qui in illum coniurauerant, crudelibus supplicijs affecti, & Philippi non diu imperium tenuere. Vixit annos XXII, imperauit sex.

Philippi.

Vobis principibus audita Gordiani morte à senatu creatis, Marco primū, mox eo breui absumpto, Seuero Hostiliano, qui & ipse non diu superuixit, Philippus imperium occupat: nec ei gentis humilitas obstare potuit, quominus imperaret. Nā per omnes militiæ gradus ob uirtutē euectus, tandē præfetus à Gordiano in Misitheï locū factus, optimo adolescenti insidias comparauit: eoque per dolum caso, imperator ab exercitu dictus, Romā cum uenisset, filium Philippū imperij participē declarauit. Ipse post quintū imperij annū Veronæ medio capite supra ordines detinū præciso, filius duodenarius Romæ necatur, quē adeo tristis ingenij ferūt, ut nunquā riserit, & semel ridentē patrē auersatus sit. Sub his seculares ludi magnificētissimi millesimo ab V. C. anno dati. Sune qui à Christiana pietate nō abhorruisse Philippū tradāt, quorum testimonio hominis perfidia fidem abroget.

Decius.

Nuitum ac penè reluctante Philippi sociordia hūc imperio præfecit, haud dubie tamen nobilissimis parētibus Bubaliæ inferioris Pannoniæ urbe natum. Nam Philippus nuntiata Marini ducis, & Mæsiæ exercitus rebellione, cum Deciū ad comprimendos eos motus mitteret, recusauit primo Decius: mox etiā admonuit non esse ex Philippi re ut ipse eò contenderet. Cæterū fa-

tis rem ita trahentibus, ut primum provinciam attigit, imperator omnium consensu dicitur, & interfecit (ut dixi) Philippis, cū aduersus Gothos cū filio audacius, quā cōsultius pugnaret, cæsus cū toto exercitu ab his est, corpūque paludis uoragine absorptum, nusquam inuentum. Hic charissimus senatus fuit: & qui à nobis etiā inter optimos principes annumerari posset, si iniuriā à Christiana pietate abstinuisset: in quā plus nimio Philippi etiā odio scēnise, Fabiano ac Cornelio pontificibus Romanis martyrio affectis. Vixit tamen annos L. Imperauerūt uterque biēniū.

Gallus pater & Volusianus filius.

I post Decium imperiū adepti, infelicissime illud

H per annos duos, & menses octo rexere. Nam cum Scythis tributo annuo drachmarum centū transgere, primi qui Romani maiestatem imperij tam fœda pœtione suggillarine: & Armeniam amiserunt, expulso à Parthis Tyridate eorum rege. Tam sœua demum lues orbem inuasit, quæ ex Aethiopia ortum habuit, ut per annos quindecim terras penè omnes exhauferit. Tandem AEmiliano imperatore facto, uicti praelio, à militibus occiduntur: pater ætatis anno quadagesimo septimo.

AEmilianus.

Rimestrem & hunc imperatorem Mauritaniam no-

T bis dedit, uirum (quod fatendum est) militiæ peritum, sed ignobilē: qui uictis ad internicionem penè Gothis, astu etiam adhibito, cum omnem prædam militi promississet, imperator ab exercitu dicitur. Mox Valeriano ab Alpino exercitu imperatore nobilissimo, ac censorio uiro creato, qui AEmiliano fauerant, ne ciuili bello Remp. conflictarent, AEmilianum necant, soloque ducis cupitæ res peracta est, anno ætatis eius XL.

Licinius Valerianus.

Vllum principē maiore unquam favore orbis ac-
 N cepit: nullus eo calamitosior ad hanc diem impe-
 rio præsuit, uel quòd à Sapore Persarum rege ui-
 ctus acce, siue dolo suorum, siue eius imprudentia id ac-
 ciderit (nam utrūq; traditur) miserabili captiuitate apud
 eos consenuit: uel quòd Gallienum filium post se reliquit,
 qui Caligulae ac Vitellij simillimus orbem terrarum pe-
 nē perdidit: externis hostibus adeo nobis insultantibus, ut
 foeminae imperium in Gallieni contemptum occuparint.
 Triginta certe tyranni nescio Remp. magis afflixerint, an
 aduersus hostes nostros necessarij tutati sint, qui per ea tē-
 pora in prouum rem imperij labentem per Gallieni lu-
 xum sustinerent. Vixit Valerianus septuagenario maior.
 imperauit annos XV. Vir ante imperium summis hono-
 ribus functus, & in his cum summa laude, ac uirtutis o-
 pinione uersatus.

Gallienus.

D Valeriani calamitatē accessit Gallieni filij im-
 A perium: qui nequissimus omnium mortalium adeo
 per luxum, ac socordiā imperium afflixit, ut per
 totum terrarum orbem grauissima externa bella senseri-
 mus. neque enim minus à triginta tyrannis uexatae fuere
 res. Is Gallienus cum aduersus Aureolum cōparato exer-
 citu Mediolanum usq; contendisset, Aureoli cōmento iā pe-
 nē uicti, certe intra Mediolanū obseffi, interficiatur quin-
 quagenarius. Imperauit annis XV, cum patre septem, so-
 lus octo. Affuit huic principi (quod mireris) animi quan-
 doque uigor, & ad se ulciscendum audacia, nec minus in
 eo liberalitatis effulsit, cum nihil unquam petenti dene-
 garet.

Claudius.

Stenderunt et hunc terris numina uerius quam
 O cōcessere: quippe cuius principatu restitui ad in-
 tegrū res potuerit, nisi intra biennū fato occubuis-
 set. Is enim Gotthorū arma late uagantia primus compe-
 scuit, naualibusque ac terrestribus bellis eorū opes atiri-
 uit: ut per omnes prouincias nulla nisi Gothica mācipia
 essent. Alemannorum ad Benacum lacum infinita milia
 profligauit. Illud memorabile quod Græciæ uastitate,
 quā Gotthorū arma intulerant, Athenis captis, cū librorū
 ingentem uim coacernassent, de his comburendis barbari
 iam consilium cēperant. tū unus ex his, Abstineamus, in-
 quit, hanc iniuriam ab his codicibus, quibus Graij homi-
 nes dum studiosius incumbunt, minus ad bella idonei fi-
 une. Illud etiam in Claudio memorabile, quod accepto im-
 perio, cum in senatu uariarent sententiæ, utri prius bello
 occurreret, tyrannorū an Gotthorū: Gotthos cōsue prius
 aggrediēdos, quod hi Reip. hostes, tyrāni principes essent.
 Præfuit biennio non integro.

Quintillus.

Itē cū dies septem ac decem imperium autore se-
 H natu tenuisset, Aureliani imperatoris nuntio ex-
 territus, sanguine è uenis emisso obiit.

Aurelianus.

Vnc inter principes necessarios magis quā bo-
 H nos multi reponunt. Nā quantum illi gloriæ triū-
 phi hostiles, et militaris peritia uendicat, tantum
 sæuitia domi etiam in sororis filium exercita laudis detra-
 hit. Princēps tamen dignus, qui Claudij etiam prærogati-
 ua Remp. ea temporum calamitate susciperet. Barbaros
 enim in terra Italia uagantes triplici prælio afflixit. Mo-
 ui. iij.

netariorum bellum non sine ingenti cæde sedauit. Zenobiam insolescentem duplici prælio uictam, & per obsidionis moras tandem fractam in triumphum duxit. Aureolum & Tyrannorum nō paucos aut interfecit, aut sibi conciliauit: Teetico uno ex his etiam Lucaniæ correctore instituto. Imperauit annis V. Domesticorum fraude inter Byzantium & Heracleam oppressus.

Tacitus.

Interregnum per septem menses Aureliano interfecto fuit: cum uiles ad senatum, senatus ad militem prærogatiuam imperatoris deferret eligendi. tandem patres militari consensu uicti, Tacitum Augustum dixere: ex quo tantum publicæ gaudium fuit, uti literas senatus ad municipia Italiæ super ea re dederit. Quam uero amplissimi ordinis iudicium à militari tumultu distet, Taciti declaratio ostendit, cum in curia testati sum neminem aut iustus, quàm graue iurū, aut prudentius quàm doctum imperare posse. Verum hic tātus uir sexto quàm imperare coeperat mense, militari scelere periit.

Florianus.

Ita Taciti frater, quasi hæreditarium imperium esset, intra sexagesimum imperij diem, tanquam ad fortunæ ludibrium solutis sibi uenis, ad Probi imperantis nuntium obiit.

Probus.

Non se fellit omen nominis, cū hoc illi cognomen esse potuerit, ut si non illi fuisset Probi nomen, cognomento hoc appellari potuerit. Huic nec Taciti frater obstitit, quominus orbis totius consensu imperator diceretur: nec generis humilitas, cum patrem Dalmatici sanguinis, & cum agrestem habuerit. Vir pacis bellique arti-

bus longe clarissimus. huic per sex annos quibus imperauit, uicti Sarmatæ debentur. Tyranni per hunc omnes sublatis, pax uniuerso terrarum orbi restituta. Celebris uox eius excepta inuidiâ peperit apud milites: Neque enim necessarios ampli⁹ dicebat fore milites, ubi hostes deessent, quos nusquam uirtute sua futuros mox sibi pronuttebat.

Carus.

Arbo Martius hunc genuit imperatorem bonum,
 N sed ad posteros etiam commendatiore multo futurum, nisi Carinū flagitiosissimum principem reliquisset. Hic bello Persico capta Seleucia & Ctesiphonte, dum ad Tigrim fluiuium castrametatur, fulmine ictus periit. Numeriano filio ab Apro socero mox interfecto, adolecente tū probitatis, tū eruditionis egregiæ, maxime autem ad poetiam nato, & Carino Romæ per Diocletianū principem cæso. Hi tres uix triennium explerunt.

Diocletianus & Maximianus Augg.

Vbeat forsitan admiratio multos hac nostra prim
 S cipū relatione, quod paucissimos Quiritū sanguinis, omnes ferè externos, & pudēdæ quosdam etiam originis, non tamen pœnitendos reāseam. Sic habetis Deciū Pannoniæ, Aurelianū Daciæ, Claudii Dardani, Probum Dalmatæ, Carū etiā Galliæ sibi uendicant. Quid, quod eadē Dalmatia alterū etiā nobis impuerit omnibus æquandum principibus, si à piorum sanguine abstinuisset, Diocletianum? Is enim Salonis ortus, libertini etiam sanguinis, cum molem imperij grauiorem animaduerteret quàm ut unus esse uniuersæ par posset, Maximianū Augustum creat: amboq; duo sibi Cæsares, Galerium Armentarium cognomine, & Cōstantium Constantini Magni patrem dicunt. Diocletianus igitur quando
 un. iiii.

per partes rem tutius confici posse ratus est, Maximianū Gallijs præficit: eoque confecto bello, in Africam aduersus quinquagenarios transire iubet. utrobique sedati tumultus. Africanus certe aliquāto difficilius, quod quinquagenarij, et supra eum annorum numerum ueteranus mules ad obsequium tam facile redigi non poterat. Interim Ægyptum Diocletianus inuadit, Achilleum incubatorem imperij Alexadræ per menses aliquot obsessum, et in potestatem reductum feris lacerandum obijcit: potentissimus quisque cædibus, ac proscriptione petiti. Interim aduersus Narseum Persarū regem Galerius infeliciter primo, mox reparatis copijs, ira etiam animos illi faciente, quod ad Diocletiani carpentum post cladem acceptam per mille passus pedes currere coactus est, egregie uicit Narseo fugato, et cæsis magna ex parte Persis, pellicibúsque cū gaza omni regia captis. Hæc uictoria Galerij uirtute et audacia parata, qui exploratis prius hostiū castris, noctu cū XX milibus equitum Persas aggressus, dedecus acceptū hosti repedit. Diuersa etiā parte Cōstantius ab Alemannis improvise insultu primū uictus, et eodem die mox uictor LX eorū milia cecidit: ea clade Germaniæ attrita, Galliæ liberata. sicque pacato orbe post annorū imperiū XX, Diocletianus Nicodemie, Maximianus Mediolani imperiū eodem die deposuere. Rē miram, et ad hanc ætatem incognitam, ut sponte, nec prægrauante saltē senectā, uel rerū mole, uterque in ordinē se redegerit. Diocletianus certe cōstantius in proposito mansit. Nam per decem annos quot priuatus Salonis superfuit, hortorum amœnitati uacans, iterum ad imperium sollicitatus, a priuata uita abduci non potuit, testatus nullos sibi unquam soles lætiores affulsisse. Obijt autem duodecetogeta natus an-

nos, uel alienatione mentis, uel ueneno hausto, ueritus Licinium ac Constantium, qui illū tanquam Maxentiū fautorem grauius increpauerant. Sed et Maximianus dum Cōstantio genero insidias parat, imperium affectās, Mas-siliae captus, Constanti iussu necatur.

Constantius Chlorus, et Galerius Maximinus Augg.

Vacessere Diocletiano Iouio, et Maximiano Hers-
 S culio cognominibus, duo ab his antea dicti Cæsa-
 res, Constantius uidelicet Chlorus, quasi uirentem
 à colore dicas, et Galerius Maximinus. Sunt qui ex ue-
 teribus monumentis, Maximianū magis probent: sed quo-
 cunque cognomine hic fuerit, diuerso (quod constat) ingenio
 uixere. Constantius benignus, ac facilis, atque ad prome-
 rendam Gallorum gratiam, quibus præerat, propensior,
 nec à uera pietate abhorrens: Galerius trux, ac propè im-
 manis: ut qui rus, unde uenerat, oleret, nostrique sangui-
 nis appetentissimus. Sed cum undecim annos Constantius
 Gallias, et Hispanias in summo otio tenuisset (nam Afri-
 cam Italiāque sub imperij initia sponte dimiserat, ratus
 id grauioris esse oneris, quàm ut ab uno sustineri posset)
 Eboraci decessit, moderati principis fama, et Constantino
 filio successore felix.

Galerius imperium adeptus, molem et ipse secum rei
 reputans, duos sibi asciscit Cæsares, Seuerum et Maximia-
 num iuniorem: illum Italiæ, hunc Africæ et Oriēti præ-
 facit: ipse Illyricum sibi medius adsciscit. Verum non mul-
 to post genitalibus putrescentibus, uitæ tædio uim sibi gla-
 dio intulit.

Seuerus et Maximinus impp.

Seuerū haud multo post Maxentiū factio Romæ intra
 tabernas opprimit, et Maxentiū Herculiū tyrannici ui-

rum spiritus sibi præfuit : aduersus quē dum Maximianus festinat, militum suorum defectionem ueritus, retro in Illyricum contendit: ubi ulcere inguinibus innato, cum deessent remedia, nec medici ob hominis immanitatem opē ferre auderent, uernibus undique erumpentibus obiit, Christiani sanguinis usque ad insaniam pridem effusi incassum poenitens. Vir belli pacisque artibus insignis, nisi crudelitate nimia in nos tantas uirtutes foedasset. Solus annos duos, cum Cæsaribus et Licinio imperij consorte sedecim præfuit.

Licinius et Constantinus.

Licinio Dacia natale solum fuit. Militaris discipline ad ueterem normā seuerissimus exactor. Rusticis et agrarijs hominibus (ex eo enim genere fluxerat) æquus: auaritiæ et ueneris studio infamis, moribus planè barbaris: et literis adeo infestus, ut uirus ac pestē publicam eas appellaret. Sed cur eas non odisset, quarum adeo expertus erat, ut ne decretis quidem subscribere posset? Illud in eo non reprehendas, quod spadonum aulicorumque insolentiam mire compefcuit, tineas, soricēsque palatinos appellans. Hunc Constantinus nouas res molientem, primum in Pannoniæ campis fudit: mox reparantem uires incredibili celeritate ex Europa in Asiā expulit: malēque reconciliata iterum gratia per Constantini sororem Constantiam, quæ illi uxor erat, cum rebelles animos homo uicors retineret etiam contra sacramenti fidē, Thessaloniciæ interfici iussus est. Imperauit annis quatuordecim, sexagenario maior, Christianis infestissimus. Vnde illi discordiarum semina aduersus Constantinum acriora.

M. Flavius Constantinus Constantij Aug.

Felicioꝝ auspicijs, ac meliore partium nostrarum

eventu, rerum tandem Constantinus potitur, ex Helena Constantij uxore susceptus, & cæteris fratribus ob egregiam indolem, cum illi segnitiam præferrent, patris etiam testamento prælatus. Hic sub Galerio rudimenta militiæ felicissime auspicatus, parta ex Sarmatis egregia uictoria, ueritūque ex ea laude gliscētem inuidiam, ad patrē transfugit: eoque mortuo Gallias Hispaniāsque, & Cottias alpes obtinuit, Constantio patre id multo antè somnio præsa-giente, egregium imperatorē fore, qui Dei militibus opem primus ferret. Iam primum igitur ueteranis militibus agros assignatos, ut ad filios suos transirent, primus instituit. Tertio imperij anno accersitus in Italiam ab ijs qui Maxentiū tyrannidem ferre non poterant, biennio totam Italiam urbemque Romam pristinae maiestati asseruit, Maxentio Tiberinus gurgitibus absorpto. Inde abnegato idolorū cultu, Christianam puritatē ita amplexus est, ut præter egregia dona diuorū nostrorū templis illata, CHRISTVM ab omnibus colēdū præceperit, templūque illi, & alijs numinibus erexerit. Nec alia magis causa acrius in Licinium exarsit, quā quod ille aduersaretur nobis. Bella contra Barbaros multa felicissime cōfecit, unde primus Romanorum principum Magni cognomentum tulit. A bel-lis ad pacis studia conuersus, optimum principē primis annis egit. Leges sanctissimas tulit, literis & ipse impēse semper studuit, & eas fuit. Religionis adeo obseruans, ut Nicēnam synodum CCC & XXII patrum multis dissidētibus indixerit. Byzantium instaurauit, imperatoriāque urbem & nouam Romam appellari uoluit. Moriens, & Constantinopoli sepultus, tres liberos, & Dalmatium fratris filium successores reliquit. XXX & amplius annos imperans, tredecim uero ex his solus. De eo sic me-

moræ proditum, decem primos annos ut præstantissimus diceretur: X I I sequentibus latro: decem nouissimis pupillus ob immodicas largitiones. De eius baptisinate uti uariant autores, sic constanti fide quæ de imperij donatione circumferuntur, uti minus similia ueri non probant. Sed alij hoc uiderint.

Cōstantinus, Cōstans, & Constantius Cōstantini filij Augg.

I tres imperium quod per manus à patre acceperunt, ita partiti sunt, ut Cōstantinus maximus natu Gallias, & Hispanias, Britanniamque insulâ obtineret: Constanti Italia cum Illyrico, & Græcia cederet: Byzantium & Oriens Constantij esset; qui Dalmatium socium imperij haberet: quem haud multo post dolo exceptum militari factione oppressit, cum annos tres imperasset. Nec durauit diu fratrum concordia, siquidem in nefarium bellum rapti fratres. Nam Cōstantinus Gallico exercitu fretus, Constanti fratri bellum intulit: quod dum cupidius, quàm cautius gerit, ad Aquileiam exceptus insidijs, nondum triennio finito, uulneribus confectus periit. Inde Constans uictor, cum non sine labore prouincias transalpinas in potestatem redegisset, egit primum optimum principem, mox aduersa ualetudine, siue rerum felicitate mutatus, ingratus omnibus esse coepit, donec & ipse Magnentij dolo dormiens intra tentorium, ad Helenam oppidum oppressus est, cum imperasset annos X I I: uixisset paulo plus X X X.

Constantius cædem fratris ulturus, ingenti exercitu aduersus Magnentium comparato, ingenti illum prælio & memorabili ad Murtium fudit, quo Romani uires imperij penè concidere, L I I milibus utrinque desideratis. Mox cum Magnentius bellum reparasset, & ad Lugdunum

iterū uictus esset, gladio sibi latus aperuit. Sed & Decentius frater, qui Cæsar ab eo dictus fuerat, laquei morte præpostera uitam finire. Nam Britannioni antea Constantius ueniā petenti facile dederat. Is Britannion adeo expers literarum est habitus, ut ne prima quidem elementa calleret. Cæterum Constantius Gallum à se antea dictum Cæsarem ferocientem, & insolescentem supra Cæsaris nomen, interfecit: & contra Persas infelicitè conflixit militum suorum stultitia. Quibus ad sua abeuntibus, quæ Massagetæ uastabant, dum Romam inuisit, Iulianū Galli fratrem treis & uiginti annos ætatis agentem, Cæsare à se factum, in Gallias aduersus Alemānos eas uastantes misit: ipse in Persas iterum contendens, dum ægreferret Iulianum à militibus Augustum esse dictum, apud Mopsocrenen iuxta Tauri montis radices æstuantissima febre decessit. Vixit annis XL. Imperauit XXIII.

Iulianus.

Constantio extincto, Iuliano facile cuncta cessere.

C Puer hic ingenio sublimi, callido, & literarum ardentissimo, Gallias sub primum accessum præter omnium spem, Alemannorum incursum uastatas asseruit, regemque eorum cepit: inde Augustus à militibus salutat^{us} Parrhisys, mortuo (ut dixi) Constantio, aduersus quem bellum ciuile parabat, Persis adepto Imperio bellum indixit. ubi dum inconsultius agit, Persæ uiri dolo in desertum cum exercitu ductus, conto traiectus periit. Sunt qui sagitta è cælo missa uulneratū dicant. Vnde in nefaria uocem erūpens, Vicisti Galilæe (sic enim CHRISTVM appellabat) occubuerit. Christianos impio quodam odio adeo insectatus, ut studia, & militiam hisce interdixerit, plerosque præmijs & illecebris, quasi machinis à uera pietate

auerterit. Quinetiam imperator (ita Deo usum) aduersus nos libros edidit. Ille uero si ingenium indolémque egregiam ad ueram pietatem, quam puer imbiberat, conuertisset, inter egregios principes annumerari potuit. Decessit an nos agens alterum & trigesimum. Solus annum unum, menses treis imperauit.

Iulianus.

Hic Varronianus pater, Pannonia patria, stature proceræ, ingenij amœni, nec à literis abhorrentis: qui à militib. primo imperator salutat, deceptis similitudine nominis, quasi Iulianus reuixisset, cum Persis pacem magis necessariam, quàm honestam, Transstigritanis prouincijs quinque amissis, miit. Accessit nouæ ignominiae dedecus grauius: uetitus imperator Rom. Arsacia socio opẽ ferre. Perijt octauo imperij mense Dadastanis oppido, dũ cubiculũ ingreditur noui rectorij, prunis etiã ardētib. siue ut alij, stomachi cruditate XXXIII etatis anno.

Valentinianus & Valens Augg.

Edit & hos Pannonia principes Gratiano patre D. ortos. Primum Valentinianus ab exercitu Niceæ, inde Valens ab eo Augustus, imperijq; consors dictus, qui Procopium temere imperiũ inuadentem, Constantinopoli oppressere. Inde Gothi & Barbaræ nationes à Valentiniano Thracia exturbatæ, Septentriõq; omnis cum Saxonibus ad officium eiusdem opera redacti. Parthi è Syria per legatos eiekti. Inquietæ Germania Theodosij maioris auspicijs pacata. Ipse dum Quadorum legationem latrocinia excusantem audit, subito morbo uenis arefactis, ues sanguis mitti nunquã potuerit, obiit Gratiano filio prius Aug. appellatione donato, imperij accepti anno XI. mense VII. die XX. uitæ LV. Valēs post fratris interitũ, Arria-

nae factionis fautor, dū aduersus Scythas & Gothos præliū ferocius, quā cautius ciet, uictus ab his acie, uitā imperiūmq; amisit, igne intra tugurium in quod cōfugerat, iniecto. Digni imperio fratres, & inter bonos referēdi, nisi Valens Arriano delirio uirtutes egregias inquinasset.

Gratianus & Valentinianus.

Aud sane improbādum principem numina terris
 H dederant, si quātum literis & militari disciplinæ
 uacabat ac uenationibus, tantum curæ ad remp.
 cognoscendā impendisset. Nam pietate in suos egregius, Valentinianum adhuc puerum Aug. dixit, patre patruoque extinctis: mox Theodosium Hispanum consortem imperij asciuit. Verum dum spicula tantum & arcus meditatur, dū Alanū militē Romano præfert, Maximi ducis insidijs circūuentus periit, cum imperasset cū patre annos octo, cū patruo tres, cū Theodosio quatuor. Valentinianus à Maximo emissus, Theodosijque ductu postea restitutus in imperium, Maximo tyranno interfecto: mox Eugenij & ipse post Maximū tyrāni dolis uictus, laqueo seipsum necauit.

Theodosius.

Ic Honorio patre, & matre Thermantia, haud dubie inter optimos principes annumeretur, quippe
 H qui remp. Gothicis armis penē oppressam, accitus ex Hispania (quæ illi patria) à Gratiano restituerit: Maximū tyrānū & Andragatiū præfectū eius subito in cursu uictos occiderit: Valētiniano imperiū asseruerit: Mox Eugenij tyrānum in Valentiniani ultionem sustulerit, nō sine numinis manifesto indicio. Cū multo minoribus enim copijs illi cōgressus, militatē illi æthere, & coniuratis in eius auxiliū uētis, ut poeta elegāter acinuit, uictoriā insignē adeptus est. Fuit autē hic principis moribus & corpore Traia-

no principi similis. Summa in eo clementia, incredibilis in suos pietas, rei militaris disciplina: sagax, nec à literis alienus, simplicium ingeniorum admirator, pietatis nostræ adeo obseruator, ut summa ciuilitate ab Ambrosio antistite castigatum se, adytisque prohibitum tulerit. Obijt Mediolani ætatis anno quinquagesimo, Imperij undecimo.

Arcadius & Honorius.

Osce pueros Theodosius uiuens, imperij consortes
 H fecerat, & moriens, quando ætas rerum moli nō responderet, tres imperij tutores testamento sanxerat, Arcadio Rufinum, Honorio Stiliconem commedans. Africæ uero Gildonem præesse uoluit. Prior Rufinus dum Gotthica sollicitat arma, ut imperiū metu ab Arcadio extorqueret, perfidiæ poenas dedit. Parique poena Catanus Rufini sceleris popularis afficitur. inde mox Arcadius, cum Byzanti regnasset annos ferè tredecim, obijt, Theodosio filio relicto. Maior rerum moles Honorium Romæ agentem exæpit: qui rebellantem Gildonem cum Masæ Zelis fratris ductu superasset, eundem quoque Masæ Zelem rebellē expertus, Bonifacij ductu uicit. At Stiliconis perfidia eo perniciosior, quo occultior fuit. Nam magno nostro dedecore cum Gotthi Italiam uastassent, urbemque Romam cepissent, astu Stiliconis rem adiuuante, tandem re ab Honorio cognita, Stilico cum filio sublatus est: qui genere Vuādalus, & militaris disciplinæ scientissimus, Honorij etiam socer, si quam operam in perdendo ad Fesulas Radagaso cum ducentis Gotthorum milibus præstiterat, in asserendo imperio præstisset: nec Romam Alaricus Gotthorum rex unquam cepisset, nec orbem totum cladibus assiduis inuoluisset. Decessit autem Romæ cum annos duos & triginta imperasset.

Romæ captiuitas.

On potui non uehementer mirari tantam uel tem
 N porum iniuriam, uel scriptorum meritiā, tum ue
 terum, tum recentium fuisse, ut cum Romam orbis
 reginam captam ab Alarico Gotthorum rege, anno post cā
 conditam millesimo centesimo sexagesimo quarto, certatim
 omnes memoriæ prodant, seriem tamen rei, aut indagā-
 dam non censuerint, aut indagatam tanquam rem plane
 ignobilē, nec scitu dignam obliuione inuoluerint. Pro deū
 hominūque fidem, urbs orbis totius regina, quæque eo au
 spicio condita credatur, ut caput orbis semper esset, & quæ
 toties de barbaris gentibus, orbēque triumpharat, capitur
 Gotthico astu, & interim rei series ordōque nescitur? Ego
 uero id minime patiar, & omnis antiquitatis illustrandæ
 studiosus, hanc quoque rem tam memorabilem non negli-
 gam. Astu autem barbarico capta traditur in hunc fermē
 modum quem Procopius solus ex omnibus quos legi, tra-
 dat, ut mirer ab interprete uel rem totam dissimulatam,
 uel cum in mutilū Græcū codicem incidisset, nō animad-
 uersam. Ille igitur in hanc sententiam, Obsederat Romā
 Alaricus iam biennium, nec Honorius, qui Rauennæ desi-
 debat, aut ferre suppetias poterat, aut audebat. Nam cum
 nihil minus, quā de urbis salute sollicitus esset, Stilicone
 interfecto, ducem exercitui minime præfecerat, qui rē ad-
 uersus Gotthos administraret. Vnde Gotthis obsidendæ
 urbis cogitatio, Romano milite aut dilapso, aut segniter rē
 agente. Verum eam frustra obsessam, cum expugnare ui
 nō possent, ad dolum hostis Barbarus uertitur. Profectio-
 nem in patriam simulat, trecentosque iuuenes corporis &
 animi ui præstantes deligit, quos Romanis principib. do-
 no det, instructos prius ut omni obsequio dominos suos
 xx.i.

promereri studeant, & ad certam diem circa meridiem, cum Romani principes somno, uel otio uacarent, ad Asinariam portam aduolent, interfectisque improviso insultu custodibus, portam sibi præsto futuro aperiant. Inter ea Gothi cum reditum, alia atque alia deesse sibi simulant differrēt, trecenti illi iuuenes occasione egregie usi, portam statò die suis aperiunt, & introrussus Gothus maiore ignominia, quàm damno urbem omnem populatur. Sunt qui Probæ illustris fœminæ & opulentissimæ opera patefactam Gothis portam existiment, cum plebem Romanam passim fame & morbis pecudum more cadentem miseraretur. Duo sunt cognitu non indigna: unum, edictum ab Alarico fuisse, ut quicumque in templa diuorum confugerent, præcipue Petri & Pauli, his nulla uis inferretur, quod & summa fide seruatum: alterum, quod cum nuntiatum Honorio esset Rauennæ Romam perditam, credidit ille de pugnaci gallo, cui nomen erat Romæ, significatum esse, admiratumque uehementèr tā subito periisse eum, qui cum paulo ante festiuissime luserat. Adeo socordis ingenij princeps, nec quicquam omnino paternæ, auitæque uirtutis referens: quod & Arcadio fratri uitio datum est. Nā Eudoxiæ uxori addictus, cum alia improbe fecit, tum Chrysostomum antistitem sanctitatis & eruditionis egregiæ, uxori plus æquo inscruiens, in exilium egit.

IOHANNIS BAPTISTAE EGNATII
 VENETI ROMANORVM PRINCI-
 PVM LIBER II.

§ **E Q V I T V R** abhinc ætas, in qua mi-
 hi orbis totius clades, regnorum tristes exi-
 tus, imperia funditus excisa, mutationes re-
 rum frequentissime referendæ sunt: ut in-
 telligat mortalitas nihil esse inconstantius
 ijs, quæ tætopere ut æterna miramur. Adco enim uitæ, for-
 tunæque ista bona, in quibus opinione vulgi sita summa
 felicitas est, fragilia, caducaque sunt, ut nihil his esse possit
 cladibus ruinisque magis obnoxium: quod cum uetera il-
 la Asiæ imperia, tum uero nominis Romani maiestas fa-
 cile declarat, quæ felicibus auspicijs orta, lætissimis rerū
 successib. aucta, uiris clarissimis instructa, quorum uirtu-
 te ac consilij ad amplissimum fastigiū sit euecta, legibus,
 institutis, deū pietate illustrata, conciderit tamen et fun-
 ditus eversa sit: ut quemadmodum illa de toto terrarum
 orbe triūphos retulerat, sic nulla ferè hodie in terris gens
 agat, aut antea fuerit tā immanis, tā barbara, quæ nō aut
 auitas iniurias, aut suas illi repēderit. Huc accessit, quod eo-
 rū deinde qui sequētur, principū, partim ignauia, partim
 auaritia, res adeo nostræ pessum icre, ut ad rē Romanā si-
 stendā alienæ atq; externæ uirtutis eguerimus. adeo ma-
 scula illa Romuli proles, et Italica uirtus simul cū impe-
 rij lapsu cōsenuerat. Nec Romani postea pōtiffices ambitio-
 ne plus quàm immodica, pronā iā per se in casum rē Ita-
 licā non funditus affligere, dū studijs suis nūc Francos, nūc
 Germanos, atq; alios quosuis potius quàm Italicos princi-
 xx.ij.

pes patiuntur. Illi uero quantum Romanæ atque Italicæ maiestati semper detulerint, uel illud argumento esse posuit, cum se Cæsares, aut Augustos pro Henricis et Federicis dici maluit: cumque se nunc reges, nunc Romanorum imperatores appellari gaudeant. Cæterum nec querelæ locus hic est, et ipsa nostra hæc commentatio etiam nuda satis allatura doloris, ac molestiæ legentibus est. Quare Theodosium ipsum iuniorem aggrediamur.

Theodosius iunior.

Vinquaginta quot uixit annos, totidem imperio etiam præfuit. Nam puerum admodum moriens Arcadius cum reliquerat sub tutela Isidorigis Persarum regis, quod et bene cesserat. Barbarus enim rex et tutelam summa fide gessit, et pacem cum Romanis quoad uixit, habuit. Is uero Honorio defuncto, Valentinianum ex Constantio et Placidia natum, data Eudocia filia in uxorem, Romam peropportune misit, cum turbata res essent tyrannorum libidine, qui rem Romanam inuaserat. Sub hoc tertia synodus contra Nestorium celebrata. Pulcheriæ sororis prudentia (nempe quoad illa est usus imperator) bene res gesta. hic uxorem Eudociam Leonis Atheniësis philosophi uxorem duxit: quæ præter egregiam formam, singularemque pudicitiam, etiam literis excelluit, absoluto eo libro, cui titulum Græci ὁμολογία faciunt. Hoc principe Venetiæ felicissimis auspicijs in aquis habitari cœpere, cum Honorius adhuc uiveret.

Valentinianus tertius.

Asseri fortasse in pristinum statum sub hoc principe res Romana potuit, si eius incæptis aut fortuna fauisset, aut imprudentia postea sua rem non afflisset. Nam recepta sub aduentum suum Italia, cum Gense

rico statim Vuandalorum rege pacem sanxit, parte Africæ, ut uideri uoluit, contento: & aduersus Attilam Etij dum rem feliciter gessit. Inde Maximi arte uiri per ea tempora potentissimi, Etium interim iussit. Vnde in ultionem ipse postea Romæ ab eius commilitonibus confossus periit. Hoc principe Occidentis imperium, Francis Gallias, Anglis & Scotis Britanniam occupantibus, Vuandalis Africam, & ipsam urbem populatibus, Hunnis Europam uexatibus, & Italiam, collapsum funditus est. Periit imperij & ætatis anno XXX.

De Etio pauca dicenda hic sunt. Hic è Dorostana Mœsia cum disciplina militari excelleret, Constantio defuncto, ab Honorio principe illi sufficitur, cuius ductu Attila in campis Catalaunicis uictus est, & Burgūdiones repressi. Hunc postea Valentinianus cum interfecisset, interrogaretque ciuem quempiam Romanum, an iure occisum crederet, iure an iniuria occideris imperator Etium nescio: illud scio quòd sinistra tua dextram tibi absideris. nec falsus omnino uates. Nam eius morte Hunni rerum potiti, & imperium euersum est.

Breuis enumeratio eorum, qui post Valentinianum

Romæ rerum potiti sunt.

Ost Valentinianum Romæ Auitus senatorij uir ordinis præfuit, Auito inde Maiorianus quadriennio, hunc Seuerianus, Seuerianū Anthemius, Anthemii Olybrius subsecutus: cui Glicerius, & Glicario Nepos statim successit: quo per uim pulso, Augustulus male ominati nominis rerum potitur, sub quo Romani maiestas imperij conuulsa per Odoacrem Herulum serò admodum ad Francos redijt.

Fl. Valerius Martianus.

Vnc imperatores Constantinopolitanos, quando il-
N li tantum per illa tempora uiguerunt, ad Constanti-
 num usque Paleologum continua serie perstringe-
 mus, initio à Martino sumpto: qui licet humili loco natus,
 militiæ tamen clarus, Pulcheriæ Theodosij sororis studio,
 rebus præficitur, moderatus princeps, et rebus gerendis
 idoneus, si per senectam diutius uiuere potuisset: nam pa-
 cem, quoad eius fieri potuit, coluit: illud sepe usurpans,
 Dum in pace esse possumus, arma non induamus. Is Tatia-
 num, Iuliumque fratres, qui olim aquilæ superuolantis
 eius caput auspiciū retexerant, uaticōque ducentorum
 aureorum mopem, et agrotantem adiuuauerant, statim ut
 princeps est dictus, alterum Illyrico, alterum Constanti-
 nopoli præfecit. Hoc principe Chalcedonensis quarta sy-
 nodus celebrata aduersus Dioscorum, et Eutychen, Leonis
 pontificis Romani iussu. Imperauit annos sex.

Leo.

Rimus hic Græcanici uir sanguinis imperium te-
P nuit, Asparis patricij factione adiutus. Cuius etiam
 filiū Cæsare cum inuitus creasset, postea cum Ar-
 daburio fratre, ut insidiarū in se autores interfecit, Leo-
 nēmq; ex Ariadna filia, et Zenone filiū successorē sibi esse
 uoluit. Is aduersus Gensericū Vuandalorū regē Basiliscū
 ducē misit: qui, si Zonarā sequare, uictus nauali prælio à
 Vuādalis aufugit, siue illud ignauia, siue proditio fuerit. By-
 zantiū huius imperio magna ex parte cōflagrauit, præter-
 quā quòd Italia in perpetuo motu fuit. Imperauit autem
 annos XVII.

Leo iunior.

Hic puer ab auo relictus, cum annum præfuisset, Ze-
 noni patri manibus suis diadema imposuit, patrēmq;

pro se deinceps imperare iussit.

Zeno Isauricus.

Vam uarie rebus Romanis illuserit fortunæ uis,
 hic Zeno facile cum plerisque qui explicandi mihi
 principes erūt, probet. Vir obscurissimi sanguinis,
 et cū facie deformis, tū moribus planè tyrannicis, ut Isau-
 rum agnoscas. Hic Theodoricum Ostrogothorum regem
 cum uinice diligeret, in Italiā aduersus Odoacrē misit, con-
 sulē prius à se factum. Pulsus uero à Basilisco factione uxo-
 ris, cū in Isauriam concessisset, non multo post reuersus, et
 Basiliscum expulit, quem et inedia mori coegit, et annos
 tredecim tyrannum uerius quàm principē egit. Sunt qui
 uinum adhuc inclusum ab uxore sepulchro tradant: fru-
 straque resipiscētem, et opem quiritantem obisse. Hoc
 principe incendium adeo graue fuit, ut præter maximam
 urbis partem conflagratam, centum et uiginti librorum
 milia combusta sint: inter quæ et Homeri poema intesti-
 no draconis CXX pedum aureis literis descriptum.

Fl. Valerius Anastasius Dicoros.

Icorum hunc cognomento Græci appellarūt, à dis-
 D coloribus uidelicet oculorū pupillis, quarum dextra
 nigricās, sinistra cœrulea fuerit: inter bonos prin-
 cipes utique mihi referēdus, tametsi ab humili loco ad im-
 perium euectus Ariadnæ Zenonis uxoris opera, nisi po-
 stea mutatus, Eutychianæ hæresi adhæsisset. Vnde illi ad-
 uersus orthodoxos graue dissidium conflatum. Bulgaro-
 rum arma tunc primum audita, et Saraceni Alamūdaro
 duce Syriæ graues incūbebant. Hic tyrannorum aliquot se-
 ditione fatigatus, post octogesimum et octauum uitæ an-
 nū, imperij XXVI fulminē afflatus periit, ulciscēte gra-
 uiter numine pietatē toties ab impuro principe uiolatam.

Iustinus.

Q Vis credat Thracem hominem armentarium, & sues agentem, sine tribu, ignotis obscurisque patribus ortum, & rebus præfuisse, & rem tum feliciter, tum optime administrasse? Rexit tamen ille summa cum laude, & pietatis studiosissimus ueræ. Iohannem Romanum pontificem ad se legatum uenientem, à Theodorico Gothorum rege pro Arrianis, quos expulerat Iustinus, restituendis uenerabundus excepit, & principatum dolo partum (quippe qui accepta ab Amantio Eunuchio pecunia, ut militi pro Theocritiano præficiendo distribueret, in se suffragia uerterit) magna uirtute postea administrauit: nono imperij anno Iustinianum ex sorore nepotem, cum adhuc uiueret, sibi successorem instituens: quo facto, non multo post obiit.

Iustinianus.

N Epos Iustino ex sorore, cum annum quartum & quadragesimum ageret, imperare cœpit, quod per annos undequadragesima administrans ueterem Romani imperij gloriam mirum in modum ampliavit. Primum enim Persas Belisarii opera intra suos fines continuit: inde eodem duce Romam à Gothorum seruitute asseruit: Africam imperio pulsus Vuandalis restituit: Narseus duce Gothicum tandem nomen deleuit. Bis triumphatum ex instituto ueterum Romanorum de Persis & Vuandalis à Belisario. Leges infinitis uoluminibus antea dispersas in L. Digestorum libros contraxit. Institutionum libros quatuor edidit. Codicem inuulgauit. Maximus certe princeps, nisi auaritiæ & delirij Eutychiani reus fuisset. Serici usus è Persis ad Græcos hoc tempore transijt iam pridem desitus.

Iustinus Iunior.

Hic æmulus Iustini, & ut filius à Iustiniano in re-
 gra semper habitus, facili admodum ingenio, atque
 ad promerendam ex liberalitate hominum gra-
 tiam nato fuit. Cū Persis pacem fecit, tributo, quod Roma-
 ni annuum his expenderent, sublato. Lāgobardi Germa-
 nica gens à Narsete indignato cōtra Sophiam in Italiam
 hoc principe irrupere, quam ab Alboino rege ad Deside-
 riū per CC & IIII annos in principatus diuisam te-
 nuere. Obijt graui pedum dolore anno XI imperij.

Tiberius.

Tiberius adoptatus à Iustino, rem per septennium
 foris satis feliciter gessit, domi summa cum pieta-
 tis & liberalitatis opinione. Quòd si quemadmo-
 dum Persas grauius afflixit prælijs, sic aduersus Lango-
 bardos felix fuisset: nihil illo principe fortunatius. Obijt
 Mauricio genero successore declarato.

Mauricius.

Cappadocē hominem uirtus, & rei militaris scien-
 tia, partaque eius ductu de Persis insignis uicto-
 ria, imperio facile imposuit, quod sub initia Per-
 sis uictis, Scythijs afflictis, Langobardis repressis, & Hun-
 nis è patrio solo in solitudines pulsis, feliciter administra-
 uit: mox auaritiæ studens, cū frustra Phocæ insidias, so-
 mnio etiā admonitus præcauisset, dum miles stupēdio frau-
 datus seditiosius agit: ab eodē Phoca imperio & uita pri-
 uatur, cū imperasset annis XX, uixisset tres & sexaginta:
 eius etiam omnis prosapia sublata est. Turcicum no-
 men tunc primum Asiæ auditum.

Phocas.

Adco præcipientes in malum homines agimur, ut Phocas

nec Mauriciū auaritia admonitus, adepto imperio per Mauriciū cædem ab hoc uitio temperarit. Quin longe studiosius colligendæ undiq; pecuniæ incubuit, & omnia ex Persicæ seruitutis instituto egit. Vnum in hoc homine laudes, quòd Romanum pontificem principem omnium iure declararit. Cætera adeo socors & ignauus, & frequentibus adulterijs infamis, ut cum Romanum imperiū undique Barbari uastarent, starétque solū eius nominis umbra, conspiratum sit in illum ab Heracleona & Heraclio & Prisco, qui captum inertissimum hominem prius interfecere, quàm ferre suppetias eius milites potuerint, omni stirpe principis impurissimi sublata.

Heraclius.

Abente iampridem imperio, & prægrauantibus
L. Persarū arnus, Syria cū ipsis Hierosolymis expugnata, Heraclius accepto diademate à Sergio pontificæ, primum omnium Persicum bellū parat. ad quos legatis antea missis pro inducijs impetrandis, contemptim ab his habitus, adeo excauit, ut differre amplius rem non potuerit. Responderunt enim impj hostes, non prius se Romanis pacem daturus, quàm CHRISTVM abnegasset imperator. Quare ingentibus copijs in Chosroë ductis, uictis eius sæpe ducibus, & cum omnibus copijs cæsis, mox profligato Chosroe, Persidæque omni in ultionem nostram igni ferroque uastata, lignum salutiferæ Crucis recipit. Celebris adhuc est Christianis dies festus argumentum uictoriæ insignis, pacis uidelicet partæ, & Tigridis fluuij inter utrunque imperiū termini. Triumphatūque egregie Crucæ prælata. Imperauit Heraclius annos XXXI, nouo morbi genere perijt, uirili mēbro semper ita distēto, ut quoties meieret, lotiū uultum aspergeret, nisi obiecta tabula

id prohibuisset. Creditum est hæreseos Monothelitarum, in quam inciderat, & nequitiae supplicium luisse. Hoc tempore Saraçeni Maomethe duce caput extulere. Quare breuiter de eius ortu & successu interim quædã perstringamus.

Maomethis ortus.

X Arabia constanti ueterum scriptorum fide hoc
 E malum orbi prodijt. Inde enim humili loco natus, dum locandis conducendisq; camelis uictũ quærit adolescens ingenij uasfri, uiduæ domine nuptijs & opibus mox auctus, Sergium monachum nostratẽ familiarem habuit, cuius adiutus opera, cum Christianos & Iudeos accusaret, hos ut impios, qui summum prophetã excruciascent: nos ut simplices, qui de CHRISTO ridicula prodamus, paulatim latronũ manum cœgit, & diuinitate quadam inde sibi astructa, facilẽq; leuissimo hominum generi persuasa, cõsiliũ armis addidit. Inde rerum successu prosperiore elatus, Syriam uasat, & Damascũ regionis caput expugnat. Tũ uero in Persas arma conuersa, quibus cõgressus, & primo uictus, reparandis copijs intentus, Scœnitas sibi Arabas adiungit, gentẽ per ea tempora Romanæ militiæ assuetã: & quæ ob negata ab Heraclio stipẽdia, rebelles animos induerat. sicq; paulatim firmato imperio, & diuinitatis cuiusdã opinione persuasa, quam arnus tuendã contra aduersantes præceperit, quadragesimo uitæ anno ueneno (ut aiunt) à domesticis dato periit. In quo homine nescio magisne ingenij calliditatẽ admirer, an gentis eius stultitiã, an potius Christianorũ principum socordiam, qui nec nascentem comprimere flammam (factũ tunc facile) uoluere, nec magnis postea rerum successibus auctam potuere. Vnde labe illa iam ad hoc æui non Asiam solum & Africam, sed magnam

Europæ partē infecerit, ut iam de Christiana pietate tueda in discrimen uentum sit.

Constantinus Heraclij.

Ic annum unum cum imperasset, rectæ ac ueræ
H pietatis cultor, Martinæ nouercæ insidys, quæ Heraclionæ imperium astrueret, ueneno tollitur. Illa uero cum imperium male partum cū filio uix biennio tenuisset, à senatu cum decenni filio expellitur, amputata prius matri lingua, filio naribus.

Constans.

Onstans ex Gregoria et Constantino proxime re-
C lato proles rerū potitur, adnitēte senatu, qui Martinæ scelus execrabatur. Hic auitæ impietatis hæres, Martinum Romanum pōtificem sibi aduersantem, comprehendendi iussu, in exilio mori cœgit. Cætera hominē non improbares, si impietatem et auaritiā demeres. Saracenis classe congressus, uictus aufugit: quibus paulò post dissidio laborantibus, biennij inducijs impetratis Italiam petiit, ut eam à Langobardico iugo liberaret. Sed cum Romam uenisset, uictus à Langobardis acie, quicquid antiqui operis, signorumue fuit, intra quintum diem inde sustulit, ut plus ornamentorum paucissimis diebus urbi detraxerit, quàm Barbari per tot annos. Inde in Siciliam traiciens, cum sextum ibi annum ageret, et auarē, et crudeliter tributum exigeret, dolo suorum interficitur, postquam annos septem ac uiginti imperasset.

Constantinus Pogonatus.

Eliore orbis fato Constantinus imperium exæpit,
M qui maximus natu relictus à patre Bizanti, ut imperium administraret, audita eius morte, in Siciliam uenit: ultusq; Mithium tyrannum, et cædis pater-

nae conscios, bellum aduersus Saracenos septem annos terra marique feliciter gessit. Fatigati enim bello maritimo Arabes, quod ex Cyxio à se capto, Byzantio singulis aestatibus inferebant, maxime ignis miraculo territi, qui sub aqua arderet (Callinici inuentum) tempestate etiam graui oppressi, ferè omnes periere. Nec terra felicius res eorum administrata. Visti enim una acie XXX suorum milia amisere. Quare pax honestissima secuta, pollicitusque Maurias eorum dux, Iohanni legato imperatoris ad id misso, tributum annuum, auri pondo tria milia, seruorum etiam honestorum, et equorum totidem. Sexta hoc principe uerae pietatis celebrata synodus Constantinopoli. pax ubique etiam floruit, praeterquam quod Bulgari trans Danubium repentine bellum ostentarunt: quod cum infelicitè gereretur, inhonesta pace Mysia his ad inhabitandum data est, tributo etiam annuo promisso. Imperauit annum septimumdecimum Iustiniano filio haerede, cum fratribus minoribus nares amputasset. Pogonatus appellatus, quod imberbis in Siciliam profectus, barbatus redisset: πωγων enim Graeci barbam appellant.

Iustinianus.

Ltinius Heraclianae stirpis Iustinianus imperio V praefuit, prauis uir ingenij, et uarij, atque à fide resecta abhorrentis. Siquidem synodum aduersus sextam à patre celebratam indixit, bonis omnibus aduersantibus, et imprimis Romano pontifice, quem comprehendi mandauit. Bellum aduersus Arabas et Bulgaros contra foedera motum, utrumque calamitosissimum gessit. Quare et crudelitate etiam in suos inuisior factus, Leontij patriarchij, et Callinici patriarchae dolo deturbatur imperio, atque Chersonam relegatur nare prius abscissa. Vnde max

fugiens, et ad Trebellium Bulgarorum regem fugā lapsus, eius opera restituitur, Tiberio qui Leontio successerat fugato, et Gallinico patriarcha luminibus privato. illud scelitæ hominis argumentū iraditur, quod quoties truncas nares emungeret, toties unum ex ijs qui Leontio fauerant, ad supplicium rapi iubebat. Sexto demum et decimo anno à Philippico pulsus, quem reclamante Constantino pōtifficæ, acrius insectabatur (uenerat autem ad illum Romanus antistes accersitus, et ab imperatore honorificentissime exceptus) uitam et imperium pariter amisit, sexto anno post exilium, cum X antè præfuisset.

Leontius.

XXXVII annos ab Heraclio ad Iustinianum
 L in una gēce imperatum, quod nescio an ulli priorum contigerit: cum Leontius Iustiniano relegato, imperium sibi iudicauit. qui classe aduersus Arabas Africā occupantes ingenti parata, cum infecta re rediret, imperio expellitur, postquam tres tantum annos rerū potitus esset. Hunc ergo Tiberius captū (sic enim, quā Absimarū dici maluit) adepto imperio, naribus truncatum custodiri iussit.

Absimarū, qui et Tiberius.

Vnc classis in Creta imperatorem dixit, qui Heraclium fratrem statim aduersus Arabas omnia uastantes cū misisset, eius fortī opera hactenus repressit, ut à nostris abstinerent. Inde Philippicum nobilitatis præcipuæ Chersonā relegauit, quod aquila caput obumbrasse uidebatur dormienti. Cæterum septimo post anno cum Leontio captus, à Iustiniano interficitur.

Philippicus Bardanes.

Nunquā maior principū impietas, maiōrue, quod gra

uius doleas, socordia. Quippe hic adeptus imperium, sextæ synodi decreta altera synodo infirmare contēdit: gratificaturus monacho, qui imperaturum illū prædixerat, hoc prædictionis præmium petenti. Quare cum loquentiæ multum huic inesset, sapientiæ parum, opesque imperij iam pridē cōgestas dissiparet, passus etiam Bulgáros Thraciam populari: priuatus oculis in ordinem redigitur, anno uno, et mensibus sex uix expletis.

Artemius qui et Anastasius.

Ic adeptus imperium, cum optime quæ ad pietatem rectam attinent, instituisset ex pontificum assensu, classē ingentē aduersus Arabas in Alexandriam emisit. Verum classiarijs quibusdam contumacius agentibus, qui illum oderant, domum reuersi, Theodosium ignobilem alioqui uirum imperio præficiunt: captique Cōstantinopoli, monasterio Anastasium includūt, cū annum unum, menses tres imperasset.

Theodosius Atramiſenus.

Bſcuro licet loco natus, non pœnitendum imperatorem egisset, si diutius illi per Leonem et Cononem Orientis præfectos imperare licuisset. Verum cum Leonem exercitus imperatorem dixisset, pertæsus belli ciuiliſ Theodosius cēssit imperio, monasticamque uitam amplexus, satis diu, ac felix in ea uixit, cum annos duos imperasset.

Leon Isaurus siue Conon.

Bſcuritatem generis (quippe qui apud Isauros natus exercuerat ſedentariam) cum alijs ſcleribus, tum uero impietate in Deum, ac eius imagines facile Leon æquauit, unde ille cognomē ἀνορομαχὺς, et θρομαχὺς Græcis: quarum perdendi tantus hominem ardor

inuaserat, ut Iudæis duobus gratificaretur, qui illum tanto antè imperaturum prædixerant, ut & Constantino-
 politanum pōtifiem Germanum nomine aduersantem se-
 de extruserit, & Romanum antistitem obfistencē compre-
 hendi iusserit. Saraceni certe ducibus Masgaldā, & So-
 lymano Constantinopolim triennali obsidione, terra ma-
 rique fatigarunt. Verum peste famēque confecti, à Bulgaris
 etiam sæpe uicti, classe magna ex parte igne sub aquis ar-
 denti consumpta, paucissimus ex tanto naufragio seruatis,
 manifestam in se nunnis iram sensere. nec minori inte-
 rim clade in urbe sæuitum: trecenta & amplius ciuium
 milia peste famēque consumpta. Ridicula plane quidā de
 cælesti igne, & nauium numero prodidere. Inde Siciliam
 Sergij præfecti opera rebellantem, ad officium retraxit.
 Circa finem imperij, quod quartum & uigesimum dura-
 uit annum, graui terræmotu Bithynia, Thraciāque con-
 cussa, muriq; Byzantijs magna ex parte collapsi, quo Theo-
 dosij maioris, & Arcadij filij statuæ ad terram deiectæ.
 Et quæ res flectere impij principis animum ab impieta-
 te debuerat, tanquam in manifesta deūm ira, ille uero ad
 priuatum questum retulit, tributo ad restituendos muros
 imposito, ut in singula numismata quatuor & uiginti obo-
 los ærario principis inferrent: quod postea in multas æta-
 tes abiit. Hoc principe Romani pontifices ad Francos pri-
 mum respexere.

Constantinus Copronymos.

Mpio patri scælestissima successit proles Cōstanti-
 nus cognomento Copronymi: quod infans baptis-
 mu lauacro admotus, medijs sacris alinioniæ ex-
 cremento aquam polluerat. Is non solum patris impieta-
 tem in abolēdis diuorum imaginibus reddidit, uerū etiam

grauiore scelere reliquias eorum aut contempsit, aut com-
bussit. quam in numina impietatem immanitas hominis
inuiosorem fecerit, dum nobilissimum quenque tollendum
è medio curat. Antistites certe Constantinopolitanos unum
et alterum ignominiose prius habitos, et grauer ad hæc
excruciatos, capite plectit. Hic Bulgaricum uariante for-
tuna bellum terra marique gessit. Artabasdum primæ no-
bilitatis hominem imperatorem ab orthodoxis creatum,
post biennium à se captum, oculorum usu cum liberis pri-
uat. Grauiissimam hyemem, uti Pontus, Bosphorusque ipse
Thracius perglaciauerit, expertus, post infinita flagitia
exquisitissimo cruciatu consumptus obiit imperij anno ui-
césimo quarto, duobus mensibus minus.

Leo.

On imperij solum, sed paterni sceleris hæres ad-
N uersante matre Bulgarici sanguinis pientissima,
successit Leo, qui ad impietatem sacrilegum etiam
addiderit. Nam coronam à Mauricio principe deo dica-
tam, nefario capiti imponens, captus gemmarum et auri
splendore, breui poenas luit: caput enim impium carbun-
culi apostemate statim intumuit: tandem ardentissima fe-
bri subsecuta, impium spiritum nefarius exhalauit, impe-
rij anno uno.

Constantinus Leonis F. et Irene mater.

Edditus tandem his principibus ueteri religioni
R suus nitor, reddita uetus pietas Irenes matris ope-
ra: quæ Attici sanguinis forma insignis, sed pro-
bitatis opinione insignior Leoni nupsit. Quare conuen-
tu trecentorum et L patrum Nicæ indicto, quæ septima
synodus habetur, templis, diuisque suæ restitutæ sunt ima-
gines. Nec multo post tamen Constantinus iam adultus ma-

yy.i.

trem haud amplius passus, imperio deicit, eiectam in ordinem redigit. Nicephorū imperatorij & ipsum stemmatis, in quem suffragia multorum tacite inclinabant, oculorū & linguae usu priuat. Et nequid sceleris deesset, Maria uxore monasterio obtrusa, Theodoram concubinam inducit matris consilio, ut filium inuisum omnibus faceret: unde mox rerum sola potita, filium in potestatem redactum excæcat, eadem die qua sexto ante anno Nicephorū ille eodē supplicio affecterat: ipsa que non multo post à Nicephoro pulsa, in Lesbū insulam relegatur. Huius imperio, quod fuit cum filio annorum X, lamina inuenta est super cadauer his uerbis, CHRISTVS nascetur ex uirgine, in eū credo, Constantini & Irenes imperio o sol iterum me uidebis. Sed & Carolus à Leone Romano pōtifice imperij corona donatur uirtutis, & pietatis ergō.

Nicephorus.

Iget plane, ac pariter me pudet, tot portentis uerius quàm principibus referendis immorari: nisi quòd præterquam quòd rei series ita exigit, nonnihil & huiusmodi homines uitæ prosunt, dū eorum exitu & deterrentur pessimi, & optimus quisque ad uirtutem, honestūque accenditur. Nemo enim maiore hominum opinionone ad imperium uenit, dum singulos aut muliebris impotentiae, aut flagitiosissimi principis cæder: nemo avarius, aut crudelius administrauit, quorum scelerum mox poenas meritas luit. A Bulgaris enim paulo antè à se uictis, improuiso noctis assultu oppressus, ipse cum toto exercitu ad internicionem cæditur. Stauracius filius saucius humerum uix Adrianopolim euasit. Hic Venetam rem sociali classe aduersus Gallos inuit. Populoniā dolo magis quàm ui captā diripit.

Stauricius.

Drianopoli in quam euaserat, post patris interitum imperator ab amicis salutatus: nō multo post à Michaele Curoplate Rangabe cognomento, qui Procopiam sororem eius in uxorem duxerat, imperio deturbatur, & monasterio includitur, postquam cum patre annos nouem imperasset.

Michael Curoplates Rangabe cognomento.

Elior pacis artibus, & pietate maior duobus à me proxime relatis successerat Michael, si quàm in toga bonus, tam bellicis rebus administrandis uignisset: à quibus tantum abhorruit, ut ad unam aduersam cum Bulgaris pugnam, à quibus castris etiam exutus est, ita cōciderit, ut accepto nuntio de Leonis imperio, monasterio sese abdiderit, habenas regni facile cōcedens post annum alterum imperij. Hic cum Carolo Francorum rege fœdus ita iniit, ut Veneti suis legibus, ac iure uiuerent: immunitate his seruata, quam ad eam diem in terra Italia retinuerant.

Leo Armenius.

Ardi Patritij filius magno omnium gaudio, maiore spe rei Romanæ præficitur: nec conceptam de se hominum animis spem frustratus esset, nisi egregias uirtutes crudelitate in suos, & impietate in deū mœfœdasset. Quippe qui parua de Bulgaris in signi uictoria, cum ab armis quies esset, ad cædem multorum conuersus, diuorum imagines deleri penitus iubet: nec præsagijs, aut somnijs maternis cladē imminentem euadere potuit. Nā à Michaele Traulo, quem in custodia detinebat, noctu per insidias, dum sacris operatur, cæsus obiit post annos imperij septem, & menses quinque.

Michael Balbus.

Morium. Phrygiæ superioris oppidulum dedit hūc
 A principem, non humuli solum, sed sordido etiam loco natum: ad quæ impietas quoque accesserat ex hæresi Iudeorum, atque Thimganorum hausta: Lingua præterea utio balbutientem, unde Græci τραῦλον appellauere. Hic post interfectum Leonem, à quo ad tantam fortunam euectus erat, Thomam, qui tyrannidem inuaserat, uario primum rerum euentu tandem oppressit: defectio- nisque socios cum ipso Thoma sustulit. Saraceni hoc principe ex Africa profecti, Cretam insulam occupant, totamque fere in ditionem redigunt, Græcosque duplici prælio uincunt. Ipse princeps cum annos octo, menses nouem imperasset, Theophilo filio per manus imperium tradidit. Vetus oraculum innotuit, tum rem Romanam in lapsum præcipitem ruituram, cum balbus & auarissimus princeps imperaret, qualis hic uir fuit.

Theophilus.

Aior iustitiæ cultus in Theophilo filio, quippe qui
 M facillimum sese statis diebus adeuntibus exhiberet, & ad seueritatem interdū propensior acrius delicta puniret: sed par impietas, ut qui diuorum imagines ex paterna æmulatione auersatus, non paucos qui eas coleret, ad mortem usque cædi iusserit. Saracenis Asiæ prouincias uastantibus bis congressus, bis uictus est, castrisque exutus. Quinetiā Amorin, unde illi genus, ab ijs obsessum, & proditione captum diripitur. Cūque annos duodecim rebus præfuisset, dysenterici morbo periit.

Michael Theophili, & Theodora eius mater.

Eat Irenes Cōstantini matris administratio, ut fœ
 F minei nō pœniteret imperij. Quare Theophilo uita functo, Michael filio adhuc infante, & sub tutela

matris, ac principū uirorū relicto, Bulgari (Scythiciū genus) pietatem nostrā populariter sunt amplexi, cum Theodora genitrix rebus adhuc præesset. Verū impotentia muliebrē quis æquo animo ferat, ubi præsertim impietate asserat? Nam et illa diuorū imagines execrata est. Cæterū impietatis pœnas mox dedit à filio monasterio inclusa, qui auo similiior quàm patri, per summā ignauiam ac prodigalitatem rem afflixit: à Saracenis etiam castris exutus. Nec minore insania Circensibus ludis oblectatus est: quibus dū plus ingenio indulget, Basilium Macedonem Barda interfecit, consortem imperij ascuit: à quo mox occisus est imperij anno decimoquarto, quorum treis cum matre egerat.

Basilius Macedo.

Vis crederet et hunc captiuum inter uenales
 Constantinopolim adductum, Romanæ rei præsuisse, qui nec patriam, nec parentes saltem ciere posset? præsuit tamen et eo rerum successu, ut ad eius nepotes imperij maiestas transierit. Primum igitur adepto imperio profusissimas Michaelis largitiones reuocauit, ut dimidium eorum quæ accepissent, aerario inferrent, et treis liberos imperij hæredes instituit. Inde in Saracenos, qui Cretam occuparant, profectus, ab his nauali prælio superatur. quos tamen alieno ductu post uicit. Hoc imperante Saraceni ex Africa soluentes, cum Italiam magna ex parte uastassent, Dalmatiam quoque populati sunt, Rhagusio etiam capto: quos tamen Nicephori Phocæ ductu inde post eiecit, Bario in ditionem suam redacto, tamen si Veneti una atque altera expeditione rem Christianam inuissent. Cæterum cum annos XX imperasset, à ceruo in uenatione cornu ictus mox periit. Vir frugi, et quem principem non contemnas.

Leo Basilij Philosophus.

Constantino filio maximo natu(uiuente adhuc p-
 C tre) iusta functo, Leo cognomento Philosophus frater
 successit: qui Bulgaros desistentes, Turcarum
 auxilio primo uicit. Verū ab his per manes inducias de-
 lusus, magna clade afficitur: inde in Saracenos classe com-
 parata, Nieta ductu egregiam uictoriam peperit. Litera-
 rum omnium, et astrologiae imprimis eruditus, et qui
 filium Constantinum imperaturum diuinaret. Tandem
 post annos quinque et uiginti, menses tres alui doloribus
 fatigatus, Alexandro fratri imperium per manus tradidit,
 cui filium commendauit.

Alexander.

Ec Basilio patri, nec Leoni fratri similis Alexan-
 N der successit, uir luxu et ignauia perditus, an-
 num et mensem rerum potitus. Qui cum nec ipse
 recte administraret imperium, et ignobilissimum quen-
 que ac turpissimum rebus praeficeret, erumpente naribus
 sanguine extinctus est.

Constantinus.

Eptennem hūc pater Leo sub tutela matris, et no-
 S bilium quorundam reliquit, quorū diligentia An-
 dronicus Ducas tyrannidis inuasor oppressus est.
 Inde Bulgaris Thraciam uastantibus bellum indictum:
 quod feliciter sanē Phocæ ductu successerat, nisi casu quo-
 dam consternati milites iam uictores in fugam conuersi
 fuissent. Eadem quoque fortuna alterius in Bulgaros ex-
 peditionis fuit ducum discordia, et ambitione, ut et Con-
 stantinopolis à Bulgaro hoste sit obsessa, et Romanus Le-
 capenus Zoe Constantini matre prius eiecta, imperij so-
 cius ascitus à Cōstantino necessario sit, qui Helenam eius

filiam in uxorem etiam duxit. Cæterū Romano in exilium pulso, Christophorūque eius filio cum ita Lecapenorum gente extincto, ipse rem imperij per annos undequadragesima satis prudenter administravit, Benevento de Langobardis expugnato, et tyrannis quibusdam oppressis, Turcarūque principibus aliquot Christiana pietate imbutis. Hic à literis optimisque disciplinis non abhorrens, quas pene extinctas ab interitu vindicavit, librum Romano filio reliquit, in quo summam totius imperij, sociorum omnium fœdera, hostium vires, rationes, consilia explicuit: quem nos in bibliotheca nostra tanquam thesaurū servamus, in quo multa de Venetis etiam nostris imperator ipse differat.

Romanus Lecapenus.

On iusiurandū sanctissimum, quod præstiterat, nõ
N gener Constantinus obstitit, quominus imperium
 et sibi, et Christophoro filio Romanus vindicaret,
 Constantinūque penè in ordinem redigeret. Is vero cum
 Bulgaricum bellum contra Simeonem eorum duam infelicitè gessisset, et sextum ac vigesimum annum præfuis-
 set, tandem à Stephano filio captus, insulæ includitur: mox
 et eius filij à Constantino comprehensi, alter in Procon-
 nessum, in Lesbium alter relegatur.

Romanus Leonis iunior.

Ir omnium ignavissimus, luxūque ac otio perdi-
V tus, post Constantinum patrē imperiū susceptū Ro-
 manus nomine: quod tamen alieno arbitrio rexit:
 ingenio alioquin non malo, sed interdū solerti, ubi animū
 adieciisset: foris aduersus Saracenos, qui Cretam occupa-
 bant, Nicephori ductu, et aduersus Turcas Asiā nastan-
 yy. iij.

tes eiusdem Niaphori & Leonis fratris imperio felix. Domi in matrē ac sorores impius, ut regia eiectæ quæstum meretricium sint amplexæ: ipse ludis ac crapulæ intentus, post tertiumdecimum imperij annum obiit ueneno etiam potionatus.

Niaphorus Phocas.

Obilissimus haud dubie Romano successit Niaphorus cognomēto Phocas, Phocæ Niaphori nepos, qui in Sicilia contra Saracenos res egregias gesserat: simulac igitur adeptus imperium est, classē in Saracenos occupantes Siciliam instruit: ipse in eosdem Asiam uastantes exercitum duxit. in Sicilia res infeliter per duces acta: ipse Ciliciam & magnam Asiæ partem lætis auspicijs recepit: mox Antiochiam noctu aggressus, pulsīs Saracenis, imperio subdidit. Sed quā bellica re fortunatus, tam domi infelix, dum auaritiæ, sordidæque sese emancipat. Ex quo in odium ciuium incurrens, facile à Iohanne Zimisæ, adiunante Theophania Niaphori uxore, noctu intra cubile interficitur, cum rerum potitus esset annos sex, menses totidem.

Iohannes Zimisæ.

Larus hic iam antea militari laude imperium affectus, Basilium & Constantinum fratres, Romani iunioris filios, imperij consortes asciscit: in Rhoxolanos Bulgariam sibi uendicantes felicissime rem gerit. Phocam Nicephorum rebellantem capit: indeque Bulgariam omnem imperio adiecit eiectis inde Rhoxolanis, Sphendoslaūque eorum rege ad deditionem coacto. mox Constantinopolim reuersus, cum triumphantis specie inuectus urbi esset, potionatus post imperij annum VI, & menses sex decessit.

Basiliius & Constantinus fratres.

Vlli diuturnius rerum potiti, quippe qui annos
 N LIII præfuerint, & ne sine civili bello rem
 transigeret, Bardæ Scleri ambitio fecit: quē in-
 uasorem imperij tādē acie uictum, ad Persas fugere cō-
 pulere. Nec multo pōst Phocas Barda cognomento ab exilio
 reuocatus, indignatūsq; post rem præclare aduersus Scle-
 rum se ducē nauatam, ab imperatoribus contemni, descī-
 uit: quē & ipsum cæsum in acie superarunt. Inde in Bul-
 garos itum, quos prælijs aliquot uictos ad deditionem tan-
 dem totius gentis Basiliius compulit, usus ad compeſcēdam
 eorum perfidiam grauiore in uictos pœna. Nam X V mu-
 libus eorum captis oculos effodit: uno tātum incolumi, qui
 eis ad samuelem eorum ducē præiret. Quare dolore a-
 nimi Samuel affectus, non multo pōst obiit. Bulgaria igitur
 omni subacta, & imperij terminis undique ampliatis,
 post LXX & alterum uitæ annum decedens, Constantinum fratrem successorem reliquit.

Constantinus.

IC cum fratre particeps dignitatis potius quā
 H potētiae, post fratrem per summā ignauā & luxu-
 riā ita se gessit, uti obscurissimis & Barbaris ho-
 minibus rem totam traderet. Illud eo principe dignū lau-
 de gestum, quod Diogenes, qui Sirmio & Bulgariæ præe-
 rat, Patzinacas Istrum superantes uicit. Decessit tertio im-
 perij anno septuagenarius, Zoe filia Romano Argyropylo
 in uxorem collocata.

Romanus Argyropylus.

Vnc Zœe filiæ Constantinus, ut omnium nobi-
 H lissimum, qui imperij hæres esset, delegerat, optima
 de eo omnium spe, quam sub initia nequa-

quam frustratus est, cum multa in melius mutarit, summa etiam liberalitate in omnes usus. Verum cum Saracenicæ Asiæ expeditio parum ex sententiâ illi cœssisset, repẽtẽ mutatus, totum se ignaviæ, ac pecuniæ colligendæ tradidit. Nec multo post, Zoes uxoris insidijs, et Michaelis Paphlagonis adulteri dolo, intra balneas aquis immersus obiit: cum annos quinque et dimidium regnasset.

Michael Paphlago.

Q Vis non effrænẽ in quinquagenaria fœmina libidinẽ excretur? aut fortunæ ludũ in hoc principe non admiretur? m̃cipium uidelicet barbarum, nec ulla re nisi forma commendatum, mente etiam commotum, labẽnsque ad singula momenta, spuma in superioris fœda, septem tamen annos imperavit: nec malum omnino principem egit. Nam et triennales inducias cum Aegyp̃tio rege percussit, et AEdessam obsidione liberauit: et domi in suos facilis, ac beneficus admodũ fuit, uni Zoe propter expertam libidinem parum æquus: qui cum intercutis etiã morbo laborare cœpisset, Michaelẽm Calaphatẽm hæredẽ imperij esse uoluit.

Michael Calaphates.

H Ic adoptatus à Zoe, præter sordes parẽtum, qui naues apud Paphlagonas p̃ciã oblinerent, unde Calaphates etiam dictus, auare ac crudeliter rẽ susceptã administravit. Ingratissimus enim in omnes, patrũ autorem tantæ maiestatis primum eiecit: reliquos deinde consanguineos execut: inde Zoen matrẽ in insulã relegauit. Quod cũ indignissime omnes ferrẽt, populi cõspiratione restituta Zoe, fugiẽs cũ fratre Cõstantino à turba capitur: et uterq; oculorũ usu, familiari Græcis pœna, priuatur, mensibus quatuor et totidem dies rerum potitus.

Zoe & Theodora.

F Lagitia principum, ut muliebri imperium æquius uideretur, effecere. Quare sororibus duabus imperij fasces, ac maiestas asserta. Cæterum ut uarium ac mutabile semper est fœmina, facile Zoë ardenti adhuc libidine persuasum ut maritum ascisceret. Cùmque aliquot fashdisset, Constantinum Monomachum ab exilio reuocatum, imperatorij & ipsum stemmatis, uirum sibi adiungit, & imperatorem pronuntiat mensibus tribus uix exactis.

Constantinus Monomachus.

H Inc prima imperij labes, hinc reliquæ, quæ consecutæ sunt clades, ortû habuere: principe adeo ignauo, & libidine perduto, ut cōcubinam egregia alioqui forma, uxoris legitimæ loco habuerit, quam efflitim deperiret. Duplex illû factio sub initia Maniacis uidelicet Georgij, & Leonis Tornicij est aggressa: sed Maniacis motus, qui ex Italia in Epirû transierat, una pugna secunda & ducis morte facile compressus. Torniciana defectio eo grauior, quo diuturnior: sed eo post aliquot prælia tandem capto, & oculorû usu priuato, facile consedit. Hoc principe Turcarum arma tunc primum per Asiam latius euagata, uicti tamen interim Rhoxolani, & Patzinacæ Scythicum genus hominum. Zoëque uxore septuagenaria fato mox functa, & ipse tandem morbo prægrauante decessit post annos imperij bisseños, & menses octonos.

Theodora.

N On pudeat & Theodoram Zoes sororem, quæ biennio uix imperarit, nostris inserere commentarijs: quandoquidem non muliebriter fœmina rebus præfuerit. Quinimo tanta domi forisque quies,

Et otium fuit, tanta rerum omnium hubertas, ut foemines imperij neminem pœniteret. Verū ingrauescente cum ætate morbo, ille cæbris eunuchorum Michaelē iam senem in curæ partem cum aduocasset, ipsa non multo pōst satis, naturæque concessit.

Michael senior.

IX annum unum rerum potitus erat, cum Isaacij
V Comneni motus in ordinem illum redegit, uirū genere et opibus clarum: cætera minus ad imperandum idoneum ætate etiam prægrauante, qui priuatus non multo pōst obierit.

Isaacius Comnenus.

Andem uirum fortem, et pacē, belloque illustrē,
T Cōstantinopolitana res sortita fuerat, Isaacium scilicet Comnena gente nobili, si ultra biennium sæptri, regniq; potitus esset. Verum ille lateris morbo inter uenandum subito oppressus, cum de salute desperasset, cucullam monasticam indutus, regno se abdicat, Constantino Duca de senatus populique uoluntate successore declarato. Sunt qui scribant tanta continentia eum fuisse, ut nec uxorem cognoscere uellet post prolem semel ex ea susceptam, cum tamen ad morbi remedium medici imprimis consulerent, ut coitu frequentiore uteretur.

Constantinus Ducas.

THunc suorum conspiratio sub initia grauis ex-
E ceperat, quam cum nō sine discrimine cōpressisset, ad Reipub. administrationem conuersus, non pessimum principē egit. Veræ pietatis cultor, et æqui obseruantissimus, sed auaritiæ studium prægrauabat: unde inuisus suis, hostibus etiam ludibrio fuit, imperij res undique uexantibus. Accessit ad externa mala famularis Cō-

stantinopoli clades gravis terræmotus, quo tēpla ædēsque multæ corruere. Sed morbo inualeſcente Eudociæ uxori & filijs ſceptrum tradens, anno ſeptimo, & menſe ſexto imperij, cum ſexaginta & amplius uiſſet, exceſſit.

Eudocia & filij.

Oterant res domeſticæ fortasſe muliebri prudētia non incommode adminiſtrari, ſi à bellis externis quies affuiſſet: ſed imminentibus undique Barbaris, uicit eorum ſententia qui uirum idoneum præſciendum rebus eſſe contēdebant. Quare iuriſiurandi oblita, quo marito morienti ſeſe obſtrinxerat, non ſuper inducturam ſe imperij rebus maritum alium, ſiue etiam coacta, Romanum cognomento Diogenem, filijs etiam non improbātibus, poſt menſes ſeptem imperij, uirum ſibi adiunxit, qui Remp. prudentia ac fortitudine tueretur.

Romanus Diogenes.

Vic Diogenes pater fuerat haud dubie domi, militiæque clarus: qui poſtea tyrānidis affectatæ reus ſeiſſum præcipitauit. Paternæ igitur laudis æmulator filius, cum uictoriam egregiam retuliſſet ex hoſte barbaro, dignus eſt habitus, quē Eudocia in thori, curæque partem acciperet: quam tamen non multo poſt facile pœnituit, cum insolentiæ hominis pertæderet, qui rem ad ſe totam traheret. Prior expeditio in Barbaros Aſiam uaſtantes uario rerum ſucceſſu illi adminiſtrata: altera funeſtiſſima, Romano milite uel fugato uel cæſo, ipſo certe imperatore (quod ad eam diem nunquam contigerat) capto. Ferunt Aſſan Turcarum principem ad primum nuntium capti imperatoris Romani uiſſe credentem, conſtiſſe: mox ad ſe adductum & cognitū in ſummo honore à Barbaro habitum, & amplius donatum muneribus, pace inita

dimissum: sed Byzantiū omnia ad primum cladis acceptæ nuntium mutata erant, ipsa Eudocia relegata. Romano abdicatum imperium, & Michael maximus Constantini filius rebus præpositus. Ipse Romanus, cum bellum frustra pararet, tandē deditus præter iusiurandi religionem, oculis immanem in modum prius effossis, deportatur in insulam, ubi non multo post decedens, ab Eudocia uxore sepe litur post annos tres, menses autem octo.

Michael Constantini Ducæ filius Parapinacæus.

Gnavissimū principē numina nobis (ut arbitror)

I iam pridē infesta dedere: quæ à fame, quæ sub eo inualuit, Parapinacē appellauere. Cū igitur imperij res pari ignauia, ac sæuitia uexarentur, principe sub Psello magistro uersibus tantū facitandis intento, Nicephorus Botaniates cognomento, haud dubie nobilissimus imperiū sibi asseruit: quem in socordis principis inuidiā ciues facile admiscere, Michaele prius cum uxore & filio post sextum imperij annum, & menses sex cænobio incluso.

Nicephorus Botaniates.

Phoca imperatore stemma huic ductum, quare

A tanquam omnium nobilissimus, Michaele facile reiecto, surrogatur: qui Comnenorum fratrum forti primum fidelique opera usus, qui Bryennium tyrannidis inuasorem, & Basilacium sustulerant, mox ab illis defectionē meditantibus imperio deturbatur anno III quā imperare cœperat, ipse monasticam uitam secutus. Alexius autem Comnenus minor natu, militari turbæ acceptior imperator salutatur: qui Byzantium ingressus die Dominicæ cœnæ sacratissimo magnæ hebdomadis, hostilem in modum urbem totam diripuit, nullo non iniuriarum genere in ciues edito.

Alexius Comnenus.

Vtceffit iam hinc familia, unde hæreditariū ac
 S prope iustum in Græcam gentem odium ad nos
 transmissum sit. Nam etsi iampridem sub Pho-
 tio schisma cœperat, manebat tamen qualiscūque Romani
 pontificis maiestas, et male sartam gratiā affinitates quæ-
 dā cum principibus nostris in ita focillabant. Alexius au-
 tem ueluti ex professo hostis Latini nominis præter bellū,
 quod cū Roberto Viscardo infelicer gessit, Venetis etiā ar-
 mus adiutus, Gallorū memorabilem illā expeditionē, quam
 suspectam semper ab initio duxerat, perturbare conatus
 est. Ceterum non succedēte consilio, his conditionibus com-
 meatu, et alijs necessarijs rebus adiuturum se Gallos re-
 cepit, si quæcunque cepissent ex hoste, sibi restituerent: ex
 ducibus certe nostris plurimum Boamundo Normāno de-
 ferre uisus est. Conuersus inde ad pacis artes, orphanotro-
 pheion erexit, et museum: in altero pueros, puellāsque
 parentibus orbos alendos, in altero erudiendos instituit:
 sumptūsque his ex regio uectigali datus: ipse uero morbo
 fatigatus, post septimum et tricesimum imperij annum,
 menses quatuor cum dimidio, moriens, Iohanni filio, relu-
 ctante imprimis matre, imperium reliquit.

Iohannes.

I Iohannes, quem nostrorum quidam Caloianem
 appellat, ubi imperium adeptus est, suos omnes
 dignitatibus ornat, in Isacium fratrem propen-
 sissimus, quem incredibili charitate dilexit. Varijs expedi-
 tionibus in Asiam usus, Turcas Persāsque prælijs aliquot
 uicit, urbēsque illis non paucas ademit. Latinorū militum
 fortem fidelēque operā semper expertus, legatos ad Inno-
 centiū pontificem, et Lotharium imperatorem uictoriā de

Rogério gratulatuſ ſiſſe: tandē memorabili exitu in uenatione ſagitta uenenata digi- tū dextræ ſaucius, poſt quintum & uigeſimum imperij annum, & meſes octo, natus minori Manuēli ſcep- trū reliquit, cum Iſaacium ut minus ad imperandum idoneum reieciſſet: non contemnendus omnino princeps.

Manuel.

N Vllus infeſtior in nos fuit: nulli inuiſiores ſucceſſus noſtrorum fuere: ut Corradum Germanum, & Lodouicum Frācorum regem uarijs inſidijs fatigarit. quare coacti intempēſtue Boſphorum traicere, cum in locorum anguſtijs à Græcis noſtri cæderentur, fame quoque laborare cœperunt: ſed famem morbus etiam ſubſecutus gypſo per ſummū ſælus farine immuxto. Quare indignatus Sicilia rex Rogerius bellum illi indixit, indictum fortiter geſſit: uasta omni ora Græciæ, & Byzantio etiā per ſuos duces adeo inſultatus, ut ſagittas argenteas, aureſque hortis regis immiſerint. Venetis etiā non minus infeſtus, cōtra ius gentiū Henricum Dādulum eorū legatū uiolat: negotiatores, quos ſimulata pacē euocarat, uno die cōprehendit: ex quo Venetis armis preſſus, tandem promiſſa bonorum reſtitutione æquis penſionibus pacem impetrat. Prælium cum Turcis funeſtiſſimum geſſit, in quo pene captus eſt. Federicum Aeneobarbūm etiam Italicis auxilijs exercuit. rectæ fidei dogmata perturbare per inſaniā adortus, non prius abſtinuit ab incepto, quā omnes aduerſantes ſibi uidit. Demum cum aſtologiæ peritiſſimus haberetur, ſpōderetque ſibi multos adhuc uitæ & imperij annos, totiūſque Orientis imperium agitare animo: poſt triginta octo principatus annos monaſticam uitam ſecutus, morbo periit, Alexio filio paruulo relicto.

Alexius.

P Atri puer Alexius adhuc successit, qui fatigatus multorum insidijs, Andronicum maxime infestum habuit, virū callidum et impium: qui ex Isacio Comneno Iohannis fratre natus, nobilissimus haud dubie habebatur. Is Constantinopolim ingressus primum tutorem egit, inde participem imperij. Demum præter iurisiurādi fidem, Domini etiam corporis et sanguinis haustu sacratiorem, Alexium quindecim tantum annos natum, cum tres annos à patris morte rerum potitus esset, miserabiliter excruciatum necari iubet: capiteque abscisso, reliquum cadaver in mare proiecit.

Andronicus Comnenus.

C Allidissimus mortaliū, ac sæuus, cætera non improbandus, si regnandi libidinem demeres, biennium rebus præfuit, omnibus ob insitam seuitiam inuisus. Quare bello etiā à Guillelmo Siculo appetitus, cum undique premeretur, tandē ab Isacio Angelo præter suam, omniūmq; opinionē imperio deijctus: captusq; ac per urbē camelo sedēs circumuectus manu abscissa, oculoque effosso, turbæ, vulgique tumultu læcer periit.

Isacius Angelus.

C Omnenorum sublata stirpe, ad Isacium cognomēto Angelum summa rerum præter omniū spem deferitur: qui cum prudenter se gerere sub initia uideretur, classē ad recipiendam Cyprum frustra comparauit. Bellum etiam cum Mysis, qui et Valachi dicuntur, Petro et Asane fratribus defectionis autoribus infelicitè gessit: uarias interim multorum tyrannides oppressit. Federicum AENEobarbum in Syriam properantem magnificè excepit. Ipse uero, cum in nostros beneuolo

animo esse uideretur, ab Alexio fratre, quem captum à Turcis redemerat Isacius, per summum scelus imperio oculisque priuatur.

Alexius fratricida.

On ingratus in fratrem solum, sed plane impius Alexius uideri possit, qui non solum maiori fratri imperiū per scelus ademerit, uerum etiam nepotē extorré pateretur. Sed affuit non multo post grauis ultio. Restitutus enim nepos patrē adhuc uiuentem rebus præfecit. Ipso autem Alexio fugā dilapso, nepos Alexius Isaciū filius post subitā patris mortem imperator est dictus, Gallorum, Venetorumque armis præualentibus.

Alexius iunior Isaciū filius.

Ver annorū duodecim, cum Pannonas, Gallósque per matrem, uxoremque attingeret, Venetorum, Gallorumque ope in imperium restituitur.

Id uero præter alia in fœdere sanciendo diserte cautum, ut patriarcha Constantinopolitanus Romano pōtīfici tanquam maiori subesset, et damna Frācis Venetisque à Manuele illata cōpensaret. Qui mense post restitutionem suam uix exacto, cum satageret rerū quas promiserat, à Murziphlo quodam ignobili, quem tamen ad summum dignitatis gradum extulerat, fraude puer necatur: sed Murziphlus et ipse non multo post in Peloponneso captus, et Constantinopolim retractus, per summam ignominiam, et cruciatus obiit.

Balduinus Flandrensis.

Xællens Veneti sanguinis uirtus adiuta Gallicis armis imperiū, quod tot annos factiosissima, et turbulētissima Græcorū natio possederat, Latino nomini facile asseruit. Capta enim urbe post Murziphli

fugam, Balduinus Flandriæ comes, X V uirum suffragio imperator eligitur. Veneti primo suffragio Thomam Maurocenum (quando ita conuenerat, ut ipsi antistitem darent, si Gallus imperaret) patriarcham designant: qui statim ad Romanum pōtificem profectus, cum dignitatis suæ autorem fecit: moxque reuersus celeberrimo gentium conuentu, Balduinum imperij corona donat: qui uix anno circumactō, cum præter Adrianopolim cuncta recepisset, moriens, fratrem Henricum successorem habuit. Sunt qui annos quinque imperatum prodant.

Henricus.

Alduino fratri successit Hēricus: qui pacē cū Valachis firmata, et filia ducis eorū in uxorē ducta, domi forisq̃ cū prudēter se gereret, in Thessaliā profectus, Gulielmum filiū Bonifacij regem Thessaliæ declarat: mox moriens Iolantam filiā Petro Autusiodorensi nuptam reliquit heredem, anno imperij undecimo.

Petrus Autusiodorensis.

Itē uxorio iure (quando mascula nulla supererat proles) innixus ab Honorio pontifice ad Laurenrij sanum extra urbem insignia imperij accepit: inde Venetis nauibus soluens, cum Dyrrhachiū in Venetorum gratiam frustra tētassee, à Theodoro Lascare, qui se Græcorū imperatorem gerebat, per assimulationem pacis præter iurisiurādi religionē et fidē, medio cōtinuo obrūatur. Sunt qui circa nemorosa Thessaliæ loca (Tēpe ea uocāt) insidijs captum, et in uinculis asseruatum prodant.

Robertus filius.

Nlli dubium esse potest, tēcū à me principes relatos, pietate ac fortitudine eximios fuisse: quib⁹ tūc fortuna haud sane arriiserit: tum quod re-

rum diu potiri non est datum, tum quòd in tanta imperij nouitate obnoxiam, ac planè precariā potestatem agerēt. Eadem prope sors Roberto affuit, qui ad paternæ captiuitatis nuntium Byzantium aduolans, cum sese optime gerneret, Veneti nominis obseruantissimus inuidiam unius ex purpuratis suis sensit, qui abductam sibi ab illo sponsam iniquissime ferens, impotens animi cum domesticis in regiam irrupit, dehonestatamque naribus puellam æcidit. Quam iniuriam ulturus Robertus, dum Romam contendit, atque inde reuertitur, in Achaia morbo decessit, re interim Veneto prætorij demandata.

Baldunus.

Q Vasi fato euenisse dicas, ut quemadmodū à Balduno auspicia regni cœperant, sic in Balduno conciderent: patri Roberto sufficitur Baldunus filius. Cui, quòd per ætatem tantæ rerū moli non uidebatur idoneus, Iohannis Brennius socer adiutor datur. Qui præualentibus Græcorum armis, cum Venetorum auxilio sæpe rem tutatus esset, tandem oppignerato filio, et crucis Dominicæ partæ, quinetiam tēplorum donarijs omnium ablatis, cum ingentem exercitum ad Bosphori fauces obiecisset, per eius absentiam à Michaelē Palæologo proditione recipitur Byzantium: ita dum exterream uim formidat, domestica opprimitur. Anno igitur LX fere quàm imperari à nobis cœptum est, Byzantium amissum est.

Lascarorum stemma.

Etur et hoc ipsum cum studiosis omnibus, tum
D Lascareæ familiæ huius dubie clarissimæ: ut qui interim ad Adrianopolim rei præfuerint, non ignorentur, quo usque Michaelis Palæologi uirtute Græcis

iterum uindicatum imperium est. Imperator Alexius cognomento Angelus, quem fratriadam superius ostēdimus, Theodoro Lascari filiam despondit, dotisque nomine imperij titulos genero tribuit. Huic mascula proles ex uxore nulla, fœmina tantum Irene filia fuit, quam Iohanni Diplobatazio in matrimonium iunxit, imperiūque illi per manus tradidit. Cui postea Theodorus filius successit. ex quo Iohannes, quem Michael Palæologus puerum cum interfecisset, ipse sibi et posteris per summum scelus imperium uendicauit.

Michael Palæologus.

V Eherentis spiritus uir, cum illū fiduciariæ quodammodo tutelæ pertæderet, imperiūque sibi, ac suis destinasset, Guillelmum Achaiae principatu primum spoliat: inde Byzantio capta, cum Venetis bellum diu gessit, à quibus facile imperio deturbari potuit, nisi Genuenses obstitissent. Quare inducijs initis, Lugdunum ad Concilium uenit, quod Gregorius pōtifex indixerat: facileque illi cum Romano pontifice conuenit: ex quo tantam inuidiam Græcanicæ gentis cōtraxit, ut nec morienti iusta persoluerint, et locum sepulturæ negarint. Hunc annos quadraginta et amplius rebus præfuisse, nisi annales dubia prodant, certum est.

Andronicus et Michael filius.

E X tribus maribus natu maximus Andronicus imperium arripuit: qui Michaelē matre Vngarica natum, consortem imperij sibi ascituit: quo mox uita functo, præ dolore amissæ filiae et generi, pater Andronicus Constantinum Despotem iuniorem ad imperij successionem inuitat: quod Michaelis filius Andronicus ægreferēs, in auum insurgit: Genuensiumq; auxilio fretus,

ius omne ad se trahit: sed Veneti seniore *Andronicum* cum restituisent, tandem prægrauantibus *Bulgaris* auxilijs & *Genuensium*, auus coactus, Venetos desinit, partēsque *Ligusticas* à nepote coactus amplectitur & septuagenario maior tandem moritur.

Andronicus iunior.

Ex annos & amplius bellū uarium & anceps
 S hic cum auo gessit, sæpe tamen reconciliatis animis amicorū interuētū, & gratia male facta nequaquam coeūte. Tandem cū *Byzantiū* nepos clam ingressus esset, in auum nihil ultra molitus, illum secum imperare quoad uixit, passus est. Eo mortuo, cum aduersus hostes *Romani* nominis res egregias gessisset, multisque uictorijs clarus esset, unde quinquagesimo ætatis anno moritur, febre capitisque dolore intra quatrimum confectus.

Iohannes Palæologus, & Iohannes Cantacuzenus.

Ortuo *Andronico* iuniore, cum *Cantacuzeni* arbitrio, qui magni domestici dignitatem supremam obtinebat, omnia prudenter gererentur, *Apoauci* fraude uiri obscurissimi, sed solertia & calliditate inter principis amicos præcipue dignationis, & patriarchæ ambitione in exiliū truditur: ille uero iniuriæ impatiens, bellum quinquennale aduersus reginam & *Iohannem* gessit, *Turcorum* arma *Europæ* primus inferens. Cæterum rebus indies pessum euntibus, proditur illi *Byzantium*: quod cum occupasset, nulli fere molestus imperij tantum participem egit, filia in uxorem *Iohanni* tradita: inde in *Genuenses* socijs *Venetis* & *Arragonijs* bellum uaria fortuna gestum, cui *Nicolaus Pisanus* dux præfuit: nec multo post bellum à *Palæologo* exule *Cantacuzeno* indictum, *Turcarum* imprimis ope geritur, quibus etiam

in Europa locum inhabitandum primus tradidit. Et cum ex Tenedo soluens improvise Byzantium ingressus esset, tandē Cantacuzenus imperio se abdicans, monasticam vitam sequitur. hic Iohannes Matthæum Cātacuzeni filium consortem imperij agentem tandem imperium deponere coegit: & cum multa fortiter administrasset bella, moriens filio Mameli imperium reliquit.

Manuel.

E hoc nihil aliud memorabile proditū, nisi quod
 D septem filios mares reliquit, quorum Iohannes natu maximus morienti successit.

Iohannes.

Vidus hic concordiae, pacisque, principibus cum
 A sacris, tum prophanis Græciæ totius comitatus Italiā petijt: Eugenij que autoritatem secutus Florentino concilio interfuit: pacēque ac concordia perpetua (ut sperabatur) inita, mox domum reuersus non diu superuixit, Iosippo etiā patriarcha Florentiæ defuncto.

Constantinus.

Orret animus tantæ cladis recordatione, & lu-
 H ctu adhuc tanquam in nouo malo mens refugit. Urbem totius Orientis amplissimam, in qua Christiana pietas millesimum ac centesimum supra nonagesimum primum annum floruerat: ubi tot principes Christiani, tanta religio, tot diuorum templa, tot reliquæ conditæ erant: paucis diebus quàm oppugnari cœpta sit, ab immaniſſimis ac nefarijs Turcis captam fuisse: in qua nullæ scelerum facies defuerint: non dignitatis, nō sexus, non ætatis habita ratio: stupra cædibus, cædes stupris additæ: ipsa diuorum templa diruta: ipsa ossa martyrum canibus subūſque obiecta. Constantinus imperator dum ad

portam trepidus se recipit, fugientium trepidatione oppressus obijt: cuius caput hostis ad ludibrium pilo affixum totis castris gestauerit. Redemptor ipse CHRISTVS (prò pudor & dedecus nobis æternum) iterum cruci affixus, luto limoque vexatus est: eaque omnia representata, quæ in illum Iudeorum gens olim impia patrarant. Elogium inde additum cruci, Hic est Christianorum Deus. Triduum ciuitas vexata atque ad arbitrium impotentissimi uictoris direpta: inde quicquid regij sanguinis mares fœminæque illustres superfuerunt, aut inter epulas prægrauatæ uino Othomani iussu fœde iugulantur, aut uictoris libidini (quod grauius morte fuerit) reseruatur. Incidit autem clades hæc in annum salutis millesimum CCCCLIII quarto Cal. Iunias: qui dies funestissimus, ac religiosissimus esse nobis semper debeat. Quæ in re subeat ea reputatio, à Constantino magno Helenæ filio, constructam urbem esse, Romæ semper æmulam: sub Constantino, qui eiusdem nominis matrem haberet, captam, Turcarumque iugo ad hanc diem subditam, cum Nicolaus pontifex Romanæ præesset ecclesiæ, Fridericus Germanis imperaret. Nostri interim Veneti cum classem ductu Iacobi Lauretani emisissent ad subitæ oppugnationis nuntium, hostis Turcæ celeritate præuerti, nullam opem lapsis iam reb. afferre potuerunt. Regnatum à Palæologis annos fere ducentos.

De Byzantio.

Veritè & hoc institutæ rei consequens, ut qui
F Byzantium primi condiderint, quæue urbis tam
 celebri incrementa à prima eius origine ad ætatem nostram fuerint, & quàm uaria fortuna, perstringam. Nam si castelli unius originem diligentius perscrutari non ineptum ducitur, cui quæso ingratum esse possit, urbis tam uetustæ, tam amplæ, in qua imperij Romani maiestas

qualiscunque tot annos uiguerit, ortū casūque perēpisset? Byzantium primo in angustissimo Europæ, Asiæque euripo posuere Lacedæmonij Pausania duæ, Lygos antea dictum: quod uariante demde fortuna, dum incerti iuris possessio adhuc esset, Atheniensibus, spartanisque id sibi ærtatim uēdicantibus, tandem libertatē sibi asserere: & dum neuter populus tanquam propriam urbem auxilijs iuuat, liberæ conditionis esse cœpit. Per quæ tempora res eorum admodum floruit agro fœcundo, feracique imprimis, & mari admodum opportuno, unde uestigia, uestigalibusque eorum augendis piscium uis ingens ad eorum littora deferebatur. Quàm commode posita esset, oraculi Pythij ambages arguit: nam consulentibus Græcis ubi urbem conderent, data sors exciderat, sedem oppido cæcorū aduersam quærerent, Chalædonios haud dubie innuens, qui priores in ea loca profecti Megaris, peiora legerant. Pisces etenim ex Euxino in Propontidē illati, ubi ad Chalædonense littus incurrere, territi candicante saxo, quod à uado ad summa pelluæat, aduersum Byzantij promontorium ex ea causa Chrysocæris appellatum, præcipiti petunt agmine. Itaque omnis captura Byzantij, Chalædonensibus penuria. Primum cum Romanis fœdus aduersum Pseudophilippū à Byzantijs initum est: inde semper forti, fidelique opera eorum, multis, uarijsque bellis usi sumus. Quousque Seuerus imperator occupatam à Pescennio Nigro, eo occiso funditus euertit, & in uici formam redegit, agro etiam eorum Permethijs adiudicato. Fuit autem urbis murus Milesio quadrato lapide, adeo indiscreta laterum structura, ut una prope muri compages spectantibus uideri posset. In huius ruinis Constantinus magnus aquilæ præpeti uolatu ex Chalædone illuc regulares funiculos, tēque

ac quater inferentis admonitus, urbem ampliore mœniū circuitu cōstruxit, Romæ operibus & nomine etiam æmulam futuram: quam cum uarijs signis, ac monimentis undique conquisitis ornasset, ante V iduum Maij Deiparæ uirgini dicauit. Quin & Valens mathematicæ prædictionis consultissimus, annos D C X C V I potituram rerum prædixit, quæ tamen adhuc durent: portus duos habet, quos ductis utrimque catenis & turribus erectis munitissimos reddidit. Illud est, quod Dion grauis in primis autor memorabile prodiderit, septem turres eo artificio fuisse constructas, ut si quis uni inclamasset, lapidē ~~in~~ immisisset, sonitus ex omnibus redderetur equalis, ita ut ex singulis proprius exaudiretur. Et cū multa ad ornatum nouæ urbis conquisisset, cochlidem in super Porphyretici lapidis ex urbe Roma aduehendam curauit: cui statuam suam, & clauum unum C H R I S T I redēptoris cruciatu insignē superimposuit, quæ Alexio Comneno uiuente corruerit: Palladium etiā ex Illo comportatum. Principes à Cōstantino cū diuersa fortuna, tum rerū uario successu multi præfuere: magna tamē eorū pars ambitiosi, crudeles, auari, & obscurissimi: quodq; grauissimū sit, ab orthodoxa fide aut abhorrentes, aut etiā infesti: donec urbs terramotibus, incēdijs, seditionibus intestinis obnoxia, quibus alimentum leuitas genti insita præberet, adde etiam principū instabilitatem, in nefariæ gentis Turcicæ libidinē deciderit: in qua non sine nostro graui dedecore septuagesimum prope annum dominati fuerint, Maomethes primus, inde Paxaites eius filius, & qui nunc omnibus formidolosus Syriæ, Aegyptōque imminet, Selinus. Et quoniam Turcarum proximè meminimus, quānam illi fuerint, undēue terrarū perfecti, per quos duces eorum aucta res sit, breuibus explican

dum est mihi: tum quia res memorabilis admodum sit, tum quod diuersa quædam quàm nostri hæcenus traderunt, et (ni fallor) similia ueri proditurus sim: cum alij præter eorum nuda nomina, uix quicquam memoria dignum in multis retulerint.

De origine Turcarum.

Vrcæ, partim Caspio mari proximi, qui Asiam, Orientemque uastarunt, Caucasique ueteres incolæ, qua parte ad Arctum uergit, partim inter Scythias gentes relati, et Hunnici sanguinis, qui postea Ungari dicti sunt, existimati, quod ex Græcis autoribus, et Latinis aliquot colligas: ueteres scriptores (quod sciam) de his nihil, præter Melam et Plinium. Ille præter nudum Turcarum nomen in Scythiæ relatione nihil aliud addidit. Sine igitur ueteres illi à Mela relati, siue recens aliquod genus hominum, eorum certe qui Caspij maris accolæ fuere, tenuissima memorantur primordia, et ut cæterarum gentium plane obscura. nam septingentesimum ab hinc annum natali solo relicto, in Persidem atque Asiam minorem primum impetum fecere: sed nec unus dux illis, nec ærtum imperium: uagi dispalati que quoue cuique sors affuit, latrocinantes magis quàm belligeræ provincias uastarunt. Prima stipendia Basilio Macædone imperatæ sub Machumetio Saraceno rû principe meruere, quorum præcipue opera Babylonios, Indosque ille uicerit. Sed peperit his uirtus inuidiam: prohibitiveque ad sua redire, indignati primo secundum: inde uno alteroque prælio Tangrolipiciis Mucalæti ducis eorum auspicijs feliciter aduersus Saracenos gesto, tandem egregie uincunt, Machumetiumque profligatum acie obruncant, ex quo res Turcica ad Tangrolipicam delata. Is alijs Turcis ad se accersitis Cucumeti nepotem aduersus Arabas, cum

paratissimis copijs misit: qui praelio ab his uictus, cum à patruo per summum contemptum exaptus esset, eius iracundiam ueritus, ab illo desit, et Pasara Chorasmiurum urbe munitissima sese includit. Tangrolipix interea praelio genti funestissimo in Mediae finibus cū Romanis Asani alterius nepotis ductu confligit. Quo uicto et caeso, indignatus ille Aleimum fratrem iterum in Romanos misit, qui egregiam uictoriam capto Liparite Græcorum duce, et caesis etiam Iberis Romanorum socijs retulit: sed cum Liparitem primum, mox et dona à principe missa facile Turca reddidisset, nec præstarent Romani quod promiserant, ingentibus copijs actinctus Tangrolipix Asiam omnem ad Euxinum mare aut uastat, aut subigit. Variatum deinde in gente factionibus exortis ad Gallorum usque memorabilem illam expeditionem, qua fracti ab his sæpius, magna etiā imperij parte multati sunt, donec Otho manus ab hoc Selino, qui rerum nunc potitur nonus, ueterem gentis gloriam asserere ausus est. Is obsauro loco et parentibus agrarijs natus, uirtute ac calliditate singulari, conflata per seditionē manu, circumferre Turcica cæpit arma, in suæ gentis homines non minus infestus quàm in nostros. Paulatimque rerum successu, et imperandi libidine inflammatus, castellum quod Othomanum de suo nomine appellari uoluit, cepit: distabat id à Prusia Trapezuntē uersus itinere dierum sex. Agebatur autem annus salutis nostræ millesimus trecentēsimus, præeratque in Barionæ sede Bonifacius octauus, circa exitum Michaelis Palæologi et Andronici nepotis initia, quo tēpore Germanis Albertus imperabat. Othomanus igitur his auspicijs intra octo et uiginti annos, quibus rerum potitus est, incredibile dictu quantum rem suam auxerit: magnam certe Bithy-

niæ partem breui subegit, oppidâque ad Euxinum posita non pauca cepit: qui moriens Orchani filio regnum per manus tradidit: sub quo dissidio Græcorum Cantacuzeno et Palæologis contendentibus, adeo res Othomanica creuit, ut Prusiam Græcis ademerit. Et dum Cantacuzeno magis quàm Palæologis fauet, primus in Europâ ab eo accersitus traiecit. Caramanum etiam, perfidia in illū usus, cuius filiam in uxorem duxerat, interfecto eius filio adolescente, non exigua principatus parte exiuit. Qui post XXII imperij annum Ammuratem filium heredem reliquit. Is auitam, paternamque felicitatem æmulatus, in Caramanum auum maternum non minus infestus quàm pater fuit. Mox ab imperatore Palæologo sollicitatus in Bulgaros, fratremque Peloponnesi principem, qui bellum mouerant, XII Turcarum milibus in Europam transportatis, egregie Bulgaros, hostesque imperatoris ultus est. Hinc Europeis opibus illectus, dū ulcisci imperij hostes simulat, usus Genuensium nauius, Hellepontum ad Abydum superat, Callipolimque cum alijs oppidis occupat. Is fuit annus millesimus CCCLXIII nec multo post Seruiam Bulgariamque ingressus, cum Adrianopolim prius occupasset, occurrentes sibi cum paratissimis copijs hostes ingentis cæde profligat, Lazaro Seruiæ principe in acie cæso: sed mox à seruo in domini uindictam Ammurates occiditur, cum annos XXIII imperium tenuisset, Paçaites et solimano liberis supersitibus. Paçaites interfecto per insidias fratre, patris mortem ulturus, Marcum Craiueniū Bulgarorum principem prælio superat, et interficit: inde magnam Bulgariae partem sibi subiecit: nec tanto rerum successu quietus, Bossinam, Croatiam, ulterioresque Illyrici partes uastat. Constantinopolim annos octo obsidet, faci-

léque obsessam iā tunc expugnasset, nisi Vngarorū, Gallo-
 rumque aduentum formidans, quibus ad Nicopolim oc-
 currit, memorabili praelio nostros superasset, caesis captis-
 que magna ex parte Gallorum ducibus, imprimis Iohan-
 ne Burgundiæ ducē, et Sigismundo Vngariæ tunc rege tu-
 multuaria pugna fuso: qui facile in hostis potestatem ue-
 nisset, nisi Venetæ classis occurſu seruatus ē fuga esset, cui
 tū Thomas Mocenicus, qui postea Michaeli Steno successit,
 præerat. Inde ad Constantinopolitanam obsidionem spei
 plenus regrediens, cum eam biennio obsessam tenuisset, tre-
 pidissimus Tamberlanis Scythæ nuntijs, qui infinita pene
 multitudo Turcarum terras inuaserat, excitus, illi ad
 Stellā montem congregitur, in Galatiæ Bithyniæque con-
 finio. Cæsa sunt in ea acie Turcarum ducenta millia: ui-
 uus ipse Pazaites in hostis potestatem uenit, qui aureis ca-
 tenis caueæ uinctus, ad mortem usque à Tamberlane cir-
 cunductus est. Incidit hæc clades Turcis in annum mille-
 simū CCC.XCVII salutis nostræ, Bonifacio nono pōtifi
 æ Ro. Huic duo fuerē liberi mares, Orchanes, quē alij Ca-
 lepinū, et Maomethes, quē nostri Moysen magno, uti uideo,
 errore dicunt. Orchane intra bienniū per insidias à fra-
 tre interfecto, Maomethes rem Turcarū solus occupat. qui
 Turcia auito regno Asiæ recepto per Tāberlanis interitū,
 Bulgaros et Valachos prædis et cladibus afflixit, Adria-
 nopoli que recepta, regiā ibi sedem statuit. ipso post annos
 septem et decē mortuo, Ammurates filius regnū inieit, Io-
 hāne XXI Barionæ sedē tenente. hic maiorū gloriā
 non solū æquauit, uerumetiā longe superauit. Prima illi ex-
 peditio in Mysorū principē, qui nunc Serui dicuntur, fuit: de
 quibus Scopiam et Nouemōtum post longam obsidionē æ-
 pit. Duos Reguli filios captos oculis priuat: postea sororem

eorum uxore sibi asciscit: restitutoque per has nuptias Nouemonto in Valachos, Vngaros, & Germanos incursiones graues facit: inde in Epeirum deflectens Croiā expugnat, Venetorum arma in se sollicitat, Theſſalonica his per vim adempta. Interim una ab Vngaris ingenti pugna uictus, inducijsque ab his decenalibus impetratis, iterū ab iisdem Vngaris præter iurisiurandi fidē Eugenij pontificis hortatu bello petitus: quos duplici prælio ducum nostrorum discordia & ambitione uicit. In altero ad Varnam Ladislaus rex Poloniæ, & Iulianus Cardinalis obiere: in altero ad Basila uictus Hunniades, cæsi que principes Vngari non pauci præter gregariū militē, qui ad internicionē occubuit. Nec moratus Pelopōnesum fratrum discordia iniuriæ obnoxiam in ditionē redegit. exinde reputis animo regni molestias, & fortune inconstantia animo agitans, in Asiam abiit solitaria uitam secutus, & Maomethæ filio cura rerū demandata sub Calibassæ tutela: quam nō multo post repetere suusus (ætas enim filij nō satis idonea rei administrandæ adhuc uidebatur) Epeirum ingenti exercitu reperit (defecerat enim fere uniuersa Scanderbeachio autore) & Croia frustra per aliquot menses oppugnata, mœrore animi obiit, cū annos quatuor & XXX regnasset. Lōgum esset, si Maomethus eius filij res gestas explicem: quæ quætæ fuerint nouum Othomanicæ familiæ magni cognomētum ab eo quesitum, & in hæredes iam transmissum arguat. Is enim duo Christianorum imperia, Cōstantinopolitanum, & Trapezuntium subuertit: regna duodecim nobis ademit, ducentas urbes Christianam pietatem secutas cepit, & in his Chalcidem insulam armis & scodra deditione Venetis extorsit: bellum maritimum per multos annos cum maioribus nostris gessit. Caphā ponticam urbē

expugnauit. Rhodō insulam frustra tentauit. Italiae, capto Hydrunte, arma intulit: & dū plusquā ciuile bellū in maiorem filiū meditatur, cum annum unum & XXX præfuisset, obiit anno salutis nostrae M. CCCCLXXXI, quinto Non. Maij. Quo mortuo res Turcica ciuilibus armis aliquandiu iactata est. Sed minore fratre uicto & fugato, solus imperiū Paṛtaes obtinuit: qui Valachiae castella quaedam cum expugnasset, inde in Sultanum Aegyptium copias eduxit, à quo saepe uicti Turcae tandem pacem, foedusque iniere. Ceterū cum otij appetētor à natura uideretur: nec tamen per suorū hominum ferociā feriari à re bellica posset, paratis terra marique ingentibus copijs anno M. CCCXCII. Cerauniorū montiū accolae inuadit: et aetūque illum liberarum semper ad eam diem gentium Turcae seruituti subdit. Inde septimo post anno terribili classis apparatu Venetis Methonem, Naupactūque, mox inde & Dyrrhachium adimit. Quin & in Foro iuliesi agro trepidatum, Turcis foede terram eam magno nostrorū damno uastantibus. Nec multo post pax secuta Andreae Griti patritij clarissimi opera, post quam non diu superstes Paṛtaes fuit regno à Selino filio pulsus, qui rerū nunc potitur, ex quo annos ferme triginta imperitasset.

IOHANNIS BAPTISTAE EGNATII
VENETI ROMANORVM
PRINCIPVM LIB. III.

ENTVM iam est mihi ad tertiu, atq; ultimum
V institutae commentationis librū: quae mihi ut laboris & operae minus, ita certe multo plus uolupta-

tis allatura sit. Nam & à continuis imperij cladibus tantisper auertitur animus dū lætiora persequor: & hi mihi principes posthac erunt referendi, quorū res gestæ & domi, forisq̃ue felicitas in plerisque tanta est, ut ueterum Romanorum gloriā non pauci ex his æquent: certe recentiorum memoriā, eorum uidelicet qui supra nulleſimum annum à me repetiti sunt, adeo obſcurent, ut iniquiſſime propemodum faciat, ſiquis hoſcē illis cōferat. Nā ut in plerisque ſordes, & generis pudendam originem ſileam, quotus eorum quaſo fuit, qui aut augendæ Reip. ſtuduerit, aut auaritia nō ſagrarit, aut ſæuitia in ſuos, in externos perfidia infāmis non uixerit? adde ueræ pietatis in hiſcē contēptum, tot hæreſes ab illis, aut per ſummum ſælus excoꝑitatas, aut ad inſaniam uſque & pontificum Romanorū exilia, & cædē pertinaciter aſſertas: acceſſit odium pluſquam hoſtile in Latinum nomen. Quid dicam quoties inſultatum ſit Romanis pontificibus? quoties eorum uiolata maietas? Nā ſchiſmatis crimen eo grauius exiſtari debet, quo & concordiam noſtrorum pontificum ſæpius expetiere, & expetitam pari leuitate reiecere: donec paulatim uetere labente diſciplina, réque magis ac magis in lapſum prona, tum demum in præceps noſtris temporibus acta, imperium tanta indole partum, & auctum ad Turcas tranſierit. Quo factum eſt ut gens olim in terris ingenuiorum acumine, tot artium ſolertia, tanto rerum uſu celeberrima: addo legibus, inſtitutis domeſticis, eloquētiæ ſtudio, & tot urbibus ac colonijs per orbē deductis frequentia & amplitudine optime de humano genere merita, nunc aris foſisq̃ue patrijs expulſa, inops egēſque alienæ opis, aut erret profuꝑa, aut immanium Barbarorum iugo ſubiecta ſeruiat, uti iam in ipſa Græcia quaeramus Græciā.

Quod si uerū est fruges & arbores pro soli, terrarūque ingenio mutari, & de cælo mortales quod hauriant, naturam & mores induere: simile ueri cæcæ uideri possit, Thraciam illam feritatē, & Bithynicā barbariē (quando hæc loca recentiores Græci tenuere) esse ab his haustā. & aliqui Thracæ homines & Phryges, & quod præcipue pudeat, Macedonū Cappadociūq; mācipia rerū potiti sunt. Ne aliquot Isauricæ gentis ingerā, qui tamen si usu cōsuetudinēque Græcā linguam imbiberant, patrios tamē mores, quibus innutriti fuerant, retinerent. Vnde illis fortasse cuncta perdendi libido, tanquā non propria tuentibus: & Romani nominis, Latiniq; contemptus ac odiū, quod à principibus suis acceptū semigræci homines, nec quicquā uitæ indolis ac prudentiæ redolentes, si linguā uestitūque demas, in posteros transmisere. Siquidē diuinitus à Platone dictum, quales essent principes, tales ferē esse eorū, qui his obediant mores. Cæterum querelæ, ne tum quidē gratæ futuræ, cum necessariæ essent, cæte ab his nostris libris absint. Quibus id tantum agimus, uti rem obscuram, ac prope obsoletam illustremus, & uarijs monumentis traditam, nec Græcis Latinisque hominibus satis exploratam, breui hoc uolumine complectamur. Sumemus igitur auspicium dijs fauētibus, à Carolo Francorum rege, cui res egregie gestæ Magni cognomentum iure peperere.

Carolus Magnus.

Rene Constantini matre Byzaniꝝ rerum potiētē,
I cum imperij Romani maiestas omnia sibi Barbaris uēdicantibus obsolesceret: nec in fœmina, quantis altæ indolis, mēsse præsidij multum uideretur, Leo pontifex scito Romani populi, clerique rogatu Carolum Francorum regem, ob egregia in Christianum nomen, & Roma-

nam sedem merita, Romanorum imperatorem primus appellat, inunctumque cum Pipino filio Augustum consecrat, anno ex quo in Italia imperari desitum post Augustuli interitum trecentesimo ac trigesimo, salutis nostræ octingentesimo, regni uero eius, ex quo Francis præfuerat triasimotertio. dies tantæ rei Iduum Decembrium delectus. Subsecutaque mox populi Ro. acclamatio, Carolo Augusto magno et pacifico uita et uictoria. Huic Pipinus pater fuit, qui primus Christianissimi cognomentum tulit, ob nauatam Romano pontifici aduersus Langobardos egregiam operam. Carolus autem paternæ uirtutis æmulus, sub regni initia bello defunctus Aquitanico, Italiam, Adriani pontificis adhortationem secutus, ingreditur. Langobardorum regnum capto eorum rege Desiderio, Franco nomini subigit. Saxones sæpius rebellantes trienniali tandem bello uincit, et quod ab initio semper egerat, uera pietate imbuit. Saracenos Hispaniam fere omnem uastantes intra Bæticæ angulum compellit, et præsidij Pompeiopoli, ac Cæsaraugustæ impositis, dum in Franciam redit, Vascorum insidias passus, non paucos ex suis et in his fortissimum quenq; amittit. Sclauos, Danos, et Baioarios tumultuantes in ditionem suam redegit. Iterum Italiam ingressus, ut Romanæ ecclesiæ patrocinium semel receptum constanter tueretur, Beneuentanorum duæm Aragisum, Langobardorum reliquias adhuc fouentem, ad officium cogit. Hunnicum bellum octauo post anno felicissime conficit: cum eorum regiam, quæ Rhingus appellabatur, expugnasset, et thesauros opulentissimæ omnium gentis asportasset. Inde tertio in Italiam contendens, pontificis Leonis iniuriam ulturus, simul et eius causam cogniturus, omnia ex sententia componit. Vnde illi post ingentia merita imperatoria maiestas et po-

steris quaesita. Quare compositis Italiae rebus, cum nihil grauius in Lāgobardos statuisset, quā ut aequo cum Italibus iure uiuerent, & partito imperio cum Irene, in quo dīserce cautū, ut Veneti suis uterētur legibus, & bello pacē neutrius cōferētur iuris, in Gallias redit: filiūq; Ludouicū cōsorte imperij declarato, itādē moritur Aquisgrani quinto Cal. Februarij, aetatis anno septuagesimoprimo, regnū quadragesimoseptimo, post Lāgobardos debellatos quadragesimotertio: ex quo uero Augustus à Leone pōtifice dictus est, X I I I I. Fuit in hoc p̄ncipe, quod incredibile multis uideatur, pacis bellique par studiū, insignis pietas, beneficentia singularis, humanitas quanta in superiorum p̄ncipum nullo: in rebus bellicis maiōrne uirtus an felicitas extiterit, nescias: nullus certe ferociōres gentes debellauit, nemo collatis signis saepius dimicauit, nemo bonarū artium studia indulgentius fōuit: ipse Parrhisiense gymnasiū, & Papiense uirū undique doctissimus acersitis instituit: templa diuis erexit, uerae religionis obseruator etiam in minimis fuit. Iniurias illatas ciuili animo tulit, in hostes raro acerbius saeuīt. Italicae gloriā ita studuit & quieti, ut praeter Florentiam urbem instauratam, classes quoque paratas habuerit, quibus Maurorum populationes arceret. His meritis ad haec usque tempora à multis ut caelitus unus colitur. Eius monimenti elogiū huiusmodi fuisse traditur, CAROLI MAGNI CHRISTIANI SIMI ROMANORVM IMPERATORIS CORPVS HOC CONDITVM EST SEPVLCHRO.

Ludouicus Pius.

Am uti Carolo patri res egregiae domi forisq; glori-
 I ste Magni cognomentum peperere, sic Ludouici
 facilitas ac clementia, religionisq; summum stu-

dium, Pij tertio ad hoc æui dedit. Qui sub patris mortem Aquisgranum ex Aquitania contendens, diuersarum primo gentium legationes audiit, inde Dacicum bellū ex sententia conficit: nec multo post Bernardum ex Pipino filio nepotem in Italia res novas molientem capitali pœna afficit: in antistites rerum nouarum autores mitius actum: inclusi cœnobijs uita donantur. Et cum Britones, reliquosque pacis turbatores compressisset, à filijs tribus captus, tanquam in Carolū natu minimum propensior esset, imperiū eiurare cogitur: sed tumultuante optimo quoque restitutus pristinae dignitati, non multo post partito imperio decessit Maguntia, cum imperasset annis uigintiseptem, uixisset sexagintaquatuor. Hic Stephanum Romanum pontificem magna Gallorum frequentia exceptum, et cruce magni pōderis donatum à se dimisit. Quam et Paschali ius eligendorum præsulum renusit: sanxitque ut sacri ordinis homines à gemmis, cultioreque uestitu temperarent. Quid facturus pientissimus imperator, si luxum nostri temporis aduerteret?

Lotharius.

Res superstites liberi Ludouico fuere. Lotharius

T natu maximus, præter Italiae regnum, Narbonensem Galliam et imperij decus assequitur, Carolo Gallia omnis citra Mosam data. Ludouicum Germani regem sortiti: sed non diu mansit fratrum concordia. Violatus (credo) ab his pater tanti sceleris pœnis exposcebat: quippe qui ardentibus animis inter se, dū paternam imperij diuisionem æquo animo nō ferunt, infestis signis concurrere ad Fontanicum Altißiodorensis agri uicium: qua acie tot Gallorum millia utrumque cecidere, ut conuulsæ prope imperij uires sint: uictus tamen Lotharius, et Lu-

douicus à Carolo: & cum bellum iterum repararent, iterum fusi, pacem petiere. Quæ his prope conditionibus data, ut imperij titulo Lotharius cum Italia & Narbonensi Gallia frueretur, Ludouicus Germaniam possideret, Carolus Frâcis à Mosa ad Oceanum præesset. addita & ea Galliae pars, quæ Scalden inter & Rhenum iacet: ea nunc Lothoringia est. Ipse cum Ludouicum filium regni consortem asciussset, & imperij sociū declarasset, decimoquinto post anno monasticam uitam secutus est, tædio rerum aduersarum (ut opinantur) affectus.

Ludouicus.

Itc Lotharij filius, eo uiuente (uti diximus) regni, imperijque consors efficitur. Romæque à Sergio pontifice mungitur & coronatur: reuersusque ex Italia in Germaniam, post patris mortem cum Carolo Caluo Francorum rege discordibus animis fere semper uixit propter Austrasie regnum, quod Lotharij fratris fuerat, & Caluus id sibi totum uendicarat: sed mox compositis rebus, cum annum unum & uiginti rebus præfuisset, moritur Ludouico filio superstite.

Carolus Caluus.

Edierat Ludouico mortuo summa imperij ad Carolum Francorum regem, minimum natu Ludouici Pij: qui cum Britonibus & Nortmannis uaria fortuna dimicauit, postea audita Ludouici morte, in Italiam profectus, à Iohanne pontifice corona donatur imperij. Quare mox in Saracenos mouens, facile conatus eorum repressit: inde in Galliam reuersus breui Italiam repetit: aduersus quem Ludouici Germani filij dum bellum parant, ipse curis confectus, ueneno à Sedechia medico Iudaici sanguinis dato obiit, Ludouico Balbo hærede. Notata in hoc imperatore ambitio immodica.

Ludouicus Balbus.

Vdouiꝰ Calui filio Iohannes pontifex imperij titulum, præter Italiæ multorum principum uoluntatem solus asseruit: qui è custodia fugiens, cui Romani illum incluserant, et in Galliam conuolens, ratum Balbo imperium suo assensu fecit: quod tamen ualitudinarius princeps biennio iux obtinuit: obiit anno salutis octingentesimo octogesimo, Carolo Simplice hærede.

Carolus Crassus.

Vnc Crassum à corporis (ut arbitror) habitudine H dixere: qui Ludouici Germanici regis filius à Iohâne obtinuit, mortuo Balbo, imperij coronam. Hic Noremannos, Pannonasque uarijs prælijs afflixit. Robertum autem Nortmannorum ducem de sacro fonte leuauit, data illi in uxore filia. Sed mox cum mutatis imperio, nec in eo satis præsidij uideretur, ad Noremannos Gallia exturbandos, ob subitam uim morbi abrogato illi imperio post decennium decessit. Laudatur in hoc principe religionis studium, et in literatos homines beneuolentia, quos ad scribendum adhortari soleret.

Arnulphus.

T nihil certi affirmare de Arnulphi origine habeam, V facit scriptorum inconstantia: mihi tamen similius uero uideatur, ex Carolo Manno Ludouici Balbi prognatum: nec enim uideo, qui fieri potuerit, ut obscurissimus homo (quod quidam asserant) imperio præfuerit, Gallicis præsertim suis reges tanta ueneratione colentibus, et ignobiles auersantibus. Huius igitur uirtus effecerat ut quando Carolus simplex parum idoneus haberetur, iste imperaret: qui aduersus Nortmannos res egregias primo gessit: mox in rapinas, templorumque spoliaciones conuersus iu-

Ita numinum ira plectitur. Nam et priori illum felicitas deseruit, et brevi pediculari morbo confectus obiit. Illud accessit grauius, quod imperij maiestas in eo defecerit, quæ per annos centum tanta indole à Carolo Magno quesita nescias maiore Gallorum dedecore et infamia, an Italie damno, ad Germanos tralata sit. Terra certe Itala sub Gallorum principatu adeo floruit, ut uetera Romanorum principum tempora non sane desiderares: sed et anni sexaginta usque ad Othonem primum Saxonum regem, quibus nullum non calamitatis genus sensit, illa olim gentium alumna et parens Italia, fecere, ut Gallicum nomen desiderabilius foret. Cæterum de his aliàs.

Otho primus.

Exagesimus fere agebatur annus ab Arnulphi morte, Berengarius interim Lægobardici sanguinis Italiam uexantibus, et Vgone, Rodulpho, et Lothario Gallis principibus re sibi interdum asserentibus. Cæterum cum Berengarius tertius cum Adalberto filio tyrannum uerius quam principem ageret, accersitur à Romanis Otho. Cuius tunc nomen ac pietas celebris erat, Boleslao Bohemo capto, et Ungaris praelijs aliquot afflictis. Ille igitur Saxonia egressus, cum quinquaginta milibus armatorum Italiam per patentem Forijulij portam ingreditur, facileque Berengarium et eius filium ad obsequium retrahit: quos data uenia magna etiam Gallie Cisalpinæ parte donat. Inde abiit Ludouici Francie regem factione suorum carceri inclusum eripit: nec quiescere diutius datum Berengario et Adalberto res novas molientibus: quos facile uictos et captos, alterum in Austriam, alterum Bizantijs relegat. Inde Romam profectus, à Iohanne pontifice, primus Germanorum principum corona donatur imperij: quem tertio Italiam re-

petens, cum grauissimorum criminum reus ageretur, sæpe
amen antea ut resipisceret, admonitū, coacta synodo of-
ficio deijcit Leone suffecto. Hunc cum Iohannis pontificis
necessarij illo sub Othonis protectionem redeuntē, urbe eie-
cissent, statim ulturus insignem iniuriā ex Umbria Otho
aduolat, ac Romanis Coss. in Germaniam relegatis cum
præfecto, Leonem restituit. Saracenisque ac Græcis, qui il-
lis adhæserant, Calabria, Apuliāque fugatis, in Germa-
niam reuersus Viēnæ obiit. Vir pacis bellique artibus in-
signis, pietatis autem assertor præcipuus: rebus præfuit
annis XXX & amplius.

Otho secundus.

Vnc ex Adelaida Lotharij uxore susceptum pa-
H ter successorem sibi instituit, & mungendum
à Romano pontifice curauit. Cuius etiam ope-
ra Saracenos, Græcosque Calabria expulit. Hic mortuo
patre, Henricum Bavarie ducem nouis rebus studentem
armis domuit, & aduersus Lotharium Francorum re-
gem, qui sibi Lothoringiam asserebat, Galliam ingressus,
fœdis populationibus uastat. Cæterum dum reuertitur,
in Axonæ fluuij trāsitu graui incommodo à Francis affe-
ctus est, plerisque militum fluminis impetu, alijs ferro
enectis: & dum in Italiam festinat ad famam Græcorum
principum, qui Saraceno etiam milite instructi Italiam
sibi uindicabāt, his congressus ad Basantellum uincitur:
ipse scapha consensa ad mare delatus, Romamque ex Si-
cilia profectus, Beneuentanos imprimis ultus est, quos
uti desertores oderat. Beneuento autem incensa Bartho-
lomæi reliquias inde asportatas Romæ componit, ubi
non multo post fato uitæ decessit decimo septimo imperij
anno.

Otho tertius.

On poenitet adhuc Germanorum principum,
N quippe quorum uirtute Christiana pietas, et res
 Italica respirarit. Cui restituendae auitae, paternae-
 que uirtutis æmulus Otho tertius incubuit: qui à princi-
 pibus Germanis imperator Romæ dictus, Brunonem Sa-
 xonem pontificem creat, Gregorium quintum appellatum.
 Inde Saxoniam inuadens, Romam ingentibus mox copiis
 accinctus, minarum iræque plenus aduolat: ferebat uide-
 licet iniquo animo Gregoriū ab his expulsum. Capta igitur
 Roma, et Crescentio autore discordiæ à multitudine
 caeso, Iohāne adulterino pontificæ luminibus priuato, Gre-
 gorius restituitur. qui statim sanctionē eam tulit, quæ per
 quingentos annos adhuc durat, Imperatorū nullus hæ-
 reditariam dignitatem uendicato: Principes sex, sacri ordi-
 nis tres, profani totidē eum deligunt: hi si discordes fue-
 rint, Boemiæ regē coaptato. Nec multo post Otho unde-
 uigesimo imperij anno naturæ concessit. Fuit hic Veneto
 principi Vrseolo familiaris, in cuius gratiā cum Venetias
 inuississet, uoti reus, pallium aureum quod annuū Venetī
 pendebant, remisit.

Henricus primus.

N Othonis locum ex Gregorij formula Henricus
I Bauarici sanguinis imperiū adipiscitur, uir pie-
 tate insignis, nec armis ulli priorū principū mi-
 nor, par sanctimonia, ac innocentia Cynegundæ coniugis:
 qua cū Hēricus cælibē perpetuo uitā duxit: unde etiā mor-
 tui diuorū numero ascripti, miraculis illustres fuere. Hen-
 ricus igitur post Germaniæ res compositas, Italiam ingres-
 sus Capua Saracenos expulit. Græcorum ducem Troia à
 se munita spoliat: quibus gestis octauo imperij anno in
 humanis esse desijt.

Corradus Suevus.

Ostriduū annorum interregnū legitimo tādē
 P suffragio Corradus Francus eligitur, uirtute ac
 militari disciplina ad tantum fastigium euectus.
 qui cōparato exercitu, Mediolanū diu obsedit: Et cū supre-
 mum exitū urbi minaretur, deterritus oraculo omnem gra-
 uiozem iniuriam abstinuit, Romāque profectus coronam
 imperij à pontifice accepit. In Sclauos inde ac Pannonas
 feliciter pugnatum, qui rebellantem Italiā socialibus ar-
 mis adiuerant: neque non Rodulphum Burgundiæ re-
 gem suis conciliat: Leopoldum etiā pacis Et oīj turba-
 torem, bello petītum compefcit. Mouendi belli causa, quod
 sub initia imperij legem seuerissimam tulerat, si quis pacē
 turbasset. Corrado autem post annum decimumquintum
 iūta functo, Henricus successit.

Henricus secundus.

Ener hic Corradi imperium accipit, Et ante
 G omnia Odelricum Boemiæ bello fatigatum tri-
 butum annuum sibi pendere cogit. Inde Petrū
 regem ab Vngaris eiectum restituit. Cæterū pertæsus eo-
 rum, quæ Romæ circa pontifices per summum scelus age-
 rentur, Romam contēdens, abdicatis adulterinis pontifici-
 bus aliquot, Bābergensem præfulem pontificiæ sedi præ-
 ficit, quem Clementem secundum dixere: Et ut caueret in
 posterum summorum pontificum securitati, iureiurando
 Romanos adigit, neminem creationi eorum interfuturum
 sine eius permissu. Capuāque aduersus Saracenos no-
 uo præsidio firmata, in Germaniam abiens duodeuigesi-
 mo imperij anno Henrico filio superstite ad superos a-
 biit, cum Leonem nonum primo, mox eo defuncto Victo-
 rem secundum pontifices suo priuilegio declarasset: unde

Victor in beneficij gratiam Hēricum adhuc puerum Cæsarem creari passus est.

Henricus tertius.

Si si quàm bello magnus, tã pacis artibus, ac pietate insignis esse curasset, haud dubiè Carolus et Othonibus æquari potuit. Nemo bellacior hoc uno fuit: nemo collatis signis ad hanc diē pluries cum hoste conflixit: quippe qui Marcum Marcellum et Cæsarem dictatorem supergressus bis et sexages pugnarit. In Saxones tamen et Rodulphum eorū regem arma sæpius intētata, quibus cum congressus semper fere victor abijt. quin nouissimo prælio fugatum etiam Rodulphum interfecit. Mathildem pōtificis partes in terra Italia tuentem uicit Henrici filij opera. sed quàm bello clarus, tam insectatione pōtificum infamis, à quibus diris etiã pontificijs primus imperatorum post Arcadium petitus est. Nec causas in præsentia exquirere libet. Certe nūquam laudes Gregorium pontificem ab eo obsessum: adulterinum pōtificem unum et alterū superinductum: dolis et ueneno etiam in illos grassatum: matrem fœminam optimam à filio expulsam, atque in exilio mori coactam: Gallorum memorabilem illam expeditionem sæpe impeditam. sed luit mox pœnas. ab Henrico enim filio captus, et Leodij custoditus, pedore carceris post annum quadragesimū octauum imperij miseram animam efflauit.

Henricus quartus.

Quævis non Henrici prolem agnoscat, impietate paternam redolentem, ex continua pontificum insectatione? sed cui parceret homo nefarius, qui impiis manus in qualēcunque parentem intulerit? accessit ad impietatem animus dolo magis quàm uirtute præ-

ter Germanorum morem instructus. quare Paschalem per summam perfidiam pontificem in potestatem redactum, non prius dimisit, quam ille cuncta rata, quæ uoluit faceret: à quo coronam quoque imperij per uim expressit. Quæ mox uti extorta sibi cum irrita pontifex denuntiasset, Henricum in Italiam statim exiuit. Romæ ergo agens (quando pontifex in Apuliam uitabundus hominis furorem contederat) ab Bracharense antistite iterum corona insigniri uoluit: tertio quoque Italiam inuadens Gelasium pontificem urbe pellit. Cuius aduentum reformidans Henricus (quippe qui Nortmannicis armis instructus aduolare dicebatur) in Germaniã rediit, ubi post annũ imperij decimumquintum obiens maiorum sepulchro inferitur.

Lotharius.

On est cur Saxonum principũ pietatẽ, ac cõstantiã in asserenda põtificia dignitate præter alias egregias corũ uirtutes nõ magnopere cõmendes. N nulli ærte ex his principibus, qui Germanici sanguinis fuere, plus põtificum maiestati detulere: nulli religionẽ cõstãtius fouẽre, id quod Lotharius à maioribus acceptũ ueluti hæreditariũ in Innoãtio præstitit. Quẽ in Gallijs pene exulem, cũ uenerabũdus exapisset, breui, uti pollicitus est, Barionæ sedi restituit: & in Germaniã ad componẽdos tumultus, qui exorti erãt, mox profectus, breui Italiã in põtificis gratiã repetijt, eũmq; pulso ex Italia Rogerio Nortmãno & pseudopõtifice ita cõfirmavit, uti nihil inde mouere põtificis aduersarij sint ausi. Sed breue imperium annorum undecim effecit, ne res felicibus auspicijs cœpta cõualescere admodum potuerit. Satis cõstat hunc, cum principes imperatorem diceret, diu reluctatum esse, indignum se professum qui tantæ rei præficietur.

deret, nuntijs Alexandri pontificis opem postulātis ita respondit, uti rem in dubium trahere uelle uideretur. Hinc primum Alexandro timor, inde apertæ inimicitiae exortæ, indignante Friderico suum arbitrium declinari, pontificæ uero rem certam in disquisitionem uenire recusante. Quapropter imperator Octavianum ad se uenientem complexus, concilio habito, ut uerum pontificem adorat, et Alexandrum Alexadrîque fautores insectatur: euersâque prius Derthona quæ in partibus Alexandri stabat, Mediolanum inde solo æquat. Gallidmque omnem Cisalpinam eadem sentientem uastat: mox in Germaniam abiens, tertio Italiam maximis copijs cinctus inuadit, Anconemque expugnat, et Alexandrum Roma fugere compellit. Ex urbe autem pestilentia coactus abscedere, postquam iterum suos Germanos inuaserat, Italiam repetit, et Asta urbe capta Alexandriam frustra obsidet, et cum Papienses ac Nouocomenses obnoxios sibi imprimis haberet, eorum auxilijs fretus, præliôque Mediolanensibus congressus, multos ex his amisit: ipse fuga elapsus, quinto post die Papiæ est uisus. Cæterum Alexandro pontificæ Venetias ex diutino errore confugiētē, uictō etiam nauali prælio à Venetis Othone filio Friderici (quod uaria monumenta nobis attestantur, etsi scriptorum uariet fides) tandem pax Venetijs sancita, imperatorq; ac pōtifex ex diutina discordia amicissimi facti. Nec multo post Fridericus, dum rebus Syriacis opem maximo apparatu ferret, iāmque Saladinum et Turcarum principes in maximum sui nominis terrorem coniecisset, minore etiam Armenia recepta, lauandi causa amnem ingressus, perijt, cum annos triginta septem imperasset, A Encobârbus à colore barbæ ruffæ appellatus.

Henricus Friderici filius.

Sperū à moribus appellatū hunc à quibusdā ui-

A deo: qui rex Siciliae accepta Constantia Rogerij Nortmāni filia in uxore, mox etiam imperator à pōtifice dictus, ut maior illi autoritas accederet acquirendi regni, ductis in Tācredum copijs, qui impari matre natus, regnū sibi uēdicabat reclamātibus etiam pōtificibus, Neapolim frustra obsidet. Sed & pestilētia, quæ grassabatur, auertit ab incepto hominē, retrōq; in Germaniā ad suos abire cōpulit. Tācredo autē breui mortuo, potitus Hēricus regni Magūtinum antistitē, Philippūmq; fratrem in Syriam cū non cōtemnendis copijs misit. Dedit autē id magis pōtificum gratiæ, quàm quòd animum haberet Christianæ rei iuuandæ. Quare cū imperij anno octauo Messanæ mortuus esset, Germanus miles, qui Berithum iam in Syria munierat, & Ioppem obsidione lenarat, tumultuose (ut mos est gentis) ex Syria in Italiam redijt, nec ullis pōtificis adhortationibus in officio contineri potuit.

Philippus.

H Oc primū tēpore in Germania seditione laboratum est, alijs imperij nomē ad Othonē Saxonie ducē, alijs ad Philippū Hērici fratrem trahētibus. Stabāt autē pro Philippo ij, qui Germanū hominem Saxoni preferebant. Recens insuper Hērici fratris, & Friderici patris memoria Philippum adiunabāt: & nequid ad alēdam discordiam deesset, Othoni Anglus rex, Philippo Francorū Philippus ex professo fauebant. Præualuit tamen Philippus: & fugato sæpius Othone rerum tandem potitur, indignante etiā Innocentio pōtifice, qui Othonem imperij insulis redimiuerat. Philippo autem occiso à Palatino comite, postquam annū nonum imperasset, Otho successit

Otho.

Hilippo mortuo, facile à Germanis proceribus ad
 P tollendam discordiã sufficitur Otho, pro quo haud
 dubie pontificis fauor stabat: quem & confestim
 corona donauit cum Romam petiſſet. Ille uero cū & pon-
 tificiæ ditionis quædam oppida capere, & Friderici iu-
 nioris regnum inuadere uellet: diris pōtifijs petitus, im-
 perij titulis priuatur. Fridericiſq; illi ex profeſſo hostis, ad-
 nitente etiam Innocentio creatur imperator. Quo nun-
 tio in Saxoniam proſectus, ut res componeret, bellum Phi-
 lippo Francorum regi indicit: nec ſine manifeſta ui numi-
 nis, & Gallorū uirtute, memorabili clade affectus Otho
 in patriam ſe inglorius recepit, cum annos tantum qua-
 tuor rerum potitus eſſet.

Fridericus.

Iguere in hoc principe, quod negari non poſſit, e-
 V gregiæ corporis animique uirtutes. nanque auo
 ſimillimus, militaris laudis appetentiſſimus fuit.
 Corpus laborū non minus patiens, quàm ſtrenuum: plu-
 rimum audaciæ ad pericula ſubeunda, non minus tamen
 conſilij inter ipſa discrimina: nullo unquam labore fati-
 gatus, nullis caſibus uictus, linguarum peritus, munificen-
 tiæ ſingularis, regij ſplendoris & ornatus ambitioſiſſimus:
 ut in ea profectione, qua euocatus ad concilium ab Inno-
 centio fuerat, oſtendit. Nanque tot & tales ſecum eduxit,
 ut rogatum agmen exercitui par eſſet. Sed & urbi Victo-
 riæ à ſe cōditæ ea omnia affuere, quæ nulli unquam prin-
 cipes habuerint, nulla poſtea ciuitas ſimul uiderit. Veſtis
 uaria & pretioſa, animantes feræ, ciuræſque diuerſi ge-
 neris: hominum portentofæ formæ, & in hiſ Saracenicus
 mules illi imprimis acceptus. Tanta præterea incolarum

frequētia, cōmercij etiam multarū gentium aucta, ut ni-
 hil ad amplissimæ urbis formam deesset. Cæterū has inge-
 nes in principe uirtutes calliditas ingenij, ac perfidia, et
 sæuitia in Guelphum nomen, neque non in pōtifia odium
 obscurarunt: accessit ad hæc libido hominis immensa, quæ
 præter gentis morem, concubinas multas et scorta aleret,
 scriptoribus etiam adnitētibus ne is, qui toties execratio-
 ne pontificia petitus erat, quique Italiæ adeo infestus im-
 munebat, uti eam prope ad interuiccionē redegerit, nō omni
 insectatione dignus haberetur. Cū hac igitur uitiorū uir-
 tutūque indole Aquisgrani coronatus, quō se adolescē
 adhuc recēperat, primum Othonem adhuc sibi obsistētem
 facile profligat. Deinde paratissimis copijs de Syria uendit-
 cāda sollicitus, Gregorij etiam pōtifia adhortatione Brūn-
 siū appulit: indeque soluēs cum Aconem peruenisset, ana-
 themati subiectum se à pōtifia accipit: unde irarum ple-
 nus abiēs, ad Gregorium tamen supplex accessit: impetra-
 tāque ab eo uenia, mox illum ludibrio habuit. Quare ite-
 rum diris pontificis obnoxius, in Italiam descendens, Ma-
 diolanenses pro pontifice sentiētes prælio uincit, et captu-
 Petrum Teupolum Venetum eorū ducem carceri inclusum
 crudeliter necat. in Venetos quoque fines in cassum arma
 mota, mox Pisas sese recipiēs, Guelphos, ac Gibellinos pe-
 niciosissima Italiæ nomina primus inuexit: quibus ad
 Gregorium exercuit, ut ille non multo pōst obierit, præg-
 uantibus curis. Cælestino autem intra duodecimum die-
 uita functo, successit Innocētius: qui periculus hominis ca-
 liditatem atque animum in se hostilem, primum imper-
 abdicat: demde anathematis spiculū in illum distringere
 Hēricum Thuringiæ Landgrauium (ea est dignitas apud
 Germanos) imperatorem dicit: mox magnam Italiæ pa-

tem in illum armat. Parmaque per eius absentiam illi adempta, cum eam frustra Fridericus obsideret, tandē eruptione uictus à Montelongo legato est. Captaque urbs Victoria, ac direpta: nec interim ea clade à pontificum iniuria temperauit. Cæterum Panhormum profectus, Manfredi filij nothi dolo necatur, cum annos duos ac triginta rebus præfuisset. Hic Bononiense gymnasium, quia ciues imperata non statim fecissent, Patavium transtulit: ex Florentia etiam Guelphos populariter eiecit.

Rodulphus.

Nterregnum à Friderici morte ad Rodulphum
 I Habsburgensem per duodeuiginti annos fuit, quo spatio Māfredus Friderici filius & Corradinus regno Neapolitano pariter & uita à Gallis spoliati sunt. Interim Rodulphus ex comite (ut nunc uocant) imperator declaratus, Alphonso Castellæ posthabito, qui eā dignitatē ambierat, Othocarū Boemiæ regē acie uictū occidit. Pseudofridericum captum, qui se pro Friderico iuniore Suenis ostentabat, Nouesij combussit. Ciuitates Etruriæ libertate accepta, pecunia donauit, quam rem Honorius pōtifex uti infamem, sibi tamen, & Italiæ non inutilem magis non probauit, quā prohibuit. Obijt autem Rodulphus decimo octauo imperij anno, & Spiræ sepelitur: in quo si auaritiā non accusēs, cætera non reprehēdas. Italia certe tum primum aliquid sibi polliceri potuit, Luchino Italici sanguinis uicarij nomine tunc Mediolani præfecto. Floruit huius imperio Albertus cognomento Magnus.

Adolphus Affiæ.

D Onatus imperij titulis hic primum in Columbarienses mouit. inde in Albertum Austriæ ducem dum bellum parat: quem procures Germaniæ,

BB. ij.

pertæsi Adolphi sordes & ambitionem, eo reiecto, imperatorem declarant, ab eodem apud Vangionas prælio superatur & occiditur, cum annos octo rerum potitus esset.

Albertus.

R Odulphi superioris filius, & Austriæ dux à patre Othocaro occiso declaratus, principum suffragio & Bonifacii pontificis assensu dicitur imperator: & Bonifacius eo libentius assensit, cum id obstinatissime ante negasset, quòd Philippum Francorum regem oderat. Quare ea conditione Alberto ratum imperium fecit, ut regnum quoque Francorum sibi uedicaret. Ille uero post Adolphum in Spirēsi agro cæsum, cum copias tantæ rei idoneas parat, à Iohanne fratris filio interficitur post decimum imperij annum.

Henricus Lucelburgensis.

H Enricus ex Lucelburgo Romanorū imperator designatur. Cui Clemēs pōtifex ea cōditione ratum imperiū fecit, ut primo quoque tēpore in Italian trāsunderet: quam provinciā eo libētius Henricus obeundam suscepit, quòd Guelphici nominis hostis, prævalente eius factionis opes infringere optabat. per Taurinos igitur saltus Italiæ insinuatus, Mediolani factionē Turrianam oppressit, Vicecomiti summa rerū demādata: inde Roman profectus accepta imperij corona, & ab Vrsinis breui expulsus, adiuvante etiam Roberto rege Hetruriam repetiit. Arretij que agens post Robertum regno priuatum, dum Florentinis immuneret, qui iam de salute desperarant, ueneno in eucharistia dato, periit anno imperij V.

Lodouicus Bauarus.

Hic Rodulphi imperatoris ex filia nepos, Fridericus Austriæ duem aduersarium habuit, quicum per octo an-

nos bellum uaria fortuna gessit. Cæterum Friderico capto
 & occiso, Bauarus rerū potitur, parique temeritate impe-
 ratorem se circa pontificis assensum appellat. Qua miu-
 ria offensus Iohānes XXII, illi sacris interdixit. Verum
 homines iuxta ac numina contemnens, Italiam mox petit:
 atq; in uiccomites ingratiſſimus, quorū ope adiutus præ-
 cipue uenerat, Caſtrutiū filios pari improbitate, qui Gibel-
 linæ factionis fautor acerrimus fuerat, paterno principa-
 tu exiuit, Romæque coronatus à Stephano Columnio Petrū
 Corbarienſem pseudopontificem creat minoritanæ familie
 unum, quē & Nicolaum appellari uoluit: & nequid ad
 ſerendas diſcordias malorum deeſſet, tyrannos in iſ op-
 pidis, quæ pontificij iuris erant, priua autoritate inſtatuit,
 pontificem æmulatus, qui & ipſe Galliæ Cifalpinæ mul-
 tos autoritate ſua regulos præfecerat: imperij tandem an-
 no triceſimoſecundo cum uaria tentaeſſet ad reconcilian-
 dam pontificis gratiam, obiit.

Carolus quartus.

Rius quàm hic imperiū adiret, Germani prin-
 P cipes Edoardum Anglum & Miſnenſem princi-
 pem ac Guntherū Montis nigri regulū Cæſares
 declararant. Cæterū altero poſt alterū uita functo, res ad
 Carolū Boemum deuenit, qui Iohāne Hēric imperatoris
 filio natus adoleſcēs adhuc egregiam in terra Italia patri
 operā nauarat: quo ab Anglis interfecto ea acie, qua Phi-
 lippus Valeſius Frācorum rex ab hiſcæ proſtigatus eſt, im-
 perij adipiſcitur: literis ac linguarum multarū cognitione
 inſtructus: ſed qui Boemiæ ſuæ quàm Germanis, aut Ita-
 lis conſultum mallet. nam cum Pragam (Boemiæ id op-
 pidum totius regni metropolis) uarijs operibus excoluiſ-
 ſet, imperij maiestatem adeo neglexit, ut coronam tante

maiestatis autoramentum turpissima pactione acceperit ab Innocentio, qua cautum erat expresse ut ab acceptis insignibus confestim Italia abscederet: additum & grauius facinus, quod Venceslaum filium adolescentem à principibus Germanis Cæsarem dici obtinuit exemplo maxime improbando. Imperauit annos triginta duo.

Venceslaus.

Vo patrique absimilis per ignauia ac socordiam
 A imperij res afflixit: afflixissetque diutius, nisi à fratre Sigismundo captus, mox etiam procerum consensu abrogato illi imperio, Robertus Bauarus illi surrogatus esset. Hic Galeacium ex comite Mediolanensibus primus ducē dedit: quæ dignitas ad nepotes postea trāsijt quoad res Insubriæ ad Francorum regem redijt. præfuit annos trigintaduo.

Robertus Bauarus.

Vm Venceslao successus esset Robertus Bauaria
 C dux, nihil ille antiquius habuit, quàm ut Florētino populo gratificaturus, ad cōprimendā Galeacij uicēcomitis potentiā in italiam transcedere. Cæterū à Benacum Galeacij copijs congressus facile repellitur: und mox ad Venetos deflectens, magno ab his honore excipitur inde soluens incassum Florentinis adnitentibus ne Italia excederet, in Germaniam retro abiit paci religionique uacaturus: uita functus est anno imperij X.

Sigismundus.

Ptimum haud dubie principem, ac nobilissimu
 O Germania nobis imputet, & qui si ad pacis artes, quibus excelluit, parem belli felicitatem adidisset, Carolis & Othonibus æquari potuit. nam adhuc per Mariam uxorem ad Pannonici regni spem eu

catus, mox adolescens Venæslao fratre, quod parum utilis haberetur à se capto, Boemæ regnum hereditarium assignatur: sed & Alberto uita functo, omnium uotis imperator designatur. Hic igitur Pannonia potitus à Ludouici morte, cui Maria superstes filia fuit, duos ac XXX regulos securi percuti iubet, quod regis puellæ aduersati essent. Unde illi tanta mox gentis inuidia conflata, ut post uxoris mortem captus, necandusque magis quam asseruandus fœminæ, cuius maritum ille interfecerat, sit traditus: ille uero maiestate oris & blanda oratione dimissus, hinc Boemiam petit: quam non sine labore uix tandem obtinuit, longo ab his bello, ac difficili petitus, sæpe etiam acie ab his uictus. Nec Italica expeditio una alterâue in nos Taurisino agro peruasato felicior: nam Pippus eius dux, & ipse mox tota Venetia ac Foroiulio Venetis armis expellitur. Hinc quia grauius periculum à Turcis imminerebat, qui iam magnæ Europæ parti sese insinuarant, Gallias etiâ Philippi Burgundi copijs accinctus, ab Amurate Turcarum principe graui prælio uictus, castris etiam exiit. Cæsis magna ex parte ducibus, & Philippo capto, ipse Byzantium fugiens, mox Venetæ classis occursum, cui Thomas Moenicus præerat, incolumis de fuga uix euasit: quæ clades ignominiosiorne an funestior fuerit, haud satis explicem. Discordia certe nostra uictor hostis Hadrianopolim se recepit: & hæc foris. Quantum autem pacæ præstiterit, præter generis nobilitatē (quæ haud dubie clarissima fuit tot summorum principum serie) & præter insignem corporis proceritatem, ac imperatoriam planè indolem, affuit illi liberalitas ac munificentia, quanta in nullo antea principum: religionis ac pietatis augendæ studium incredibile: multarum etiam linguarum scientia, & in his linguæ Lati-

næ studium excelluit: quare doctos homines imprimis fovit, & dignitatibus etiã amplius honestavit. Accusavit sæpe Germanos principes, qui Latinas odissent literas. A quibus reprehensus quandoque quòd doctos homines foveret sed humiles genere, Ego, inquit, eos amo, quos natura alios antestare facile voluit. Illud autem nulla unquam ætas obliuiscatur, quòd triennium magnam Europæ partem ipse peragravit, dum principes Christianos, ac pontifices adit, quo schisma Christiano nomini calamitosissimum tolleretur. Nec alterius principis opera magis enituit in vera pietate vindicanda. Quare ita effecit, ut reiectis adulterinis tribus, qui Barionæ sedem invaserant, Oddo Columnius magno omnium consensu pontifex declararetur. Patrem operam Eugenio in Basiliensi synodo tollenda præstitit, à quo tamen prius contemptim penè habitus, ac uix post sextum mensem quàm senis fuerat, imperij corona donatus est. Hic uero princeps egregius cū sine virili prole decessisset, Albertum Austriæ ducem filie maritum, & utriusque regni hæredem reliquit anno imperij vigesimo septimo.

Albertus.

Emo unquam maiore spe ad imperiū venit. & N sane cōceptam animis hominum opinionem haud frustratus esset. Siquidẽ toto biennio, quo præfuit, Moravos ac Sarmatas, qui hodie Poloni sunt, intra suos fines quiescere compulit. Ptasconem Boemum factionis hæreticæ caput, ita attriuit, ut tota Boemia sibi cederet. In Turcas autem profectus, Synderouam castellum ad Danubij ripam munitissimum obsidentes, dum copias in itinere maiores expectat, oppidani deditionem fecere: ipse Austriam repetens apud locum, cui Lögga uilla est nomen, dysenteria morbo confectus est, Ladislao filio superstitæ.

Fridericus tertius.

Acis atque orij studiosissimus Fridericus extitit:
 P quam tenore perpetuo annos quatuor ac quin-
 quaginta (tot enim rerum potitus est) coluit, seu fa-
 tum id fuerit quietiore Germania, quàm multis retro ætis
 ætatibus, seu prudentia uerius id principis effecit. Ille ue-
 ro nihil ab initio antiquius habuit, quàm tuendæ pacis
 studio, tumultus qui oriebantur sedare. quare & seditio-
 nem mouentes Austriales, facile compescuit, & bellum à
 Matthia Pannorum rege illatum composuit. Quinetiam
 in Flandros mouens, qui Maximilianum Cæsarem asser-
 uarent, recepto filio paucorum pœna contentus, omnem di-
 scordiarum fomitem sustulit. Ducta igitur Heleonora Lu-
 sitanici sanguinis, cum in Italiam transcendisset, ad Nico-
 laum pontificem profecturus, ab eo nullo non honoris ge-
 nere excipitur, illi & uxori corona imperij imposita. Hinc
 Neapolim diuertit in Alphonfi gratiam, cuius Heleonora
 pernecessaria erat. nec minore apparatu à Venetis (eius
 enim urbis inuiscendæ incredibili desiderio flagrabat) ob-
 uitiam illi itum, quos exinde summa semper amoris ac be-
 neuolentiæ significatione dilexit. eius etiã opera Amadeus
 Allobrox, qui se pro pontificæ gerebat, Basiliensi concilio in-
 nixus, in ordinem se redigit. Iterum Paulo pontificæ pri-
 uati penè more uoti reus Romam petijt: quo damnatus re-
 tro ad suos abiens quiescente Germania, tandem imperij
 anno quarto ac quinquagesimo naturæ concessit, Maximili-
 liano filio Cæsare prius declarato.

Maximilianus.

Vpererat mihi Maximilianus imperator, quem
 S pater octauo antequam moreretur anno Cæsa-
 rem designandū curarat, magnus bello princeps,

Et pæ præclarus, cuius eximia bonitas, liberalitas sum-
 ma, et Christianæ pietatis cultus præcipue commendatur:
 accedunt ad hæc animi dotes, oris probitas, statura qua-
 drata, in qua tamen imperatoria maiestas eluceat, corpus
 ualidum ac robustum, idemque laboris atque operis pa-
 tientissimum, par uictus frugalitas, et ex eo ualetudo pro-
 sperrima. De hoc autem, cum adhuc uiuat, Tranquillum,
 Plutarchumq; ac ueteres alios scriptores æmulatus, nihil
 est quod addam. Deus faxit ut quod illum agitare semper
 animo Vincentius Quirinus asserebat, qui legatum Ve-
 netum egit apud illum summa cum laude, ex sententia
 conficiat: neque enim iustus ullum est bellum quàm quod
 pro religione sumitur, et ea denique uera æternaque glo-
 ria principum nostrorum existimari debet, quam res præ-
 claræ in hostes fidei gestæ commendant.

IOH. BAPTISTAE EGNATII VENETI
in Trebellium Pollionem, Flauium Vopiscum, & cæ-
teros Annotationes.

EX VALERIANO.

Hic Philipporum & Deciorum uitæ desunt.

EX GALLIENIS.

Astacum, quæ Nicomedia. Sic repone: inde enim A-
stacenus sinus. Eusebius & alij.

Aphronitris. Spuma hæc nitri Asiæ ac Aegypti pecu-
liaris in spelūcis colligi solita, quas colycas appellabâr: pica-
tis uero hæc uasis ab Aegypto Româ deferebatur. Martialis.

Rusticus es, nescis quid Græco nomine dicar:

Spuma uocor nitri, dicor & aphronitron.

Principem. Tu principe repone: nam à Claudio Cō-
stantinorum genus ducebatur.

Facto fœdere. Tu fracto repone.

Cyclopea luserunt omnes apenarij. Apenarios de Græ-
co uerbo ἀπην, uehicularios appellatos opinor. Cyclopeam
uero eam saltationē intellige, cum in formam Cyclopis pro-
cæri ac deformis quispiam saltaret. Horatius & Trebel-
lius in Carino. Libet autem Lucilianos uersus ad rem ui-
delicet facientes addere:

Multa hominum portenta in Homero uersificata,
Mōstra parant, quorū in primis Polyphemus dūctos
Cyclops longū pedes. Sed quod de apenarijs dixi-
mus æstimandū: quid si arenarios legas? & intelligas eos,
qui in arena operam præstarent, id quod magis probo.

Dracones. Id est uexilla longiora, unde draconarij.

Hecatombis. Quod sacrū id esset, aut quomodo cele-
braretur, ex hoc autore copiose accipies.

Heracleā peruenierunt. Ponticā intelligit olim clarā.

Facta carragine. Nouo uerbo & satis barbaro castas in unum eorū copias intelligit, & impedimenta cū lixis ac carris, quos innumeros ea gens trahere secum solet.

Et quidem Cecropij Dalmatarū ducis manu. Deerat enim hoc uerbum, quod & repones.

Tetrasliche, pentasliche. Id est, quaternū ordinum & quinum. unde & disticha & tetrasliche, nisi tetrastylen & pentastylen malis.

Διὰ τετράρων. Id est singuli ordines quaternarij essent.

EX SALONINO, SIVE GALLIENO
iuniore.

Ad exemplum protreptici. Exhortatorij & instruētis, ἀπὸ τῆ προτρέπταιν.

Cōstellatos. bullatos intello, & insignitos ueluti stellis.

EX CLAUDIO.

Ancillarij, seu ancillarioli ministri lenonum & impudicarum.

Munerarius, qui gladiatores edebat: nam munera nemo nescit gladiatorios intelligi ludos.

Tu qui nunc patrias gubernas oras. Versus meliori limæ reddendi.

Antialo. Quid si Anchialē legas Illyricum oppidū. P.

Cumacum. Quid si cucumā legas Cypriā, id est æreā?

Brachialem. Id est brachij ornatum.

Chrysographata. Id est auro sculpta.

Aclidas. Virg. Teretes sunt aclides illis.

Succubitana purpura. A Succubi Africæ oppido Augusta colonia.

Subarmale unum cū purpura Maura. De subarmali diximus nouo & ipso uerbo, quod sub armis gereretur.

Accubitalium. P. culcitrarum & stragula uestis.

In Thermophas. Emenda Thermopylus.

Corymbiatum. Id est corymbis undiq; circumdatum.

Paterā argenteam ederariā. Ad edere formā sculptā.

Bolitera halienticum. Id est iaculum piscatorium.

Calices AEgyptios. Id est uireos.

Chlamydes ueri lumnis limbatae. Id est splēdidissimas limbis adhibitis.

Singillationes. Genus est uestis, uerbumque cū ipsa ueste barbarum.

Cucutia. Nouum & hoc uerbum ac militare, nisi tu capitia, quod minime probo.

Oraria Sarabadena. Id est uela subtilissima ex Oriente: nā & Sarabara genus est Persicæ uestis. Vnde & Augustino ac Hieronymo Sarabaitæ hæretici.

EX AVRELIANO.

Hilaribus. Hilaria dies festus VIII. Cal. Apriles, in quibus lætitiæ exordiū erat, quo primum tempore sol longiorem diem faceret, Pani deo dicatus omnium auctori.

In odem. Tu eodem.

Et postea multa omnia. Omnia restitue.

Balista. Id est quæ iacularentur in illum iocantes, κατὰ τὴν βάλαν.

Ferramēta sarniata. Id est, mucronata & exacuta. Nō.

Mulum centuriatum. Qui singulis centurijs ad onera ferenda assignatus erat.

Porcina. Tu porcinae, & carnis intellige.

Pabuli extra ordinem decernis. Vide ne pabuli ius scribendum sit.

Nicopolis. Triplex hæc urbs Stephano. Epiroticā uero hanc existimo ab Augusto ob uictoriam Actiacam conditā.

Ityreos. Id est Arabas. Virg. Ityreos taxi torquētur in arcus.

Multitias. Quarū & Iuuenalis, quasi mollitias: alio-
qui & pelles delicates tractatu nos multitudine redole-
rediamus.

Depuēt scipionem. Id est eburneū bacillum princi-
patus insigne.

Tunicæ lineæ, paragaudæ. Dicitur mox.

Hæmimontem. Diuſim legas.

Nā belli illius uirtutibus tuis credo. Quis nō uideat,
ſummam, aut quid ſimile deeſſe?

Equites ſanè omnes an imperiū. Tu reponē, equites
ſanè omnes ante imperium. paruus lapſus, ſed qui mora-
ri aliud agentes poſſit.

Patrimus, matrimiſque. Quid patrimi, matrimique
pueri, ex Feſto.

Ambarualia. Sacra ab urbe ambienda.

Quaſi in Chriſtianorum eccleſia. Nota ſummam ho-
minum impudentiam, qui uelint nolint, etiā per iniurias
laudare nos coguntur.

Pōtus Polemoniacus & alpes Cotticæ. Vtraq; provin-
cia à ſuis regibus dicta, altera à Polemone, altera à Cot-
to rege: quas Nero princeps in prouinciæ formam redegit.
ſunt autem Cotticæ alpes, in quibus Genua contineatur. Po-
lemoniacus autem pars Ponti.

Trāſactis igitur quæ ad ſectiōnes. Quid ſector ſectiō-
ne ſit, mediocriter eruditis etiā cognitum.

Contra Palmyrenos. Palmyra omniū Orientalium
urbium in Syria olim maxime inſignis, uel bellis contra
Traianum & Adrianum geſtis, uel Odenati principis no-
mine: olim à Solomone rege cōdita, dierum duorum itine-
re à ſuperiore Syria diſtans, ab Euphrate uniūſ, à maxi-
ma Babylone ſex: dicta quandoque Adrianopolis: à Græ

cis autem Palmyra à palmis, ut puto, eo in loco abundan-
tibus, puteis & fontibus frequentibus, cum circum ea loca
nusquam aqua alibi inueniatur, Thadamas Syrorum lin-
gua nuncupata.

Thyana. Ciuitas hæc Tauro ad portas Amanicas ap-
posita, Cappadociæ ac Ciliciæ media, Apollonio philoso-
pho ciue insignis.

Quid enim illo uiro diuinius? Adeone Christiano no-
mini infesti fuistis, ut magni hominẽ, certe à cultu ueræ re-
ligionis alienum pro nunne coleretis? CHRISTVM,
ac ab eo Christianos dictos, nullorũ facinorum reos, quin
potius uirtutis assertores, ac ueræ pietatis, tam infesto a-
nimo insequeremini?

Dromedam uocant. sacræ literæ dromedarios à cur-
su uelocissimos camelos appellant.

Decolari. Restitue declarari.

Sandix Indica. Ex cerusa hæc fit æqua portione ru-
brica admixta: color est purpureus, magno multorum er-
rore, qui scandicem à sandicæ non discernant, sed aliàs.

Cornicibus, atq; laticinibus. Tu liticinibus à lituo.
Vnde & Statius, - Liticẽque notus Hectorius armis.

Tunica galbina. Vnde etiã nos hodie Gabanos cras-
siorem uestitum dicimus.

Quæ nunc salignei. Tu à siligine siliginei substitue.

Fuit & sub Aurealiano monetariorum bellum. Mo-
netarios imperatoris edicta uidentur innuere, uiles homi-
nes texendis scilicet uestibus idoneos, quique lanã ducant
& textricium faciant, ut imperite pro ijs qui monetam
cudant, hic multi intelligant: nam gynæciarios & mone-
tarios & baphiarios iunctim appellat.

Amnestia. Id est obliuio, res ab Atheniẽsibus primũ

usurpata Thrasylulo autore, inde sæpe ab alijs tentata.

Maximūmq;. Tu Maximinū, uel Maximianum lege.

Atque ambolicas species. Sunt qui antolicas, id est Orientales.

Batteo. Tu blatteo, id est, purpureo repono.

Filiorum. Emenda foliorum.

Paragaudas. Genus est uestis, ut plurimū uirilis lineæ, quod sub alia ueste gereretur: cuius apud imperatorem mentio, et iureconsultos.

Rectis purpureis. Quæ purpura recta textæ essent.

Monolores. Id est unicolores, et bicolores. Quid si à loro uno et duobus et tribus dictas esse censeas uerbo Græco et Latino?

Alpes maritimas eas intelligit, quæ Liguriæ Narbonensique Galliæ incubant.

Facta erat ratio doge cupparū. Quid essent cuppæ ostendimus. Corrupta autem hæc lectio, quomodo restituatur adnitendum.

Oraria ad fauorē. Qui mos emunctorijs euentiladis hodiēque retinetur. Nam oraria lintea tenuiora significat.

Miliarensem porticum. Milliariā melius à mille passuum longitudine.

Calceos mulleos. Regum Albanorū, mox patritiorum fuere gestamen. A mulādo, id est suendo, si Festo credimus, dictos. unde et mullum pisces dictum esse putant. hedecratos autem ac cereos utrosque à colore dixit.

Pro senatorijs professionibus. Id est censibus, uti uidelicet quisque in censum professus esset.

Annulum sigillarium. Ad signandum.

Phagone, unde et nomen illi. φαγῶν enim Græcis, Latinis uorare est.

Infundibulo apposito. Instrumētum ad liquores infundēdos Catoni, ab infundendo, ut arbitror, dictum. Orca autē capacissimi uasis genus Hispaniæ, quo salsamēta, uinum, et oleum, et salgama conderentur, ab orcæ marinæ similitudine. Persius, -angustæ collo nō fallier orcæ. Varro, Probus, Festus.

Natalibus suis et parilibus. Parilia dies natalis urbis Romæ: nam et Calendæ Ianuariæ citra omnium supplicium ac pœnam exigebantur.

In ciucos archis. Corrupta lectio, sed quæ fortē ita restitui possit, In publicis archiis. Appellauere autem archina loca, in quibus publicæ tabulæ asseruabantur.

Sartis testis Capitolij. Ut sartum tectum, id est integrum Capitolium tuerentur.

Auro clauatis uestibus. Id est quæ clauos aureos, nos flores appellamus, haberent.

Hecatōbe. Monstratū est superius quid esset. Hecatombœum ætæ Græcis dicitur, quicquid duabus minis æstimatur. Sunt et Homero Glauci Hecatombœa arma, quorū et Iustinianus in præfatione Pandectarum meminere.

EX PROBO.

Omnia imperij. Restitue, Omina.

Specillatam. Specillis ornatam.

Hastis puris. Sine ferro: ut Vexilla pura, Id est candida, infra dixit.

Eandēmq; à rebellionibus uni dicauit. Restitue, uindicauit.

Inuitus et redactus. Quid si reluctatus?

Quod imperaret Probus milites. Verbum Milites su perfluit.

Prædam deinde omnem illi præter diuinas. Quid

si Druidas, ut tamen deesse uersiculus uideatur?

Limitaneis. Qui limites tuerentur.

Supplices, statimque iacuerunt. Tu strati ascribes.

Cæteræque gentes ita confudit. Quis non uidet Con-
tudit esse legendum?

Blemyas. His populis inter Aethiopes capita dicun-
tur abesse, ore & oculis pectore affixis, unde & pro mi-
raculo spectabantur.

Contis ficijs. Dubia lectio, nec quo pacto restituenda,
satis constat: nisi à ficu ficios deduxerit: Quid si ita legas,
Contis & sibinis? Est autē Sibina Festo, Illyrici genus reli.

Quod ille compererat animo. Melius concæperat.

Huius familiæ posteris. Posteris ascribe.

EX CARO.

Sed auos. Tu auum emenda.

EX NUMERIANO.

Eūque ante signa & principia protraxere. Prin-
cipia: erat statio ubi principes legionum consisterent.

EX CARINO.

Carianus. Lege Carinus.

Neurobaten. Id est per neruos incedentem: ut Scheno-
baten, id est funerepum. Tichobaten autē Græci appel-
lant, quem iureconsulti Directarium à dirigendo se in a-
liena cœnacula appellant.

salpinctas. Sic enim leges, & tubicines intellige,
από τῆς σάλπιγγος.

Camptaulas. Id est centum qui tibiarum sonum a-
liquantulum inflecterent: quod nos emendauimus men-
dosissima aliqui lectione. Pithaulas autē quasi tibijs per-
suadentes tibicines dicas.

Cyclopem adornatum. Cyclopeam saltationem, de

qua superius, innuit.

Pallio Ianthino. Vnde & Ianthina uestis Persio.

Plumandi. Id est texendi. Græci polymita à liciorum uarietate, unde Plumarij & opus Plumatile Nonio clauatum interpretatur, aut ex pluma factum.

Birri ab Atrebatiscis petiti. Birri uestis Gallicæ genus. Sunt autem Atrebatæ hodie, qui Arres Gallica lingua dicuntur, auleis texendis perælebres. Vnde aulæa hodie laudatissima.

Ballionibus. Id est lenonibus, à Ballione Plautino lenone.

EX AELIO VERO CAESARE.

HS. III milies. Infinita hæc pecuniæ uis, ut ipse auctor paulo post dicit: atque ad normam mihi præscriptam in Tranquilli annotationes dirigenda.

Quia uota interueniebant. Quorum interuentu luctus omnis tollebatur.

Quatuor anaclyterijs. Id est accubitorijs.

EX AVIDIO CASSIO.

Fatum morionem. Id est minus ineptum.

Et in ciso ipso. Tu in scio ipso repone.

Campestri solo tectus. Succinctorio, quo in gymnasijs & palæstris uterentur: Subligar etiam à nostris appellatum, unde campestrati.

Buccellatū. A buccæa siue buccella. Marcellinus, Quod in sedibus erat frumentum ad usus diuturnitatem excoctum, buccellatum uocabant. Vnde nos fortasse buccellatum etiam panem appellamus in orbem factum gestatu commodiorem, ut quem pertica immissum sine grauiore impedimento secum haberent.

Aut impeditur. Tu impenditur.

Programma. Id est edictum Græco uerbo.

Bucolici milites. Latronum Aegyptiorum genus.

Consensum. Male: quare Consensu redde.

Aeruscatores diuinaculos. Qui uidelicet æra undiq; æruscarent ac corraderent: Festus & Gellius.

Rebelliones. Pro rebellibus. qua forma Perduelliones dicebant antiqui.

Multis elogijs. Testificationibus tam in laudem, quàm in infamiam, tamen si Cicero pro simplici quadam sententiae significatione acceperit.

Bonis patribus. Tu uide ne melius, Partibus.

EX P E S C E N N I O N I G R O.

Inter lapidationes. Quibus Iulianus princeps à populo Rom. petitus est.

Ex interdicto. Formula iureconsultis usitata, quoties quis iniuria in alienam possessionem irrumptit. Cic. etiam pro Cæcinnâ, sæpe huius ritus & uerbi meminit.

Stellaturas accipe. Id est munera, per calumniam aliquam iniectam militi, uel quid aliud tale, ut satis copiose superius monstratum est.

Musiuo. Nos hodie Musaicum appellamus. Vtitur & hoc uerbo D. Augustinus libris de ciuitate Dei, & Plinius, aliqua tamen differentia uerbi. Vnde Muscarij, qui male Muscarij etiam à doctis apud iureconsultos leguntur.

Cauum argentum. Id est catinum nouo uerbo: nam cauus foramen est intra parietes, quibus mures latitant.

In Xonis. Magnam enim stipendiij partem in his habebant milites. unde illud Horatij, Ibit eò quò uis qui Xonam perdidit.

Et inepta. Melius fortasse Nec inepta atque ridicula.

Trichoro. A triplici ordine structuræ sic fortasse di-

Etus: nisi si citra aspirationem legas, & a corio, qui cursus vulgo in parietibus construendus dicatur, tricoriū deducas.

EX ALBINO CAESARE.

Cum eum successorem. Tu expunges, Eum.

Ficus passarias. Quas Græci callistrutias.

Milesias. Fabellas lasciuas intellige: quales Aristides olim libros Milesiacos conscripsisse dicatur: sed tam cūctatissima omnia inter Milesias Punicas Apuleij, ut hinc literatores desinant quærere, unde ille apud Apuleium Milesius sit sermo.

EX GETA.

Hostiā popa nomine Antoninus. Popam ueteres uictimarium dixere, ut in Caligula illud poparum habitu sit omnino legendum.

Farrata. Edulium à farre fortasse dictum. quid si ferta legas? Est autem fertum libi genus in sacris adhiberi solitum. Festus autor.

Lorica sublato clauo. Id est, senatoria, ac principali ueste, unde laticlanij senatores.

EX VICTORINO.

A quodam actuario. Qui uidelicet acta eius exscriberet.

Digito salutari. Hic proximus pollicis est. quo cum minus commode Augustus princeps uteretur, corneum circum substituisse à Tranquillo dicitur.

EX AVREOLO.

Apud eum pontem, qui aureolus est dictus. Hunc in Mediolanensi agro adhuc plerique ostendūt, & Pontirolū corrupto uerbo, quasi pontē Aureolū appellari contendūt.

EX HERODE.

Sigillata tētoria. Varijs signis distincta arte plumadi.

EX BALISTA.

Dispositionem me Balistæ prosequere. Expunge illud Me, & statim lege, in forma.

EX VALENTE.

Amunculus magnus. Am & amæ amunculus.

EX PISONE.

Cui se Cicero nobilitandi gratia sociauerat. Data uidelicet Tulliola in uxore Pisoni cognomēto Crassipedi, quo mortuo, Dolobellæ iuncta est. Pisonum autem familiæ cognomen Frugi astructum notum est à parsimonia uiuendi, & optimus eorum moribus in omni uita.

EX AE MILIANO.

In huius uitæ annotabis illud quod de AEGypto traditur.

EX ZENOBI A.

Media etiam cochlide. Compositionem & ornatum capillorum hoc nomine uidetur appellasse, ad cochlidis scalæ similitudinē, quæ paulatim per gradus occultos in cochleæ formam constructa, nomen inde sibi (ut opinor) peperit.

Epitomasse. Breuiarium confecisse, uerbo malo.

EX TITO.

In Maximino Tyrum legas, quem hic Titum appellat. Argolicam, sed amatam. Tu lege, armatam.

EX FIRM O.

Αὐτοκρατορὰ. Id est imperatorem.

Domum iudicium. Tu Indicum repone.

Canon. Sic annua frumentatio appellabatur, quam AEGyptus & Africa & Sicilia statim populo Romano penderet. Vnde ille septem annorum canon à Seuero populo relictus.

Omnes certe lymphiones cuiusunque artis & uidentur. Erade copulam Et.

Omnes certe lymphiones. Nouo uerbo satagētes quosdam, ac curiosos (ut opinor) innuit, nisi si quis diuina culos hoc uerbo malit interpretari, quos Græci νυμφολήπτους aut uident.

Pergulas magistrales. Iam & Plinius pergulas pictorum agnoscat, & L. Fulvium Argentarium spectasse ē pergula coronatum rosis. Et Iuuenalis,

- cui cedere debeat omnis Pergula. Erat autē locus apertus, ac soli expositus, saltem ex magna parte, ubi docerent grāmatici, aut pīm gerent pictores: quæ amœnitatis etiam causa parata erant, Terracijs Venetis fermē assimilia.

EX PROCVLO.

Albigauni. Liguriæ oppidū Albengi uulgo dictum.

EX BONOSO.

Dux Rhetici militis. Sic codices omnes. Quid si limitis legas? nam & in Aureliano meminit Amulij Saturnini Scythici limitis, & Iulij Tryphonis Orientalis limitis, & Criniti Illyriciani limitis & Thracij, & Fuluij Boij Rhetici limitis ducum, ut uenire in dubium nō possit, Limitis non Militis esse legendum. Sed imperator Rheticum limitem agnoscat: unde & Limitanei milites, qui milites tuerentur imperij. Cæterum & Riparienses hac forma, seu riparioli dicti uideri possint, qui fluuiorum ripas obseruant, quo uerbo recentiores scriptores scitent.

EXCVDEBAT ROB. STEPHA-
NVSTYPOGRAPHVS REGIVS
LVTETIAE, ANN. M. D. XLIIII.
VI. IDVS IVL.

